

HISTORIA
VITAE ATQVE MERITORVM
CONRADI
PEVTINGERI
ICI AVGVSTANI.

POST

IO. GE. LOTTERVM

Novis curis illustratam, multoque auctiorem

edidit

FRANC. ANTON. VEITH

AVGVSTANVS, Bibliopola,

Accedunt

CONRADI PEVTINGERI

&

Aliorum eius aetatis Eruditorum

EPISTOLAE INEDITAE LI.



Augustae Vindelicorum.

Apud Contr. Henr. Stage. MDCCLXXXIII.





P R A E F A T I O
FRANCISCI ANTONII
VEITH.

Inter eos , qui *Conradi PEVTINGERI* **ICTi** , Viri longe celeberrimi ,
ornamenti vrbis patriae , *Augustae* , longe
præstantissimi , laudes memorauerunt ; id ,
meo iudicio quidem , omnium optime præ-
stitit *Ioannes Georgius LOTTERVS* , iti-
dem *Augustanus* , edita *Lipsiae* anno
MDCCXXIX. *Vitae atque Meritorum Con-*
radi PEVTINGERI Historia , quam etiam
Augustanae Reipublicae Septemuiris , & ce-
teris *Patritii Ordinis Senatoribus* dicauit :
in qua , quidquid ad PEVTINGERI res
gestas illustrandas attinet , gnauiter sollici-
taque cura congeffisse videtur a) , adeo vt
(2 laudem

a) Post LOTTERVM vitam PEVTINGERI
nostri *Iacob. BRVCKERVS* , Ecclesiae Luthera-
no-

laudem , quam inde retulit industrius Auctor, omnem omnibus modis promeruisse censendus sit. Verum id dolendum magnopere , ea LOTTERO subsidia cuncta non adfuisse , quibus adiutus susceptam *Biographiam* penitus absolvere perficereque potuisset. Sensit hoc oppido acutus Auctor, atque ita probe animaduertit, vt in fine *Praefationis* suae , mox subnectendae, haud dubiis id verbis confiteri neutiquam erubuerit. Hinc factum, vt Vir Clarissimus *Andreas Felix OEFELIVS* , tum aliis nominibus multis , tum maxime editis *Augustae* , anno MDCCLXIII, *Rerum Boicarum Scriptoris* inclytus , quondam Serenissimo Principi CLEMENTI Bauariae Ducis ,

no • Evangelicae, Augustanae, Minister vulgavit in Libro: *Ehren-Tempel der deutschen Gelehrsamkeit* , p. 45. Sed , dum LOTTERVM , per capita praecipua eundo , summatim exscripsit , parum noui in medium protulit, in eo insuper magnopere hallucinatus , quod PEVTINGERVM Religionem Lutherano - Evangelicam tum consiliis fouisse , tum ipsum amplexum esse , falso asseueret; id quod LOTTERVS affirmare nulli ausus est ; & a vero alienissimum esse , multa per huius VITAE decursum , praepremis *Cap. I. §. VII. in Notis. & Cap. II. §. IX. num. II.* dicenda confirmant. His adde, quod Perillustri *Paulus a STETTEN iunior* in Libro: *Geschichte der*

ci, a *secretioribus Epistolis*, , & *Bauaricae*
Bibliothecae Praefectus, quem non ante
multos annos humanis & litterariae Rei-
publicae ereptum dolet bonus quisque;
cum bello *Bauarico*, post obitum Caesaris
Caroli VI. orto, exulem aulam secutus
Augustae ageret: liberumque ad Bibliothe-
cam *Peutingerianam*, quae *Collegii* olim
Societatis Iesu est, aditum obtinuisset,
magnam earum rerum copiam, quibus
LOTTERI Biographia suppleri perficique
posset, corraserit. Quin iuuat, ipsa *OE-*
FELII verba ex *Epistola*, anno *MDCCLVI.*
die *XXVIII.* Ianuarii ad me data, apponere:

Ad argumentum Epistolae tuae venio,
quod nobis PEVTINGERVS facit, muni-
ceps

der Augspurgischen Geschlechter, p. 189. famili-
am *Peutingerianam* vniuersam (vno *Ioanne Chry-*
sostomo, de quo inferius *Cap. I. §. VIII. num. VIII.*
dicetur, excepto) catholicae Religioni addictis-
simam fuisse asserat. Post *BRVCKERVM* me-
moratus Perillustris *Paulus a STETTEN iunior*
in Libro: *Lebens-Beschreibungen zur Erweckung &c.*
bürgerlicher Tugend, Tom. I. sibi *Nostrum* dilau-
dandum sumpsit; verum quia eo spectauit maxi-
me, non vt doctos, sed vt bonos ciues formaret;
id quod ipse Libri titulus praefert; quae sunt
litteraria, minus curauit. Honorifica insuper
Nostri, ex *LOTTERI Historia* hacce, breuibus
desumpta mentio fit in *Musaeo Mazzuchelliano.*
Venetis. 1761. Tom. I. p. 252. vbi Nummus, *No-*
stri effigiem gerens, exhibetur.

ceps tuus , vir summus , idemque optimus :
siue animi , siue ingenii dotibus aestimes. E-
ius reliquias litterarias excutienti gratulor ,
probe memor , quam id mihi iucundum atque
amoenum fuerit ; cum ante annos , aulam exu-
lem secutus , in illud Musarum sacrarium
leniendo , quem ex patriae publicis malis con-
ceperam , moerori admitterer. Si eo tempo-
re animum colligendis Rerum Boicarum Scri-
ptoribus adiecissem , poteram haud dubie ope-
rae pretium facere ; sed ego in longe alia ibam ,
quorum equidem non poenitet , sed quae ta-
men ad praesens institutum meum non faci-
unt. Consueuerat PEVTINGERVS libris
suis , quos plurimos selectissimosque pro illo
tempore parauerat , vel in fronte , vel ad
calcem , nec raro etiam ad oram subitanea
quaedam adscribere , non proletaria illa aut
publici saporis , sed selecta & singularia.
Subiit animum , oblata occasione peritura haec
colligere ; & mirabar mecum , olim non fa-
ctum. Ea , certo ordine disposita , PEV-
TINGERIANA inscribere placuit , Cl. FOR-
MAEI exemplo , qui e DVCATII libris DV-
CATIANA , pari instituto collecta , publici
iuris fecerat. Succreuit Spicilegium hocce
meum paulatim in iusti libelli molem. . . .
Hucusque OEFELIVS.

Quae

Quae PEVTINGERIANA b) cum Vir
iste clarissimus vt erat humanitate summa,
vltro ad me misisset: tum alia etiam quam-
plurima essent a me nouiter obseruata, vbi
anno MDCCLV. P. Henrici ADAM, Viri
multo humanissimi, eo tempore Collegii
Augustani Societatis Iesu Reſtoris, permis-
ſu ad memoratam *Bibliothecam* aditus mihi
patuit; subiit animum ſententia, *Hiſtoriam*
Vitae atque Meritorum Conradi PEVTIN-
GERI a LOTTERO contextam retexendi:
quae perperam ſcripta eſſent, emendandi:
quaeue deeſſent, ſupplendi. Hinc non
eſt, quod quisquam miretur, me vtpluri-
mum ipſiſſimis LOTTERI verbis vti. Pruden-
ti hoc minimeque vituperabili conſilio a
me factum autumo, duplici potiſſimum de
cauſſa: tum vt de LOTTERI *Biographia*,
facundiae & litterariae eruditionis plenissi-
ma, nihil plane, quod ſuo manere loco
poſſet, intercideret: tum vt praesentis
huius *Biographiae* amatores lectoresque be-
neuoli faſtidioſae neceſſitati eriperentur,

X 4

nouos

b) *Operis* huius adhucdum anecdoti ante me
mentionem honorificam fecit *Franciscus Chriſto-*
phorus de SCHEYB in *Peutingeriana Tabula itine-*
raria, p. 33. in *Notis*, vbi eiusem titulum
hunc recenset: PEVTINGERIANA. *Ex libro-*
rum marginibus & schedis Bibliothecae, in Collegio
PP. Societatis Iesu Augustano superſtitis. Anno
MDCCLII, menſibus aſſiſiis collegit F. OEFELIVS.

nouos faciendi sumptus in comparanda veteri *Lotteriana*, *Vitae meritorumque Conradi PEVTINGERI*, *Historia*, quam raram iam, minusque obuiam esse haud temere credo. His rationibus, omnino grauibus, motus id maxime curandum mihi duxi, vt suam *Lotterianae* operae laudem, quoad eius fieri posset, honoremque suum seruarem, iis solum, quae nouiter a me obseruata fuerant, adiectis atque insertis: emendatis item, quae emendanda esse videbantur.

APPENDICIS loco *Epistolas* LI. *anecdotas* (quantum scio) *Conradi PEVTINGERI* & aliorum Virorum ea aetate eruditionis laude insignium: tum ipsius *Conradi* de Republica litteraria bene merita: tum *Augustanam* eorum temporum rem litterariam illustrantes, subiungere placuit. Desumpsi eas, partem maximam, ex *Codice* quodam *MSS^{to} Epistolari*, saepius laudatae *Bibliothecae*, quem in *Appendice* ante ipsas *Epistolas* mihi fusius describendum seruo.

Institueram praeterea, *Opus antiquarium* seu *Epistolam Margaritae WELSERIAE*, vxoris *CONRADI* nostri dignissimae, inter eruditas suae aetatis faeminas meritissimo iure collocandae, ab vno exemplorum mox dictae *Bibliothecae* (nam bina ibi extant) descriptam subnectere; sed, quia in ea edenda a Viro Clarissimo *Hieronymo Andrea MER-*

MERTENS, Philosophiae Magistro, & Gymna-
sii Annaeani *Augustae* Rectore, praeventus
sum, quippe qui istam *Epistolam Augustae*
c) a^o MDCCCLXXVIII. typis exscribendam
curauit, a proposito abstinere certe debui.

Suscipe, Lector! hanc *Bibliothecae*
meae Augustanae particulam aequo animo;
ad quam primo loco, & seorsim a reliquis,
foras edendam eo lubentius animum indu-
xi, quod sola iustam libelli mensuram im-
pleat. Quod si conatum hunc meum pro-
bari Eruditis, & tam benignam abs iis
sententiam, ac mea DIATRIBE *de Origine*
& Incrementis Artis typographicae in urbe
Augusta Vindelica d) non sine maxima ani-
mi mei voluptate tulit, ferre intellexero:
inde ad proseguenda studia mea, & reli-
quas *de Vita & Scriptis Eruditorum Augu-*
stanorum Notitias nec vulgares, nec con-
temptu (absit inuidia dicto) omnino di-
gnas, typorum adminiculo publici iuris
faciendas magnopere incitabor.

c) Titulus sequens est: *Margaritae VELSE-*
RIAE, Conradi PEVTINGERI Coniugis, ad
CHRISTOPHORVM fratrem Epistola, multa rerum
antiquarum cognitione insignis. 8. Sumtu Viduae Klett
& Franck.

d) Praefixi hanc *Annalibus Typographiae Au-*
gustanae, ab eius origine MCCCCLXVI. usque ad
annum MDXXX. a Georg. Guiljelmo ZAPF Augu-
stae Vindelicorum. 4^o 1778. publicatis.

PRÆ-



PRAEFATIO

IOANN. GEORG. LOTTERI,

*N*on ignobile prorsus argumentum delegisse nobis videmur, beneuole lector, in quo curatius elaborando otium, quod a consuetis laboribus quandoque superest, honeste, & cum voluptate aliqua traduceremus; quum primam, litteris prodendi praesentem DE HISTORIA VITAE ATQVE MERITORVM CONRADI PEVTINGERI Commentarium, cogitationem suscepimus. Quum enim ille, siquis alius, suo exemplo vere exprefferit imaginem, qualem TITINII CAPITONIS descripsit PLINIVS, Lib. VIII. Epist. XII. Vir est optimus, & inter praecipua saeculi ornamenta numerandus: colit studia, studiosos amat, fouet, prouehit; multorumque, qui aliqua componunt, portus, sinus, praemium, omnium exemplum: ipsarum denique litterarum iam senescentium reductor ac reformator: & hanc ob rem non suae tantum aetatis hominibus celebratissimus exstiterit, sed etiamnum uiuat praeclare gestorum memoria apud eruditos; dignam certe rem pietate illa in patriam destinauisse existimauimus, qua omnes, qui nomen eius ingenio ac virtute adauxerunt, veneramur atque diligimus,

gimus; si tanti viri laudes Academica quadam scriptione, instaurare quodammodo instituissemus. Licet vero minime virium quapiam fiducia satis commode nos illud facturos esse confidamus; impulerunt tamen domestica civium clarissimorum exempla, quorum laudabili industria factum est, ut aliquorum ex Augustanis, doctrinae virtutisque famam consequutis, facta moresque ac merita singularibus exposita scriptis possideamus; quos inter vero haud exstitit haecenus, qui simili de PEVTINGERO commentandi studio duceretur; licet prae aliis meruisse istud in defunctum amoris officium censi possit atque debeat omnino.

Derelictam igitur provinciam honesto consilio occupaturi, postquam, quae passim in doctorum scriptis distributa exstabant Peutingerianae, tum vitae factorumque, tum scriptorum etiam, egregia monumenta, sollerti studio acquisivissemus; & deprehendissemus facile, superesse forte haud pauca, quae illis addi adhuc possent: adeundos hac de re decenter Patronos atque fautores Augustanos constituimus, atque exposita consilii ratione, impense rogandos, ut, quae perficiendae qualicumque nostrae operae inservitura cognovissent, benevole nobis impertirentur. Quos quidem adeo faciles in vota nostra experti sumus, ut, pro suo, tum rem litterariam iuvandi ornandique uniuersim, tum vero Augustani nominis gloriam promouendi studio singulari, transmitti illi certatim curarent praestantissimarum rerum farraginem; quibus vel inde maximum esse debet pretium, quod parum, aut prorsus non omnibus exploratae haecenus existant. Illos vero, uti & alios, quorum in nos voluntas atque industria suppetias nobis tulit, quemadmodum, suo singulos loco, cum debita reuerentia adpellabimus, ut cognoscant inde omnes, per quos in hoc argumentum

gumento profecerimus plurimum ; ita liceat iisdem ipsis , quos partim patronorum indulgentissimorum nomine , cum cura suspicimus , partim fautores atque amicos , colimus , gratias heic , quae tam insigni beneuolentiae debentur , longe maximas agere uniuersim ; quod idem , speramus , facient , quicumque voluptate aliqua cognoscendarum rerum capiuntur , quibus , siue res litteraria uniuersa , vel Augustana figillatim , conlustratur.

Visum autem est duobus praecipue capitibus argumenti summam complecti ; ita , ut primo quidem , quae ad ipsum vitae illius cum laude omnium summa transactae historiam , & personam , quam in Republica non sine meritis eximiis sustinuit , proxime spectant , perensemur ; altero vero , quae inter suae aetatis eruditos pro amplificandis scientiarum terminis & litterariae ciuitatis incrementis egit longe plurima , & quibus maxime effecit , ut nominis ipsi aeternitas debeat , cum cura exponamus. Licet autem nulli dubitemus , futura forsitan esse aliqua , quae , secundo isti praesertim capiti , ad omnimodae perfectionis laudem adhuc desint ; nolimus tamen illam ob rem operis diuulgationem diutius differre , sed , intelligentium auctoritatem sequuti , seruare illa posterioribus curis constituimus , ubi , cum animus sit , plena eruditionis , antiquariae maxime atque historicae , PEVTINGERI Opuscula , in unum corpus conlecta typis aliquando excudenda mandare , emendatam simul praesentem commentationem in manus hominum iterum emittemus. Vale , lector , & ne desint umquam illis , qui studia colunt , TITINII CAPITONES , ne desint PEVTINGERI , mecum precare.



PRIMI CAPITIS DIVISIO ET OIKO- NOMIA,

Q V O

HISTORIA VITAE ATQVE MERITORVM CONRADI PEV- TINGERI IN REM PVBLI- CAM AVGVSTANAM CON- TINETVR.

- I. *Patria, AVGVSTA VINDELICORVM, vrbs nobilissima.*
- II. *Maiores, avita nobilitate insignes, a saeculo inde XIII. recensiti: parentes item, annus atque dies natalis.*
- III. *Puerilis educatio, & prodeuntibus annis litterae in Italiae Academiis cultae.*
- IV. *In patriam reducis comparatae antiquariae cognitionis Specimen editum.*
- V. *Ἀρχιγερματεος provincia; muneris item huius rationes, frequentibus praecipue legationibus, rei publicae causa susceptis, egregie expletae.*
- VI. *MAXIMILIANI I. Imperatoris insignis clementia, & consiliarii titulus, quo ipsum cohonestavit.*
- VII. *Virumque apud Successorem CAROLVM V. Augustum servatum; merita simul in patriam novis accessionibus aucta; honestum tandem aetate prouecta otium.*
- VIII. *Status domestici ratio; vxor; familia numerosa, patriciae nobilitatis decus consequuta.*
- IX. *Nepotes, &, qui ab illis prognati, Peutingeriae gentis nomen ad eius usque occasum sustinuerunt.*
- X. *Exitus ex hac vita beatissimus, & monumentum coniugis ac liberorum pietate positum.*

Cum recte illi communi sapientum iudicio censere existimantur, qui egregiam optimi cuius-
A que

que ciuis virtutem atque praestantiam ad eius vrbis, in qua natus altusque est, laudem pertinere statuunt; tum vehementer illi contra errant profecto, qui *patriae* celebritatem ad solidum cuique decus conciliandum apud prudentiores multum facere arbitrantur. Quemadmodum enim ignobili loco editos, praeclare factis nominis sibi perpetuitatem impetravisse nouimus haud paucos; ita etiam illorum ingens maxime est numerus, qui inlustri quidem vrbe prognati, quum nihil genituli solo dignum fecerint vnquam, alienae gloriae inconsulta iactatione ludibrium debeant sagacioribus. Qua ex re fit, vt, CONRADI PEVTINGERI *historiam* commentandi auspicium facturi, nolimus nos quidem laudum ipsius initia a *patria* capere; quam *Augustam Vindelicorum* fuisse comperitum est. Licet enim illa inter principes, non *Sueviae* tantum suae, sed *Germaniae* vniuersae, vrbes plurimis longe ornamentis sit conspicua, quibus singulae aliae florent singulis: antiquissimae, puta, originis gloria; commerciorum, ad vtrosque pridem extremos Indos prouectorum fama; incolarum, qua animi, qua corporis, praestantia; artificum cultissimorum celebritate; & quae alia sunt, naturae partem, partem fortunae, dona: haec vniuersa tamen ita comparata sunt, vt propriae in *nostro* laudis materiam praebere haud possint; quin contra potius ipsa de PEVTINGERO *Augusta patria* tanquam praecipuo, inter quamplures alios, a) suo ornamento debeat gloriari.

a) Enim vero, non adeo tenuis est virorum doctrina atque virtute maxime insignium numerus, quos *Augusta* tum ipsa protulit, tum in sinum suum delatos gratiose fuit. Illorum nomina post ANTONIVM REISERVM in indice *MStorum biblioth. Aug.* pag. 119. sed extemporaliter

porali saltim, quod solet, industria laudavit IOANNES ANDREAS QVENSTEDIVS, in *dialogo de patriis illustrium virorum* pag. 154. 156. magis vero curate clarissimus IOANNES CHRISTOPHORVS VENDLERVS in dissertatione secunda de *meritis reipublicae Augustanae in rem litterariam*, Ienae anno MDCCXIII. edita; qui tamen ipse index accessionibus admodum copiosis exornari posset. Vtrorumque passim in vulgatis *biographorum* commentariis memoria conseruata est; ut vero singulari studio ipsorum *historia* percereretur, paucis adhuc dum contigit. Hos inter meritis eelogiis posteritati commendatos nouimus GEORGIVM HIERONYMV M VELSCHIVM, cuius *memoria, sive historia vitae*, ab illustri viro LVCA SCHROECKIO *Augustae Vindelicorum* an. MDCLXXVIII. 4. edita est; MARCV M VELSERVM, cuius *vitam Norimbergensi Operum* ipsius editioni an. MDCLXXXII. fol. praemisit CHRISTOPHORVS ARNOLDVS; MATTH. FRIDERICVM BECKIVM, cuius *Memoriam Academica dissertatione Vitebergae* an. MDCCIII. habita ab obliuione vindicauit ESAIAS VEIDIVS; & ELIAM EHINGERVM, de cuius *vita & scriptis* luculentus exstat clarissimi IACOBI BRVCKERI commentarius, *Aug. Vind.* an. MDCCXXIII. 8. impressus; quibus nuper demum accessit ACHILLES PIRMINIVS GASSARVS, ab illustri viro, IOANNE BVRCARDO MENCKENIO, in *praefatione primi tomi Scriptorum Germanicorum*, & laudato mox IACOBO BRVCKERO, singulari commentatione in X. *Tomo amoenitatum litterariorum* eruditissimi SCHELHORNII primo loco exstante, commendatus. Conf. clar. BRVCKERI *Ehrentempel der deutschen Gelehrsamkeit*, & ejus quoque *Miscellanea historiae philosophicae, litterariae, criticae*, in quibus multa clarorum eruditione virorum Augustanorum extant elogia. Similiter Paul. a STETTEN junior plures *Augustanos* praeclare factis insignes dilaudavit in opere: *Lebensbeschreibungen zur Erweckung &c. &c. bürgerlicher Tugend* 2. vol. 1778. Plura dabit *Bibliotheca mea Augustana*.

II

Hanc vero vibem primus fortunarum sedem delegisse sibi videtur ex maioribus nostri CONRA-

A 2

DVS

HISTORIA VITAE

DVS a PEUTINGAV, qui anno MCCLXXXVIII.
ex Boicaria domicilium suum *Augustam* transtulit.
illius civitatis mox iura adeptus; quod idem tri-
bus post annis ipsi sanguine continēti VOLCMA-
RVS & HERMANNVS a PEUTINGAV fecisse
perhibentur. Prisca illi atque nobili in primis
provinciae istius propriū, ac haud pro-
men a pago Peutingau ipsi oriundi; paulis-
cul a Schongauio ad Licum sinuiū sito, haud li-
quod, postquam *Augustam* concessissent, illud
per sunt immutatum, atque illi Peutingeri vel *Peu-*
tingaveri adpellati b) sunt. De VOLCMARI &
HERMANNI posteris quid factum sit, traditur.
quod; eorumque vetustate memoria sit, haud li-
solum constanti annalium Mstorum fide traditur.
existisse olim circa eadem tempora abiit. Illud
nomine Virgini dicato epitaphium, Peutingerorum
pergam, asserendum. Hic, antequam ulterius
Scriptorum Rerum Boicarum a Cl. Viro ex Fel-
OEFELIO editorum, p. 737. habentur ex Libello
primariarum precum & alimontiarum a Ludovico Car-
sare collatarum precum & Capitulo in Bischoff-
legere est: Item Decano & Augustae, pro
cell pro Ulrico, filio Peutingerii de *Ulricus*, pro
canonicatu & praebenda. Verum cuius CONRADVM
fuerit, quis in tantis tenebris divinabit? Qui ve-
ro, CONRADO patre editi ad Peutingerianam
usque nostrum serie non interrupta CONRADVM
cuius sustinuerunt, singulari hic tabula sistuntur.
sta est ab inlustribus viris, MARCO benevole fa-
PHORO VELSERO & Septemviro reipubl. Aug.
splendidissimo; & VOLFGANGO IACOBO
SVLTZERO Senatore amplissimo; a viris itidem

SADI MAIORES EXHI.

; vxor 1) *Magdalena, vxor Mel-*
na Ifungia ; chioris Stunzii , A.
tha Schleich- 1494.

2) *Sigismundus ,*
Georgius ,
 vxor Ioannis *Martha , vxor Ale-*
xandri Schuarzii.

CONRA
 PEVTI
 uitate
 donatur
 xor N.

An. (**)*CONRADVS IV. PEVTIN-*
GER, I.V.D. Confil. Caesar. vxor
MARGARITA VELSERIA, An.
1498.

Anna, vxor Leonis Rauensburgeri.

VOLC
 HERM
 PEVTI
 1291.
 ftanae
 confeq
 illorum
 plane
 VLRI
 TINGE
 de quo

Teutonic

chaimb , An. 1425.

(*) H

(**) *udiofiffimus , hanc reddit rationem. Chnon-*
radum A Hoc OEFELIVS in PEVTINGERIANIS fa-
is notau

generosis MARCO CHRISTOPHORO KOCH a GAILENBACH, *Senatore* grauissimo, & IOANNE CHRISTOPHORO LANGENMANTELIO *Dicafterii Adfessore* spectatissimo; qui, vti singuli tum meritis in *patriam* reū singularibus quisque fulgebant, tum illam ornandi quocumque modo studio incredibili ducti sunt; ita ipsorum beneficio debet vnice, quisquis rerum *Augustanarum* cupidus *Peutingerianae gentis* praesenti notitia delectatur. Mire hanc *tabulam* breve schema confirmat, manu ipsius CONRADI *nostri*, quibusdam *Ciceronis* operibus anno 1485. *Venetis* impressis praescriptum partim rubris partim nigris elementis c) Est autem tale :

Hofmair Peutingere *Moerlin* Peutinger

Relingerin

Peutingerin *Welfer* Morlerin *Beitinger*

Frickingerin

Rem

Peutingerin *Hoechstetter* Peutingerin.

Ceterum mercaturam plurimos exercuisse, aut rei publicae admotos eo tempore, quo imperii summa penes tribunos plebis fuerat, *patriae* commodis consuluisse, itidem constat. Constat vero simul, falsos esse ADAMVM d) atque FREHERVM, e) qui VLRICVM *aurisabrum*, CONRADI II. *filium*, *patrem nostri* adlegant, loco quodam CRVSII f) decepti; qui instituti ab eodem VLRICO in *Suburbio Augustano* *Iacobaeo* balnei calidi, (*das Peutinger - bad* vulgo dicti) ex *annalibus* GASSARI meminit, & ipsum *Peutingerianae familiae* inter *patricias* iam dum, quum haec scriberet CRVSIVS, cooptatae *parentem* conlaudauit; instituta etiam cum GEORGIO SIGISMUNDO SELDIO, Imperatoris CAROLI V. Cancellario,

itidem GEORGIO SELDIO, *aurifice Augustano*, patre edito, comparatione. Immo vero patet genitore gauisum esse nostrum CONRADO, IOANNIS filio, & BARBARA matre, GEORGII FRICKINGERI, honesti viri, & ELISABETHÆ PELLICOFERIÆ, filia, quae enixa illum fuerat a. d. xv. Octobr. an. CCCCCLXV. magna suae olim virtutis patriae daturum exemplum.

b) Exstat huius cognominationis memorabilis admodum ratio in scripto quodam adhuc anecdoto CLEM. IAEGERI, *Augustani* quondam Senatus ministri, & patriarum rerum intelligentissimi viri, an. M DLVIII. hoc titulo: *Eine Schutz- und Verantvorthung des vralt adelichen Geschlechts der Herren Rehlinger, ietzt in Augspurg, betreffend* rel. exarato, in quo, quum demonstrandum sibi IAEGERS sumisset, REHLINGEOS, patricii ordinis viros, licet haud amplius de Rehlingen nuncupentur, nihilo minus tamen vere nobili & antiqua stirpe editos fuisse, exemplo haec PEVTINGERORVM comprobatur, addit: *Solcher gestalt mecht auch den herren Peutinger beschehen, vvelches Geschlecht laut E. E. Raths Burgerbiechlein die von Peutingaw erstlich genant geuwesen, denn also vviirdt in dem gemeldten biechlein beschriben funden:* „A. 1288. wirt Conratt von Peutingaw Burger, und thu, et das Iurament. Volgends an. 1291. Volckmar vnd Hermann von Peutingaw, vwie sy dan auch ein Grab-schrfft haben, vvelche auf der finstern Grett geuwesen, vvelch die Jarzal an. 1282. mit sich bringt. Wie kemen den die guten herren, so man ietzt die Peutinger nennt, darzu, das man sy ihres alten herkommens berauben und sagen vvelt, das sy von anderen, und nit diesen Geschlecht, so sich von PEVTINGAW genant vnd geschriben, herkommen, noch ihren anfang genommen haben; so doch nichts geuvisers ist, denn das sy von diesem Geschlecht herkommen und ehelich erboren sein. Communicata haec Lottero fuerunt beneuolentia generosi viri MARCI CHR. KOCHII a Gailenbach, quem modo itidem appellauimus.

e) Ita Peutingeriana V. CL. OEFELII,

d)

d) MELCHIOR ADAMI, in *vitis Ictorum*. pag. 76.

e) PAVL. FREHERVS, in *theatro eruditorum*. part. II. Sect. IV. p. 823. f.

f) MARTIN. CRVSIVS, *annalium Sueuicorum*. Do-
decad. III. Lib. VI. p. 347.

III

Puerili aetate mature ad honestatem omnem formari illum oportet, qui, adolescentibus annis, amplissimos solertis culturae fructus edere expectatur. Licet igitur nullis testibus adiuti referre possimus, quid noster tunc egerit, quum *pueritiae* adhuc illum ratio intra parentum contubernium g) contineret; quippe non solent plerumque adeo adtendi, nedum posteris studiose mandari, quae pueri designamus: consentaneum tamen admodum est, si ex vitae postea actae instituto iudicium fiat, in matris sinu ipsum indulgentiaeque educatum, omni honestarum artium virtutisque cultu gnauiter fuisse imbutum. Hanc autem parentum curam quum bona integraque natura, & erectum CONRADI ingenium iuaret, vbi de eligendo vitae genere statuendum iam erat, explorata iuuenis egregia indole, deliberato consilio optimis studiis consecrandis iidem destinarunt; quae, vti extra patriae limen adolescentior factus proferret, in *Italiam* missus est, communem & praecipuam illa aetate studiorum, praeter alias Europae cultioris prouincias sedem atque magistram, & in quam ad capiendam ingenii liberalioris culturam nemo non concedere solebat. Floruerat enim illa tum maxime, si alias umquam, doctissimorum hominum clarissimis exemplis; iis potissimum, qui mansuetiores litteras in pristinum atque simile prisci aevi decus

restituere omni opera connitebantur. Silent, qui de industria ante nos *Conradi vitam* commentari adgressi sunt, HENR. PANTALEON, *h)* MELCHIOR ADAMVS, PAVLLVS FREHERVS, *i)* ANTONIVS TEISSIERIVS, *k)* GEORG. SCHVBARTVS, *l)* LVDOVICVS MORERYVS, *m)* & IOANNES CHRISTOPH. VENDLERVS, *n)* quae praecipue Italicae regionis loca studiorum causa accesserit, quosue magistros sectandos sibi proposuerit? *Lotterus* vero proprio, eodemque duplici, ipsius testimonio edoctus monet *Patavium o)* atque *Romam* ante alia Gymnasia suae disciplinae alumnum PEVTINGERVM aliquot annis complexa fuisse: et illic quidem, quamvis per omnes artes, quas vsui olim atque praesidio, quin ornamento quoque, futuras sibi praeuiderat, alacrem animum circumtulisset; legali tamen maxime, ex parentum voluntate, scientiae operam dedisse *p)*; heic vero, POMPONIO LAETO doctore *q)* vsus, homine *Romanae antiquitatis* ad superstitionem usque studiosissimo, tantam ex praeceptoris caritate huius generis cognitionis amorem concepisse, ut per integram post haec vitam, quidquid a publicis grauioribusque negotiis vacuum datum fuerat temporis, in illa, neque sine posteritatis aliquo fructu, excolenda contriuerit.

Et Patavium quidem ante alias omnes civitates a parentibus *Nostrum* missum fuisse, satis constare videtur; ibi humanitatis studiis *r)* a *Matthaeo* COLLATIO imbutus est, ut ipsemet testatur in Catalogo Bibliothecae suae, ubi de *Matthaeo* COLLATIO haec habet: *scripsit inter alia de Fine Rhetorices. Hic fuit primus praeceptor me-*

us Patavii in studiis humanitatis. Id aliquanto ante annum 1482. tempore factum fuisse, ea declarant, quae ad oram *Volaterani* sui ipse adscripsit : *Cam Bonaventura a Sixto IV. in catalogum Sanctorum* (fuit is annus 1482.) *referretur, sui tunc scholaris Patavii*, iuris, ni fallor, civilis; quod clarius exprimit in Opere ad *Wolfgangum Anemoecium* de Vocibus *Vespertilio*, & *Vespillo* scripto, ubi haec leguntur : *Commemorabam quoque me Patavii tercio supra octuagesimum & quadringentesimum salutis anno, cum Iuri civili operam darem &c.* Quibus vero Magistris Patavii usus sit, ipse hinc inde designavit; Hi fuerunt HERMOLAVS BARBARVS r) IOANNES BAPTISTA ROSELLVS t) IASON MAYNVS u) AVGVSTINVS BALBVS x) PETRVS MARSVS y) PAVLVS de CASTRO, ALEXANDER de NEVO z) BAPTISTA a BLASIO a) IOANNES CAMPEGIVS b) PETRVS & PETRVCCIUS BAGAROTTI c) IOANNES IACOBVS CANIS d) Patauio Bononiam abiit, ibique PHILIPPO BEROALDO operam dedit e) sed & Florentiam discendi causa se contulit. Harum rerum luculentissimum testimonium ipse nobis reliquit in opere ad *Anemoecium* supra laudato : *Annis deinde sequentibus ait, cum Bononiae tum Florentiae Ioannem Picum Mirandulanum, Angelum Politianum, & Philippum Beroaldum vidi, & ut erant non solum eruditi, verum etiam humanitate & benevolentia praediti, ac ad amicitiam ineundam contrahendamque faciles, aditu saepius ab ipsis habito disputationes eorum de litteratura, philosophia, & politioribus scientiis audiui &c.* Romae vero, praeter Pomponium LAETVM, Petrum MAR-SVM f) quem antea PATAVII, iterum audiuit. Inibi Innocentium VIII, summum Pontifi-

cem, & Alexandrum VI. tum Cardinalem ad-
huc, sese allocutum fuisse, ad *Platinam* suum
ipse adnotavit.

g) Patris cura atque institutionibus haud diu frui licuit
Nostro; quippe quo mature orbatum CONRADVM fuisse,
ea comprobant, quae in subsequen-
tibus *Notis de Hermolao Barbaro & Curatorum imperio* (cui subsuit
Noster studii Patauii vacans) afferuntur.

h) PANTALEON in *Prosopographia heroum atque vi-
rorum Germaniae illustrium*, part. III. p. 29.

i) ADAMI atque FREHERVS locis modo citatis.

k) TEISSIERIVS *Eloges des hommes sçavants de Mr.
de Thou avec des additions*, tom. I. p. 14.

l) SCHVBARTVS in praefatione, editioni Ienensi
sermonum coniuualium PEVTINGERI, de qua secundo
capite amplius dicetur, praemissa.

m) MORERYVS *le grand Dictionnaire historique*, tom. V.
p. 869. editionis postremae *Parisiensis*. Auctores item *Le-
xici germanici uniuersalis & Eruditorum*.

n) WENDLERVS supra laudata dissertatione, Cap. II.
§. I. p. 45.

o) Extat inter MSta PEVTINGERI, de quorum fati-
s uberiori secundo loco narrabimus, liber aliquis adnota-
tionum, in cuius ipse fronte notauit propria manu
CONRADVS, quod incepit illum scribere tunc Scho-
lasticus Iuris Patauii, an. MCCCCLXXXVI. ceterum
reuerisset adeo locum noster inter illustres Gymnasii Pa-
tauii clus, quorum vitas altero *historiae Gymnasii Pa-
tauii* tomo, *Venetis MDCCXXVI.* fol. eleganter descri-
psit V. C. NICOL. Comnenus PAPADOPOLI, Professor
Patauius primarius. Eiusdem cum Papadopolio culpa-
e affinis est FACCIOLATIVS, qui in *Fastis Gymnasii Pa-
tauii* anno 1757. a se editis ne verbulo quidem de *Nostro*
meminit.

p) Quanto ardore in juris civilis studium incubuerit,
ex eo patet. quod anno 1484. in villam *Aprozolo* diuertens,
prima Septembris in *Lecturam Christophori Porchi super I.
II. & III. Institut.* cum *Addit. Iasonis Mayni, Papiae
per Iulianum de Zerbo.* 1483. V. Id. Oct. excusam, Ti-
tulum indicem adiecit. Similem indiculum Constitu-
tionum

tionum Feudalium ad *Iacobi de Aluarottis Patauini Opus super Usus Feudorum*, fol. mai. Venetiis. 1477. excusum, anno 1486. 22. Mart. adposuit, adiecto voto:

Dii frugi seruate virum, seruate libellos!

Praeterea, quanta contentione Nilce immineret, prodidit verbis Baldi exemplari adscriptis: *Quoties discere non erubescio; famesco, micās de ore prudentum cadentes rumino*. Ita testantur Andr. Fel. OEFELII *Peutingeria*.

q) POMPONIVM LAETVM, qui vitra triginta annos humaniores artes Romae miro cum plausu docuit, anno tandem MCCCCXCV. vita functus (quod erudite contra dissentientes plerosque demonstravit doctissimus DE LA MONNOYE, in *Diss. de Pomponio Laeto* gallica, tomo secundo librorum ADRIANI BAILLET, *Jugements des sçavans* vel inscriptorum pag. 232. 243. editionis Paris. MDCCXXII. 4. vulgatae, inserta) ipse praeceptorem suum adpellat CONRADVS in *sermonibus consualibus*; vbi simul ipsius sententiam, quasi Itali prae Germanis imprimendi ortem multis ante saeculis calluissent, candide confutat. Vnde constat proximis fere ante obitum POMPONII annis ipsius institutione atque amicitia nostrum gauisum esse.

r) Ita docet Andr. Felix OEFELIVS in *Peutingeria* suis, ex quibus sequens, de praeceptoribus Nostri per Italiam, notitia omnis desumpta est.

s) Hermolao Barbaro, cum iuri ciuili Patauii studeret, operam dedisse se anno 1483. in laudato *Opere ad Anemocium* testatur; de Eodem ad Lib. 3. c. 1. fol. 57. *Genialium dierum Alexandri ab Alexandro*. Paris. 1532. haec annotauit Noster: *Hermolaum illum Barbarum, Patrium Venetum singularis probitatis & maximae eruditionis, Patauii, dum iuri ciuili operam daremus, vidimus: & parum absuit, quin secum, cum ad Caesarem Maximilianum ab Illustri. Senatu Legatus designatus fuerat (ita enim me admonuit) in Germaniam rediissem; sed adhuc sub Curatorum imperio eram, Patauii remansit.*

t) De I. B. Rosello hoc in *Indice MSSto Iurisconsultorum* habet Noster: *Fuit praeceptor meus, & ordinarius in iure ciuili Patauii de anno Domini 1483. & 1484.*

u) Ias. Maynum in mox citato *Indice* sic commendat: *Ias. Maynus Mediolanensis, praeceptor meus in Gymnasio Pata-*

Patauino, in lectione iuris civilis matutina. Insuper ad Praefationem commentarii in I. & II. partem Codicis a memorato Mayno confecti, & anno 1519. 26. Aug. a Jac. Marefchall, Lugduni, excusi adposuit Noster sequentia: Ea praefatio habita est a Mayno ad discipulos suos Paduae anno 1486. 19. Oct. Ego Chuonradus Peutinger Augustanus I. V. Doctor, anno & die, de quibus hic, unus ex auditoribus praeceptoris nostri D. Ias. Mayni Patauini praeiens fui.

x) De August. Balbo haec Noster ad Edit. Operum quorundam Ciceronis, Venetiis, 1481. impressorum, in fine adscriptit; August. Balbus Patauinus mihi Patauii interpretatus est M. T. Ciceronis de Officiis, per menses V. finemque imposuit lectioni die VII. Iulii, Ao. salutis MDLXXXIII.

y) Eosdem Ciceronis libros anno 1484. a Petro Marso sibi Patauii explanatos esse, ipse Peutingerus testatur in Officiis Ciceronis, a memorato Marso editis.

z) Paulum de Castro & Alexandrum de Nevo se Patauii vidisse & audivisse, ipse testatum reliquit; uti monent Andr. Fel. OEFELII Peutingeriana.

a) Baptistae a S. Blasio sese operam ibidem dedisse, docet Noster in Catalogo MSSo de claris Legum Interpretibus.

b) Idem fere de Joanne Campegio monet. Ita Andr. Fel. OEFELII Peutingeriana.

c) Andr. Fel. OEFELII Peutingeriana habent: „Ad vocem Bagarottus ita Peutingerus ait „Ego Chuonradus Patauii habui duos praeceptores huius nominis, an vero huius familiae, me latet, scilicet Petrum a Bagarotte in canonico, & Petruccium in civili iure.

d) Hunc senem admodum pro paeceptore habuimus in lectione serotina iuris canonici, scribit Noster in Tractatu de claris Iurisconsultis, teste Andr. Fel. OEFELIO in Peutingerianis suis.

e) Ita Andr. Fel. OEFELIVS in Peutingerianis.

f) Ita mox laudatus OEFELIVS l. c. qui & Caium Pontium Siculum quendam ante memoratis Magistris Nostri accenset; sed omisit Noster indicare, ubi eum audiuit.

IV

Tot tantorumque virorum praeceptionibus formatus, & academicae vitae rationibus sapienter ita institutis, non more multorum, qui aurea illius libertate in lasciviam conuersa, segniter animum optimis studiis adplicant, ac titulum & incitiam referunt in patriam, *Augustam* rediit *Noster*; at AGRICOLAE, apud *Tacitum* c. 5. com. 3. in *Vita Iulii Agricolae*, exemplo noscere doctos, nosci doctis, discere a peritis, sequi optimos, cynosuram sibi studiorum constituens, illud consequutus est, ut ab omnibus, siue artium siue iuris doctrinae, studiis abunde instructus & *Doctoris* in utroque iure nomen ac insignia cum publica laude adeptus, patrios lares reuiferet. Istud ante annum 1488. aut certe ipso anno 1488. factum esse, ea satis declarant, quae *Noster* ad *Epistolam Petri-Schoti Argentinens. Patritii I. V. Doctoris ad M. Vitum Moeler de Memmingen ex Argentina prid. Kal. Iunii 1488.* de captiuitate *Maximiliani I.* apud *Brugenses*, scriptam, adiecit: *Ego tunc Aquisgrani primus eram, qui liberationem regis, a nuntio delatam, intellexi, moxque Cancellario significauit, qui e lecto surgens Caesarem Fridericum de ea certiore fecit.* Certe anno 1488. 16. Mai. *Maximilianum I.* e custodia dimissum fuisse, *FVGGERVS* in Libro: *Oesterreichischer Ehrenspiegel*, tradit.

Augustae autem dum commoraretur *Noster*, factum est non multo post, ut occasionem forte nancisceretur, specimen *Notitiae* suae antiquariae insigne in publicos usus edendi. Scilicet ab longo inde tempore in templo *D. Vdalrico* sacro seruaban.

uabantur ossa *D. Xymperti*, venerandi olim Ecclesiae Augustanae antistitis, in tumba quadam saxea: Huic tumbae, veluti mos erat antiquitus, inscriptae legebantur solennes litterae D.M. quas, cum *Diui Monumentum*, non quidem omnino inepte, at tamen minus recte interpretari consueuissent rei antiquariae indoctiores, errore monstrato PEVTINGERVS, *Diis Manibus* legendum docens, occasionem dedit, vt sublato pridie Kal. Decembr. 1491. ex templo isto lapide, *S. Xymperti* cineres sacri in aereo sarcophago conderentur g), quae ipsae sacrae exuviae cum anno sequenti feria II. Paschae non sine mira pompa translatae sunt, *Noster* ei solennitati, qua testis, interfuit; vti docet *Instrumentum publicum a Friderico*, episcopo Augustano corditum, a *Bernardo PEZIO*, Tom. II, p. III. *Thesauri Anecdotorum*, p. 447. 451. publicatum.

g) Referunt hoc GASSARVS in *Annal. Augsbург.* ad hunc annum, inter *Scriptores Menckenianos*, t. I. p. 1703. & ex eodem CRVSIVS *Annal. Suevic. Dodec. III.* l. 9. p. 495. penes quos fides esto.

V

Non poterat sic latere diu nostri virtus, quin optimi cuiusuis in patria oculos atque animum in se conuerteret; splendidior mox futura, vbi aequos sui aestimatores indepta fuisset. Etenim anno circiter MCCCCXCIII. conscripti reipublicae *Augustanae* patres, perspecto ciuis sui ingenio, agendis rebus publicisque negotiis expediendis apto, *Scribae h)* ipsi ciuitatis honestissimam prouinciam imposuerunt; quae non nisi impense doctis, atque eloquentiae in primis laude florentibus

bus

bus viris mandari consuevit. Hac ille auctus atque ornatus, nullam tum de magistratu, tum uero de ciuibus bene merendi occasionem temere praetermisit. Praefuit hoc ipso tempore rerum in imperio summae diuus MAXIMILIANVS I. princeps in tantum celebrandus, in quantum AVGVSTI virtutes vel mente possunt concipi. Hic, quod publicae vtilitatis ratio postularet, comitia instituebat admodum frequentia; quorum autem nullum fere celebratum est, cui non *Senatus populiq; Augustani* nomine interesse iuberetur PEVTINGERVS. Diligentissimus patriae rerum scriptor GASSARVS, ad singulos *Annalium* suorum annos curate singula memoriae prodidit comitia, atque simul quae partes ibi fuerint *nostri*, indicauit. Liceat inde per summa quasi capita eundo, quae ad huius argumenti rationes pertinere videbuntur, transferre; quod partim illud institutum exigit, partim vero quam multiplicia & quantae, pro patriae commodis, negotia solus ille tunc sustinuerit, luculenter inde possit cognosci: quae simul occasione illa sedulo commemorabuntur, ubi in priuatis etiam causis ad variorum Principum aulas *Orator* missus, muneris sui partes omnino expleuit. Scilicet A. MCCCCLXXXVI. ad comitia *Lindaviae* habita legatus abiit, i) ubi Heluetii ad sustinenda communia imperii, quibus se subtraxerant, onera adhortati, ac statuta pro confirmando Camerae imperialis tribunali nouiter erecto, condita fuerunt. Anno 1497. secundo *Wormatiensi* Conuentui Regio sub Maximiliano interfuit, quod patet ex IOANNIS de PLATEA *super tribus libris Iustiniani codicis lecturis ibidem emptis* k). Biennio post, Septembri mense, comite IOANNE LANGENMANTELIO, urbis *Consule*,
comi-

comitiis *Eslingae* denuo frequentatis interfuit, in quibus, *Suenici*, quod tum vocabant, *federis* leges de communi sociorum voluntate renouabantur. l) Retulit concilii huius *acta* in Commentarios noster, *Augustae*, ubi rediisset, typis clam mandatos, cuius tamen, quod GASSARVS addit, *libelli copia nemini, nisi summis sociorum magistratibus, facta fuit.* Ineunte fere anno MDI. cum ANTON. BACHO, *Senatore, Heidelbergam* missus est, ad exsequias MARGARITAE principis, *Palatini Electoris coniugis*, reipublicae nomine celebrandas. m) Sequenti anno fere medio quum MAXIMILIANVS imperator in ipsa urbe *Augusta Camerale iudicium* institueret, noster *Fiscalis*, quem vocant, titulo ipsi *Caesari* adfuit, & ad Hispanorum-Venetaeque reipublicae legatos verba fecit. n) Sub auspiciu anni MDV. legationis socio, GEORGIO VETTERO, *senatore*, sententiam *Caesaris*, *Oeniponte* tunc commorantis, pro magistratu rogauit, de supplicio facinorosis quibusdam impuberibus inferendo, a quo municipali *Augustanarum legum* codice aetate minores absoluerentur. o) Biennio elapso quum communi *senatus Augustani* voluntate leges aliquae emendatae, aliae sublatae, & nouae quaedam ex praesentis status usu conditae fuissent, ad VII. diem mensis Martii hae ciuibus, PEVTINGERO interprete, solemniter publicatae fuerunt. p) Alia anno MDXIII. legatio ad *Caesarem Nostro* destinata fuit, de qua ipse in haec verba scribit in *Epistola ad Mich. Hummelbergium* (Vide *Appendicem* huic *Vitae* subnexam n. XV.) *Designatus sum ad Caesarem pro Confoederatis meis Orator; sed an ire velim, ex animi sententia nondum constitui: quod iter longum, atque non satis tutum.* Quem.

Quemadmodum autem in incerto est, an hanc legationem *Noster* obierit: ita etiam dubium manet, vtrum *Rei publicae*, an vero *litterariae* potius causa illa obeunda fuisset. Scrupulum iniicit animo vocula: *meis*, qua (puto) usus *Noster* non fuisset, si negotium publicum tractandum fuisset. Anno MDXVII. *Monachium* caesarea auctoritate delegatus abiit q) ad lites, quae inter ciuitatem atque uicinos *Bauaros* super *Lici* fluminis ripis intercesserant maxime infestae, componendas. Caeterum PEVTINGERVM nostrum *Aquisgrani* anno 1488. substituisse, quibus de causis latet, superiore paragrapho monui. *Viennam* quoque siue ablegatum, siue sua sponte profectum esse, ex iis constat, quae de lapide antiquo: *Ioui Scra-pidi sacrum*, inscripto, ibi a se viso memoravit. r) *Romam* etiam a senatu patrio negotiorum quorundam conficiendorum gratia missum fuisse, tradit *Clement* IAEGER. s)

h) Passim in *Annal.* GASSARI uocatur *Ἀρχιγραμμα-τευσ*, & p. 1795. *scriniorum magister*; ab aliis *Reipublicae a secretis*, a consiliis &c.

i) GASSARVS ad h. a. p. 1721. CRVSIVS. p. 3. l. 9. p. 307. CAROL. STENGELIVS *Comment. Rer. August.* p. 2. c. 62. p. 251.

k) Haec *Andr. Fel. OEFELIVS* in *Pentingermanis*.

l) GASSARVS p. 1724. Ceterum de hoc foedere confer. *SLEIDANVM de Statu Religionis*, l. 4. sub finem: *HORTLEDERVM vom deutschen Krieg*, l. 3. c. 4. p. 638: *Io. Henr. MAIVM* in *Notis ad Orationem de Vita Io. Reuchlini*, p. 2:8: denique *Georg. Jacob. MELLINVM* in erudita *Dissertatione de foedere sueuico*, vulgo *von der Gesellschaft des S. Georgen Schildes*, *lenae*, 1696. habita.

m) *Gassarus*, p. 1728.

n) *Idem*, p. 1731. CRVSIVS, p. 3. l. 9. p. 250. STENGELIVS, l. 2. c. 62. n. 7. p. 252.

o) GASSARVS, p. 1735.

p) *Idem*, p. 1744. 1747. 1751.

B



q) GASSARVS p. 1758. Ceterum de industria Engelberti WERLICHII a nobis omiffa est mentio, cuius *Augspurgische Chronica*, Francofurti, 1595. fol. edita, quum nil aliud fit, quam *Annalium* GASSARI, atque VELSERI, sed liberior, translatio; fufficere existimauimus fi lectores ad ipsos GASSARI fontes, cuius iam postquam typis unlgati in manus hominum exierunt, facili opera adeundos ablegaremus.

r) Hoc Andr. Felix OEFELIUS in *Pentingerianis* suis annotauit.

s) In Opere anecdoto, superius iam laudato, *Ein Schutz- und Verantwortung des uralten adelichen Geschlechts der Herren Kehlring &c.* ubi sic scribit: *Es vurd auch der Venden (Patritii olim erant Augustani) Wappen zu Rom besunden ... und hat solche Epitaphia der hochgelehrte H. Doctor Conrad Peutinger, als seine Ehrwürden in einen edlen Raths Geschäften zu Rom geuwesen, selbst gesehen.*

V I

Haec atque plura alia in patriam officia, in quibus obeundis integre atque strenue versatus fuit, & quae omnia t) enumerare nihil addinet: quin carum ipsum senatui, ciuibus vero maxime reddiderint venerabilem, dubium plane nullum superest. Maius interim, atque hoc ipso publico fauore longe inlustrius, accesserat tam rarae in nostro virtutis ornamentum. Scilicet quum MAXIMILIANVS AVGVSTVS subinde *Augustam*, suam urbem, illo tempore inuiseret, tum loci amoenitate, tum ciuium fide impense delectatus; saepius PEVTINGERO *Imperatorem* adeundi, atque ipsum *reipublicae* salutandi nomine, locus fuit. Contigit ex hac re, vt propius principi adloquio frequentiori cognitus, mox, ingenii atque doctrinae, & antiquitatis maxime *historiarumque studii* exquisitoris commendatione arctissimo consuetudinis nexu coniunctus fieret. Qua tanti principis amicitia atque gratia, quae maior esse vix posset.



possit, quomodo usus sit, quum *secundo capite* magis exposite referre constitutum habeamus; illud saltem iam heic addimus, *Caesarem* optimum, ut, quo sibi loco PEVTINGERI virtus & spectata esset rerum prudentia, publico quodam argumento demonstraret, splendido *Consilarii* sui titulo ipsum cohonestauisse u); *nostrum* contra AVGVSTI in se voluntatem non seruasse solum constanter, sed auxisse etiam maximo opere, tum illibata in ipsum fide, tum consulendi atque agendi dexteritate, donec illo sub anni MDXIX. auspicia mortalium numero erepto, tanti *Caesaris* amissione iacturam faceret longe grauissimam. Certe apud *Maximilianum* Imperatorem fauore maximo valuisse *Nostrum*, patet insuper ex iis, quae ille *Lampridio* suo, in *Alexandro Severo* ad ea verba adscripsit: *Quid est, cur nihil petis? An me tibi vis fieri debitorem? Pete, ne Priuatus de me queraris.* „ Verbum scilicet Maximiliani Caesaris ad me factum! x) „

t) Vide P. Corbin. KHAMM *Hierarch. August.* p. 3. *regul.* p. 118. Pauli a STETTEN senioris *Historie der Stadt Augspurg*, Tom. I. p. 296. Quaedam alia officia patriae *Nostro*, pro muneris sui ratione, praestita recenset *Chronicon MSS. Augustanum* ab anno 1457. in annum 1586. extans in Bibliotheca FF. *Veithiorum*, Augustae; quae fusius enarrare breuitatis causa supersedeo.

u) Quo praecipue anno inlustri hocce *ἀξιωματι* auctus *nostrer* fuerit, licet monumentorum fide destitutis definire haud liceat; hoc tamen ex *diplomate* aliquo *Imperatoris* ipsius Martii Kalendis anni MDXI. *Friburgi* illi dato, & de quo infra dicendi commodior locus est, patet, hoc iam ante memoratum tempus factum fuisse. Consule, si lubet, C. P. Hoynck van PAPPENDRECHT *Analekta belgica*, Tom. II. p. 1. p. 216. 217. Ceterum iucunde obleruare nobis licuit singularem *nostri* modestiam, qua ductus nullibi, siue in *librorum* abs se editorum *titulis*, siue in *epistolis ad amicos* exaratis hunc *Consilarii* titulum

lum ad pompam ipse nomini suo adscripsit, quod tamen de doctoris in utroque iure insignibus ita fecit diligenter, ut numquam omiserit. Iuvat vero transcribere huc locum aliquem *Chronici* cuiusdam *Augustani* adhuc inediti, cuius *Auctorem* ἀνωψμεν *Senatorii* quemdam ordinis virum arbitrantur, admodum insignem, & amplissimas nostri laudes complexum; qui simul heic posita egregie confirmat. Communicavit illum *Lottero* vir clarissimus *Jacobus BRVCKERVS*, primum apud *Kaufburen*ses, postea autem apud *Augustanos* Ecclesiae *Lutherano* - evangelicae Minister; atque illius, quem is possedit, *Codicis* tomo I. p. 242. haec quidem leguntur: *Darauf der Vest und hochgelahrt D. Peutinger, beyder Rechten doctor, vvelcher mit sein Selbstlob und grossen Nutz gemeiner Stadt Augspurg 28. Jahr geschuvvorne Stadt - Canzlar geuwesen, ia durch seine getreuve und vertraute Verdienst und Erfahrung dahin kommen, das er bey seiner Zeit nicht allein von allen Churfürsten, vvanm die etvvas besonders geheim - oder vertrautes haben handeln vvollen, Ihn zu ihren Schreiber gebraucht haben, sondern auch bey dem Hochloeblichen Kayser Maximilian hochloeblichster Gedæchtnuss in solchem Ansehen geuwesen, das Sein Kais. Maj. so die hie geuwesen, vvenig berathschlagt, darum er nicht zuvor Wissen gehabt haett. Welches nicht allein dieser Stadt Augspurg, sondern auch andern Staenden des Reichs hoechst furtraeglich geuwesen. Vnd vber dis alles ist dieser Peutinger aller Antiquiteten und historien gantz geubt und geffissen geuwesen, das menniglichen ab seiner loeblichen Erfahrungheit ein besonders Gefallen getragen, und deshalb hochberumbt vworden. Wie dann die gantz Schaar aller neuen Scribenten noch heutiges tages von ihm zeugen. Ich hab auch mehrmalen von ihm selbst gehoeert, das er Sechs Erzfürsten des Oesterreichischen Gebluts in rechter Succession, als Friderici, Maximiliani, Philippi, Caroli, Ferdinandi und nachmalen Philippi erlebt hat, und das er auch dieses Oesterreichischen Geschlechts vierer Roemischer Kaiser und Koenig, als Friderici III. Max. I. Carol V. und Ferdin. I. Rhat und Diener geuwesen. Inter imperii procures serenissimum praecipue Saxoniae principem Electorem FRIDERICVM doctrina atque consilio PEVTINGERI vsu fuisse, atque litteras saepius cum ipso commutauisse, ex nostri abunde patet epistolis ad CONR. MVCIANVM atque GEORGIVM SPALATINVM missis; insigni itidem quodam loco in-*

lustris

Instris SECKENDORFFII in *Comment. de Lutheranism*, lib. I. §. XCII. p. 151. vbi tamen per errorem CONRADVS PIVS, nostri filius, appellatus est, cui CLAUDIO PIO nomen fuit.

α) Ita OEFELIVS in *Peutingianis*.

VII

Compensata haec interim ex parte videri poterat nostro successoris MAXIMILIANI, CAROLI quippe V. *Augusti* benevolentia, qui *Consiliarii* praelustre nomen vt retineret, clementer iussit, postquam ad illum vna cum GEORGIO LANGENMANTELIO *Consule*, *Brugas*, nobilissimam Flandriae urbem, missus a. d. VII. Kal. Aug. A. MDXX. culta oratione, de qua plura dicendi locus occurret infra, tutelam imperii Germanici felicissima successione in ipsum translatam debita religione gratulatus, demissum simul reipublicae obsequium illi detulisset, atque de confirmato *Augustanae urbi* capitalis iudicii privilegio gratias persoluisse. α) Neque minori fere gratia apud CAROLVM valuisse se ostendit PEVTINGERVS, quum in Comitii proximo abhinc anno *Vormatiae* habitis hoc ipsius maxime precibus dedisset *Caesar*, vt non tantum antiqua *Augustanis* publicae rei statuta stabiliret, sed novas etiam, easdemque admodum praeclaras, immunitates, interque has, monetas cudendi facultatem primus Imperatorum impertiret. γ) Postrema denique *patriae* officia in solemnibus istiusmodi imperii conuentibus praestitit anno MDXXX. quum decantatissima illa toto terrarum orbe *comitia Augustae* agerentur. His etenim a. d. XIX. Octobris ad finem perductis, postquam, vt fit, decretum illud publice vulgatum fuisset, quo continebatur, in quid potissimum Imperii proceres plurima suffragia contulissent, atque idem de-

cretum feueriori aliqua clausula obfignatum nonnullis ex illorum parte videretur, qui *Protestantium* titulo insigniebantur; factum est, vt *Augustani* Senatus nomine PEVTINGERVS atque Consul HIERONYMVS IMHOF, in consilii eiusdem societatem venientibus rerum publicarum *Wimernsis*, *Francosurtenfis* atque *Sueuohallensis* nunciis, denuo ad *Caesarem* ablegarentur, dicti *epiphonematis* abolitionem impetraturi, aut saltem deliberandi spatium petitori, quod etiam concessum fuit. 2) Neque vero post illud tempus praeterea aliquas in simili negotio ipsius partes fuisse compertum est; quin sexagesimum tum quintum aetatis annum supergressum, honestae se quieti tradidisse, &, quod PLINIVS ait, a) postquam *prima vitae tempora & media patriae impertisset*, *extrema sibi atque tranquillo otio*, vt ipsae *leges de maiore LX. annis monent*, reddidisse, credibile est. Praeter senium, quo *Noster* laborabat, hanc insuper ei causam, cur se publicorum negotiorum administrationi subduxerit, extitisse IACOB. BRVCKERVS b) autumat; quod *faederis Smalcaldici* societatem, ad quam contrahendam ciuitas patria inclinabat, cum pluribus aliis acutius videntibus & iustiore rem trutina pendentibus approbare nollet.

*) GASSARVS pag. 1766. Refert idem CASPAR HEDIO auctor *Παραλειπομένων rerum memorabilium* ad CONRAD. a LICHTENAV, abbatis *Urspergensis*, *Chronicum* fol. 349. edition. *Argentinenfis* MDCIX.

y) GASSARVS. pag. 1767. CRVSIVS part. III. lib. X. p. 569. STENGELIVS lib. II. cap. LXV. p. 265. *Vormatiae* dum degeret, inter illos etiam fuit PEVTINGERVS, qui LVTHERO *παλινοδιαν* suaderent, teste eodem GASSARO, atque SECKENDORFIO comment. *de Lutheranism* lib. I. §. XXVI. p. 155.

z) GASSARVS pag. 1789.

a) PLINIVS lib. IV. *epist.* XXIII.

b) In Lib: *Ehrentempel der deutschen Gelehrsamkeit*,
p. 47. VIII

VIII

Neque vero vel sic *patriae* suae commodis deesse coepit ; senectute quippe *posteris* neutiquam destituta gauisus , quibus primum ad honores iter , & audita latius nomina , relinqueret , & qui , quod ipse *pater* illis in *patriam* pietatis atque meritorum exemplum praetulisset , & ipsi nasciturae ex se posteritati praeferrent. Immo vero in hoc quoque boni ciuis officio functus est , quod foecunditate *uxoris* frui voluit. Fuit illa MARGARITA VELSERIA , c) ANTONIO VELSERO , *Praefecto Memmingensi* , & CATHARINA VOEHLINIA , parentibus a. d. XVIII. Martii A. MCCCCLXXXI. edita , singularis exempli atque virtutis femina ; quae , praeter ea quod praecipuam ex illustrium natalium , & auitae VELSERORVM gloriae , fortuna commendationem possedisset , virtutes etiam ex plurimis sui-sexus atque aetatis sumtas conlegit atque miscuit ; latinas insuper litteras eleganter docta. hanc ad XII. Kal. Decemb. anni MCCCCLXXXVIII. virginem sibi desponsatam ad VI. Kal. Ianuarii sequentis anni domum duxit ; d) hac ipsa re illud consequutus , vt ex more ciuitatis in *patricios minorum gentilium* (*Mehrere Gesellschafter*) adscisceretur. Fortunatum istud ex omni parte coniugium fuisse , atque mira concordia & per mutuum caritatem vtrique cultum , tum VELSERIAE mores probatissimi , tum plura alia insigni sunt argumento ; *numerosa* praecipue *soboles* , qua in subsidium atque solatium simul auctum legitur par istud nobilissimum. Exhibemus illam praesenti *tabula secunda* , quam itidem eorundem , quos supra adpellauimus , *patronorum* benefici-

neficio *Lotterus* accepit , hic ea iam saltim ad *singulorum* lectissimae illius prolis nomina addituri , quae litteris de illis prodita inuenire potuimus ; atque digna adeo reputamus , quorum ad posteror memoria iucunde perferatur.

I. IVLIANA, primigenia CONRADi filia , ipsa matre teste , in *epistola latina* , a clar. vir. MERTENSIO in lucem prolata , de qua infra , ubi *Coniugis Scriptorum indicem* daturi sumus , magis exposite dicemus. Iucundum est quod de hac puella *annales* referunt. e) Scilicet a teneris illam vnguiculis *latinis litteris* a parentibus probe institutam ita fuisse , vt quarto aetatae anno nondum expleto , quum A. MDIV. MAXIMILIANVS AVGVSTVS *Augustam* februario mense venisset , sequenti illum *latina adclamatione* excipere potuerit :

Vrbs Augusta Vindelicorum. Sacratissime Caesar. unde michi origo est. Diuo Augusto olim dedicata, atque ab eius priuigno Decimo Druso Tib. Neronis Et Liuiæ Drusillae Fil. restituta. a te nunc Optimo Sacri Ro. Imperii Moderatore mirum in modum aucta atque amplificata est. Bonum Faustum que Maiestati Domui que Tuae. Sic enim nos perpetuam felicitatem Et laeta huic rei publicae praecari aestimamus. Senatus ergo Maiestatem tuam. consensiens cum Populo Augustensi consalutat Patrem Patriae.

M. T. *Obseruandissima Iuliana Dixi.*
Clementissime ab Imperatore exceptam fuisse compertum habemus , simulque haud leue indicium inde capimus animi ipsius in puellae parentem indulgentissimi ; qui , quum sequenti mox anno *Romanae Vetustatis fragmenta* in *Augusta*

ABVLAM II. CONRADI

24.

I. Cunc Christophorum, cum Christophoro Auditore Ro-
adidit. Haud dubie hic Noster est ille Christopho-
lesn 1580. Inscriptis Academiae Ingolstadiensis ac-
em Academiae, Tom. II. p. 58.

II. C
ter. AVDIVS PIVS, qui ad annum 1580. in albo
Mhe Ingolstadiensis inveniuntur l. c. p. 58.

ma
AVS, de quo videtis inferius §. IX. sub finem

Hu
!

saeculo XVII. ferme medio vixit, relique medi-
III. ulus Practicam medic m cum Georg. Hieronymi
Actionib. Ec. 4o Vlmæ. 1676. extare, monuit Cl.
Biblioth. Script. Medicorum p. III. pag. 494.

IV. C
Ma
tes
P. gicorum iuxta ac Heraldicorum Cultor eximius
n Dissertatione isagoga ad Tomum I. Theauri A-
erito iure collaudatus) in Stenmatographia Gen-
V. C
est
&
nu
ra
ma
ve
pa
qu

Augusta-
Remboldin.
Rechlinge-
qu

Marcus Peutinger.

Elisabetha, Rehlingerin.

Christophorus Peutinger, Auditor
Rotæ Romanæ.

Conradus Peutinger † caelebs.

Iuliana, Monialis ad S. Cathari-
nam.

Elisabetha, vxor Ioann. Rudolph,
Schad I. V. D.

Maria, vxor Ioann. Leonardi
Rehlinger.

VI.

Et
C
th
cu
vi
ob
ri
ca
fo
S
th

STEMADI POSTEROS EXHI-

rcus ; vxor Eli- Ignatius Desiderius ,
 abetha Rehlinge- Decanus Eluangen-
 ia , A. 1636. die sis , ob. 1718. in
 XIV. Ianuarii. hoc stirps PEVTIN-
 GERORVM defen-
 cit.

islophorus , Au-
 ctor Rotae Ro-
 manae.

ria, vxor Io. Le-
 onhard. Rehlinger
 1636. die XIV.
 Ianuarii vid. Io.

CONRAD Schellenbergii
 PEVTING Hochzeitregister

I. V. D. C

Caes. & Reh

Aug. An

grammaticus

xor MAR

RITA VEI

RIA, An. 1

aliis Io. Chrysostomus , qui iuuenis de-
 die cessit. V. infra §. VIII. n. VIII.

ga
ca
pu
flu
tu
M
D
me
th
SI
xi
qu
Sc
lis
tu
R

no
of
c
fi
a
h
co
n
h
l
fi
le
fi
n
n
n

gusta Vindellicorum reperta vulgaret, ad illorum calcem *oratiunculam* istam hoc titulo: *Acclamatio publica ad Inuidum Caes. Maximilianum P. F. Augustum Iulianae Peutingerin Puellae Augustensis natae tunc Annor. III. M. X. Dies XXIV.* subiunxit. Memorat alicubi f) cel. vir IACOBVS BVRCARDVS, vidisse se aliquando Norimbergae *fragmentorum*, quae diximus, exemplar, in bibliotheca excellentissimi viri GODOFREDI THOMASII seruatum, cui sequentia ignota manus adpinxisset: *quum haec orasset puella, & Imperator, quodnam munus peteret, interrogaret, respondit: Schencke mir eine hübsche Tocken. Innocens & puerilis responsio.* Ceterum IVLIANAM, morte immatura conreptam infantem obiisse, itidem MARGARITAE matris *epistola* commonstrat.

II. CONSTANTIAE nomen secundae fuit nostri filiae, diserto VLRICI HVTTENI calamo omnium, quae *Augustae tunc fuerunt, puellarum & forma & moribus praestantissimae* g) elogio condecoratae, quod lauream illam coronam, qua ipsum *Caesar* vna cum Poetae titulo cohonestauisset, adornauerit tam adcurate contexueritque. Rei huius historia amplior secundo commentationis capite describetur. Hoc interim tantum addimus, quamuis existimarit PETR. BAEIVS, h) HVTTENVM, qui nec auersatus fuisset molliorem sexum, & singulari simul Poeticae artis facultate floruisse, CONSTANTIAM non facile adeo plane indictam Musis suis abire passurum fuisse, quin plurima, in ipsius laudem epigrammata conderet: nihil tamen istius generis hactenus a nobis deprehensum fuisse. Ceterum illa non ita multo post, anno quippe MDXXV. Mel-

chiori SOITERO de *Vindach* (mit dem Pfeil cognominato) I. V. Doctori & Equiti nupuisse legitur. De reliquo CONSTANTIAM Iacobus SPIEGELIVS *Selestadiensis* in suis *Scholiis* ad *Richardi* BARTHOLINI de *Bello norico* , *Libr XII. i*) inter alias eruditis *fæminis* recentioris ævi annumerat, & grandiloquæ vetustati opponi eandem posse affirmat. Diem supremum A. MDXLVI. obiisse , tradit Apographum *maius* Operis anecdoti : SCHELLENBERGER *Hochzeit - Register k*).

III. DE CATHARINA nihil compertum plane est , præterquam an. MDXXVII. matrimonii legibus iunctam fuisse HIERONYMO SCHLEICHERO.

IV. FELICITATIS in *tabularum genitalium* exemplis , quæ quidem *Lottero* fuerunt communicata , nulla omnino facta est mentio. Interim reperimus illam quarto loco a *matre* in *epistola* adlegata conlocari ; vnde coniecturam facimus . infantem adhuc obiisse , atque ob hanc rem omisam. Hanc *Nostri* filiam *Michael* HVMMELBERGIVS in *Epistola* anno 1512. *Kal. Iun.* scripta 1) cum aliis *Nostri* Liberis salutat.

V. CLAVDIVS PIVS inter masculos primus, patriæque virtutis ac doctrinæ ex asse hæres , maiori cum cura nobis dicendus est. Natus is est anno MDIX. IV. Kal. Nouembr. & *Claudius* , ex peculiari parentis in istum Sanctum deuotione nominatus m). Bonis litteris ab ineunte adolescentia eruditus , ita profecit , vt eundem *Michael* HVMMELBERGIVS non solum misso epistolio , in *Appendice* huius *Vitæ* apponendo , honorare ; sed etiam in *Epistola* ad parentem optimum

mum anno 1522. prid. Kal. O⁸. data , satis &
 eleganter & erudite pro aetatula sua scribere , &
 spem de se praebere maximam, quod in magnum crescat
 virum &c. testari voluerit. Anno MDXXXVI. 27.
 Augusti Aurelianum animi liberalibus artibus ex-
 colendi causa , ut coniectura est , abiit. n) Ex
 Gallia in Italiam , vt credibile est , profectus
 ibi a Ludouico Cato , qui in Vniuersitate Ferrar-
 iensi docuit , iuris vtriusque lauream (Vide C.P.
 Hoynck van PAPPENDRECHT *Analekta belgica* ,
Tom. II. P. I. p. 52. haud dubie anno MDXXXII.)
 accepit. Subin in patriam redux , & Syndici
 apud Augustanos provincia decoratus , vxore
 quoque Lucia Laugingeria perquam opulentae
 dotis faemina (Vide mox citatum van PAPPEN-
 DRECHT *l. c. p. 176. in Notis*) ad diem IX. A-
 pril. anno MDXXXIV. auctus o) biennio elapso ,
 postquam nomine Reipublicae saederis Smalcaldi-
 ci societatem iniuisset , Francofurtum in eum si-
 nem profectus , teste Perillustr. Paulo a STET-
 TEN in Libro : *Historie der Stadt Augspurg* , *Tom.*
I. p. 340. cum Ioachimo Pappenheimio , Ludouico
 Baumbachio , atque aliis , sicuti in Conuentu
 Francofordienfi priori anno habito decretum fue-
 rat , ad Carolum V. Caesarem in Italiam , tran-
 quillitatem Protestantibus publicam deprecandi
 causa missus , re optime gesta in patriam reuer-
 tit p) mox insequenti anno Iudicii matrimonialis
 Adfessor eligendus. q) Anno posthaec MDXLIII.
 primum Norimbergensibus comitiis Reipublicae
 causa interfuit , mox ad Caesarem legatus iuit. r)
 Spirensibus praeterea anno MDXLIV. & Worma-
 tiensibus anno MDXLV. habitis comitiis adstitit s);
 quemadmodum etiam anno MDXLVII. Vlmiae
 apud Caesarem {communitatis Augustanae partes
 ora-

orator egit, veniam propter *Smalcaldici faederis* societatem, cuius complices per aliquod tempus fuerant Augustani, impetraturus t). Orbis metropolim *Romam* etiam ad *Ottonem de Waldpurg* Cardinalem atque Episcopum Augustanum legatus abiit. Sicuti autem his in negotiis patri similis extitit, ac sua patriae officia probauit, ita etiam ipsius exemplum in colendis optimis studiis omnino expressit. Praeter enim quod plurimis suae aetatis eruditis, vt SLEIDANO u) & *Viglio ab Aytta* ZVICHEMO x), atque inter hos ERASMO maxime atque BEATO RHENANO familiaris fuerit; vel haec duo argumento esse possunt non inficiando, quantum rei causa literariae cupiuerit, dum *Ioannem* CORNARIUM y) Medicum Zuiccauiensem ita commendaret senatui Augustano, vt hic dedicationem operum *Hippocratis*, latine a *Cornario* conuersorum, anni MDXLVI. mense Martio, centum Coronatorum solarium munere amplissimo compensaret; GAS-SARVUM vero sub idem fere tempus *Annalium Augustensium* laboriosum opus molientem, quocunque poterat modo, adiunaret z). Multis praeterea libris bibliothecam Peutingermanam auxit, vt superstes hodiedum eorum Catalogus docet. a) Anno tandem MDLI. vna cum coniuge mortalitatem expleuit, teste Epitaphio in templo D. Vlrico dedicato hodiedum superstitute, quod est:

CLAVDIVS. PIVS. PEVTINGER
PAT. AVG. CONRADI. F.

ET

LVCIA. LAVGINGERIN
CONIVGES

MDLI.

SVB. HOC. TVMVLO. HVMATI
QVIESCVNT. b)

VI

VI. CHRISTOPHORVS natus anno MDXI. eo tempore , quo imperii summa inter Patritios, atque plebis tribunos distributa obtinuerat , *Dicasterii publici Adfessor* , hac autem Reipublicae forma a *Carolo V.* anno MDXLVIII. immutata *Senator* , mox biennio post *Ferdinandi* Caesaris auctoritate *Consul c)* , atque *Aedilis*, anno tandem MDLIII. ad diem III. Augusti Senatus Princeps , (*Duumvirum* vocant) *Henrico Rehlingero* collega datus est. Mox anno insequenti *Landspergam* comite *D. Sebastiano Christophoro Rehlingero* abiit , ibique nomine Reipublicae Augustanae *faederis Landspergici* societatem iniit d). Annum fatalem habuit MDLXXVI. quo XI. April. ἀποπληξια decessit. Possedit *Christophorus* hic , teste Perillustri *Paulo de STETTEN* iuniore in Libro: *Geschichte der Augspurgischen Geschlechter*, p. 189. pagos, haud procul Augusta sitoſ, *Täfertingen & Hürblingen*. Iuuat de eo adferre , quae Perillustr. *Paulus de STETTEN senior* in *Chronico Augustano* , Tom. I. p. 617. habet. Unter dieser Zeit (anno 1576.) starb der Augspurgische Stadtpfleger CHRISTOPH PEVTINGER des berühmten D. Conrad Peutingers und Margarethae Welserin Sohn im 65. Jahr seines alters ganz unversehens an einem Schlagfluß. Weilen er aber keine Kinder hinterlassen , machte er aus seiner kostbaren bibliothec , in vvelcher unter andern Merckvürdigkeiten die bekannte *Tabulae Peutingerianae* vwaren , vwie auch aus seinem mit Römischen Antiquitäten angefüllten haus und übrigen ansehnlichen Vermögen ein Fidei - Commiss fur seiner Brüder Söhne, und errichtete über dieses eine milde Stiftung für arme nothleidende persohnen. Es entstanden aber nachgehends unter seinen Erben vwegen des Fidei - Commisses viele Strittigkeiten. Vxorem duxit *Catharinam LAVGIN-GERI*.

GERIAM anno MDXXXVIII. a. d. XXVII. Nouembr. quam teste I. G. LOTTERO MDXLVII. (Apographum maius Operis anecdoti: *Schellenberger Hochzeit - Register* extans in Bibliotheca FF. *Veithiorum* Augustae, habet, eam primum MDLXXVIII. obiuisse) morte amisit. Vir *multarum rerum peritus atque sollicitus* GASSARO e) & *de patria in periculoso statu bene meritus*, Crusio f) laudatus, inscriptione funebri abs HIERONYMO WOLFIO celebratus. g) Notandum praeterea, CHRISTOPHORVM in *Hispania* fuisse; qua de causa illuc profectus, quidue ibi egerit, incertum id quidem, at primum Asserti mei caput ea firmant, quae ad hunc *Plinii* locum: *Testudines in Africa amputato capite pedibusque pro antidoto dari dicuntur*, PEVTINGERVS pater adnotauit: *Hoc antidoto contra quendam venenatum cibum filius meus CHRISTOPHORVS in Hispania usus, & Dei gratia sanitati restitutus in patriam rediit.* h)

VII. REGINAM anno MDXLIII. coniugem Antonii SCHLEICHERI factam nouimus. Eandem paulo post, nimirum A. MDXLVIII. naturae debitum moriendo exsoluisse, testatur Apographum maius Operis anecdoti: *Schellenberger Hochzeit - Register*, extans in dicta Bibliotheca.

VIII. IO. CHRYSOSTOMVS i) itidem senatoria dignitate conspicuus, antequam dictae modo Carolinae Leges conditae fuissent, eandem etiam posthaec retinuit, auctus simul *Praefecti ueigalibus*, quae ex liquidis pendi solent, prouincia. Vxorem duxisse constat A. MDXXXVII. *Barbaram* LAVGINGERIAM, atque *Augustanam Confessionem* amplexum k) fuisse. Caeteram anno MDLIII.

MDLIII. magistratu abiit l) fatisque teste LANGEMANTELIO *Augsburgische Regiments - Historie sub finem*, anno 1577. cessit. Filium reliquit IOANNEM CHRYSOSTOMVM, qui se de *Marbach*, pago sibi proprio nominari voluit, auctoque gentilitio *Insigni* gloriatus est. Iste IOANNES CHRYSOSTOMVS II. vxorem habuit *Beatricem* BLARERIAM de *Wartensee*, ex qua IOANN. CHRYSOSTOMVM III. suscepit. Is iuuenis decessisse creditur, postquam prius A. MDXCVIII. vna cum matre tum vidua, cuius Augustani iuribus sese abdicasset. m)

IX. SABINA nupsit anno MDXLII. *Ioach. SOITERO a Vindach* (Confer CRVSII *Annal. Suev. Dod.* 3. p. 649.) Fatis autem supremis concessit anno MDLVII. teste Apographo maiore Libri anecdoti: SCHELLENBERGER *Hochzeit Register*, quod extat in mox dicta Bibliotheca.

X. Postremus CAROLVS anno MDLIII. inter patriae procures cooptatus, aedilitiam post haec dignitatem consequutus est. Huius atque conlegarum, MATTH. VELSERI & IOACH. IENISCHII, auspiciis fundamenta bibliothecae publicae *Annaeanae* an. MDLXII. ad d. XVI. Martii iacta sunt; integrum vero aedificium decembri mense posterioris anni perfectum. *Vxores* duas habuit; ANNAM REHLINGERIAM atque MARIAM RAVHENBERGIAM, quarum illa anno MDLI. haec decennio post morte defuncta n) est. Ipse autem CAROLVS an. MDLXIV. decessit, hoc monumento a fratre CHRISTOPHORO ornatus: o)

CARO.

CAROLO. PEVTINGERO
 PATRICIO. ET. AEDILI. AVGVSTANO
 VIRO. VIRTUTE. PRAESTANTI
 CHRISTOPHORVS
 PATRIC. ET. II. VIR. AVGVSTANVS
 MOERENS
 FRATRI. CHARISSIMO
 IMMATVRA. MORTE. EREPTO
 PIETATIS. ERGO. M. H. F. C.
 MORITVR. AN. SAL. MDLXIV
 M. FEBR. D. X. H. X. A. M.

Adparet hinc , quanto in honore tunc habitum sit *Augustae* PEVTINGERORVM nomen ; *filiabus* nobilissimis hominibus in matrimonium datis , *filiis* vero ad summa reipublicae munera admotis. Praeter vero *patrii* nominis atque meritorum existimationem , & propriae virtutis decus , quae planam ad honores quoscumque capeffendos viam redderent , vt ex more atque instituto ciuitatis aditus ad illos expeditior pateret , CAROLI *Imperatoris* factum est clementia. Hic enim , quum an. MDXXXVIII. a. d. XVIII. Decembris diminutum *Patriciorum Augustanorum* numerum lectis ex primoribus ciuitatis familiis explere instituisset , inter *triginta nouem gentes* , in quas *Patricii* insigne nomen tunc *Caesar* contulit , PEVTINGERI etiam non postremum locum *p*) obtinuerunt.

c) En heic MARGARITAE *auos* ex vtroque latere , quorum nomina *Lottero* indicauerunt inlustris VELSERVS atque generosus KOCHIVS , vterque saepius iam laudatus :

MAR-

MARGARITA
VELSERIA
PEVTINGERI
coniunx.

<i>Antonius Velferus</i> , natus 1451. post praefectus Mem- mingensis obiit 11. Mart. 1527. Augu- stae. aet. 76.	<i>Lucas Velferus</i> , aedilis Augustanus. <i>Vrsula Laugingeria</i> c. 1449.
---	---

<i>Catharina Voehli- nia</i> , nata 1460. de- functa 1514. aet. 54. vndecim libe- rorum mater.	<i>Ioannes Voehlin de Hungershausen</i> . <i>Elisabetha Schadia de Mittelbibrach</i> .
---	---

d) CRVSIVS *Annal.* Part. III. lib. IX. p. 510. Ipse hac de re magis exposita PEVTINGERVS in *epistola* ad IO. REVCHLINVM, quam Νεογamos secunda post nuptias celebratas die, nempe IV. Kalend. Februar. MID. (non MDI. vt per errorem posuit typotheta in *epistolarum Reuchlinianarum Sylloge* apud Thom. Anselmi, Hagenoae. 4. edita) scripsit; vbi ita: quod coniugio nostro foelicitatem optas, ex solita humanitatis tuae beneuolentia facis; quare tibi plurimum, &, quas possum, gratias ago. Et quo magis lasciuiendi libertate laxarer, institutioni diuinae paverem, alas pressius agerem, amore vero, non fucatis susurris & blanditiis viuerem, uxorem duxi virginem, paullo breuiorem me, nondum annos XVIII. natam, pudicam, temperatam, pulcram, honestam, & latinis litteris aliquantum imbutam; quae & numquam a domesticis rixosa nec contumeliosa visa est; ex bonis parentibus urbis nostrae orta. Dotem dedit duum millium florenorum; nihilominus heres futura, si vixerit superstes. Deo itaque opt. max. gratias habeo & habebo, qui studio nostro sociam & affectam familiarissime nobis collocauit. ad XII. Kal. Decembris nuptiae habitae sunt; domumque ad VI. Kal. Februarias traducta est. Socer meus, ANTONIVS VELSER modo rerum domesticarum curatorem me constituit. Quod si de rebus nostris ad te prolixius & iactantius scripserim, ignoscas; ad amicum enim verum & communem loquor.

e) GASSARI nempe ad h. a. p. 1734. CRVSII part. III. L. IX. p. 526. & ex iisdem STENGELIVS rer. August. L. II. cap. LXII. §. 16. p. 254. & VENDLERVS *Diff.* saepius citata, qui tamen falso annum MDIX. adlegat.

gat. De IVLIANAE profectibus, quos in linguae latinae studio vel trimula iam fecerat, ita pater in epistola ad REVCHLINVM ad X. Kal. Maias an. MDIII. data: agimus tibi ego, uxor, & filiae gratias: vehementius etiam ageremus, si filiae agere libernus possent. Sed omnia in IVLIANAM filiam conferemus, quae & litteras modo latinas legere didicit, & memoriter absque scripto repetit, & syllabas etiam, dum ei munus aliquod, licet exiguum, dono, discit. - Vale, & me ama, ut soles; uxor & Iuliana suo & Constantiae nomine te saluum optant.

f) In elegantissimis nempe de linguae latinae in Germania fatis, Commentariis, tomo II. cap. V. p. 490. interim eundem clarissimum virum, ubi in commentario de vita Hutteni part. I. p. 113. maiorem natu Iuliana fuisse sororem Constantiam existimauit, minus recte coniecisse ex dictis patet.

g) Fecit illud VLRICVS HVTTENVS in Epistola ad PEVTINGERVM, Exhortatoriae ipsius ad Principes Germaniae, ut bellum Turcis inuehant, Augustae Vind. MDXVIII. 4. V. plagulis editae & Peutingeri nomini inscriptae, praemissa; quam repetiit BVRCARDVS in vita Hutteni part. III. p. 84. conlat. part. I. pag. III. & analest. ad tom. II. plag. Z. 4.

h) BAEIIVS, in indice historico critico nomine HVTTEN, pag. 1622. (D) ubi postquam eadem fere de corona ipsius poetica Constantiae manibus confecta recensuisset; addit: pour un poëte, qui aimoit le sexe, comme faisoit Hutten, il y auoit la, de quoi debiter de mots nouveaux & bien des pensées; & ce seroit un grand hazard, si la belle Constance Peuttinger n'auoit pas été regalée des plusieurs epigrammes.

i) Vide Iusti Reuberi Script. Rer. Germanic. a Georg. Chrij. IOANNIS editos, p. 1185. col. b.

k) Extat in Bibliotheca FF. VEITHIORVM Augustae.

l) Vide infra Appendicem huius Vitae.

m) Ita ipse PEVTINGERVS in Epistola anecdota ad Theodoric. Rysicheum 1510. XVIII. Kal. Decembr. data testatur: Filius noster pro aetate sua corpore satis procerus natus est annum unum, dies XVII. hunc in tinctione sacra (ita D. Claudio Burgundionum Apostolo deuoueram) Claudium Pium appellari jeci. Opto, ut Deo auxiliante bene agat.

n)

n) *Anno MDXXXVI. die XXVII. Aug. receffit Claudius Pius versus Aurelianum, Deus eum saluum velit.* Ita adscriptum Catalogo cuidam Biblioth. Peutingerianae observauit V. Cl. OEFELIVS, in *Peutingerianis* suis.

o) CRVSIO teste, part. III. L. XI. p. 627.

p) GASSARVS l. c. p. 1802. HENRICVS PANTALEON *Protopogr.* part. III. p. 203. & VITVS LVDOCVS a SECKENDORF *Comment. de Lutheranism*o lib. III. §. XLV. p. 125.

q) CRVSIVS l. c. p. 633. STENGELIVS L. II. cap. LXV. p. 280.

r) *Perillustr. de STETTEN Geschichte der Stadt Augspurg, Tom. I. p. 368.* GASSARVS, p. 1822.

s) *Idem* p. 372. & GASSARVS, p. 1835.

t) GASSARVS, p. 1844.

u) *Amicitiae cum Sleidano habitae monumentum* hodie dum extat in Bibliotheca Peutingeriana elusdem *Sleidani* Cominaeus, latine redditus, Argentinae 1545. 4. editus, CLAVDIO nostro dono missus.

x) *Epistola Viglii ZVICHEMI ad CLAVDIVM nostrum amoris plena* extat in C. P. Hoyne van PAPPENDRECHT *Annal. belgic. Tom. II. p. I. p. 47.*

y) GASSARVS, p. 1838. CRVSIVS, p. 656. Ceterum quibus laudibus CORNARIUS extollat *Claudrum Pium PEVTINGERV*M, videre licet in *Dedicatione Operum Hippocratis* praeuia.

z) Testatur haec ipse GASSARVS, in *dedicatione annalium* ad Senatum Augustanum, ab illustri MENKENIO ad calcem eorundem p. 1952. s. primum ex MSto vulgata, verbis: *Et quia cl. Iureconsultus, vetus meus commilito atque amicus, doctior Cl. Pius Peutinger annotatiunculas nonnullas ad propositum meum seruientes communicando, stimulum etiam currenti adderet, rel.*

a) Ita observauit V. Clar. OEFELIVS.

b) Apud DANIELEM PRASCHIVM in *Epitaphiis Augustanis* Augustae an. MDCXXIV. 4. editis, pag. 57.

c) Confer DAVIDIS LANGENMANTELII, Patritii Augustani, *Historie des Regiments zu Augspurg* p. 85. 89. 91. 152. 162. CHRIST. STRIDTBECKII *Progonologische Tabellen aller Augspurgischen Herren Stadtpfleger* in 4. tab. IV. & reuerendissimi atque maxime generosi viri HIERONYMI AMBROSII LANGENMANTELII, ca-

nonici & senioris ad D. Mauritiū Augustae, *Pinacothecam χρονολογικην*, siue imagines amplissimorum duumuiro-
rum ciuitatis Augustanae, Aug. Vind. MDCCXVII. fol.
adde *Catalogum bibliothecae Augustanae studio Eliae EHIN-*
GERI adornatum, fol. 235.

d) Perillustr. de STETTEN *Historie von Augspurg.*
Tom. I. p. 518.

e) GASSARVS, p. 1876. & 1952.

f) CRVSIVS P. III. p. 631.

g) In *Quaestionibus ex Ciceronis Officiis*, vbi & alios
ex stirpe *Peutingeriana* laudibus mactat.

h) Ita obseruauit V. CL. OEFELIVS in *Peutingerianis*
luis. Praeterea CHRISTOPHORVM anno 1536. haud du-
bie studiorum causa, *Madriti*, vrbe Hispaniae principe,
commoratum esse docet *pagella* plena veterum *Inscri-*
ptionum (seruatur haec in Bibliotheca quondam *Societatis*
Iesu inter cetera *lipsana Peutingeriana*) quam patri suo
misit; prout idem sua manu in extrema parte adscripsit:
Missa per Christophorum filium ex Madrit die 25. Martii,
& accepta hic Augustae die 13. April. anno 1536.

i) Paterni in IO. CHRYSOSTOMVM studii monu-
mentum exhibet OEFELIO teste Bibliotheca *Peutinge-*
riana Libros duos *Epistolar. Ciceronis 1515. Lipsiae*, in 4.
dono ei datos, his adscriptis ex *Homilia S. Chrysostomi*
decima super *Genesin*, interprete *Oecolampadio*: „Non-
„ ne & puerum verberares, & magistrum argueres;
„ & deinde discens, quod magister omne suum officium
„ fecisset & plane intermisset nihil, pueri autem ignauia
„ causa sit omnium; nonne indignationem omnem in
„ puerum transferres, non iam accusans magistrum: vt
„ ipsum & iuste fieret. „

Quod tu, Ioannes Chrysostome! diligenter lege, & me-
moriae commendato, ne ignaviae a patre accuseris. Ch.
P. Pater.

k) LANGENMANTELII *Augspurgische Regiments-*
Historie. p. 89. 91. 152.

l) Perillustr. de STETTEN *Historie von Augspurg,*
Tom. I. p. 502.

m) *Pauli a STETTEN iunioris Geschichte der augspur-*
gischen Geschlechter, p. 188, 189.

n) LANGENMANTELII *Regiments-Historie, p. 162.*

o) PRASCHIVS *Epitaph. August. p. 20.*

p)

p) Vide GASSARVM, *Annal.* p. 1812. CRVSIVM *P. III.* p. 668. PANTALEONEM *Prosopograph.* p. 3. p. 203. *Augsburgische Regiments - Historie* p. 75. Ceterum minus recte existimauisse, qui CONRADVM nostrum patri-
ciae stirpis Augustanae originis conspicuum dixerunt, ab-
ande hinc patet.

IX.

Pauca etiam de nepotibus CONRADI nostri, & qui ex illis geniti PEVTINGERORVM nomen per modicum adhuc tempus sustinuerunt, dicen-
da restant; ad illum vsque, in quo domus vniuersa mirabili fortunae commutatione iterum fuit ex-
stincta. Plurimi horum aut nullos ex se pro-
crearunt liberos, aut nihil saltem de iis comper-
tum est; CLAVDIVS autem PIVS paternae eti-
am fecunditatis heres copiosam maxime prae-
reliquis sobolem reliquit, per summa iam no-
bis capita itidem ex parte recensendam.

1. MARGARITA, quam *Beguiinarum* institu-
tum sequutam *Lotterus* asserit, comes interfui-
sse legitur, apud GASSARVM q) multis pro
more sarcasmis in hac narratione vtentem, pe-
regrinationi sacrae ab *Vrsula* LICHTENSTEI-
NENSI, *Georg Fuggeri* vidua, anno MDLXIX.
Romam atque *Lauretum* institutae. Haec insuper
laus Nostrae propria est, quod anno MDLXXXI.
prima *Seminarii pauperum Studioforum S. Iosephi*
in patria vrbe fundamenta iecerit, numeratis
in eum finem ducentis florenis, ex quibus stabi-
lis quotannis census decem florenorum rediret;
de qua re videtis *Historiam Prouinc. Societ. Iesu*,
Germaniae superioris, P. 1. p. 243.

II. CLAVDIVS CONRADVS PIVS, I. V. D. & rei publicae *Augustanae Syndicus* anno MDLXIX. Decembri mense, HIERONYMO IMHOF, *Sep-temuiro*, ADAMO RHEM, *Senatori* & SEBAST. CHRIST. REHLINGERO itidem *Syndico* conlega datus, *Monachium* abiit, federis inter quosdam imperii proceres aduersus Gallos feriundi causa. Idem sequenti anno comitiis *Spirae* ab Imperatore MAXIMILIANO II. coactis cum IO. MATTH. STAMLERO, *Senatore*, interfuit; & biennio elapso *Monachium* denuo concessit cum HIERON. IMHOF, federis *Landsbergensis* religionem instauraturus r). Vxorem ab anno inde MDLXII. habuit *Elisab. REHLINGERIAM*. Perillustres *Paulus a STETTEN* s) ad annum 1599. inter eos, qui Senatui a consiliis fuerant, recenset CONRADVM PIVM PEVTINGERVM. Num idem sit cum hoc CLAVDIO CONRADO PIO, in medio relinquo.

III. CLAVDIVS NARCISSVS eodem, Iquo frater, anno *Magdal. REHLINGERIAE*, anno MDCX. subin mortuae, coniunx factus & filia CONRADO auctus, stirpem protulit. De hoc nonnulla, etsi ab instituto nostro alieniora, Perillustr. a STETTEN senior memorat t). *Dicastorio publico* ciuitatis, in quod anno 1564. adscitus fuerat, anno 1572. valedixit teste LANGENMANTELIO *Augsburgische Regiments-Historie*, sub finem.

IV. CLAVDIVS EVSEBIVS eodem *Dicastorio*, in quod anno 1585. cooptatus fuit, anno 1602. decessit. Prolem vnicam, quam ex Helena MEVTINGIA suscepit, scilicet Ioann. IACO-

COBVM , quem inter *Inscriptos Academiae Ingolstadiensis* reperio ad annum 1604. in *Annalib. dictae Academiae*, Tom. II. iterum amisit teste Epitaphio u) :

D. O. M.
 CLAVDIVS. EVSEBIVS. PEVTINGERVS
 PAT. AVGVST
 CL. PII. F. CONRADI. N
 QVEM
 F. VNICVS. IOAN. IACOBVS
 TVRBATO. ORDINE. MORTALITATIS
 ANTEVERTIT
 CVM. EODEM. SVB. HOC. SAXO
 TVMVLATVS. QVIESCIT
 OBIIT. F
 PRIDIE. NON. NOVEMB. A. MDCIV
 PAT. VERO
 MISERERE. NOSTRI. DEVS
 CL. EV. P. V. F. C. A. MDCX.

V. LVCIA , vxor *Ioann. Anton. LAVGIN-
 GERI* facta , diem supremum clausit Anno
 MDLXXI. vti testatur Apographum *maius Ope-
 ris anecdoti* : SCHELLENBERGER *Hochzeit-
 Register* , extans in Bibliotheca *FF. Veith.*

De *reliquis* , vti etiam de IO. CHRYSO-
 STOMI liberis , IO. CHRYSOSTOMO (Confer-
 to de hoc pauca , quae superiore *paragrapho* , n.
 VIII. retuli) atque IVLIANA parum constat ;
 hoc saltem notamus , IVLIANAM hanc cum
 CONRADI filia , de qua supra dictum est , & quae
 infans obiit , saepius a Scriptoribus perperam
 pro eadem habitam fuisse. Ceterum illa anno

MDLXXII. *Iunio* mense RAYMVNDO IMHOF matrimonio iuncta , secundo post anno improlis decessit , atque ipsi a coniuge hoc *Epitaphium* positum est x).

REMVNDVS. IM. HOF
CONIVGI. SVAE. CHARISSIMAE
IVLIANAE. PEVTINGERIN
P.

OBIIT. X. CALEND. NOVEMB.
ANNO. DOMINI. MDLXXIV
AETATIS. SVAE. ANNO. XIX.

CONRADVS autem CLAVDII NARCISSI filius , natus anno MDLXXII. anno MDCI. *senatoria* dignitate , & post biennium *Praetura* ornatus , anno MDCVI. *Steurarum* praefectus renunciatus , anno MDCX. *Septemviro*rum illustri collegio adscriptus , elapso quadriennio *Aerarii publici* praesidibus accensus y) , tandem a. d. XX. Augusti anno MDCXXXV. *Duumvir* electus , quarto post mense z) vitam cum morte commutavit. Hic, testante Perillustri *Paulo a STETTEN* iuniore in Libro : *Geschichte der Augspurgischen Geschlechter* , p. 189. anno 1616. a *Carolo Fillinger*o pagum *Willmatshofen* emit , quem , diu ab eius posteris possessum , tandem gentis *Peutingeriae* postremus IGNATIVS DESIDERIVS , de quo mox sermo habebitur , *Antonio Ignatio* ab IMHof vendidit (Factum hoc fuisse anno 1724. tradit citatus Perillustr. *Auctor* , sed non sine aperto parachronismo , nisi mendum typographicum dicere velis ; cum IGNATIVS DESIDERIVS iam sexennio ante e vivis excesserit : prout ex dicendis patebit) Sed ad CONRADVM reuertatur oratio. Ex priori coniuge
Maria

Maria REMBOLDIA , quam tamen anno 1621. morte amisit , pater factus est MARCI atque CHRISTOPHORI : alteram viduam duxit *Mar. Magdal.* REHLINGERIAM anno 1622. d. XXVIII. Nouembr. eadem decennio post denuo priuatus, teste Apographo *maiori* operis anecdoti: SCHELLENBERGER *Hochzeit - Register* , quod extat in Bibliotheca *FF. Veith* , Augustae. Huius filiorum unus CHRISTOPHORVS honorificam *Auditoris Rotae Romanae* prouinciam adeptus est a). Alter MARCVS , *Dicafterii patrii Ad- fessor b)* postea in Senatum , quo tamen iterum decessit teste LANGENMANTELIO *Augspurgische Regiments - Historie* , sub finem , adlectus cum *Elisabetha* REHLINGERIA anno MDCXXXVI. in thori societatem accepta IGNATIVM DESIDERIVM genuit. Hic anno MDCXXXI. a. d. XIII. Martii natus *Augustae* , adolescentiam *Romae* , in contubernio Patru*i Christophori* , in colendis optimis studiis cum laude transegit, atque *Doctōris in utroque iure* lauream consecutus est. Mox ab *Alexandro VII.* pontifice maximo , cui theses ex iurisprudētia defensas dedicarat , *canonicatu* Ecclesiae cathedralis *Constantiensis* donatus, hunc cum alio lautiore Ecclesiae principalis *Eluacensis* anno MDCLXVI. commutauit , in qua anno MDCLXXVII. ad *Scholastici* , quem vocant , dignitatem euectus , tandem anno MDCXCVII. supremum *Decani* munus , meritorum c) praemium , obtinuit. Denique anno MDCCXVIII. (non circa annum MDCCXV. vti LOTTERVS, nec etiam anno ipso MDCCXV. vti *Franc. Christoph.* a SCHEYB in *Peutingeriana Tabula itineraria* , p. 37. ambo male , scripserunt) fatis supremis functus , gentis postremus , *Peutinger-*

gerorum quidem nomen ex terris secum abtulit, memoriam tamen posteris Augustanis praecipue desiderabilem semper futuram auferre non potuit.

Liceat me paululum subsistere, apponereque Notitiam de memorato IGNATIO DESIDERIO, Viri alicuius mihi plurimum venerandi interuentu, Eluaco communicatam: „Ca-
„ nonicatum Eluacensem obtinuit *Noster* 9. No-
„ uembris. anni praedicti MDCLXVI. In eiusdem
„ Canonicatus possessionem intromissus est 17.
„ Iunii anni MDCLXVII. Locum in *Capitulo* ac-
„ cepit 31. Octobr. MDCLXX. *Scholastici* digni-
„ tate a Praeposito *Io. Christoph. de ADEL-*
„ *MANN* auctus est 5. Octobr. anno MDCLXXVII.
„ *Decanatus* Eluacensis honorem 22. Ianuar. an-
„ no MDCXCVII. nec non ita multo post *Lo-*
„ *cumenten* a FRANC. LVDOVICO *Palatino*
„ *Rheni*, Praeposito, Episcopo Wormatiensi &c.
„ &c. a quo plurimi aestimabatur, cepit, „

Reliquas vitae IGNATII DESIDERII circumstantias dabunt duo Epitaphia in Capella peristyllii Ecclesiae Eluacensis ex utraque muri parte sub effigiebus *Nostri* visenda. *Primum* Epitaphium sic sonat:

Siste Viator ?
Non vnus hic homo iacet,
sed integrum genus.
Ignatius Desiderius a Peuttingen,
I. V. D.
Principalis Ecclesiae Eluacensis
Decanus & Administrator,
ex nobili & antiqua Peuttingerorum familia,

dudum

dudum in Bauaria exorta,
 Et a pago Peuttingen nomen suum sortita,
 dein A. MCCL. Augustam Vindel. translata,
 demum Eluaci extincta,
 ultimus.

Qui A. MDCXLI. Augustae XIII. Martii natus,
 per annos viginti Romae educatus,
 Et A. MDCLXIX. Eluacum aduectus,
 tandem A. MDCCXVIII. die XVIII. Mens. Octobris
 ibidem defunctus,
 suam secum stirpem in hoc sepulchrum
 adduxit.

Sic nempe non singuli tantum homines,
 sed integrae familiae,
 regna Et imperia
 ortum suum habent Et occasum.
 Tu proin edoctus,
 quam fluxa sint omnia,
 animum a caducis ad aeterna transfer,
 Et defunctis bene precare.
 Vale.

Secundi vero Epitaphii, quod Societas Iesu
 fautori ac benefactori suo maximo, & fundato-
 ri Collegii Eluacensis eiusdem Societatis debitae
 gratitudinis ergo posuit, verba haec sunt:

Vir immortalitate dignus,
 quia omni virtutum genere longe clarissimus;
 Pontificum solatium, Principum amor,
 Ecclesiae decus, Subditorum asylon,
 Religionis speculum, emporium scientiarum,
 Regula Recti in utroque foro;
 Vel,

ut omnia verbo complectar,
 Decus Et Locumtenens religiosissimus.
 Quod ubique terrarum testatur
 deuotissima Iesu Societas,
 ac benefactori suo munificentissimo
 in debitae obseruantiae anathema
 una cum primo Collegii lapide.

Hoc

Hoc monumentum posuit

Anno MDCCXX.

Die D. Patriarchae nostro Ignatio sacra ,

a quo cognomen & virtutem traxit

Vir desideriorum. Dan. 9.

Haftenus de IGNATIO DESIDERIO. Caeterum cum nepotum CONRADI nostri plurimi, quod ex haftenus expositis patet, futilis & caducae vitae terminos tam meritis in patriam, quam studiis & virtute proferre strenue adlaborassent, abunde reliquerunt, quo se olim vixisse ferissimae etiam posteritati testarentur.

q) GASSARVS, p. 1926.

r) LANGENMANTELII Regiments - Historie, p. 179. GASSARVS, p. 1926. 1930. 1937.

s) Damalen (1599.) hatte die Stadt folgende Raths-Advocaten, oder wie sie heunt zu tag genennet vverden Raths - Consulenten in ihrer Bestallung, nemlich D. Adam Zech, D. Conrad Pius Peutingern. Ita Paul. a STETTEN, Hist. von Aupsurg, Tom. 1. p. 753.

t) Als in dem Monath Junio Iohann Ludvvig vnd Iohann Caspar Freyherrn von Ulm zuvey hiesige Geschlechter Carl Lehlingern vnd Claudius Narcissus Peutingern vor dem oesterreichischen Land - Gericht zu Nellenburg im Hegßvv ex capite iniuriarum belanget &c. Paul a STETTEN l. c. p. 776.

u) PRASCHIVS in Epitaph. Augst. p. 32.

x) Idem ibidem, p. 24.

y) LANGENMANTELII Regiments - Historie, p. 203. seqq. item Liber: Der H. R. R. Stadt Aupsurg geveßte Haupter vnd Pflegere.

z) Ita mox citatus Liber: Der H. R. R. Stadt &c. aduersus Lotterum testatur, qui scripsit, quarto post acceptum Duumviratum die obiisse.

a) Christophorus hic & scientiae laude, & munerum gestorum magnitudine clarior extitit, quam vt eius elogium a Corbiniano KHAMMIO in Hierarch. Augst. P. II. Colleg. Cap. X. p. 321. litteris traditum attexere hoc loco intermittam. En verba illius: CHRISTOPHORVS a PEVTINGEN Patritius Augustanus, per resignationem Eminentiß. Cardinalis Melchioris Kleselii Praepositus S. Mauritii

riti anno 1628. die 13. Nouembris. Ameriae, Nocerae, Rauennae & in aliis pontificiae ditionis ciuitatibus Gubernator pontificius: pro S. Caesarea Maiestate & inclyta Natione Germanica S. Rotae Romanae Auditor & Praelatus: absolutae Iurisprudentiae raritate inter aevi sui Ictos excellens: litterarum & caussarum Patronus incomparabilis, non solum a summis Pontificibus, Cardinalibus, & Nationalibus, sed etiam ab exteris ac minus etiam notis impense amatus. Petri Ottoboni in Rota Romana quondam sui Collegae, deinceps die 6. Octobr. 1689. summi Pontificis, Amicus intimus: Ecclesiarum cathedralium Constantiensis, Tridentinae & Cameracensis Canonicus Praeter Praeposituram S. Mauritii Augustae etiam Ecclesiarum Collegiatarum S. Stephani Constantiae, S. Andreae Coloniae, S. Victoris Moguntiae, aliaque Beneficia (aliquibus resignatis) ecclesiastica adeptus est. Demum postquam in absentia Legati caesarei apud Vrbanum VIII. Romae negotia Imperatoris gessit, Decisiones Rotulares, postea praelo etiam submissas, conscripsit, Auditoratus caussas 18. annis prudentissime tractauit, Romae grassantem pestem fugiens in Ameriam se contulit; attamen mortem non effugit: quippe hic loci aliquamdiu commoratus in lectum, a lecto in lethum incidit, vita temporali exutus aetatis 56. die 14. Decembris, anno gratiae 1656.

b) LANGENMANTELII Regiments - Historie p. 204. 223.

c) Debemus huius insignis viri notitiam R. P. CORBIANNO KHAMM, Ordinis S. Benedicti in libero atque imperiali monasterio ad SS. Vricum & Afram August. Vindelitor. professi & theologi, qui in Hierarchia Augustana, Augustae MDCCIX. quarti ordinis-forma edita, parte II. cap. X. ad an. MDCXCVII. num. 494. p. 384. potiora ista vitae Peutingerianae capita descripsit. addit is etiam elogium viri, quod, quum in paucorum liber iste manibus versetur, huc transcribere haud pigramur. Ita vero ille: vir erga aduenas hospitalis, ipsemet in victu, cultu & vultu tenuis, glaciale hiemem, torridam aestatem, aspera & vlana iuxta habens. Effusa, attamen tacita, liberalitate in pauperes insignis, viris summis ac imis probatissimus. Praecipue Alexandro VIII. summo Pontifici olim charissimus. In consuetudinibus Romanae curiae & usu tractandarum rerum in Italia experientia singulari praeditus. Arduis pro Eluacensi ecclesia, ac vniuersa re publica Christiana tuenda & propaganda negotiis iugiter intentus.

Gra/

Grassantibus paucis abhinc annis ad Danubium hostibus, & ad multorum millium florenorum Eluaco astiores vi extorquendas imponentibus. nec non bina vice in ipsam ferme urbem irruentibus reuerendissimus ac graciosus D. D. Locumtenens nec pedem Eluaco extulit, stetit ceu murus aeneus, omnis terroris expertus, inter ovis pastor fidissimus. Inter alias quoque furens artis calamitates Locumtenens constantissimus, pro conseruatis subditis coronam civicam promeritus. Iabente adhuc senili aetate non minus a totius literaturae cumulo & ab imitabili status clericalis exemplo, quam assiduus assuetae vitae laboribus, & a prudentiae quasi implantatae gloria percelebris, honorificentissimum sui Decanatus & Locumtenentis munus magno etiamnum implet nomine, maiori virtute, maxima famae celebritate; urbis Augustanae, in qua natus, honor; urbis Romanae, in qua educatus, decor; patriciae Augustanae gentis splendor; universorum Sueuorum ornamentum; perennet. Haec ille:

X

Expositis ita cum cura, quae ad PEVTINGERORVM historiam vniuersim conlustrandam pertinere visa sunt, ad CONRADVM nostrum reuertimur, de vitae, quem is habuit, exitu, quod adhuc superest, narraturi. Beatissimus hic autem illi multiplici nomine accidit. Neque enim, quod praematurus nimis esset, suis luctuosus fuit; quum aetate ultra communem mortalium sortem prouecta ex naturae magis necessitate quam alia quacumque causa, plenus honoribus, in altissima tranquillitate pari omnium veneratione decederet, relicta vxore, quam grandi cum suo solatio, tam amatum sibi bonum, tamdiu tenuit, vt aliquot demum post maritum annis, scilicet MDLII. a d. VII. Septembris ad plures abiret; relicta filiis virtute, fama, doctrina & summa apud ciues caritate longe florentissimis; relicta denique amicis plurimis, qui tamquam prisci aevi emendatissimum exemplar iugi illum recordatione colerent, eiusdemque memoriam certa-

certatim ad posteros celebrarent. Finiit itaque PEVTINGERVS vitam, aut mortalitatem potius, V. Kal. Ianuar. an. MDXLVII, annis LXXXII. mensibus II. diebus XII. expletis, d) atque familiari sepulcro, quod e) in templo summo parochiali (in der Dom - Kirche) eiusdemque Coemeterio testis, (die finstere Graebt vocant) erat, coniugis filiorumque pietate conditus fuit; hoc insigni laudis monumento marmoreae tabulae inscripto f):

D. O. M. TR. V. SALVATORI
ET
CHVONRADO. PEVTINGERO. I. C. PATRIC. AVG
CONSIL. AVGG
ERVDITIONE VIRTUTE
REBVSQVE. AMIC. BON. SENECTA. FELICI
ET. IPSA. MORTE. CL. V
QVI. VIX. AN. LXXXII. M. II. D. XII
HOC. IN. SEPVLCHRO. MAIOR. CONDITVR
MARGARITA. VELSERIA. CONIVNX
ET
CL. PIVS. I. C. CHRISTOPHORVS
IO. CHRYSOSTOMVS. CAROLVSQ
FRATRES. GERMANI
FILII. HAERE. Q. PEVTINGERI. IVN
EX. MERITO. AMORIS
OBSERVANT. ET. OBSEQVII. PII. ERGO
M. POSVERVNT
OBIIT. V. KL. IAN. AN. MDXLVII

Superant autem etiam adhuc praestantiora atque perenniora marmore ingenii atque eruditam in civitatem summorum meritorum monumenta CONRADI nostri, ad quae diligenter non minus sequenti proxime capite perconsenda accedemus; postquam
unum


unum adhuc, quod commemorandum restat, hoc loco quasi in transitu monuerimus: scilicet temporibus NOSTRI alium quendam *Κωνσταντίνος Conradum Peutingerus* (fors ementito inclyto *Nostri* nomine magis clarescere volentem) in Suecia extitisse, qui anno MDXLIV. adeoque *Nostro* etiamnum superstite illustri munere *Cancellarii* in eo regno fuit: de quo duas *Martini Lutheri* ad *Gustavum I. Sueciae*, & *Christianum Daniae* reges, supplices litteras in *Aëtis litterariis Sueciae a. 1724. trimestri 4. p. 595-598.* inueniri *I. G. LOTTERVS g)* annotauit.

d) IACOBVS AVGVSTVS THVANVS, grauissimus iuxta atque facundissimus rerum illis atque post haec temporibus gestarum scriptor, *historiarum* libro III. circa finem, p. 99. edit. Aurelianens. MDCXX. fol. exeunte anno (scilicet MDXLVII.) in uiuis esse desiit *Augustae Vindelicorum Conradus Peutingerus*, qui pridem viuere desierat annis adtritibus, quippe completo LXXXII. aetatis anno; vir ut natalibus, sic dignitate clarus, & cuius memoriam tabula *Peutingeriana* postea a M. Velsero edita apud doctos renouauit.

e) Hoc maxime sepulturae loco usam fuisse gentem *Peutingerianam* tum superius §. II. indicatum est: tum ea confirmant, quae ex *Chronico MSS. Augustano* ab initio urbis ad annum 1540. in Bibliotheca FF. *Veithiorum* asseruato, asserre aptum duco: Anno 1420. da vvas hie zu Augspurgk ein grosser Sterbet, das die Reichen all aus der Statt fluchen, und starben anderstwu, das man sy vvider herein mußt fieren. Also beschach dem Peutingen, der starb zu Werd, unbericht und ohn alle Gots-Recht, den furt man auch her gen Augspurg und begrub ihn im Thum, und besang ihn da. rel. Insuper ex allatis conficitur, familiam *Peutingerianam* facultatum copia atque diuitiis minime destitutam fuisse.

f) Seruauit etiam NATHAN CHYTRAEVS in *Deliciis itinerum*, p. 298. & PRASCHIVS inter *Epitaphia Augustana* p. 17. atque ex hoc FREHERVS, qui tamen pro more factis negligenter descriptum exhibet.

g) In *Epistola* ad I. G. Schellhornium de edendis CONRA-
DI PEVTINGERI *Opusculis.* 40.



SECUNDI CAPITIS,

Q V O

MERITA IN REM LITTERARIAM CONRADI PEUTINGERII DISSERTVNTVR, AMBITVS.

I Brevis eorum, quae hoc quidem tractatu percensebuntur, conspectus.

II Quae praeter iuris uniuersi scientiam in nostro fuit Romanae vetustatis penitior cognitio; epigrammatum Latinorum Augustae superstitum sollicita conquisitio & conseruatio in aedibus propriis.

III Monumenta Germanicae historiae ac antiquitatis non minori studio conlecta. Nonnulla de bibliothecae Peutingerianae fatis in transitu. Studii numismatum antiquorum per ipsum inter Germanos facta instauratio. Alia studia seueriora.

IV Humanitatis disciplina non sequiori industria culta atque adamata. Latinae ac graecae linguae intelligentia. Eloquentiae facultas. Poetices amor.

V Scriptorum elenchus, quae vel ipse auctor condidit, vel, ab aliis litteris consignata, bono publico vulgavit. Inter illa: Romanae vetustatis fragmenta Augustae reperia, Marci post haec Velferi Commentariis exposita.

VI Excipiunt haec Sermones coniuiales de mirandis Germaniae antiquitatibus.

VII Et reliqua tandem minutioris molis opuscula.

VIII Scripta aliorum, quorum edendorum curam ipse suscepit.

IX Anecdotorum Syllabus. Vxoris Epistola olim MSta.

X Tabulae Peutingerianae historia.

XI Amici, quos coluit familiariter, interque hos facile principes Ioannes Tritthemius, Ioannes Reuchlinus & Viricus Huttenus.

XII Epistolarum, quas cum ipsis commutauit, index. Corporis atque animi typus. Conclusio.

I

Si PLINII Iunioris sententiae sua constat veritas, qua beator edixit a) quibus datum sit, aut facere scribenda aut legenda scribere; beatissimos vero, quibus utrumque: CONRADO certe nostro, multiplici nomine, quod priori traditionis parte adparuit, felici, neque ex hac etiam parte felicitatis defuit quidpiam. Praeter haec enim, quod vita & praeclare factis plurimis meruerit, ut memoria ipsius duret apud posteros; mansuris etiam operibus, quae condidit partim ipse, partim ab aliis elaborata ex tenebris atque silentio protulit, famae sibi perpetuitatem conciliauit; non tam latae magis, quae mediocribus etiam contigit quandoque ingeniis, quam re vera magnae. Enim vero, quum insuper non ipse solum singulari floruerit doctrinae praestantioris copia, sed alios etiam quoscumque, quos in studiis aliquid suo tempore facere cognouisset, amauerit atque ornauerit omni opere; non studiorum tantum, sed & studiosorum fuerit amantissimus; facile existimari potest, quam multis illum abundasse oporteat virtutibus, qui alienas tam coluerit impense. Vtriusque rei amplissima argumenta nobis praesto sunt, ubi altero iam commentationis nostrae capite de meritis PEVTINGERI in rem litterariam exponere instituimus; in quo, delineato prius cum cura doctrinae, quae in ipso fuit singularis, ambitu, tum, indicis quasi partibus

tibus functi, *scripta nostri* referemus diligenter; tum vero quid praeter haec in commune Doctorum bonum atque incrementum laudatissimo studio effecerit, & quanto hinc apud suae tempestatis Eruditos in precio fuerit atque honore habitus, quam fieri poterit, plene atque luculenter trademus.

a) PLINIVS lib. VI. epist. XVI.

II

Incidit *nostri* aetas in auspiciatissima illa tempora, quibus litteris, diuturna admodum, medio aevo, nocte conscriptis, honor suus restitui atque proferri in lucem denuo occœpit; exemplum praeëuntibus maxime praestantissimis *Ita-
lorum* ingeniis. Horum disciplina ille iuuenilibus annis formatus non amorem tantum litterarum, sed omnis fere generis doctrinae adparatum in *Germaniam* secum, sicuti alii nostratium haud pauci tum fecerant, retulit. Equidem *legitima* scientia tunc nondum adeo exulta b) fuerat atque perpolita, qualem non multo post ZASI-
SIVM, ALCIATORVM, BVDAEORVM, CUVACIVM, BRISSONIVM aliorumque elegantissima reddiderunt ingenia; ut experientiae atque liberalioris indolis hominibus admodum placere c) illa potuisset; unde magis CON-
RADI animus in *humaniores litteras*, & petitam ex ultima antiquitate eruditionem propendit d). In hac autem comparanda, quod supra dictum est, POMPONIVM LAETVM in primis magistrum sequutus, postquam in patriam rediisset, non ita doctoris mores caeco quodam impetu amplexus atque imitatus est, ut prae Romanae vetu-

statis inquisitione forderent ipsi quarumvis aliarum rerum studia , praesertim *patriae Germanicae gentis antiquitates* ; quin potius illas ita excolendas prudenti consilio instituit, vt has non inconsulto praetermitteret , & *exterarum rerum peritus* , in *domesticis* quoque non ignarum animum circumferret. Qua quidem re hoc consequutus est , vt non tantum inter *instauratores litterarum* elegantiorum atque *antiquariae cognitionis* in *Germania* non postremus communi popularium ore celebraretur ; sed etiam MAXIMILIANI praecipue Imperatoris singularem gratiam sibi conciliaret. Hic etenim *Augustissimus princeps* , veluti hanc immortalibus gestis gloriam addidit , quod , ipse doctissimus , doctos diligeret atque in pretio haberet maximo ; e) ita PEVTINGERVM prae multis aliis ex elegantiori illo studio tanta beneuolentia est complexus , vt *amicum* sibi atque *consiliorum participem* esse iuberet , eiusdemque litterarios conatus autoritate Caesarea tueretur. Pertinet autem illud non ad postremas *nostri* laudes singulare studium , quo in conquirendis vndique *Romanae vetustatis fragmentis* , probante *Caesare* , versatus fuit. Ita enim *priscarum inscriptionum* erat cupidus , vt , sicubi vel *Augustae* , vel in agro *Augustano* , ex veterum aedium ruinis *saxa* , *lapides* & *tabulas* marmoreas , *latinis notis* inscriptas , effosas fuisse inaudiuisset , precio illas omnes , nulla sumtuum ratione habita , auferret. Has vt ab interitu eo certius vindicaret , in *domus* posthaec *suae* arena muro insertas singulas conlocari iussit , & penatium , vel fumosarum auorum imaginum loco spectari *). Snerant ad hanc diem *aedes* illae *Peutingerianae* , in quibus ornamentum vrbi , pristino possessori perennius
aere

aere monumentum, iucundum vero curiosis atque eruditis aduenis spectaculum praebent *epigrammatu* illa antiqua, CONRADI nostri curis a temporis & imperitorum iniuriis laudatissimo sic instituto conseruata. Hoc *Nostri* deinde in *rem antiquariam* studium angustis agri vel ciuitatis Augustanae terminis cohiberi se adeo non passum, vt in Italiam quoque se protenderit. Ex illa orbis Europaei regione adlata PEVTINGERO varia simulachra, atque idola fuisse, *Michael HVMELBERGIVS* testatur in *epist.* 1513. XI. Kal. Decemb. ad *Nostrum* data, in qua simul eundem hortatur, vt eorum designationem orbi erudito exhibeat, his verbis: *Et si iustis occupationibus tantum otii suffurari datur, id omne calamo tribues, & idololatriae, stultaeque gentilitatis ἰδωλα, & simulachra illa, quae tibi ex Italia adlata fuerunt, conscribes.*

b) His accommodari possent querelae *Viglii ZVICHEMI* Phrysi, qui in praefatione, *Institutionibus iuris ciuilibus* in graecam linguam per *Theophilum Antecessorem* olim traductis &c. *Basil.* 1534. ad *Carolus V.* praemissa, ita loquitur: *At utinam aliquis integrum Pandectarum Corpus in lucem proferat, quod quidem beneficium a Florentina Republica Studiosi iam olim expetiuerunt:* quibus verbis PEVTINGERVS adscripsit: *Imperator Caesar Maximilianus Aug. me Chuonrado PEVTINGERO, & Iacobo SPIEGEL sollicitantibus per litteras petiit, sed Florentini recusarunt.*

c) Vtcunque sit, *Iuris* studium minime neglexit *Noster*. Argumento sunt *Annotationes*, quas ex optimis Auctoribus se congeffisse in *Opus Pandectarum HALOANDRI*, & in ora eiusdem Libri diligenter annotasse ipse PEVTINGERVS testatum reliquit, vti monet OEFELIVS in *Peutingerianis*, easdem *Annotationes* praelo dignas esse pronuncians.

d) Ipse hac de re PEVTINGERVS in *epistola* ad GEORGIVM SPALATINVM, VIII. Kal. Sextil, MDXIII.

Scripta, modeste admodum: *Gaudeo me in studiosorum antiquitatis ordinem a te relatum, qui, etsi, ut verum dicam, ex iustitiae tenebris pedem aliquando mouerim, promoueri vero nihil, aut parum. Laudatio tamen tua, utcumque ex amore proficiens, in vota nostra est recepta.* rel.

e) Confer, quae de summi huius Principis doctrina, in Doctos propensione maxima, & meritis in litteratam rem prorsus inlustribus post tot alios copiose atque erudite congescit v. c. IOAN. HENRICVS a SEELEN in *Selectis litterariis* p. 491. 499.

*) Non solum antiquas Inscriptiones *Noster* auide sollicitateque collegit, sed etiam ad harum modum nonnullas suo Marte scripsit, quas in eo volumine, quod *inferius* §. IX. n. XXIV. memoratur, p. 11. & 12. suas esse fatetur, & quas ad huius Operis calcem apponere non ineptum iudicauit.

III

Num pari diuturnitatis fortuna cum *lapidibus* memoratis (Nam quid de *simulacris* illis & *idolis* ex Italia *Nostro* allatis actum sit, nulla omnino indicia extant; id si excipias, quod *Cupite* l. §. VIII. n. 6. monui) gauisa fuerint, quae, ad *Germanicae* historiae atque *Antiquitatum* lucem spectantia, monumenta plurima idem is impensa insigni studioque summo conlegit; an vero insequentibus temporibus alios possessores nata, adeoque dispersa fuerint, aut tandem plane interierint, haecenus quidem incompertum habere se monet LOTTERVS: simulque, hoc constare indubia fide, CONRADI *bibliothecam* a *filiis*, *nepotibusque* conseruatam, & auctam, & ad gentis suae *postremum*, quem supra laudauimus, *Ignatium De-fiderium* hereditatis iure transmissam; hoc tandem fati concedente, legati titulo ad *reuerendos* olim SOCIETATIS IESV *Patres*, qui *Augustae*, peruenisse. Ab istis pulcherrimo ordine ac cultu,

cultu , peculiari quopiam *Collegii* conclauī custo-
ditam seruari monuit *Lotterus* ; nunc autem
ea cum *Bibliotheca Collegii* commixta extat.
Equidem impetrauit *Lotterus* ab eorundem sin-
gulari humanitate atque beneuolentia , vt per-
mitterent clarissimis viris *GEORGIO REISERO*
atque *M. TOBIAE LOTTERO* , suis cognatis
aestumatissimis , quorumque officiis , quae ad su-
am commentationem conlocupletandam libera-
lissime contulerunt , se multa admodum debere
fatetur , inspiciendi *MStorum* atque *Λειψανων Peu-*
tingerianorum tomos copiam ; quorum illi etiam
elenchum ad eum cum cura transmiserunt. At
vero nullam ibi egregiorum medii atque recen-
tioris aevi *historicum* mentioem , quorum
απογραφα *CONRADVM* possedisse ipse in *litteris*
ad amicos proditum reliquit , f) factam fuisse ,
grauiter , nec immerito dolet *LOTTERVS*.
Ego tamen inter codices manuscriptos huius
commatis aliquos inveni , vt sunt : *OTTONIS*
Frisingensis Chronica , *Lib. VIII. & de gestis Fri-*
derici Imperatoris Lib. IV. *EBERHARDI Ratis-*
bonensis Chronica, *Ladislai SVNTHEMI Colle&anea* ;
Extat praeterea *Codex* varia *diplomata* continens ,
in cuius fronte *PEUTINGERVS* monet , se id
Codicis non sine modica impensa concessisse ; &
si quae forte sunt alia ejuscemodi. De anti-
quioribus vero codicibus , quos *PEVTINGE-*
RVS olim seruauit , quid factum sit , ipse indi-
cavit , dum asseri *CHALCYDII* sui , typis *Ascen-*
sianis 1520. editi , haec adscripsit : *Habuius annis*
superioribus plerosque libros charta pergamena scri-
ptos , quos *CONRADVS CELTES Protucius Poe-*
ta Germanus latinus elegans & eruditus apud nos de-
posuit , demum *universitati Viennensi in Archiducatu*

Austriae Testamento suo plerosque ex his legavit ; quos & nos pia & optima diligentia restitui curauimus. Inter hos erat CHALCYDIVS ille , quem nobis Georgius WAGNER manu sua exscripsit , & recognoscendum cum hoc apud Gallos impresso instituimus , si modo fata sinant. Chuonr. Peut. Augustanus (g). Quidquid interim de illis factum sit , tum intercidisse dolendum , tum superare gaudendum merito esset harum litterarum aestimatoribus. Hac vero in re , quemadmodum CONR. PROTVCCII CELTIS , LADISL. SVNTHMII , Canonici Viennensis , IACOBI MANLII , IOAN. NAVCLERI aliorumque plurium , h) qui historiae Germanicae studii instauratione (conquisitis vndique terrarum atque descriptis ex principum archiuis , coenobiorumque bibliothecis , rerum in Germania gestarum Annalibus) suscepta eximie de patria meriti fuerunt , exempla imitatus , & duces laborum atque comites ipsos habuit praestantissimos , quibuscum in gloriae societatem i) veniret : ita horum ille industriam adhuc multum superavit , & propriam hanc sibi laudem vindicat , quod , aut omnium primus , aut inter primos certe esset ex Germanis , qui cum annalium sedula & curiosa perquisitione numismatum etiam studium atque inuestigationem coniungeret. Huc referas , Lector , velim tum ea , quae ad Polydori VERGILII Urbinatis Hist. Anglic. Lib. XXVI. Basileae , 1534. editam a PEVTINGERO adscripta repperit Vir Cl. nec ullis laudibus satis depraedicandus OEFELIVS : Cum nomine Senatus & totius Reipublicae Augustanae Vindel. Imp. Caes. Carolum V. Aug. Brugis salutassent ; erat tunc ibidem Regis Angliae Orator Thomas MORVS , qui mihi numismata aurea CC. argentea DC. ostendit ,

dit, ac volebat, ut ex his peterem, quae vellem. Ego vero nullum vidi, quod prius non habebam, praeter numisma Charausii, quod & mihi petenti donauit praesente Ludouico VIVES Hispano: tum illa, quae Michaelis Hummelbergii Epistola ad Nostrum 1512. data, in *Appendice huius Vitae. n. 6.* ponenda, habet. His adde, *Nostrum* abs Raymundo Fuggero antiquis numismatibus donatum esse, id quod OEFELIVS testatur; simulque, extare *Catalogos MStos* nummorum omnis aeris, quos vel videre vel possidere *Nostro* contigit; *aduersaria* item nummorum descriptionibus onusta & subinde data occasione *margines librorum*: seque uidisse Pomponii LAETI *Compend. Historiae Rom.* a *Nostro* nummis in margine copiose illustratum. Conlegisse illum certe nummos Imperatorum Romanorum omnium mirabili sollertia nec minori sumtu, tum ipsiusmet iterum testimonio, ^(k) tum aliorum, ^(l) luculenter patet; quibus explicandis etiam peculiari quodam scripto (Videtur, hoc cum illo opere conuenire, quod infra §. IX. n. X. referemus) inedito tamen adhuc operam dedit. Vt adeo & hoc nomine inter auctores atque *instauratores* illius studiorum generis censeretur mereatur, quod, patrum nostraque memoria, ad exterorum vsque inuidiam a *Germanis* cultum, praestantissimam historiae, patriaeque rebus lucem contulit.

Sed de his satis abundeque dictum. Iam ad alia studia seueriora conuertamur. Philosophicarum disciplinarum cum iuuenem studiosum fuisse, credibile, tum senem eisdem operam dedisse, ex *Nota* illa patet, quam ad *Topicorum* libros PEVTINGERVS adposuit ad V. *Cum mulier viro in manum conuenit, omnia etc.* *Nota*, ait, hoc arg. quoniam *Accur-*

fius & sequaces super L. Mulier bona ff. de iure dot. citant Aristotelem in Topicis, & corrupte; cum deberent citare Ciceronem hic de arg. ab effectu: rebus cum mulier &c. Et hanc castigationem ad petitionem meam, cum praelegissem libros Topicorum Aristotelis, & locum hunc non inuenissem, ostendit mihi Xistus BETULEIVS, vir doctus, municeps meus. Licet prius & legissem, & adnotaram; tamen ob senectutis molem ultra non cogitaram: Platoniorum maxime scriptorum lectione delectatum fuisse, mota haud dubie ab Italis praeceptoribus orexi, id satis declarat, quod Exemplaris cum ex editione Ascensionna, tum Ficiniana margines ita Adnotatis suis oneravit, ut locum fere chartae purae nullum reliquerit; adiectis in fronte operis & ad calcem elogiis & iudiciis virorum doctorum, sed iis omnibus Platoni fauentibus, quibus folia aliquot implevit (m). Legendis vero SS. Patrum operibus quantam curam impenderit, multa sunt, quae declarant: Certe quidquid hodie in Bibliotheca Peutingeriana extat operum horum, notis in margine adpositis infertum cernitur. In fine homiliarum D. Chrysostomi in Genesim ex editione Ioannis Oecolampadii, Basileae, 1525. haec adscripsit: Legimus Ioannem Chrysostomum in Genesim nocte potissimum, utinam ad salutem nostram! lectionem hanc finiuimus 1528. die XVIII. Nou. Laus Deo. Equidem V. Clar. OEFELIVS, cui ut multa alia, sic & hanc notitiam debemus, obseruat, salutaria certe diligenter, coniose, & cum iudicio in margine annotasse PEVTINGERV. Quae cum indicent, quo studio in SS. Patrum lectione versatus noster sit, tum, quo id eventu praestiterit, plane demonstrat Opus anecdotum, quod inscripsit:

Chu:

Chuonradi Peutingeri Augustani Iuris Consulti in D. Pauli Apostoli raptum & de vero corpore & sanguine Christi Conlektiones; quod plenum textibus, quos vocant, e SS. Patrum operibus, transumptis: tum etiam *Conlektiones adversus Anabaptistas*; adeo ut in his Patrum & S. Scripturae subsidiis fulto sibi, etiam in *Theologicis* aliquid audendi, potestatem esse putarit. Sed de his infra mentio recurret, vbi *Anecdotorum* catalogum exhibebimus. Quid quod & *Medicinae* studium coluerit, ut mirandum maxime sit, vnius hominis ingenium tot, tamque diuersis studiis par fuisse; Nec enim Medicorum scripta solum peruolutauit sedulo (ut *Notae* scriptis illorum insperfae indicant) sed & suo Marte nonnulla medica elaborauit; ut infra patebit, vbi Opera illius inedita designabuntur: Hic loci id annotare volui, eum *Notas* in *Apuleium de Herbarum medicaminibus* meditatam fuisse, easque doctissimas simul, & elegantissimas; ut fidem facit *Mich. HVMMElBERGIVS* in *Epistola* data VI. Idus Dec. 1513. quarum tamen nec vola amplius extat; nisi forte sint *Schediasma* aliquot pagellarum, in folio, a Noſtro scriptum, in quo de *Herbis* ordine alphabetico dispositis Medicorum sententias collegit: vbi primo loco occurrunt; *Acacia, Acanthus, Acorus &c.*

f) Placet huc integrum, licet prolixior, *epistola* nostri ad GEORGIVM SPALATINVM, cuius modò etiam mentio facta est, locum transcribere; ut melius inde lectoribus constet de dictorum veritate. Ita autem CONRADVS: *Petit illustrissimus Princeps noster, immatuns* (FRIDERICVS Elector Saxoniae, cognomento *Sapiens*) *uitas Caesarum Ottonum, & Magni filii, & Ne-potum Luitolfi, Ottonis & Hermanni; item Gregorii P. pontif. maximi; diui item Caesaris Henrici Secundi & con-iugis*

iugis eius Kunegundis Augustae. Verum has & gesta eorum non accumulatim concinnata, sed undique sparsim collecta habeo, & ultra autores hactenus formis excusos, quorum veterum & recentiorum mihi magnus est numerus; mea diligentia, & etiam non mediocri impensa, exscribi mihi curavi REGINONEM Abbatem Prumiensem, OTTONEM FRISINGENSEM, & LVITPRANDVM TICINENSEM, Episcopos, apud quos Saxones illi tui, ut res fert, haberi solent; quorum etiam meminit Procopius de Gothico bello, Gregorius Turonensis episcopus, & Atto in breuiario suo nuper e Gallia mihi transmissio. Habeo praeterea PAVLI DIACONI Foroiuliensis, VARNEFRIDI filii, rerum Longobardicarum libros sex; IORNANDIS item librum de bello Gothico, & alios plerosque, qui de Germanis Septentrionalibus, veris Nortmannis, plura perscripserunt. Haec omnia non sine impensa magna, & tempore etiam longo, exscribi possent; nec etiam commode eosdem, (si modo non habes) ad te vel alios transmittendos puto, thesaurum meum rerum Germanicarum, quem hactenus ab annis XX. collegi. Quos si ob viarum pericula, vel aquarum molestiam amitterem, tota mea opera, ac quasi harum rerum gloria perderetur. Pauper, quid tunc agendum, non satis perspicerem. - - GALTREVS de rebus Britanniae ad te vadit, eo pacto ut redeat, quem velim remittas. Aliud quidem exemplar non habeo. rel. IOACHIMVS FRIDERICVS FELLERS, in monumentis ineditis, trimestri I. num. V. p. 46. vbi Catalogum exhibet alphabeticum Scriptorum ad res Germanicas pertinentium, qui vel interierunt, vel in bibliothecis adhuc inediti delitescunt, ad hanc ipsam epistolam prouocat, verbis: Conradus Peutingerus schreibt in einer vngedruckten epistel an Georg. Spalatinum, an. 1513. se collegisse ab annis XX. thesaurum rerum Germanicarum. Vbi quidem duplici nomine minus recte lectorem suum instruit vir doctus. Tum enim epistola haec, quam ineditam is appellat, vulgata pridem est a IOANNE FRIDERICO HECKELIO, in manipulo primo epistolarum MStarum singularium. Plauiae Variscorum, MDCXCV. carta in octo paginas distributa impressa, vbi tertium illa locum occupat. Tum vero persuadere & sibi & lectoribus velle videtur, ex epistolae verbis haud recte expensis, PEUTINGERVM conlegisse thesauri titulo rerum Germanicarum Scriptores,

ali-

aliquando forsitán typis exprimendos ; quum hoc saltem inde pateat , CONRADVM Scriptores istos thesauri loco habere , cuius iacturam satis aegre laturus esset.

g) Ita V. Clar. OEFELIVS.

h) Meritis propter hanc rem laudibus extulit istos quatuor viros IOANNES CVSPINIANVS, in *vitis Caesarum* , p. 486. vbi MAXIMILIANI Imp. res gestas atque virtutes describit , atque tandem de nostro haec addit : *Conr. Peutingerus, Augustensium Archigrammateus, vir haud indiligens, & antiquitatis studiosus, omni studio curavit vetustissima chronica evolvere, & quod mentem Caesaris plurimum afficerent, congerere, & principi offerre.* Quae eadem confirmat NICOLAUS BASELLIVS, monachus Hirsaugiensis, in appendice ad IOANNIS NAVCLERI *Chronicon*, quam ad annum vsque MDXIV. deduxit, verbis : *C. Peutingerus, Augustensis, antiquitatis amantissimus, historiis veterum Germanorum lumen adhibuit. Ceterum tanta magnificentia in litteris versatur, ut quasi patronum commune ipsae sibi musae gratiaeque delegisse videantur.* Conf. GER. IO. VOSSIVM de *Historicis latinis* , lib. III. cap. X. Opp. tom. V. p. 202.

i) Quanta cura Noster vetera Germanicae historiae monumenta conquiverit, testimonio sunt Epistolae Nostri ad Nicol. ELLENBOGIVM, extantes ad calcem *Sermonum conuiualium NOSTRI* a G. G. ZAPFIO, 1781. *Augustae*. publicatorum, p. 138. 145. Consule etiam p. 151.

k) Ita noster in epistola quapiam ad REVCHLINVM X. Kal. Maii anno MDIII. scripta : *Cura, quod patronus noster Dalburgius (IOANNEM CAMERARIVM DALBVRGIVM Episcopum Vormatiensem, principem litteratissimum intelligit, quo singulari patrono, tum ipse litterae, tum etiam CONRADVS noster vsus est,) aliquando Caesares suos, vel saltem numismatum inscriptiones ad nos mittat. Sum modo in nostris Suevis Caesaribus (explicandis) ; in quibus ob incuriam maiorum labore opus maiore est.*

l) IOANNES FRANCISCVS PICVS, MIRANDV-LAE Comes, in epistola Mantua XV. Aug. an. MDVI. ad nostrum scripta : *nec ambigo nostrum Henricum (Augustensem) non nihil calorís adlaturum ex Italia, ni forte is tardiusculus accefferit, utpote cui facile remoram adtulerint tot nomismata veterum Imperatorum, quibus onustus ad*

vos proficiscitur; nec aliam ob causam, quam ut tibi, studio antiquitatis, gratificetur. BERNARDIN. TREBATIVS, Vicentinus, in dedicatione Hieroglyphicorum Ori Apollinis latine abs se redditorum, XII. Kal. Maias añ. MDXV. scripta, ita ad nostrum: En Orum latinum, si modo id sum consequutus, exhibeo tibi patrone optime. Sit enim haec tui verissima adpellatio. Nam, ut omittam dicere de hominibus, patronus es reipublicae litterariae. Debet tibi omne genus scriptorum. Siquidem sic omnium es studiosus, ut omnes habere velis; conquiras undique; nonnulli multos annos desiderati nunc demum tua opera legantur. Historiarum vero series omnis per te explicatur, ac habent in te viuum exemplar. Antiquitas ipsa nullo magis gaudet alumno. Romani autem Caesares quem alium maluit curatorem? non tibi eorum gesta cognovisse satis, eos ipsos signatos omnes in chartis, aere, argento, solido auro demonstras. Et quod viui non potuerunt, mortui adepti sunt; ut eodem tempore & iuvenes & senes, & in omni aetate quales fuerint, conspici possint. rel.

m) Ita OEFELIVS, qui insuper observavit, Nostrum Operi BESSARIONIS Cardinalis in Calumniatores Platonis haec adscripsisse: Opus illustre & doctum non legi solum, sed ita diligenter annotavi, ut charta marginis me defecerit. In Epistola autem ad Nicol. ELLENBOGIUM (Vide Editionem Sermorum conuivialium NOSTRI adornatam. 1781. Augustae, a G. G. ZAPFIO, p. 145. 146. mire in laudes Platonis excurrit, quem se unice venerari ait.

IV

Neque minus vel in colendis vel promouendis apud alios illis litteris, quas optimas, humaniores, liberales, politiores artes adpellamus, operae noster posuit. Praeter haec enim, ut de latina prius lingua commemoremus, quod ipse illam satis bene, pro tempestate, qua vixit, calluerit, uti scripta publice edita ostendunt: quam latinae linguae notitiam bonorum latinistis Auctorum lectione sibi peperit n); luculento

to argumento esse putamus, si alia deessent omnia, quo loco habuerit *Romanae linguae* delicias, quod & *uxorem* suam & *filias* erudiri in illa voluerit; cuius quidem rei tum supra iam in *filia* IVLIANA specimen produximus, tum aliud illustre magis in *coniuge* MARGARITA infra adferemus. *Graecas* vero litteras, quum, pro saeculi illius vitio, iuuenili aetate perdiscere neglexisset, prouectiorem adeptus, adeo neglectus huius poenitentia ductus est, ut non pudere se tantum istius ignorantiae candide fateretur, o) sed, REVCHLINI maxime hortatu, vel quadragenario maior illis imbibendis inuigilaret; in quibus etiam haud parum profecit. p) *Eloquentia* porro quantum vel ipse valuerit, documento sunt iteratae ad Augustissimos Caesares atque imperii procures legationes, non certe nisi eloquentissimo cuique mandari solitae; quantum vero illi pretium statuerit, eximius aliquis *epistolae* ad CONRADVM MUCIANVM locus q) ostendit. *Poeticam* tandem *artem* illum non nouisse solum, sed calluisse, immo exercuisse frequenter, amicorum *indiciis* r) compertum habemus; licet nondum nobis contigerit vel vnicum in istius aevi Poetarum scriptis, qualia haud parum multa propter hanc rem studiose versauimus, PEVTINGERI carmen deprehendere.

n) Quomodo se Noster ad legendos purioris aevi Scriptores contulerit, ea indicant, quae ad *Epistolarum Ciceronis Exemplar*, Venetiis. 1480. excusum adscript: *Sile & nota*. 1491.

o) In *Epistola* ad REVCHLINVM, prid. Id. Decembr. MDXII. data, ubi, *erubescere se*, ait, quod *Graecas litteras non didicisset*; circa finem tamen addit; *Simlerum*, (GEORGIVM SIMLERVM, puta, qui Pforzheimii tum humanioribus litteris maxima cum sua laude, & miri-

mirifico doctissimorum discipulorum prouentu , prae-
rat) ipsum haecenus mihi incognitum , virum ex Germa-
nis nostris numquam satis laudatum , & qui nos , post te ,
graeciffare curat ; grammaticam cuius graecam , & in se-
ptem Psalmos interpretationes tuas Thomas Anshelmus ,
elegans ille chalcographus , ad me misit , saluum optato.

p) FRANCISCVS IRENICVS , gentilitio nomine
Friedlieb dictus , itidem Germanicarum rerum praecipu-
us cultor , in *Exegeti historiae Germanicae* lib. II. cap.
XLII. fol. XLV. editionis primae eiusdemque rarissimae,
Hagenoae. MDXVIII. exscriptae, conceptis verbis inter
alias laudes ex Graecae etiam linguae cognitione nostrum
commendat : *Sebastianus* , inquit , *Brant* , & *Cunra-*
dus Peutinger , imperialium urbium Archigrammatei , tot
rerum disciplinis censentur , ut dubium sit , an illis historici ,
an poetae , an oratoris , an graecae siue latinae linguae , an
potius iuridica facultate nomen concedas ?

q) Grauiissima multo est & rerum & sententiarum pon-
dere haec ad MVCIANVM nostri epistola , VIII. Kal.
Sextil. An. MDXIII. exarata , vniceque in commendando ,
ex inlstri REVCHLINI exemplo , politionum lit-
terarum , eloquentiae maxime , studio occupata ; ex qua ,
quum omnia nequeamus , ἀποσπασματικά saltim quaedam
huc transcribimus. Postquam vero de misero bonorum
artium illa aetate statu fuisset conquestus , ita pergit :
Sunt homines plerique in humanas & politiores litteras ita
male animati , ut philosophiam , humani atque diuini iuris
sapientiam , vel alias etiam scientias nec latine dici , nec ex-
plicari posse , arbitrentur. -- Sed humanas dico litteras ,
ut harum ignari , doctrinas maiores impedire putant. Isti
sunt utique furoris & inuidiae iacula , turbidorumque affe-
ctuum , ut scribis , fulmina & tonitrua , quibus bonis ali-
quando auersis & perterrefactis , soli rerum potiri gliscunt.
Quis ex istis Hilarium , Cyprianum , Lactantium -- -- vel ,
ut de nostris dicam Mirandulanis Comitibus , Ioannes duos ,
Picum & Franciscum , Marsilium Ficinum , vel alium quem-
uis politioris litteraturae theologum imitabitur ? pauci suspi-
cor. Prisca illa christiana eruditio quasi semper eloquenti-
am ipsam cum diuina illa sapientia coniunctam habere voluit.
rel. Huc etiam tota comparata est nostri ad BEATVM
RHENANVM epistolae , Augustae XIII. Kal. Iul. An.
MDXIII. data , quam hic , quum PAVLI CORTESII in
senten-

sententias PETRI LOMBARDI *Commentarios* eodem anno ederet Basileae , ad operis vestibulum conlocavit.

r) Sufficiant nobis vel duo grauissimi testes , viri celebratissimi , ANDREAS ALCIATVS & GEORGIVS FABRICIVS. Ille enim , quum *Emblematum* suorum libellum *Augustam* ad PEVTINGERVM misisset , vt typis ibi mandaret , (quod & praestitit ; excusus enim fuit per *Heynricum Steynerum* die 28. Febr. An. MDXXXI. 8. vt ex *primae* huius *editionis* exemplo , LOTTERVS *nos*ter ab ANDREA BVTTIGIO secum communicato , perspexit) hanc opellae ad CONRADVM *dedicationem* praefixit :

*Dum pueros iuglans , iuuenes dum tessera fallit ,
Detinet Et segnes chartula picta viros ;
Haec nos festiuis emblemata cudimus horis ,
Artificum illustri signaque facta manu.
Vestibus ut torulos , petasis ut figere parmas ,
Et valeat tacitis scribere quisque notis ;
At tibi supremus pretiosa nomismata Caesar
Et veterum eximias donet habere manus.
Ipse dabo VATI chartacea munera Vates ,
Quae , Chonrade , mei pignus amoris habe.*

Qui cum *Commentario* , satis profecto leui , *emblemata* haec edidit CLAVDIVS MINOS (Gallice *Mignaut*) *Diuionensis* , apud *Christophorum Plantinum Antuerpiae* MDLXXXIV. 16. in postremo huius *Epigrammatis* disticho ALCIATI mentem minime adsequutus est. Ad vocem enim *nomismata* haec commentatur : *donaria* , *qualia* *boni principes conferre solent optimis Et fidelissimis Consiliariis* : & ad vocem *veterum* ita scribit : *impertit tibi amplissima quaeque artificum veterum manuprecia , statuas ingeniose effictas , rel. non picturam nudam , qualis est haec chartacea mea*. Quilibet autem , qui haec nostra legit , facile , putamus , intelliget , per *nomismata* & *veterum manus* significari nummos Caesarum antiquos & priscos *historiae patriae Codices* , quos versandos explicandosque MAXIMILIANVS CONRADO obtulit. Ad secundum porro FABRICII testimonium quod attinet , hoc ille scripto sub GERARDI FAVSTI , *Confluentii* , nomine in honorem nostri *Epigrammate* , in AEGIDII PERIANDRI , *Bruxellensis* , *Germania* , siue *elogiis Cl. litteris*

E

in

in *Germania virorum poeticis*, Francof. 1567. 8. p. 88. obulo, ita expressit:

*Hunc Augusta dedit, Musae eduxere POETAM,
Res fecit charum publica Caesaribus.*

V

Delineata sic autem vtcumque, quam possedit noster, doctrinae amplissima facultate, progredimur ad *ingenii monumenta* enarranda, quae vel *proprio* ipsius, vel *aliorum* stilo consignata, hoc PEVTINGERI maxime officiis debent, quod publica fruantur luce, & eruditorum manibus versentur. Haec vero cognitio, quum non vtilis minus, quam iucunda, studiosis futura nobis videatur, operam dabimus, vt, quantum fieri potest, plena atque curata illorum *notitia* heic exhibeatur; adeoque nihil praetermittamus temere, quod quidem ad *librorum singulorum* argumentum, varias editiones, commentatores & similia rite pernoscenda adtinebit; hunc denique in recensendo ordinem tenebimus, vt primo ea, quae *Lotterus*, tum vero ea, quae nos sollicita indagatione inuenimus, accurate enumeremus.

- I. *Romanae vetustatis fragmenta in Augusta Vindellicorum & eius dioecesi. Anno Christi, Salut. M. D. V. VIII. Kls Octobr. Erhardus Ratoldus Augustensis impressit. fol. plag. 3. & dimidia. s)*

In praemissa ad lectorem praefatione XV. Kls Octobr. eiusdem anni scripta docet PEVTINGERVS, se haec *Romanae vetustatis inscriptionum fragmenta in urbe Augusta & eius Dioecesi* iussu mandatoque diu. Imp. MAXIMILIANI, non
fine

sine ope venerandae *Societatis litterariae Augustanae*, t) perquisita atque conlecta, ERHARDO RATOLDO u) *artis impressoriae opifici diligenti & docto* sua impensa imprimenda dedisse; quod etiam ille nouis formis atque maioribus, iucundissimo litterarum charactere x) effecisset. Plura daturum se ceterum fuisse, nisi tum vetustatis iniuria ipsi lapides detriti, conlapsi, obruti essent, tum incitia & negligentia suae aetatis hominum maximam illorum partem perdidisset, qui vel igne illos in calcem soluerunt, vel profundamentis aedificiorum posuerunt. Sequitur praefationem IOANNIS y) FOENISECAE) *Augustani*, alias *Maderi dicti*) ad editorem *epigramma*, quod hoc est:

*Quid tibi pro tanto referamus munere ciues,
qui veterum nobis undique saxa legis.*

*Nullum te siquidem monumentum praeterit usquam;
hortus, porta, domus, porticus ista docent.*

et *Anonymum aliud de Perlegia*, qui est locus in media *Augusta* in foro publico. Ipsae inscriptiones numerum XXII. non excedunt, inter quas tres ipse tunc in aedibus suis iam conlocatas habuit PEVTINGERVS. Subiungitur ad calcem oratio *Julianae ad Caes. Maximilianum*, de qua superioris capitis articulo VIII. quod satis est, diximus. Excepit hanc primam editionem post aliquod intervallum *secunda*; hoc indice insignita: *Inscriptiones vetustae Romanae & eorum fragmenta in Augusta Vindelicorum & eius dioecesi; cura & idiligentia CHVONRADI PEVTINGER Augustani antea impressae, nunc denuo reuissae, castigatae & audae; excusae in edibus Ioannis Schoeffer, Moguntiae mense Augusto a. MDXX fol. 2)* quemadmodum autem

fequenti tempore , quod supra innuimus , con-
 gerendis pluribus huiusmodi lapidibus sumtum
 omnem atque operam impendit *noster* ; ita , fae-
 culo fere integro praeterlapso , inlustre non in-
 ter *Augustanos* tantum suos , sed inter eruditio-
 nis etiam aetate illa principes , nomen , MAR-
 CVS VELSERVS *nouam* illarum editionem pa-
 rauit , hoc titulo inscriptam : MARCI VELSE-
 RI *Matthaei F. Inscriptiones antiquae Aug. Vind.*
duplo auctiores quam antea editae , cum notis ; cum
priuilegio. Venetiis. an. 1710XC. apud Aldum ,
 quarti ordinis forma. Continentur hoc opere
 tum XX illa II. epigrammata PEVTINGERI ;
 tum , quae recens addidit VELSERVS , in tres
 classes distributa. *Prima* solas inscriptiones in
 ipsa urbe *Augustana* effossas complectitur ; *secunda*
 illas , quae in agro *Augustano* repertae fuerunt ,
 sistit ; *tertia* denique peregrinas ostendit , in qui-
 bus vel *Augustae* vrbis , vel *Raetorum* , vel *Le-*
gionis III. mentio facta est ; singulae autem eru-
 ditis , vbi res postulabat , *Commentariis* inlustran-
 tur. a) Posthaec , quum , quadriennii spatio ex-
 plecto , typis *Venetis* suos de rebus *Augustanis* *Com-*
mentarios octo libris idem ille vir celeberrimus
 primum submississet , retractauit simul haec *mo-*
numenta , & mutatis , correctis , additis haud
 paucis , *appendicis* instar illis adiunxit. Denique ,
ultimum impressa illa fuerunt inter vniuersa VEL-
 SERI opera , CHRISTOPHORI ARNOLDI stu-
 dio vulgata. b) Ceterum , hoc vnum , ne quid
 notitiae desit , addimus , clarissimum apud Au-
 gustanos Philologum MATTHIAM FRIDERI-
 CVM BECKIVM , quum *Monumenta antiqua Iu-*
daica Augustae Vindelicorum reperta , ibidem an.
 MDCLXXXVI. forma octopertita emitteret ,
 man-

mantissae titulo adtexuisse III. *Monumenta Romana in Supplementum operis Velferiani*, inter quae duo priora in *Peutingerorum aedibus* adhuc exstare significat, a filiis forsan comparata. Impraesentiarum vero nulla ratione omittendum censeo, quod, quemadmodum *Noster* in isto litterarii laboris genere antecessorem habuit nullum; ita ei soli hoc gloriae debeatur, quod primus inter Eruditos extitit, qui *Romanae Antiquitatis monumenta* in patrio solo extantia, colligenda vulgandaque sibi sumpserit. Aduertit idipsum ante me Io. Georg. LOTTERVS, qui in *Epistola ad Io. Georg. Schelhornium de edendis Peutingeri Opusculis*, clarissimi alias nominis Virum, Petrum Burmannum (in *Praefatione ad Iani Gruteri Thesaurum Inscriptionum*) cuidam Iacobo Mazzochio, ob edita anno MDXXI. *Urbis Romae Epigrammata*, in hoc studii genere Antelignani laudem tribuentem, pluribus confutauit. Non vero imitatoribus caruit hoc institutum; quin potius tam illustri exemplo excitati quamplures praecipuarum Germaniae urbium eruditi incolae veteris aevi reliquias marmoreas summo studio conquisiuerunt, & commentariis subinde doctis inlustratas publicarunt. c)

s) Meminit huius editionis MICHAEL MAITTAIRE, *Annalium typographicorum* tomo I. p. 173. Perillustr. de STETTEN in commentatione *de Scriptoribus rerum Augustanarum* aliam huius operis editionem anno 1508. Augustae per eundem Typographum factam memorat. Videtur equidem in annorum numerum mendum irrepsisse, & loco 1508. annum 1505. ponendum; id tamen ut certum affirmare nolim.

t) De *Societatis litterariae Augustanae* origine ac factis neminem nos quidem, qui exposite docuerit, adhucdum nouimus. Interim, si quid coniectura valemus,

aut *filiam* illius *Societatis*, quam CONRADVS! CELTES promouendo humaniorum litterarum & Germanicae imprimis historiae studio, sub *Rhenanae* aut *Celticae* nomine, condidit, aut *aemulam* certe existimauerimus. Vnam eandemque haud fuisse certum est, quum conceptis verbis *Augustana* appellata sit a PEVTINGERO. Idem ille *socias* in praefatione laudat, tam *maioris ecclesiae canonicos*, quam *conciues alios*. Hi autem fuerunt MARQVARDVS DE STAIN, Ecclesiae Bambergensis Praepositus, MATTHAEVS MARESCALLVS DE PAPPENHEIM, I. V. D. & Canonicus Augustanus, nobilissimum porro fratrum germanorum par, BERNARDVS & CONRADVS ADELMANNI AB ADELMANSFELDEN, Equites Sueui ac itidem Canonici, CONRADVS PEVTINGERVS atque GEORGIUS HERBARTVS itidem Augustanus. Idem illi peculiarem sibi *tabernam librariam* redemerunt, ex qua, conlata opera atque impensis scriptores aliquot in publicos vsus edicauerunt. Haec LOTTERVS, qui, quum per temporis atque chartae angustiam sibi tum haud licere curatius in hoc argumentum inquirere monuerit, seruare illud commodiori tempori, vbi Historiam huius Societatis magis diligenter commentaturus esset, statuit: Verum post multifarios irritae indagacionis labores, in *Epist. ad Io. Georg. Schelhornium de edendis Peutingeri Opusculis* saepius iam a me citata, nullam impofterum dictae Societatis, quam breui post ortum suum tempore rursus dissiluisse autumat, *historiam* a se expectari vel debere vel posse dolens monuit. Forsitan ad hanc Societatem, seu *Faedus litterarium* alludit *Noster*, dum in *Epistola* sua 1513. ad *Mich. HVMELBERGIUM* data (V. *Appendicem* huius *Vitae*, n. 15.) scribit: *designatus sum ad Caesarem pro Confoederatis meis Orator*. Consule, quae superius C. I. §. V. annotaui.

u) De Erhardo RATDOLT vide meam *Diatriben de Orig. & Increm. Typograph. August.* praefixam *Annalibus Typograph. August.* p. XXXV. vbi fusissime de illo egi.

x) In exemplo editionis, quod in *bibliotheca Academiae Lipsiensis Paulina* oculis vsurpare Lottero licuit; alter, qui praefationem sequitur *Inscriptionum-index*, aureis

aureis litteris artificiose pictus est. Num idem in omnibus factum sit exemplaribus, dicere non habemus.

y) Doctissimi huius viri varii generis opuscula recenset GESNERVS in *bibliotheca*, conf. STENGELIVM l. c. p. 258. De hoc plura habeo congesta in mea *Bibliotheca Augustana*.

z) Vide *Catalogum MStorum Angliae & Hiberniae* tom. I. part. I. p. 162. n. 3339. & MAITTAIRIVM *Anal.* tomo II. p. 598.

a) De instituti usu & ratione ita illustri editor in praefatione: *Optimus & fortissimus Imperator Maximilianus maior ante annos plus minus XC haec primum C. Peutingeri opera colligenda & publice edenda curavit. Quod factum nulla umquam nostrorum hominum pietas compensabit. -- -- Magnum ergo exemplum aemulatus, quidquid Peutingeri complectebatur editio, vulgavi iterum: aciei, quae post Peutingerum lucem adspexere, aut quae alias inquisitionem hominis diligentis effugere: praeterea, quae extra limites Augustanos res nostras quoquo modotangunt: notas denique non omnino otiosas, rel.*

b) *Norimbergae MDCLXXXII. fol. vbi pag. 357. — 436. occurrunt.*

c) Vel vnum inter primos iam exempli causa adpellamus IOANNEM HVTTICHIVM; qui, quum *Collectanea antiquitatum in vrbe atque agro Moguntino repertarum, Moguntiae ex aedibus Ioannis Schoefferi Mense Martio MDXX. fol. plag. 10. vulgaret*, ita in dedicatione operis ad THEODORICVM ZOBEL, *ICtum, aedis Moguntinae Scholasticum*, scripsit: *notui credere illis, qui descripsere (monimenta), sed ipse omnia meis oculis inspexi, & an sincere omnia depicta fuerint, laboriose perlustravi; imitatus in hoc Chunradum Peutingerum Augustanum, iuris doctorem, & perquam sollicitum antiquitatis & historiarum indagatorem, qui ante me Augustae Vindelicorum omnia, quae potuit, perquisivit diligenter, & ne corroderentur iniuria temporum, excussioni dedit.*

VI

II. *Sermones Coniuiales, in quibus multa de mirandis Germaniae antiquitatibus referuntur; ex officina*

cina litteratoria Ioannis Prus , Argentinae , in aedibus Thiergarten , recognoscente Matthia Schurerio , MDVI. 4. praemisso d) perbreui SCHVRERII Correktoris praeloquio , quo hosce Sermones , tamquam ambrosiam & nezar spirantes , commendat ; sequitur VDALRICI ZASII , Iuris doctoris Friburgensis , ad VOLPHIVM Iunlorem epistola , sine die & Consule , in qua amplissima , tum auctoris PEVTINGERI , tum VOLPHII , qui editionis ἐργασίαν sese praebuerat , laudes continentur , atque tandem ZASII pro liberata Germania epigramma hexastichon subnectitur e). Excipit hoc alia PETRI (BONOMI) Episcopi Tergeslini ad MATTHAEVM LANGIVM , Praepositum Augustensem & Caesaris Consiliarium epistola , Oeniponte XV. Kal. Ian. an. MDIV. perscripta , eiusdem fere argumenti ; encomio scilicet & operis & virtutum auctoris vnice occupata , cui apud posteros non paruum inde gloriam pollicetur. Ipsorum sermonum auspiciū facit CONRADVS blandissima eiusdem LANGII , quem patroni passim titulo salutatur , compellatione , qui quidem Symposiarcha atque autor epuli illius fuerat , quo , veterum exemplo , de varii generis rebus disputationes instituerant conuiuae , IOANNES CAPER , theologiae doctor , & Canonici BERARDVS VALDKIRCHIVS , & HIERONYMVS LOCHNER ; SEBASTIANVS ILSVNG patricius ac iurium doctor , & denique praeter PEVTINGERVM IOANNES IVNG senior , & IOANNES OTTO , medicae artis professores ; quarum quidem disputationum summa praesenti opusculo exhibetur. Quatuor autem omnino sunt capita , de quibus inter nostros δειπνοσοφισαs tum disceptabatur. I. LEONIS VIII. Pontif. Max. testi-

testimonio comprobatur ossa diui Dionysii Areopagitae non in Gallia, sed Ratisponam inde translata, ibique ad sanctum Emeranum condita fuisse. II. Paullum Apostolum f) uxoratum exstitisse, quodam epistolae D. IGNATII Martyris ad Philadelphenses loco euincitur. III. ex veterum quorundam auctorum PLINII, MELAE, & aliorum relationibus adferitur, Indiae Orientalis incolae pridem, vel tempestatis vi compulso, vel commerciorum causa, ad occidentalium Germanorum littora subinde adpulsi; neque adeo insoliti aliquid committere Lusitanos, qui hac tempestate primi illorum oras ob idem negotium frequentare tentauissent. IV. Denique eoque amplissimo capite, & quod maximam libri partem absoluit, praeunte exemplum IACOBO VIMPHELINGIO, operose, & cum insigni doctrinae reconditoris adparatu demonstratur: Quod cithrenae ciuitates ab Agrippina ad Argentinam & aliae a C. Iulii Caesaris Dictatoris & superiori tempore non Gallis, sed vel germanis, vel Romani imperii Caess. Augg. vel regibus semper paruerint. Additae tandem sunt ad calcem SEBASTIANI BRANDII, THOMAE AVCVPARII & RINGMANNI PHILESII amicae προσφωνήσεις. Abstinemus merito ab huius operis delineatione, quod existimemus, neminem fore inter patriae antiquitatum studiosos, quibus aut non lectum pridem sit atque cognitum, aut legi saltem facili opera possit. Praeter enim quod anno MDXXX. denuo typis Argentinensibus excusum g) prodierit, cuius editionis exemplum in Bibliotheca Ienensi adseruari Lotterum docuit celeberrimus vir CHRISTIANVS GOTTIEB BVDERVS, fautor eius optimus; exstitit posthaec etiam SIMON SCHARDIVS, qui a com-

muni tenuioris molis opusculis *fato* , vt cito nempe dispareant hominum oculis , illud prohiberet , atque *Scriptorum Germanicae historiae* volumini I. infereret. *h)* Integro tandem saeculo praeterlapso eius iterum sigillatim edendi consilium cepit *i)* CASPAR SAGITTARIUS , V. C. qui vero quum , qua de caussa haud constat , denuo istud abiiceret , *k)* conlega ipsius itidem clarissimus , GEORGIUS SCHVBARTVS , additis aliquot similis argumenti coaeuorum commentariolis *lenae* in 8. *Sermones* hosce coniuuales praelo subiecit apud *Tobiam Oehrlingium* Bibliopolam (qui libellum *Zachariae ZELLERO Thorunienfi* anno MDCLXXXIV. XX. Decembr. suo nomine dicauit) praemissa eleganti admodum *anteceffione l)* in qua tum de PEVTINGERI vita & *Libri* huius *pretio* erudite fuit commentatus ; tum vero quaedam etiam de *Conradi MVTIANI RVFFI* , & *Hermanni Comitis NVENARII* meritis commemorauit. Nouissime hos *Sermones* rursus edere secum constituit *Georg. Guilielmus ZAPF* , eosque *Petro de CHINIAE* , *Capitularium Regum francorum Stephani BALVZII* nouo Editori , dedicatos *Augustae* 1781. vulgavit , adiectis *Epistolis* aliquot *anecdosis* *CONRADI* nostri , & *Nicolai ELLENBOGII* *Caenobitae Ottoburenfis* , in orbe litterario notissimi.

d) CRVSIVS *Annal. Sueu.* p. 3. l. 8. p. 527. GESNERVS *Bibl. vniuers.* p. 185. De hac prima Editione vide BLAVFVS *Nachrichten von seltenen Büchern* , Tom. II. p. 13.

e) V. ZASII *Epist. a Io. Ant. de RIEGGER editas* , *Viennae*. 1744. p. 388.

f) Haec *secunda* quaestio turbas concinit *Nostro* , & quendam ex Religiosis *Insensum* ei reddidit , qui *Nostrum* publice pro concione super ea re diffamare ausus est. *Plu-*

ra

ra habes, lector! *inferius in Appendice huius Vitae; Epistola IV. & V.* Variæ autem sunt tum Veterum tum Recentiorum de Pauli Coniugio sententiae, aliis negantibus, aliis affirmantibus. Attamen pars maxima Theologorum Paulo virginitatis honorem adiudicat. Non est propositi argumenti, de hac quaestione prolixius disserere; quare consule (si lubet) *I. B. COTELERII Patres Apostol. Tom. II. & Augustini CALMETI Comment. in S. Script. T. VIII. p. 154. 161.* vbi illa fusius tractatur. Mimine vero hic omittendum est, locum a Nostro ex *S. Ignatii Epist. ad Philadelphenos*, ad probandum Pauli coniugium, desumptum parum vel nihil euincere; cum illa *Epistola Ignatiana* abs Eruditis aevi posterioris interpolata esse, ex grauib. argumentis censeatur. Hisce te praemunire volui, lector! aduersus supra memoratas duas *Epistolas IV. & V. in Appendice occursuras.*

g) In fronte Exemplaris huius Editionis, anni scilicet MDXXX. quod in Bibliotheca Collegii Societ. Iesu Augustae vidit OEFELIVS, adscripsit *Noster: Hoc opus est a me pluribus in locis retractatum & auctum; sed non formis denuo excusum.*

h) Vbi in editione *Basileensi* prima, An. MDLXXIV. fol. vulgata, p. 407. — 424. leguntur.

i) Constat hoc ex clarissimi Lipsiensium Polyhistoris FREDERICI BENEDICTI CARPZOVII *epistola ad Sagittarium* An. MDCLXXXI. d. XVI. Decembr. scripta, & a Cel. B. G. STRVVIO in *Actis litterariis ex MStis erutis* tomo I. fasciculo II. n. V. seruata, vbi p. 119. ita habetur: *Peutingeri sermones, quos cum Nuenarii Francisci originibus te editurum nunciasti, aucto quam primum editos iterum conspiciere. — Huic opusculo quidam Rhenani, Pirckheimeri, Hutteni, vel aliorum, qui particulas historiae veteris Germanicae stilo politiori condiderunt, possent subiungi, rel.*

k) Interim tamen factum est, vt quum fama circumlatum fuisset SAGITTARIUM editurum esse *sermones*, vbi illi tandem prelo liberati exissent, ipse praefationis additae auctor aliquibus haberetur. Confer doctissimi Viri, IOAN. HENRICI ACKERI praefat. ad *Selecta poetica.*

l) Immo vero vel ipse stili cultioris habitus SCHVBARTVM auctorem indicat. Interim adsunt etiam grauiissimi

uiffimi rei testes , doctiffimi duo scholae Schubartianae alumni , quos modo laudauimus , STRVVIVS atque ACKERVS , quorum hic , quum *epistolas ac praefationes Schubarti* lenae MDCCXVII. 8. ederet , illam ipsam fasc. II. p. 33. f. iterum exhibuit ; illius vero suffragium protulit vir eruditus , DANIEL EVERARDVS DOLPIVS , in *brevi vitae Schubarti narratione* , ipsius] *de ludis equestribus* Commentario , Halae MDCCXXVII. 4. praefixa , p. 12.

VII

Pergimus ad reliqua leuioris molis *opuscula* enarranda , quae inter , ordinis iusta lege seruata , sequitur iam :

III. *Celeberrimi viri D. Chonradi Peutingeri , Augustani , Iuris utriusque doctoris , & oratoris disertissimi , Oratio pro Sacro Sancti Romani Imperii ciuitate Augusta Vindelicorum : Imp , Caes , Charolo semper Aug , Brugis in Comitatu Flandrensi pronuntiata.*

Haec est illa nostri *Oratio* ad CAROLVM V. *Caesarem* anno MDXIX. VII. Kal. Augusti habita , de qua iam *capitis I. artic. VII.* quaedam nos dixisse meminimus. Litteris illam *Antuerpiensibus* non multo post exscribi curauit PETRVS AEGIDIVS , ab *aetis curiae Antuerpiensis* , qui in praemissa simul *praefatione* consilii huius sui rationes grauitur commendat. m) Ipsum orationis argumentum in exponendis succinctim *augustissimorum Caesaris ex domo Habsburgica maiorum* , atque ipsius CAROLI , laudibus versatur maxime. Excipit hanc

IV. *Conradi Peutingeri epistola olim scripta ad reuerendissimum in Christo patrem & dominum , D. Bernhardinum Caruasalum , episcopum Tusculanum ,*
S.

S. Sanctae Romanae ecclesiae Cardinalem titulo S. Crucis , patriarcham Hierosolymitanum , & D. Iulii II. Pont. Max. ad D. N. Regem Maximilianum Augustum a latere legatum ; Augusta Vindelicorum XV. Kal. Ianuarii anno humanae salutis MDVII. data. Hanc Antuerpiae anno MDXXI. typis vulgarent Simon Cocus & Gerhardus Nicolaus , ciues Anduerpienses , commorantes in vico vulgariter nuncupato die Bokstege. Prolixiori hac Epistola Caesarum Germanorum exempla adferuntur , quorum insignis erga Pontificem Romanum studii atque obsequantiae existant documenta. Ceterum quanto minus frequens haec fuit apud litterariae rei studiosos vtriusque huius Peutingeriani Monimenti , Orationis puta atque Epistolae modo iam recensitae , cognitio ; ita vt haud meminerimus vnumquam , vel vllum ex illis , qui de PEVTINGERO dixerunt , illarum notitiam possedisse : tanto maiores gratias nobiscum habituros confidimus huiusmodi cognitionis curiosos lectores insigni illustri viri , VOLFGANGI IACOBI SVLZERI , Senatoris Augustani , benevolentiae ; qui vtriusque n) rarioris huius κειμελις , non tantum notitiam primus & vnus omnium cum Lottero communicauit , sed integrum insuper vtrumque descriptum ad eum transferri gratiose indulgit.

V. *De inclinatione Romani imperii , & exterarum gentium , praecipue Germanorum commigrationibus , epitome.. Breue hoc meletema , o) quod quidem vix dimidiam maximae formae cartam impleat , BEATI RHENANI precibus inductus composuit noster , vnde posthaec editioni PROCOPII de rebus Gothorum , Persarum*

rum, ac Vandalarum Basileensi, curante eodem RHENANO, a Ioanne Heruagio anno MDXXXI. paratae, pagina DCLXXXVII. & sequenti insertum legitur; denuo a SCHVBARTO & G. G. ZAPFIO cum Sermonibus conuiualibus vulgatum. Interim falsos esse simul hinc constat ex biographis nostri quamplures, qui separatim tituli, quo hoc schediasma inscriptum est, partibus, duos inde peculiare libellos effuxerunt; ita, ut vnum de imperii inclinatione, alterum de gentium migrationibus CONRADVM edidisse persuadere lectoribus suis perperam sustinerent.

VI. *Tractatum de fortuna* vulgares ipsi adscribunt iterum Βιβλιογνωσίας consulti. p) Neque hoc satis recte; quum nullibi istiusmodi scriptiois ab illo vulgatae exstet siue vola siue velligium.

VII. *Duos alios libellos eidem tribuit Christ. Gottl. IOECHER in Gelehrten-Lexicon. Tom. IV. p. 1477. 1. Germaniae ex variis scriptoribus perbrevis Explicatio. 2. De Bello Bohemico; At vereor, ne eadem horum sit ratio, atque illius; de fortuna. Certe primi libelli, qui est Germaniae &c. perbrevis Explicatio, auctorem non PEVTINGERVM, sed Bilibaldum BIRCKHEIMERVM esse satis constare videtur.*

VIII. Aliquot abhinc annis V. Cl. *Andreas Felix OEFELIVS* Biblioth. Monacens. &c. inter *Scriptores Rerum Boicarum, Tom. I. p. 613. seqq.* vulgavit *duo Chronica ex schedis Nostri*, promicondi, ut eum vocat, antiquitatum omnium. 1mo. *Breue Chronicon Boioariae & Sueviae ab ao Xti 906. ad 1280. 2do. Breue Chronicon Augustanum ab ao Xti 1256. ad 1467. Vide quae inferius §. X. a me dicentur.* IX.

IX. In Bibliotheca *Bünauiana* sequens reperitur opusculum, *Nostri* cura versum: Io. OECOLAMPADII von *Austheilung des Almosens in Latein* beschrieben (anno 1523.) verteutscht durch Chunrad Peutingern. Basel. 1524. Vide memoratae *Bibl. Catalog. Tom. III. p. 1154.*

X. His adde, quae PLACCIVS in *Theatr. Anonymorum & Pseudonym. n. 1826. de Nostro* memorat his verbis: „Chronici parui Augustani (ita „allegant; quia nomen non praescriptum) von „viel und mancherley Historien in viel Landen, und „Gegenden geschehen von dem Jahr 903. bis auf 1521. „auctor dicitur Chunradus PEVTINGER I. C. „apud GOLDASTVM *de bello bohemico* l. 4. c. 8. „§. 3. p. 473. „Vide, quae inferius §. X. a me dicentur. Cum PLACCIO consentire videtur IOECHER in *Gelehrten-Lexicon*, vbi *Nostro* tribuit opus *de Bello Bohemico*, prout supra n. VII. monui. Hic ipse IOECHER *Nostro* etiam adsignat, & merito quidem

XI. *Acta Comitiorum Eßlingensium*, de quibus supra *Cap. I. §. V.* egimus.

XII. *Sermo de Praestantia artis musicae*. Reperitur hic sermo in libro, qui adseruatur in Odeo ad S. Annam Augustae sub titulo sequenti: *Liber selectarum Cantionum*, quas *Mutetas* appellant. fol. 1520. Vide *Annales Typograph. Augustanae*, p. 79.

XIII. *Epistolae ad Ioann. REVCHLINVM* 1501. verius 1499. IV. Kal. Februarii: ad eundem 1503. X. Kal. Maji: ad eundem 1512. pridie Idus Decembris: ad Conradum MVTIANVM Ictum 1513. VIII. Kal. sextilis datae, extant in Libro: *Illustrium Virorum Epistolae ad Ioannem REVCHLINVM*. 4to. Hagenaë. 1519,

XIV.

XIV. *Epistola ad Georg. SPALATINVM* inuenitur in *Manipulo Heckeliano*. l.

XV. *Epistola ad Bilibaldum BIRCKHEIMERVM*. Hanc e tenebris produxit *Ioann. HEVMANNVS* Iuris in *Academia Altorfina* Professor, in *Documentis litterariis*. 1758. in 8. editis. pag. 119. 120.

XVI. *Epistolae tres ad Nicolaum Ellenbogium*, Monachum *Ottoburanum* extant ad calcem editionis *Sermonum coniuualium Nostri*, a *Georg. Guil. ZAPF*. 1781. adornatae. Taceo deliberato *Epistolas*, quas *Noster* in modum *Praefationis* vel *Dedicationis* *Libris* praemisit; uti etiam illas *XV. Anecdotas*, quas in *APPENDICE*, inferius exhibeo.

m) His potissimum ad optimos lectores verbis: operae compendium mihi facturus videor, si orationem *D. Choum-radi Peutingeri*, oratoris *Augustani*, Iuris utriusque callentissimi, praeterea omnis antiquitatis indagatoris & solertissimi & diligentissimi, formulis curarem excudendam; quae, licet publicitus apud *Imperatoriam Maiestatem Bruggis* ab eodem, applaudentibus cunctis, dicta fuerit; tamen conuenire mihi visum est, eam non ab uno & altero, sed ab omnibus lectitari; ut & nostri quoque oratores hunc salutandi & gratulandi morem, diu intermissum, aemulentur. rel. Conf. *FREYTAGII Analecta literaria de libris rarioribus* p. 669. seq.

n) Neque vero etiam alterutrum cognitum fuit solertissimo harum typographicae artis deliciarum indagatori, clarissimo *MAITTAIRIO*. Conf. *FREYTAG*. l. c. p. 670.

o) Vide *GESNERI bibliothecam vniuers.* p. 185. a.

p) *ADAMI*; & qui hunc transcribunt fere *FREHERVS* atque *TEISSIERVS*.

VIII

Equidem, quas modo adpellauimus, *lucubrationes* hoc non efficiunt, ut *superbum polygraphi*

graphi nomen meruisse *nos*ter dici possit. Interim, quum voluminosa opera, si cetera quidem desint; immortalitatem suis praestare haud semper atque gloriam soleant auctoribus; vel *minutis* etiam hisce *libellis*, praestantissimam doctrinam complexis, abunde reliquit CONRADVS, quo versatum se inter mortales olim posteritati testaretur. Immo vero facilem ex amplissimae ipsius eruditionis copia coniecturam facimus, pluribus forte illum *ingenii proprii monumentis* publico bono consulturum fuisse; nisi negotialis idem maxime vitae ratio, & medium praesertim, atque optimum studiis, aetatis tempus Imperatorum aulicorumque officiis, legationibus frequentioribus, domesticis item curis amicorumque negotiis nimium distentum, impediisset. Quid quod adeo non inter haec omnia litterariae rei commoda ex animo deposuerit, ut potius de illis prouehendis, sicubi otium superesset, semper cogitaret. Fecit hoc praeter cetera in primis, dum *aliorum* quoque *scripta*, quae lucem ipsi publicam meritura censebantur, *antiquiorum* non minus quam *recentiorum*, typis vulgari iuberet; quorum quidem haec potissimum, ne publicata ipsius cura an. MD. *Ada Comitiorum Eßlingensium*, de quibus *primo* iam *capite* dictum est, & ALCIATI *Emblemata*; quorum paullo ante facta fuit mentio, denuo commemoremus, ad nostram in praesens notitiam peruenerunt:

I. GVNTHERI Poetae Ligurinus, *s. de gestis diui Friderici primi, libri decem: impressi per industrium ac ingeniosum ERHARDVM OEGLIN, ciuem Augustensem, mense Aprili MDVII. fol. (Aug. Vind.)* hunc Poetae, inter illos qui latine scripserunt, sua aetate praestantissimi foetum, a

F

CON.

CONRADO primum CELTE in *coenobio Eberacensi*, quod est in *Franconia*, detectum, prima *Societas litteraria Augustana*, alio loco nobis laudata, in manus hominum typorum beneficio suis impensis emitti curauit, maximo operis existente *εργαδιωκτη* PEVTINGERO, quem prae-missae *antecessoris* auctorem esse constat. q) *Ligurino* subnectitur Epistola CONRADI ad *Maximilianum* Caesarem, in qua postea quam *Maiores Ottonis Frisingensis* Episcopi, illiusque Opera enumerasset, eaque propediem Caesare approbante abbreviatione quadam publicaturum se promississet (certe in margine Codicis *Ottonis Frisingensis*, quem in Bibliotheca Collegii Soc. Iesu extare supra docui, saepius ad oram PEVTINGERI manus occurrit) monet, voluisse se *Ligurino* subiungere *Epistolam Friderici I. Caesaris ad Ottonem*, qua res a se gestas eidem exponit. *Epistolam* itaque PEVTINGERI, illa *Friderici I.* subsequitur. Hanc vero CONRADI PEVTINGERI de ortu, genere, & posteris Imperatoris Caesaris *Friderici I. Traditio* comitatur. Miramur harum rerum nullam a LOTTERO factam mentionem; fors ab eo exemplari *Guntheri*, quo ille usus est, plagulae illae aliquot, quibus ante memorata continentur, auulsae fuerunt, quin id ab Lottero obseruatum; quod typus non cohaereat, nec paginae sibi inuicem respondeant. Animaduertit tamen errorem suum hunc LOTTERVS postea, correxitque in laudata *Epistola* sua ad I.G. SCHELHORNIVM de edendis *Peutingeri opusculis*. 4.

II. PAVLLVS CORTESIVS in *sententias* (PETRI, puta, LOMBARDI) qui in hoc opere eloquentiam cum theologia coniunxit. Boni igitur ac studiosi gaudento atque emunto. *Basileae Rauricorum*
 hos

hos *IV. sententiarum libros P. Cortesii Protonotarii apostolici prius Iulii II. P. M. auspiciis Romae publicatos, denuo recognitos Ioan. Frobenius Hammelburgensis imprimebat m. Aug. an. MDXIII. fol.* Debetur haec itidem Cortesiani commentarii editio PEVTINGERO, qui ad B. RHENANVM ipsum transmissit, r) vt formis *Basileae* publicis exscribi iuberet. Quod primus esset inter recentiores theologos CORTESIVS, qui repudiata barbara illa atque scholastica de diuinis rebus differendi ratione, latina eloquentia praecepta Dei tradere instituisset, persuasum habuit *noster*, ad priscae aevi elegantiam restituendam, aliamque ac liberaliorem non humanis tantum, sed diuinis quoque litteris, faciem inducendam haud parum conferre posse, si *diuinum hoc*, quod appellat, *maximaeque philosophiae conditum* opus denuo emitteret, s) Addidit *epistolam* CONRADVS ad RHENANVM, XIII. Kal. Iulias an. MDXIII. scriptam, & in ipso CORTESII vestibulo conlocatam, quam, si *reginam* omnium, quae illius adhuc supersunt, nominauerimus, nihil omnino citra rationem nos pronunciauisse existimamus.

III. PAVLLI VARNEFRIDI *libri VI. de gestis Longobardorum*, & IORNANDIS *liber de rebus Geticis*. Aug. Vind. MDXV. apud Ioannem Miller, fol. & haec *princeps* omnium scriptorum horum editio t) auctorem habet PEVTINGERVM; quem, de illa curanda, quatuor iam ante annis *Caesareum diploma* impetrauisse certum est. Ipsum infra *concessionis MAXIMILIANI instrumentum* referemus, vbi *historiam tabulae Peutingerianae* commentabimur studiose. Opus hoc dedicauit *Noster Hieronymo NOGAROLI Comiti*; in qua

Dedicatione innuit , hos duos Auctores *Maximiliani* Caesaris ductu auspicatori , & tum suatum *Ioann.* STABII cura ac diligentia restitutos esse. Dedicationem. excipiunt Carmiua doctorum Virorum , praecipue *Ioannis* FOENISECAE Augustensis , certatim laudibus PEVTINGERVM extollentium. Errauit tamen PEVTINGERVS , quod existimauit , vtrumque hunc Scriptorem abs se primo omnium in lucem edi ; cum *Paulus Diaconus* iam anno vno prius , scilicet MDXIV. *Parisis.* apud *Iod. Badium Ascenfium* foras prodiuerit.

IV. CONRADI A LICHTENAV , *Abbatis Vrspergensis Chronicon a Neno Assyriorum rege ad Fridericum II. Imp. an. MCCXXIX. deductum ; impressum per Ioannem Myller , Augustae Vindelicarum Chalcographum , anno MDXV. X. Kal. Nov. fol. celebratissimum hoc mediae aetatis opus post trium fere saeculorum decursum in monasterio imperiali Vrspergensi , dioeceseos Augustanae , in carta membranacea descriptum , primumque a PEVTINGERO ibidem inuentum , vulgatum itidem ipsius opera primum est typis publicis , u) instante maxime Episcopo tum Augustano HENRICO DE LICHTENAV , qui erat ex Abbatibus posteris , non nobilitatis minus quam litterarum gloria insignis , corrigente & emendante Ioanne FOENISECA , qui , quos labores hauserit , in fronte operis indicat.*

V. ORI APOLLINIS *Hieroglyphica, Basileae apud Ioannem Frobenium MDXVIII. quart. possessor factus erat noster codicis graeci huius de antiquis Aegyptiorum litteris commentarii. x)* Venerat forte *Augustam* BERNARDINVS TREBATIVS ,

VS, *Vincentinus Italus*, graece ac latine non indoctus, atque in amicitiam CONRADI admiffus impetrauerat ab ipfo, vt latinum ex graeco vertere ipfi indulgeret. Hoc facto excusus, cum TREBATII ad PEVTINGERVM perhonorifica dedicatione Augustae XII. Kal. Maias an. MDXV. data, publice comparuit.

VI. Praeterea *Nostro* in acceptis referre res litterarum publica PROCOPII *Caesariensis* editionem *Basileae*, 1531. factam debet

VII. Vti etiam IORNANDIS *Epitomen de successione regnorum & temporum*; quae ambo opera *Noster* officinae *Hervvagianae* excudenda communicavit y) testante Beato RHENANO in Epistola ad Bonifacium AMERBACHIVM, memorato *Procopio* praefixa, his verbis: *Atque equidem miraris fortasse, unde Hervvagijs Procopianum exemplar, tam anxie tamque diu quaesitum, tandem nactus sit? Chunradus noster Peutinger, urbis Augustanae, immo Sueviae totius immortale decus, id ex Bibliotheca illa sua instrudissima submisit, certe Vir optimus, & mihi quoque propter exhibitam anno superiore in παρρησιας illo apud Augustam Concilia non vulgarem humanitatem peculiari-ter praedicandus. Idem Iornandis epitomen de successione regnorum & temporum, antehac non editam, officinae Hervvagianae communicavit.*

Sunt alia quoque minutioris molis Opera, quae *Noster* pro indefesso suo vel rem litterariam adiuuandi, vel amicis gratificandi studio typi adminiculo publici juris aut fecit ipse, aut fieri ab aliis permisit, vt sunt:

VIII. Richardi BARTHOLINI *Oratio ad Imperatorem Maximilianum Augustum de Expeditione contra Turcas.* z) Praemittitur sequens *Au-*

Horis Epistola ad Nostrum : Decreueram , Vir literate ! ut oratio , quam in Conuentu Augustensi mandato D. P. Maximiliani Caesaris recitaturus eram , . . . penes me omnino delitesceret ; tamen coactus sum . . . in vulgum edere . . . Dabis igitur operam , ut cum tuis auspiciis exitura sit ; quo & a litteratis recipi , & tuo correspondere nomini possit.

IX. *Henrici BEBELII Historia D. Hieronymi pro Horis canonicis : & Historia D. Annae. a)* Audiamus ipsum BEBELIVM in Epistola ad Mich. HVMMELBERGIVM , anno 1513. data , quam inferius in *Appendice* exhibeo : *Composui historiam D. Hieronymi pro Horis canonicis , & cum notis , ut ita loquar , musicis , cum Indulgentiis & confirmatione Archiepiscopi Moguntinensis : historiam item D. Annae ; quae sunt Augustae impressae ductu & auspiciis Conradi Peutingeri : illum roga , & habebis unum exemplar.*

X. *Michaelis HVMMELBERGII Epitaphium in Caesarem Maximilianum.* Comprobat hoc lo. REVCHLINI Epistola ad Mich. HVMMELBERGIVM , e *Stutgardia* anno 1519. data , sequentibus : *Placuerunt mihi tua in Caesarem Epitaphia ; cur enim , quae Hummelbergii sunt , non valde placerent Capnioni ? Et gratulor , ea per nostrum Peutingerum praelo committi. Faceret idem noster Thomas (Anselmum , puto , intelligit) nisi praeuentioni locus fuisset. b)*

XI. *Ioannis FRANCISCI , MIRANDVLAE Domini , de expellendis Venere & Cupidine Carmen heroicum , & Hymnus de D. Laurentio.* Operi praeit Epistola AuZoris ad PEVTINGERVM Idib. Nouembr. 1512. *Romae data : Offendi hic Romae uxoris tui fratrem , cui ut nihil non ad te mitterem ,*
cominu-

commune feci Opusculum de Venere & Cupidine expellendis ; quod magnis animi in perturbationibus positi ad levandam molestiarum molem cecinimus. . . Mitterem , si per occupationes liceret , maioris & operae & diligentiae volumina. Nam post illa nostra & de praenotione rerum & de fide theorematata , & alia , quae Argentorati stanneis impressa notis , pleraque composuimus &c. Hoc Opusculum cum accepisset PEVTINGERVS , anno insequenti typis commisit. c)

XII. *Compendium , siue Breuiarium primi voluminis Annalium siue Historiarum de origine regum & gentis Francorum . . . Ioannis TRITHEMII. fol. In fine legitur : Impressum & completum est praesens chronicarum opus anno dni. MDXV. in vigilia Margaretae virginis. In nobili famosaque urbe Moguntina , huius artis impressoriae inuentrice prima per Ioannem Schoeffer , nepotem quondam honesti viri Ioannis Fust , cuius Moguntinensis , memoratae artis primarii auctoris &c. Huius Operis exemplari PEVTINGERVS sua manu adscripsit sequentia : Compendium Abbatis Sponheim ea solum causa publicare permisi , ut nugae eius publice adnotarentur. Cum nullum citet Historiae suae verum auctorem , fingit quendam HVNIBALDVM , qui saltem ex scripto visus non est ; & ut ab optimo nostro amico, Ioanne STABIO, caesareo Historiographo accepimus, cum is pro supra scripto Auctore , post TRITHEMI mortem , Herbipolim missus fuisset , hunc non reperit , verum schedas quasdam , quibus historiam suam subsequenter (ut voluit ; libri enim erat iidem & calamus & chartae) saepe & saepius immutauerat , & ob Falsum admissum a Casimiro Marchione apud Maximilianum Caesarem super rebus Francorum me*

praesente accusatus fuit , verum iam defunctus. Id vero pessimum duco legem historiae, ut Cicero de Oratore docet , hoc est , ipsam veritatem non observare. Similia ferme Noster ad EGINHARDVM de Gestis Caroli M. Coloniae , 1521. 40. notavit ; de quibus cum Vir clarissimus Andr. Felix OEFELIVS Oliverium LEGIPONTIVM , accuratissimum Vitae TRITHEMII scriptorem monuisset , is PEVTINGERVVM sibi refellendum duxit. d) Nostrarum partium esse haud ducimus , huius controuersiae arbitros nos constituere. De reliqua mira atque insolita , Nostro autem perquam honorifica , sunt verba , quibus *Maximilianus Caesar* in Priuilegio impressorio anno MDXIV. dato, & huic lucubrationi *Trithemianae* praemisso, utitur : *Decernentes , ut ipse (scilicet M. Ioannes Haeselberg de Constantia) quidquid per te praenominatum Trithemium Abbatem ... tractatum & opusculorum editum , & per honorabilem , fidelem , nobis dilectum Conradum Peutinger , Doctorem & Consiliarium nostrum , reuissum & admissum fuerit , imprimere ... valeat &c.* ex quibus liquido patet : tum qua de causa superius dixerit PEVTINGERVS : *publicare permisi* : tum quantam Caesar *Maximilianus* eruditionis & integritatis fiduciam Nostro habuerit ; dum in illius iudicio se tuto acquiescere posse credidit. Licet autem non postremae , in huius Operis editione, Nostri partes fuerint ; tamen dubium manet , an is non magis solum Censoris munus sustinuerit , quam ipsum Opus , e sua Bibliotheca desumptum , praelo subiici concesserit ?

XIII. *Nicolai de CVSA Tabula Germaniae. e)*
 Lubet adferre *Sebast. MVNSTERI* verba in *Germaniae . . . Descriptione pro Tabula Nicolai Cusae*
intel.

*intelligenda ; in cuius praefatione ad PEVTINGER-
RVM ita ait : Cum nuper Andreas Cratander in
studiosorum utilitatem publicare statuisset Tabulam Ger-
maniae ab insigni illa Mathematico Nicolao de CVSA
conscripſtam , a te vero , Vir ornatissime ! pro Ger-
maniae nostrae illustratione redemptam , non inutile
visum fuit. . . Ceterum hoc , quidquid est laboris , sub
tuo nomine , Vir clarissime ! tibi nuncupantes edidi-
mus ; partim quod Tabulam istam tam egregie pictam
& sculptam nobis Germanis vindicaueris ; partim quod
iam a multis annis diligentem egeris antiquitatum &
historiarum indagatorem , quin & insignem Geo-
graphum ; id quod nobilis liber a te editus indicat ,
in quo Germanos ultrarhenanos a Gallis asseris. . .*

Ceterum , ne diutius te morer , Lector !
ulteriori recensione supersedere licitum mihi exi-
stimo eorum operum , quae PEVTINGERVS vel
e tenebris atque atra vetustate asserta , vel sibi
ab eruditis amicis transmissa , vt typis exscribe-
rentur , curauit plurimam ea re abs Republica
litteraria gratiam iure optimo promeritus ; quod
coniici facile possit , maximam ex tam praeclaro
instituto laudum materiam in tanto litterarum
litteratorumque patrono & statore existere de-
bere.

q) MAITTAIRE *Annal. Typogr.* tomo II. p. 183.
V. *Annal. Typograph. Augst.* p. LII.

r) Ita de hoc instituto noster in litteris ad Mutianum
saepius iam adlegatis , & VIII. Kal. Sept. MDXIII. scrip-
tis : Dedi nuper BEATO RHENANO , & amico , &
perdocto , P. CORTESIVM Romae formis excusum , vt
denuo imprimeretur. Scripsit is in sententias Christianas
accuratissime , stilo politiori & latiali. rel. Consonat
Michael HVMMEELBERGIVS in Epistola ad Nostrum
1513. V. Kal. Nou. data : Paulum Cortesium theologum

omnium elegantissimum tuis auspiciis denuo typis excusum nuper Beatus noster RHENANVS muneri mihi misit.

s) Commemorabilia admodum hanc in rem sunt epistolae CONRADI ad BEATVM verba: Non satis admirari aliquando solebam — homines plerosque ea insolentia tumentes, vel ut dicam potius ignorantiae-squallore obtritos, ut etiamsi disciplinas maximas profiteantur, elegantiam ipsam odio habeant, hancque ut fucatam insectari & deuovere nitantur. Adeo omnes, qui propitia, ut aiunt, Minerua bene & latialiter, vel etiam graece dicere consueuere, quasi abiecto, indigno ac etiam turpi nomine poetae inclamant, dilacerant, & boatu suo a puerorum institutione ac etiam vrbe pellendos putant. Sed proh inscitiae & facinoris iniuriam! — quare non iniuria etiam apud posteriores theologos, (de eruditis loquor) eloquentia ipsa in pretio semper fuit. — Cortesio ipsi plurimum est congratulandum, quod sacras litteras ab inculta atque temeraria lingua restituerit, hosce audaces homines, politioris litteraturae hostes, adnotauerit, profligauerit atque vicerit; cui & nos & posteris plurimum debemus. Credo modo & hoc adsero firmiter, litterarum & doctrinae monimenta aliquantulum luci reddita, ac ad claritudinem pristinam euocata esse. Breuique aetas nostra (Deum opt. max. ita rogo) perficiat, ut a caliginosa tempestate, ingenti illa socordia, putrique barbarie aliquando & integre liberemur. Quamobrem diuinum hoc Cortesii maximaque philosophia conditum opus legito, & castigatum diligentissime denuo emitto, ut etiam Germanis nobis & utilitatis & salutis conseruandaeque virtutis rectam & immaculatam eloquentia ipsa, eius quoque nitor & decor viam ostendat, qua actorum nostrorum gloriam & post fata immortalitatis memoriam consequamur.

t) MAITTAIRE *Annal. Typogr.* tom. II. p. 266. V. *Annal. Typograph. Augustanae*, p. LI.

u) Debemus hanc pleniorē primae istius *Chronici Lichtenauensis* editionis notitiam supra nobis iam commendato CORBINIANO KHAM, qui illam *Hierarchiae Augustanae* parte III. sect. II. vbi de coenobio *Vrspergeni* agit, num. VIII. p. 497. luculenter admodum exposuit.

x) Haec libri frontem ornat ac tituli simul vices explet typographi ad lectores *περοφωνησις*: damus nunc vobis
Orum

Orum Apollinem Niliacum de Hieroglyphicis notis a Bernardino Trebatio Veicentino latinitate donatum. In quo veteris Aegyptiorum sapientiae thesaurum reperietis, vulgo haud dum cognitum, & miras rerum ac animantium naturas ac proprietates. Eum insignis ille meliorum litterarum antistes Chunradus Peutinger apud Vindelicos Augustani Senatus a secretis & Caesareae Maiestatis a Consilio, liberaliter non ita dudum nobis communicavit. Bene valete, & Frobenium amate.

y) Huius Editionis exemplari in Bibliotheca Peutingeriana extanti PEVTINGERVS sua manu adscripsit: Ioannes Hervagius Chuonrado Peutinger dono dedit.

z) In excusoria Sigismundi Grimm Medici & Marci Wirsung officina. Augustae Vindelicorum, anno salutis MDXVIII. 12. Kal. Octobr. in 40. V. Annal. Typogr. August. p. LVII.

a) Confer Annales Typographiae Augustanae, pag. 57.

b) Vide Epistolas in Appendice huius Vitae apponendas: scilicet Mich. Hummelbergii ad Peutingerum 1519. V. Idib. Iun. Peutingeri ad Hummelbergium 1519. 12. Iun. aliam Hummelbergii ad Peutingerum 1519. 6. Kal. Sextil.

c) Prodiit Liber iste hoc titulo: Ioann. Francisci, Mirandulae Domini, de expellendis Venere & Cupidine Carmen heroicum, & Hymnus de D. Laurentio. Baptistae Mantuani Elegia in Amorem, & eiusdem in Venerem Heroicum, in Cupidinem nocivum Carmen Luciani. 4. Argentinae, apud Ioann. Schottum. 1513.

d) Fecit hoc in Historia Rei litterariae Ord. S. Benedicti, auctoribus Magnoaldo ZIEGELBAVER & Oliuero LEGIPONTIO, Tom. III. p. 328. Augustae. fol. Sumptibus FF. Veith.

e) In dedicatoria Epistola, Basileae, mense Augusto MDXXX. data, MVNSTERVS Nostrium titulo Historici & Cosmographi doctissimi honorat.

IX

Solent plerumque inter eruditorum scripta non illa tantum sedulo adtendi atque notari, quibus vel de autorum voluntate, vel fati benignitate, huius vsura lucis contigit: sed illa quoque

que curiosius inuestigantur, quae in scriniis abdita *anecdotorum*, *affectorum*, aut simili nomine censentur. Huius generis & *Peutingeriana* aliqua adhuc memoranda superant, quorum cognitione tanto minus ego quidem lectores meos defraudabo, quanto fauentior mihi in illa acquirenda fortuna adparuit.

Equidem Io. G. LOTTERVS horum designationem, at illam mancā admodum & imperfectā, exhibuit. Sunt itaque sequentia, quae in memorata *bibliotheca Collegii* quondam *Soc. Iesu* post diligentem inquisitionem reperire potui, PEVTINGERI Opera; quorum exordia attexenda esse duco, ut, quodnam sit eorum maxime argumentum, clarius pateat.

I. *De supremæ Imperatoriae Maiestatis Præeminentia & Potestate*; Incipit:

Tempore superiori, & potissimum cum Imp. Caes. *Maximilianus* Augustus a S. R. I. Principibus Electoribus in Romanum Regem adscitus (fuit is salutis annus 1486.) cum adhuc *Patauii* causā studii agerem, verba quaedam & sententiæ ex Imp. Caes. *Caroli IIII.* Aug. *Edicto* imperiali, quod vulgo *Bullam auream* vocant, ex capite scilicet primo recitabantur: ut quotiescunque & quādocunque futuris temporibus necessitas, siue casus electionis Regis Romanorum, in Imperatorem promouendi, emerferit; item ex capite 2do. & de Principum Electorum Iuramento, ubi inter caetera scriptum est, quod per fidem, qua Deo, & Sacro Romano Imperio sum adstrictus, secundum omnem discretionem & intellectum meum, cum Dei adiutorio, seligere volo temporale Caput Populo Romano, id est: Regem Romanorum in
Caes.

Caesarem promouendum, prout & saepius in *Edicto* ipso verba haec repetuntur ; admirabantur plerique , vt Imperator in maiori fastigio , & praeeminentia , quam Rex , esse deberet. . . . deinde annis sequentibus opus *Epistolarum Leonardi ARETINI* a nobis coemptum , . . . in cuius libro *sexto* nomine ARETINI eiusdem ad CYRIACVM quendam comperta est a nobis *Epistola* , in qua inter caetera refert : *Admiratum te dicis in hoc nouo Sigismundi Principis aduentu* , quod qui ante coronationem se regem scribit & Romanorum , post coronationem , quasi maius quiddam & dignius exprimere volens , Imperatorem se nuncupat , non Regem ; quod perperam factum arbitraris , & quaeris a me , num idem , sentiam , quod tu , an contra putem ; se quoque idem , quod Cyriacum , sentire asserens haec iam pridem adnotasse & redarguisse , Postea nobis ab Hieronymo NOGAROLI Comite Roberti VALTVRII de *Re militari* opus ex Italia missum est , qui libro octauo vocabula rei militaris publici honoris ; vt inquit , interpretari solet , de Imperatore ita subiungens ait : a quo autem primum haec nomina Imperatoris nostri temporis coronandi , nominandique consuetudo , vel abusus potius defluxerit , non satis intelligo , & infra : Existimo autem hoc a Barbaris deriuasse , qui cum priscas historias ignorarent ; neque vim verborum : Imperatoris & Regis , bene noscerent , essetque frequens apud eos Regis nomen , vt puta sub Regibus viuentes ; Imperatorem vero rarum viderent , id excellentius arbitrati sunt , quod rarius , aut insuetius conspiciebant . Vtuncque tamen hoc adoleuerit , id plane constat , vel a Barbaris , vt ante diximus , non scite : aut a doctis parum modeste hanc sublimem Imperatoris ,
id

id est, Dei appellationem (ut inquit Cicero) magis, quam regiam, post coronationem, usurpata & posterioribus temporibus introductam esse, regibusque concessam. Haftenus VALTVRIVS. Tandem ultimo, & his proximis annis, oblatus est nobis *Marii SALOMONII In 1. Pandectarum librum Commentariolorum opus (hoc enim ita appellat) vbi . . . plurimum supremæ Imperatoriae Maiestatis praeeminentiae & potestati detrahare & hanc imminuere est conatus. . .* Verum assertis illis comprobationibus & argumentis, quibus non solum in eadem *Epistola LEONARDVS . . .* sed & VALTVRIVS, ac SALOMONIVS ipse vsi sunt, Dei auxilio contradicere studebimus, &, vt res ipsa intelligatur plenius, argumenta ipsorum proponemus. Et ab *Epistola* exordium sumentes. *reliq.*

Vides satis, Lector! quid hoc opere agat *Noster*, quos contra militet.

II. *Ad venerandum in Christo Patrem & D.D. CHVONRADVM Abbatem Monasterii Caesariensis, Ord. Cisterciens. Chuonradi PEVTINGERI Augustani Iuris Consulti in D. Pauli Apostoli raptum, & de vero in Eucharistia Corpore & Sanguine Christi Conlektionem f).* Praemittuntur huic operis *Litterae CONRADI Abbatis ad PEVTINGERVM, sequentes :*

Fr. CONRADVS Abbas Caesariensis egregio Domino Chuonrado PEVTINGERO Patriuo Augustano, Iurium Interpreti consultissimo, ac Domino & Amico sibi praecipuo S. P. Quid superioribus diebus, mi charissime Chuonrade PEVTINGERE! in . . . *Wilibaldi BIRCHAMERI Nürnbergensis Senatoris de vera Christi carne*
&

& vero eius sanguine contra conuicia *Ioannis*, qui sibi OECOLAMPADII nomen indidit, ad *Clementem* VOLCHAMERVM communem amicū nostrum tumultuarie, & indigeste scriberim, ex scaeda huiusce acclusa intelliges; unde cum nunc in tectis praedicetur, quod non longo ante tempore in aure audiui, te inter cetera de *Sacramento Dominici Corporis & Sanguinis* contra errores perniciosissimos calamitosorum praesentium temporum non nihil scriptitare, precor te maiorem in modum, tantas inter nos iudicando componere lites, atque vter nostrum ad sinceram catholicamque veritatem propius accesserit, decernere, dignoscereque velis. Non enim doctorum hominum iudicia, neque per certas rationes, & congruas auctoritates emendari refugio. Vale, & si quid habueris, quod mea interesse putaueris, ne me, precor, celes. Ex Caesareano Caenobio.

Suo *Clementi* VOLCKHAMERO *Norenbergio* CHONRADVS secundo g) nomine *Abbas* fratrum in monasterio *Cesariensi* Deo famulantium S. P.

Cum ante dies hosce non multos, mi *Clemens* VOLCKHAMERE charissime! *Wilibaldi* BIRCKHEIMERI huius vestri Patritii, & Senatoris omnium callentis, & eruditi, & disertī de vera Christi carne & vero eius sanguine contra conuicia *Ioannis*, qui sibi OECOLAMPADII nomen indidit, secundam responsionem perlegerem, offendi profecto, quod cum concordī Patrum sententia ex diametro pugnare, immo veritati obuiare videtur. *Viuebat Apostolus*, inquit, adhuc in terra; attamen quod eodem tempore

pore per reuelationem in corpore etiam in terram ascenderit caelum , nequaquam indicat obscure , *et si humilitatis gratia id se nescire asserat* ; quod cum homini Paulo accidit , cur Deus caeli & terrae non possit esse ubique corporaliter etiam , maxime iam glorificatus ? Fateor haud male infertur a BIRCKHAMERO, si corpus Apostoli Pauli fuit simul in pluribus locis , consuetarium esse , ut & Corpus Christi simul possit esse in caelo & in altari (quod impossibile autumat OECOLAMPADIVS , errans toto caelo ; nam verissimum est , Corpus Christi simul esse in diuersis locis sacramentaliter) At quod BIRCKHAMERVS raptum existimat corpus Pauli in caelum , & simul fuisse in terra , veritati minime quadrare videtur. Nimirum unum corpus non potest esse simul in pluribus locis totaliter , cum id nec angelo conueniat ; eadem enim ratione posset esse & ubique.

Denique de corpore nihil addubitat Paulus ; sed hoc nescire dicit de spiritu suo , *an in corpore , vel extra corpus* , hoc est , an raptus ille extaticus animam a corpore dissoluisset , aut ad videnda & audienda tanta arcana spiritus in corpore residens esset euocatus , non quidem locali praesentia , quae ad intelligentiam spiritus non est necessaria , sed obiectiua. Quod ergo de spiritu Pauli Patres asseuerant , hic de corpore intelligit. Nam quia animus suus corporeis non fungebatur actionibus , dicit , se nescire , an sicut fuit abstractus , ita & vnione corporis. Porro quod idem BIRCKHEMERVS subiungit , apostolum gratia humilitatis dixisse , se nescire , *an in corpore , an extra corpus* ; id mihi non probatur , nec sibi subscribo.

Nam

Nam si humilitatis gratia dixisset Apostolus , *se nescire* ; potius vtique , & maiore humilitate dixisset , *se nescire* , quod ibidem praecedit , & sequitur , videlicet cum dicit de se ipso , *scio hominem* , & quod maius est , *scio hominem in Christo* , vt est , vnitum Christo per fidem charitate formatam ; iam cur non gratia humilitatis pleraque alia , de quibus audacter gloriatur , aut subticuit , aut *se nescire* dixit ; Denique cum in nullo casu mentiri liceat , & omne mendacium sit peccatum ; nemo mihi persuadeat , Paulum , perfectum Vas electionis sacrae , Templum Domini , Sacrarium & familiare Spiritus sancti Organum , vel gratia humilitatis , mentiri voluisse. Ceterum quod dicit , *venit Deus saluos facere peccatores* , *quorum primus ego sum* , non vtique mentiebatur humilitatis studio ; sed ita de se sentiebat reputatione propriae fragilitatis , & indignitatis , cui tamen dignus non erat reliquus mundus ; ita vno ore loquuntur orthodoxi Patres , a quibus , crede mihi , non facile auellor. Itaque cum solius diuinitatis sit , in nullo peccare ; sapientis vero , errata castigare , obscura elucidare , ambigua enodare , superuacua rescicare , oro te pro summa nostra amicitia , & beneuolentia : amicum tuum inter te & ipsam amice commonefacias , parum attente scripta expendat limetque ; id quod procul dubio sponte , lubensque faciet ; non enim , vt arbitror , ita scriptis suis addictus est , vt , ea mordicus tenens , in sensu suo abundare , & contra Patrum sententias , imo veritatem ipsam , defendere contendat. Quod si malit , sensu suo ex

canonicis litteris , & rationibus probabilibus se retulisse , demonstret. Bene valet.

Sequitur opus PEVTINGERI, quod sic incipit :

In Christo Seruatore salus & perpetua felicitas.

Dum mense superiori in pomerio caenaremus , Venerande Pater , dignitatis tuae litterae mihi redditae sunt , ex quibus plane perspeximus , Eam in prioribus , quas ad *Clementem VOLCKAMERVM* Patricium Nurnbergensem dedisti in negotio de vera Christi carne , & vero eius sanguine , a nostro BIRCKHEIMERO simili patriciatus ordine ac magna eruditione exornato aliquanto dissentire. *reliq.* Denum opus ita finit : Haec itaque congeffimus , *tamen contra Ecclesiam catholicam impie aut irreligiose asserere volumus nihil* ; quod & contestamur , ac cum *S. Augustino* , quem ultra alios saepe & saepius citauimus , ita Deum omnipotentem deprecamur : si forte aliud dixi , quod dicere non debui , homo dixi , & utinam sub Deo , qui confirmat ambulantes , minatur erranti , ignoscit agnoscanti , renouat item linguam , renouat & lapsum ; quare etiam , vt idem *Augustinus* ait , non timendi sunt callidi insectatores , aucupes verborum , dinumeratores pae-ne syllabarum , & praeuaricatores praeceptorum. Laus Deo omnipotenti.

III. Huc referas , benigne Lector ! velim aliud *Nostri* opus anecdotum , quod paulo ante memorato praemittere voluit , hoc titulo : *De Verborum : sacrum , sacramentum , sacer locus , sacramque , significatione , & de Iureiurando Asceticon , seu Exercitatorium primum.* Incipit:

Cum

Cum annotationes quorundam , de Corporis & Sanguinis D. N. Iesu Christi , congerere instituissemus , operae pretium duximus, primum quorundam verborum significationes referre , vt sententias & opiniones tam veterum, quam recentiorum , qui re super hac scripserunt , accommodatius intelligere possimus. *reliq.*

IV. Hoc loco exponendum venit opus philologicum de Vocibus : *Vespertilio* & *Vespillo*. Incipit :

Chuonradus PEVTINGER Augustanus Iuris utriusque Doctor Wolfgango ANEMOECIO h) litteras politiores profitenti , amico praecipuo , in Christo Seruatore salutem.

Cum die hesternae caena te domestica & tenui excepissem , colloquebamur invicem de ingeniis & eruditione singulari praestantium quorundam virorum , qui aetate superiori floruerunt , ac haecenus florent. *reliq.*

V. *Memoria Beatorum & eorum , qui in Divos relati sunt ex maioribus & progenitoribus Imp. Caes. Maximiliani Aug. Kalendario Romano coniuncta.* Opus hocce Nostri autoschedion est , ad quod referri debent *Maiores Regum Portugallensium Valentini MORAVI* , de quo opere non nulla LOTTERVS habet. Id planum faciet exordium Operis *Valentini MORAVI* :

Valentinus MORAVVS Doctori praestantissimo Conrado PEVTINGERO utriusque virtutis officiosissimo.

Scribis , Doctor optime , Leoni tanquam filio supplicans , vt tibi mitterem *Genealogiam* strenuissimi Regis Romanorum *Maximiliani* ex parte

te Matris , qua stirpe ipsa processerit ; quia ,
vt dicis te collegisse suam ex parte Patris.
reliq.

VI. *Conlektiones tum ex Scriptura sacra , tum
& ex ceteris bonis auctoribus plurimarum senten-
tiarum ac rerum gestarum adversus Anabaptistas.*
Incipit :

*Venerando ac Clarissimo Iurisconsulto D. Ioanni
COLER , Praeposito Ecclesiae Curiensis , Praecep-
tori & Affini obseruando Chuonradus PEVTIN-
GERVS Iuris utriusque Doctor salutem in Christo
Seruatore optat.*

Altius epistola illa *Haconis Hermannii Frisii* ,
cuius exemplum , pro solita tua humanitate
& beneuolentia , perlegendum ad me misisti ,
memoriae meae insedit , in qua *Anabaptista-
rum* haeresis atque crimina taxantur , afferen-
do istos bonorum aequationem induisse , & pro-
miscuo quoque concubito vti ; quae , si ita
transigerentur , facta non solum civili , genti-
um , ac naturali , sed & diuino iuri , & omni
aequitati atque honestati repugnarent , sed &
aduersarentur. Quare nobis quatuor in his
consideranda erunt : De Baptisma iterantibus ;
De bonorum communicatione ; de promiscuo
concubitu ; quarto caeteris eorum opinionibus
respondendo.

VII. *Chuonradi PEVTINGERI Augustani Iu-
ris Consulti in Vertiginem Scotomiamque morbos ,
quibus affectus fuit , ac etiam in caeteros , hos plerum-
que consequentes i).* Hoc opus , contra quam an-
te memorata , plenum notis , correctionibus , li-
turis. Id primum Erudito & Religioso fratri in
Chri-

Christo *Vito* IMAGIO *k*). Domus DD. *Vdalrici* & *Afrae* Caenobitae Ord. S. *Benedicti*, Amico praecipuo, inscripsit, hoc exordio:

Anno superiore communis amicus noster *Ioannes* PINITIANVS me non mediocriter ridere fecit, cum nomine tuo remedia, nescio quae, vertiginem contra a me petiisset.

Verum haec omnia postea deleuit, nomenque filii *Claudii Pii* substituit. Initio operis exponit, qua ratione anno aetatis LX. vertigine correptus fuerit, & cum dies quatuordecim sedendo, iacendo, stando quoque se domi continuisset, ne ocio vacaret, plura ex bonis auctoribus philosophicis & medicis legerit, annotaueritque. Accessit operi scheda autographa *Ambrosii IVNGII*, praecipui amici, artis medicae cultoris in haec verba: *Magnifice Vir, Patrone obseruandissime! Haec scripta summo, ac accuratissimo studio ac diligentia a te congesta, quae a sapientissimis & peritissimis Medicinae auctoribus scripta sunt, in morbo vertiginis, docte ac canonice facta esse, iudicio meo exiguo approbo.* Remedia quoque variorum sui temporis Medicorum, *Wolfgangi Dalhauseri, Magenbuchii, Ioannis de Haydeck, Ambrosii & Vlrici Iungiorum, Achilles Gassari, Stockeri, Bernardi Rorbachii, Sigismundi Grimm, Gereonis Sayleri, Ioannis Bohaim, Georgii Strelin, Stephani Has* collegisse. & in vnum corpus compingi curasse, auctor est V. Cl. OEFELIVS, qui id opus obseruauit. Ceterum in APVLEIUM quoque de herbarum medicaminibus *Notas Nostrum* edere cogitasse, memini me supra Cap. II. §. III. monuisse, quare de istis plura dicere nolim, ad alia perrecturus.

VIII. *D. Peutingers Beschreibung des anno 1509. gehaltenen großen Schießens.* Huius opusculi itidem anecdoti notitiam subministrauit nobis de patria historia meritissimus, ac Perillustris a STETTEN, qui in anteceffione, Operi historico de *Vrbe Augustana* germanice scripto, praemissa illius meminit. §. 2. n. 24.

Extant praeterea in bibliotheca Collegii Soc. Iesu Augustae.

IX. *Congesta Caes. Augustorum a Carolo Magno usque ad Guilhelmum & Competitorem.* in folio. Opus immaturum.

X. *Imppp. Caess. Auggg. & Tyrannorum quorundam Romani Imperii brevis gestorum Annotatio cum Inscriptionibus Lapidum & Numismatum, quas habere potui non solum, in hoc, sed in aliis meis libris plerisque congesta.* in folio. Deducitur series Imperatorum a Iulio Caesare ad Irenem I). Huius quoque farinae est *Volumen aliud*, omni epigraphae carens, in charta pergamena nitidissime scriptum, non quidem manu *Nostri*, sed haud dubie iussu, qui eidem passim Notas suas inseruit. Oeconomia Voluminis istius haec est. Primo agitur de quolibet Imperatore, eiusque vitae praecipuae circumstantiae breui sermone perstringuntur. Tum differitur de Vxoribus eiusdem, ac Liberis. Tertio ponuntur *Inscriptiones antiquae* ad eum pertinentes. Quarto denique eius *Numismata* recensentur. Hoc modo totum (quantum quidem licuit) *Volumen* per-textitur. Incipit autem a *Iulio Caesare*, extenditurque usque ad *Dalmacium, Constantini Anaualliani* filium *Constantii & Theodorae* nepotem. Subin post aliquot vacua folia pergit a *Carolo M.*
Occi-

Occidentis & *Nicephoro* , Orientis Imperatoribus , vsque ad *Basilium*. Orientis , & *Lotharium*
II. Occidentis Imperatores.

XI. *Liber manu PEVTINGERI exaratus sine titulo* , qui incipit :

Quoniam *Caesares Augusti* , atque Tyranni Romani imperii , qui *Caesarem* Dictatorem secuti , simul & idem *Caesar Imperatoris* praenomine & *Magistratum maiorum* scilicet , & *minorum* (ita enim *Aul. Gellius* ex *M. Messala* augure , & *C. Tuditano* & *L. Feneſtella* appellant) nominibus cum in Constitutionibus , Legibus , Edictis , Decretis , Rescriptisque publicis , tum Inscriptionibus marmorum , lapidumque caeterorum , & numismatum frequenter vſi sunt , operae pretium duximus , nomina haec , & dignitatum & officiorum titulos explanare. Verum antequam de his dicetur , placuit imprimis referre vrbis Romae conditorem , & praecipue septem illos reges ; qualiter quisque rex declaratus vel factus , & quae eorum vel regia insignia simul & potestas fuerit. Desinit vero in *Numa rege m*).

XII. Liber , quem PEVTINGERVS inscripſit : *Inscriptiones & Annotationes Conradi PEVTINGERI pleraque* ; cuius sequentem nobis notitiam reliquit LOTTERVS : In prima pagina index eorum conspicitur , quae hoc volumine continentur ipsa PEVTINGERI manu scriptus ; quod quum & aliorum auctorum *Francisci BARBARI* , *Clementiani FORTVNATI* , *Hieronymi DONATI* , *Valentini MORAVI* , & quorundam *Anonymorum* Lucubrationes , item *Imperatoris*
G 4 *Caes.*

Caes. Karoli Aug. Magni Testamentum, eiusdem *Decretum super Quadragesima*; *super iniusta Imp. Caes. Hluduuici Aug. Pii abdicatione ab Imperio*; *epistolam Imp. Caes. Constantini Aug. Maximi de baptismo recepto*, & alia quaedam minoris momenti complectatur; omissis his, illorum iam tantum recensum instituemus, quae ad ipsum PEVTINGERVM auctorem spectant proxime, sunt vero:

Epistola ad CARVASALVM Card. De hac, quod edita etiam extet, ad huius capitis *Art. VII. Num. IV.* iam expositum est.

Epistola de nomine: Augustus, ad Theodoricum RISICHAEVVM (in ipso Codice REYSACHER.) iuvat hoc loco adferre duas RYSI-CHAEI *Epistolas ad Nostrum* datas, quas hoc loco legere est:

I. *Theodoricus RISICHEVS Chunrado PEVTINGERO S. P. D.*

Eximie Iurisconsulte, & Amice obseruandissime! Gratulor tibi de filio nato. Deus optimus maximus tibi illum incolumem feruet, vt virtutes imitari paternas, tuumque nomen immortalitati tradere possit! Scias me cum coniuge & liberis apud *Wangiones* bene valere, sed quamdiu ibidem mansurus, ambigo; forsitan tu, me melius, in Conuentu *Argentinenfi* intelliges; quod si euenerit, mei memor sis, meque certiolem reddas, obsecro: Vale fauste cum coniuge & liberis. Ex *Wormacia*. VII. Oct. 1510. Nuper in quodam conuiuio fermo de *Caesare* incidit, quare post *Octauium* frequenter omnes *Caesares Augusti* appellati; ego,

ego, reiecta opinione *Bartholi*, dixi: ab *augustiore forma*. Allegavi *Beroaldum*, quondam praeceptorem meum, in *commentariis Tranquilli*; sed eo responso plerique non satiati. Deliberaturum me statui, teque antiquitatum restauratorem consulturum. Quid igitur ea in re sentias, cum harum gerulo, obsecro, rescribas. Iterum vale, & me generoso comiti *de Nassau* litteris tuis commendes, oro.

Tuus Theodoricus Reysacher
I. V. Doctor.

2. Eximie & grauissime Iurisconsulte, Domine, & Amice obseruandissime! Accepi heri *collectanea tua de origine Augustorum*, ad meam voluntatem abs te docte digesta, in quibus nihil reprehensione, castigatione egens, nullum denique errorem (etsi nemo tam sapiens sit, qui non interdum erret) quin potius cuncta ad amissim, & exquisita doctrina edita comperi. Imprimis ingenii tui dexteritatem ab annis multis mihi notam, simul & immensae memoriae tenacitatem summa eruditione commendo. Dein quod litterulis meis motus tantos subieris labores, habeo tibi, non quas debeo, sed quas possum, grates, & ut mutuis studiis alternisque beneficiis litterariis arctior inter nos amicitia, & coniunctior necessitudo fiat, sedulo curabo; quo autem modo id fiet, intelliges a me (Deo duce in proximo imperiali conuentu) ubi aliquantisper a negotiis feriatu mutuiter confabulabimur. . . . Cursim ex *Wormacia*, Wangionum vrbe. 11ma Dec. 1510.

Tuus, si suus, Theodoricus
Reysacher I. V. Doctor.

Interpretatio super numismatis Herculis Inscriptioe graeca. Incipit :

Super numismatis cuiusdam Inscriptioe Chuonradus PEVTINGER Augustanus. Scheda sacrae Caesareae maiestati, non satis scio, a quo porrecta n) inscriptionem illam continebat : Heracleus Satyras Tasyon, latine : Hercules Rex Salutaris. Herculem quoque aetatis anno XXX. pestilentia correptum, ob animi magnitudinem, ne quis ab eo inficeretur, in ignem sponte praecipitatum interiisse iam annis DCIII. supra II^M & quod haecenus multitudo non mediocri numismatum quorundam huiusce inscriptionis in Panonia inferiori effusa fuissent, petiuit sua Caesarea Maiestas : Eam, ut de Scheda ista quid sentirem, certior redderem, qui etsi pro ingenii mei exiguitate vetustatem ipsam venerandam in hanc usque diem non solum amauerim, sed & diligenter obseruauerim, cum quod res ipsa desperari facile possit. reliq.

Maiores regum Portugallensium Valentini MORAVI ad Ch. PEVTINGER. Vide superius No. V.

Peutingeri Annotationes de annis Caesarum Germanorum ex monumentis publicis.

In plerosque aulicos, & Romanam Curiam sequentes.

Ch. PEVTINGER de Morinis. Incipit :

Ad Magnificum D. Iacobum VILLINGER de Schonenberg S. C. Maiestatis Senatorem & magnum Thesaurarium Chuonradus PEVTINGER Augustanus Iure Consultus.

Teruannam urbem, quam nunc primum serenissimus Anglorum Rex obsidione cingens, mox quoque

quoque Caesareae Maiestatis auxilio in dedicationem coegit , antiquitus non nisi *Morinum* appellatum , non plane adsentio ; nec inficias eo , *Rupertum* GAGVINVM & plerosque alios recentiores *Morinum* scripsisse ; verum ex professo habeo , prouinciam ipsam (in qua *Teruanna* est sita) vel illius populos , *Morinos* a *Caes. Dictatore* , *Strabone* , *Plinio* , & *Ptolomaeo* dictos fuisse. *reliq.*

XIII. Alius *Tomus* , eiusdem cum priori formae , ita inscriptus est ; *suppellex Peutingeriana in Libr. ff. XXXIII. & infortiati nono , de suppellexile legata.*

XIV. Codex, cui titulum Peutingerus fecit : *Collectiones in Iure.* In hoc Volumine , signato *Oo. 1. 4.* inter alia memoratu praecipue dignum videtur *Consilium* Nostri, cuius hoc initium est :

Magnificus & generosus Dom. *Maximilianus* de BERGEN , Dominus in *Seuenberg* , & nobilis Dom. *Iacobus VILLINGER* Thesaurarius S. R. & C. R. M. Domini nostri clementissimi Senatores & Commissarii , Domini mei praecipue obseruandi , mihi heri iniunxerunt ad annotandum : An decretum Principum Electorum , tam ecclesiasticorum , quam saecularium , quo compertum habemus , praedictam Maiestatem ab ipsis unanimiter , concorditer & legitime in Regem Romanorum , postea in Imperatorem promouendum , electum , nunc & ante suae Maiestatis coronationem Romae fiendam , sedi apostolicae sit praesentandum : ac ibi & eodem loco a Pontifice maximo personae Maiestatis suae in Regem Romanorum nominatio & appro-

approbatio sit petenda? Praemitto primum quod &c. &c.

Hunc Tractatum typo dignissimum censet OEFELIVS in *Peutingerianis* suis.

XV. Codex alius continens *Acta publica sub Maximiliano & Carolo V. Imp. Augg.* quem vidisse se in saepius laudata Bibliotheca, & illius elenchum ex parte descripsisse V. Cl. A. F. OEFELIVS asserit in *Peutingerianis* suis.

XVI. Codex, quem Peutingerus inscripsit: *Consultationes nostrae*; quas inter memoranda maxime videtur: *An arcana fidei sint publicanda, Consultatio Chuonradi PEUTINGERI, Anno MDXVII. X. Kls. Decembr. Incipit:*

Maximilianus concepit pro totius christianae religionis bono, & omnium Fidelium salute de fidei orthodoxae arcanis non nulla edere, ita vt simplicissimus quisque arcana huiusmodi intelligere possit. Super qua re Maiestas sua Rmi. *Matthaei LANGII Tit. S. Angeli Cardinalis, Gurcensis & Ecclesiae Salisburgensis Coadiutoris, Ioannis ECKII & Chuonradi PEVTINGERI* consilio vti voluit. *reliq.*

XVII. *Tractatus de Iureconsultis, seu de claris Legum interpretibus*; quem itentidem laudat & frustillatim exscribit V. Cl. A. F. OEFELIVS in *Peutingerianis* suis.

XVIII. *Liber Annotationum*, scriptus caractere minutissimo, abbreviato & difficilis lectionis, litteris etiam ex atramenti pallore fugientibus. Continet responsa variorum ad dubia iuris,

ris , vt D. *Antonii Francisci de Doct̃oribus de Padua* , D. *Simonis de Carucciis* , D. *Seuerini* , una cum *Orationibus* quibusdam praeceptoris sui *Baptistae de S. Blasio*. Finiit primam partem horum *Collectaneorum Patauii* 1486. die 9. Sept. Similia continet etiam pars altera. Haec *A. F. OEFE-LIVS* obseruauit. Consule , si lubet , superius , *Caput I. §. III. in Notis*.

Caeterum facile putamus , qui de ingenio *Nostri*, atque doctrinae, qua polluit , pretio ex hactenus traditis existimare didicerunt , persuasuros sibi esse, non indigna fore horum ἀνεκδοτῶν pleraque, quae communi plurium vsui vulgentur ; quod vt fieri aliquando fauente Deo possit , atque ista non sine gratae posteritatis fructu vna cum *Auctore* abiisse dici queant , in hoc quidem se operam omnem , atque industriam positurum esse *LOTTERVS* pollicitus est , qui etiam anno 1731. *Lipsiae* Consilium *PEVTINGERI* Opera edendi vulgauit ; quod tamen quibus (nescio) fati impeditus non perfecit, o)

XIX. *Liber Augustalis , siue Compendium historiae Augustae*. Huius notitiam nobis seruauit *Margaritha Vxor Nostri* in *Epistola latina* , nuperime a *Viro Clar. Hier. Andr. MERTENSIO* *Gymnasii Annaeani Augustae Rectore* meritissimo publici iuris facta , quam subinde iam appellauimus ; ibi capite XXVII. *Margaritha* sic ait : *Haec sunt titulorum , vt puto , insignium conscriptiones , quas ex plerisque nomismatis nostris tibi transmittere volui. Plura quidem alia , his ab imaginibus dissimilia , habemus , quae non hic , sed coniux noster in libro suo Augustali referre curabit. Et cap. XXVIII. pergit : Nomina autem & titulos & inscri-*

inscriptiones Imp. Caes. Karoli Aug. Magni & aliorum, qui post eum cum occidentis, tum constantinopolitano praefuerunt imperio, maritus noster in Compendio suo historiae Augustae accumulatissime refert. Ac primum quidem Epistolae locum ad huius paragraphi num. XI. secundum vero ad num. IX. X. referri oportere puto; ita ut opera ibi recensita Librum Augustalem &c. de quo hic sermo est, constituisse videantur. Praeterea Augustalis libri huius meminit Michael HVMMELBERGIVS, Epist. 27. & 29. inferius in Appendice huius Vitae apponendis: item ipse PEVTINGERVS in Epistola ad Nicol. ELLENBOGIVM; quae extat ad calcem Sermonum coniuualium NOSTRI Augustae, 1781. vulgatorum. pag. 138. Et quoniam de VELSERIAE Epistola sermo incidit, promissi priori capite facti memores, quae ad notitiam illius Epistolae spectare videntur, describemus. Inscriptit vero PEVTINGERIA Epistolam illam, Venerando Dn. Christophoro WELSERO Iurisconsulto, Ecclesiarum Ratisbonensis & sancti Stephani Bambergen. Praeposito, scriptorique Apostolico, Fratri & Praeceptori obseruando. ex Gynoetio suo, Kldis Iuliis Anno Salutis MDXI. Auspiciis epistolae facit Apologia quadam sexus sui contra Georg. EMSERVUM, quem sacerdotem & eruditione, & vitae dexteritate clarum, maritique sui amicum singularem citat. Ediderat ille non multo ante libellum vernacula lingua contra adulteros, in quo de faeminarum infortunio, eruditis viris conlocatarum, quaedam posuerat; quibus videbatur, ostensa difficili atque molesta illarum sorte, plane faeminas ab ineundo cum hominibus, qui in litteris viuunt, matrimonio dehortari atque abstertere voluisse.
 Haec

Haec cum dura nimis, atque citra rei veritatem pronunciata ab EMSERO nostrae viderentur, praeter rationes nonnullas, vel ipsi aduersario haud inficiandas, exempla potissimum ex erudita antiquitate profert faeminarum plurima, quae vel ipsa hac re & fuerint beatae, & se quoque tales existimauerint, quod in thori societatem admisissent maritos, quorum summa in studiis, & fere vnica voluptas fuisset. Et hoc quidem argumentum decore non minus, quam eleganter, atque ita tractat, vt simul tacite propriam causam masculine tamen p) agat. Ipsum *Epistolae*, quam diatriben magis dixeris, argumentum, viginti nouem capitibus distributae, in explicandis erudite tum inscriptionibus antiquis, tum nominis plerisque versatur; quibus illo tempore CONRADI coniugis *κειμηλιάρχου* superbiebat. Ceterum insigne hoc, atque ad omnis aevi homines memorabile monumentum, quemadmodum haud vulgarem tum latini sermonis, tum antiquariae cognitinis facultatem, *Christophori* partim fratris, partim mariti institutione comparatam, & sedula exercitatione maximis incrementis auctam, abunde ostendit; ita tantum VELSERIAM illarum faeminarum gregi eximit, quas, inuita saepius minerua q) clararum litteris nomine adultores compellant, quantum locum ipsi inter viros omnigena doctrina florentissimos adserit minime postremum.

Constitueram ego mecum, vt in *Praefatione* paucis monui, hoc egregium Antiquitatis monumentum ex Apographo Bibliothecae Collegii olim *Societatis Iesu* descriptum, in lucem proferre publicam, sed anteuertit consilium hoc meum Vir doctissimus *Hieronymus Andreas MER-*
TENS,

TENS, Gymnafii ad S. *Annam* Augustae Rector, qui hanc VELSERIAE *Epistolam* Ioanni Paulo REINHARDO Historiarum, & Antiquitatum in Academia *Erlangensi* Professori, suo olim didascalo, in grati animi testimonium inscriptam, primus omnium Augustae 1778. in 8. publici iuris fecit. Interea tamen sic res cecidit, vt me laboris, quem pro *Epistolae* memoratae editione susceperam, ac curae in idipsum impensae non omnino poenitere debeat; etenim tres *Epistolas*, duas nimirum CONRADI nostri, vnam vero *Michaelis* HVMMEBERGII, quarum argumentum ad dictam VELSERIAE *Epistolam* attinet, Apographo, quo vsus sum, studiose annexas, rei litterariae amatoribus proponendi facultatem mihi maxime benignitas fortunae seruauit; quibus cum caruerit H. A. MERTENSIVS, eas ego in APPENDICE huius *Vitae*, n. 1. 2. 3. in medium proferam. Caeterum est, cur magnopere gaudeam, quod hoc meo litterario labore perdocti Viri huins, Operum PEVTINGERI editionem molientis (Vide VELSERIAE *Epistolam* ad calcem) votum, scilicet vt sint, qui per Bibliothecas PEVTINGERI *Opuscula* & *Epistolas* sollicitè scrutentur, atque conquirant, sin minus expleuerim (sentio autem hoc in mea potestate haud situm esse) saltem aliquo modo adiuuam.

XX. *Schediasma, seu Opusculum rude & impoliturum de Herbis*; cuius mentionem feci Cap. II. §. III. item §. VIII. n. 7.

XXI. *Opusculum aliud valde rude & impoliturum, de Vita sana conseruanda, Cap. I. De Curis.*

XXII.

XXII. Fasciculus paruus, quem *Noster* inscripsit: *Res Indiae*.

XXIII. Volumen iustae molis, sat mundum, sed mancum, non compactum, *de matrimonio*. Incipit:

Decreueram hoc saltem tempore de Matrimonio & cerimoniis Nuptiarum vetustarum, earumque ritu nobis pleraque annotare. . . Sed operae pretium, (iudicio nostro) fuit, primum de hominum origine. *reliq.*

XXIV. Volumen aliud, compactum, in quo *Noster* Inscriptiones veteres permultas, & nonnullas recentioris aetatis conscripsit.

Occurrunt praeterea in saepius memorata Bibliotheca Collegii Societatis Iesu permulta *Genealogica*, & *Diplomatica* &c. quae *Noster* sibi comparauit; sed (quod dolendum) non in vnum congesta corpus, at enim dispersa, atque in schedis: quas si quis vita tranquilla & liberiore fruens accuratius colligat, secernatque, tantum abest, ut habiturus sit, cur suscepti laboris paenitentia afficiatur, ut potius summam abs Republica litteraria gratiam certo initurus sit. Vtrum autem *Noster* in *Sueuorum Ducibus ac Regibus* accuratius describendis multum progressus sit, uti in *Epistola* quadam sua r) *Nicolao ELLENBORGIO* Monacho Ottoburano promisit, haud satis scio.

f) Huc facit *Epistolum* MSS. *Viti BILD* Caenobitae San - Vdalricani, *Augustae*, anno 1527. *Nostro* scriptum: *Non te pigeat laboris, Vir clarissime! quin Librum*

H

de Eucharistia compleas ; *immortale enim tibi per hoc nomen acquires , ut & Birkheimerus ille , vir equidem praestantissimus , sibi apud Eruditos quoque effecit , Perpulcrum enim erit , audituque iucundum , & Legum Professores diuinis operam impendere litteris.* In aliis quoque *Epistolis*, praesertim ad Bilibaldum BIRCKHEIMERVM (qui de eadem materia scripsit) 1527. in die S. Lucae data BILDIVS huius Operis mentionem facit, sibi que nonnullos sexterniculos inspiciendos communicatos fuisse a *Nostro*, monet. Consule insuper (si lubet) *Epistolam Nostri ad Bilibald.* BIRCKHEIMERVM , in *Documentis litterariis Io. HEVMANNI*, 1758. *Altdorfii*. in 8. vulgatis , extantem ; in qua harum *Confectionum* mentio fit.

g) CONRADVS iste adiit abbatiam *Caesareensem* anno 1509. mortuus est anno 1540. Nescio autem , quomodo factum sit , ut se *secundum* eius nominis vocet ; cum *tertius* fuerit. Vide *P. Corbin.* KHAMM *Hierarchiam Augustan.* p. 3. *regular.* p. 229. De tempore vero, quo haec CONRADI *Epistola* ad *Nostrium* exarata fuit, inde coniectura fieri potest, quod *Nostrium* compellet *Patriitium Augustanum*, quem eundem anno 1538. creatum fuisse , *Capitis I. §. VIII. sub finem* monui.

h) *Wolfgangus* ANEMOECIVS , Vir ea aetate inter Doctos minime postremus , vernaculo sermone vocabatur WINDHAVSER ; Plura de eo , in *Bibliotheca mea Augustana* congeffi.

i) Huc referto *Epistolum Viti* BILD Caenobitae Sandalricani Augustae : *Si audii , clarissime Vir ! Praestantiam tuam aequae scriptis atque experientia probatissima contra vertiginem habere remedia ; idcirco te humiliter & ex corde efflagito , ut , si mihi eodem periculoso morbo laboranti subuenire poteris , ne graueris operam amico impendere , vices a Deo O. M. recepturus. His valeat P. T. Deo commendata. Anno 1526.*

k) *Vitus* IMAGIVS idem est , ac *Vitus* BILDIVS ; De hoc quoque plura collegi in mea *Bibliotheca Augustana*.

l) Ad hoc Opus , itemque ad antecedens spectare videntur ea , quae , ex *Epistolae VELSERIAE* , XXVIII. *Capite* , superius hoc §. IX. n. XIX. attuli.

m)

m) Huic Operi accommodari possunt verba VELSERIAE, ex Eius *Epistolae*, Capite XXVII. superius hoc §. IX. n. XIX. allegata.

n) Ad hoc Opusculum attinet *Epistola* I. & II. *Nostri* ad Vitum BILD, inferius in *Appendice* huius *Vitae* ponenda.

o) Hieronymus Andreas MERTENS in *Marg. VELSERIAE Epistola* sub finem ait: LOTTERVM nullum inuenisse, qui *Collectionem Operum* PEVTINGERI redimeret, ob eamque causam eorundem editionem non fuisse factam.

p) Illam etenim in hanc fere sententiam exorsa; a cura domestica relaxata paululum, studio litterario perfruebar, quo & plurimum oblectati soleo, rel. postquam contrarium potius monstrare adlaborauisset, his verbis claudit: & ut semel finiam, habes modo non solum eruditiorum, sed & aliorum uxores; quae, si studia virorum amplecti, & domesticae curae & labori coniugali invigilare noluerint, eas esse penitus incommodas atque inutiles. Haec pro ingenio meo perquam mediocri praefari contulit. Ipsam tandem epistolam, capite XXX, quod *Dedicatio operis* inscribit, ita absoluit: Cum pene autem omnia vetustatis monumenta ab Italis vel Romanis tuis, (degebat autem tum Romae CHRISTOPHORVS) occupata sunt, nullusque nobis, & forte etiam frigidiori caelo natae, (fallimur, an tacite pungit IOANNEM FRANCISCVM MIRANDVLAE comitem, qui in litteris Mantua XV. Aug. An. MDVI. ad CONRADVM Maritum scriptis Germanis obiecerat, quod frigido caelo nati essent, & perpetua quasi glacie torperent; unde fiat, ut citius fere pariat elephas, quam ipsi aliquid operis in lucem edant; addiderat tamen, quum tam longae foeturae incubent, maturiores fortasse partus in lucem edere:) scribendi locus conceditur; videorque mihi in alieno foro litigare. Ne tamen ingeniolum nostrum sine stilo, lectione sola, obruatur, sed maiorem in modum excitetur, haec, quantum imbecillitas passa est, Conlectanea manu nostra scripta, paucis expedita verbis, inculta vel nuda potius, ad te dono mittimus; tibi dedicamus. Rogo sororis tuae opus animo fraterno suscipias, & si quae non recte conlocata inueneris, pro tua prudentia castigabis, ut corrupta auspiciatissime in integrum restituantur, & tandem nominis tui splendore illustrata

Romae, si non Augustensia, in lucem prodire saltem non erubescant Augustana. Patet ex postremis hisce verbis PEVTINGERIAM voluisse, ut, curante fratre, typis Romanis ederetur haec epistola; num factum sit, haud liquet. Ceterum, ubi nos primum illam legimus, in mentem veniebat recordari eorum, quae PLINIVS noster Lib. I. Ep. XVI. de POMPEII SATVRNINI vxore, eruditissima femina, eiusque epistolis ad Euricium amicum scripsit: *legit mihi nuper epistolas, (Saturninus) quas uxoris esse dicebat. Plautum vel Terentium metro solutum legi credidi. Quae, siue uxoris sunt, ut adfirmat, siue ipsius, ut negat, pari gloria dignus est, qui aut illa componat, aut uxorem, quam virginem accepit, tam doctam politamque reddiderit.*

q) Michael HVMELBERGIVS miris laudibus praedicat eruditionem VELSERIAE in *Epistola* sua, n.2. inferius in *Appendice* huius *Vitae* reperienda, ob hoc ipsum Opus, sibi a PEVTINGERO communicatum.

r) Inuenitur haec *Epistola* ad finem *Sermonum coniuualium* PEVTINGERI, *Augustae*. 8. 1781. impressorum.

X.

Satis haec quidem, pro instituti ratione, videri possent de *Scriptis* NOSTRI siue editis siue ineditis disputata fuisse; sed vnici adhuc addenda, vel potius iteranda est mentio, quod dubium adhuc, an prorsus ad PEVTINGERVUM pertineat, eique adscribi debeat?

Scilicet auctor est MELCHIOR GOLDASTVS s) conditorem haberi nostrum *Commentarii* alicuius *historici*: *Von viel und mancherley historien in viel Landen und Gegenden geschehen von dem Jahr 903. biß auf 1521.* Commode hoc ipso, dum LOTTERVS vitam Nostri scribebat, tempore accidit, ut Lipsiam adpelleret vir generosus, PAVLLVS a STETTEN, *patricius Augustanus*,
in

in itinere per Germaniam constitutus; atque sermone, ut fit, his de rebus habito eum humanissime doceret, non vidisse solum, sed possedisse etiam aliquando se hunc ipsum *Commentarium* typis exscriptum, qui tamen nec auctoris, nec loci impressionis, neque aetatis ullum indicium prae se ferret: ceterum *rebus* fere vnice *Augustanis* ad *annalium* morem descriptis absolueretur: neque vero adeo dissimile veri esse, a PEVTINGERO ex *antiquis Chronicis* libris concinnatum atque in priuatos forte tum suos tum amicorum usus excusum litteris fuisse. Conferto, si lubet P. a STETTEN *Lebens - Beschreibungen zur Erweckung &c.* p. 133. 134. Non omnino multis abhinc annis Vir Clar. Felix Andreas OEFELIVS inter *Scriptores rerum Germanicarum*, praecipue *Boicarum*, Tom. I. p. 613. exhibuit legentibus duo *Chronica* perbreuia ex schedis CONRADI nostri, quae sibi, aliud forte quaerenti, in codice manuscripto Tabularii patrii signato Tom. I. der *Reichshaendel* ab A. C. 1440. ad annum 1486. occurrisset testatur. Inscribuntur illa: *Breue Chronicon Boioariae & Sueviae, ab Anno 906. ad annum 1280.* & : *Breue Chronicon Augustanum ab anno 1256. ad annum 1467.* Num illa fragmenta sint paulo ante memorati operis, an ab illo diuersa, dubium, incertum vero quam maxime, vnde haec duo *Chronica* CONRADVS noster descripserit. De reliquo consule superius §. VII. n. VIII. & X. Quidquid autem hac de re sit, donec luculentiori olim forte notitia illius perfrui liceat, praesenti, qualiscumque demum est, contenti simus. Ceterum de alio adhuc quodam *monimento Peutingeriano* maiori cum diligentia disserendum nobis superest. Celebres illas inuimus

antiquioris aevi reliquias, *tabulam* nempe *Peutingerianam*, quam *Franciscus Christophorus de SCHLEYB* in *Gaubickolheim* Patr. Constant. post multos alios, ex ipso autographo accuratissime descriptam Viennae Austriae Anno 1753. fol. maximo, ad *Mariam Theresiam Augustam* Austriae &c. Reginam publicavit, addita dissertatione sex capitibus diuisa; quam, dum fusius expono, rem mihi facere videor, neque a proposito alienam, neque cognitu siue inutilem siue iniucundam. *Capite* itaque dissertationis memoratae *primo* geographicae Veterum Tabulae, & Itinera-ria ex omni hominum memoria in Eruditorum notitiam reuocantur. *Capite sequenti Tabulam Peutingerianam Theodosii Magni* cura & manda-to Anno Christi CCCXCIII. adnotatam, pictam-que esse statuitur. *Capite tertio* fortunae varie-tas, qua volumen authenticum *Itinerarii Theodo-siani*, siue *Tabula Peutingeriana* ab anno aerae vulg. CCCXCIII. vsque ad annum MDCCLIII. iactata est, pedetentim investigatur. In hoc capite, primum se priori probauisse, innuit: *Constantinopoli* anno 393. hanc *Tabulam* confec-tam fuisse, inde *Mediolanum*, *Theodosio* illuc post reportatam ab *Eugenio* victoriam se conferente, transportatam, neutiquam dubitare se asserit. *Rauennae* eandem aliquamdiu extitisse, *Iornan-dis* Episcopi testimonio probare nititur, ibique cognitam ab *Anonymo Rauennate* fuisse. Verum in his minus insistens, pergit *Mediolano Tabu-lam* memoratam, exciso Romano Imperio, a Barbaris vna cum coeteris spoliis ablatam, & in quandam Germaniae urbem transuectam fu-isse; & *Spirae* ante annum 1439. a *Malleolo* vi-sam multis euincere conatur. Ibidem anno ad-
huc

huc 1490. visendam extitisse tenet. Annis deinde sequentibus a *Conrado CELTE Protuccio Spirae* inuentam, & ab eodem apud *Conradum PEVTINGERVM Augustae* depositam *B. RHENANI* testimonio euincit; quod etsi non superesset, tamen de ea re fidem facerent, quae superius de aliis vetustissimis Codicibus a *Conrado CELTE* apud *Nostrom* depositis *Cap. II. §. 3.* diximus. Porro, quae, dum viueret *CELTES*, *Tabula* apud *PEVTINGERVM* deposita seruabatur, post *CELTIS* obitum *PEVTINGERI* propria esse coepit, utpote *Nostro* testamento legata t), Eius formam descripsit olim *Michael HVMMELBERGIVS* in *Epistola* ad *B. RHENANVM* infra apponenda; in qua ait: *Celticum ἱστορικὸν omnino non est quod ἱερὸν allegat. Unica Tabella est membranea longitudinis XVIII. foliorum papyri. Ciuitates, flumina, montes & itinera non modo scriptura signata, sed etiam pictura habet notata.* Quanti vero hoc vetustatis fragmentum fecerit *PEVTINGERVS*, comprobant ea, quae in *Epistola* eadem paulo inferius leguntur: *Superioribus annis praesente D. Maximiliano Orator Regis Gallorum pro hac Tabella PEVTINGERO obtulerat LX. Coronatos, cui ille: Placerent quidem Coronati nummi, sed vetustatis hoc monumentum magis placet, quam vlla pecunia, qua vel aestimari possit, vel vendi.* Haec tamen minus obstitere, quin illius inspiciendi facultatem *Eruditis* faceret, amicis aduenisque *eruditis*, qui frequentes tunc admodum *PEVTINGERI* visendi causa accesserant, summa cum laetitia ostendens. Inter hos non postremus *B. RHENANVS* primus fere in publicis scriptis u) *Tabulae* istius mentionem fecit, Ea res effecit, ut *Eruditorum* vota in id

conspirarent, hanc *Tabulam* typorum ope iuris publici factum iri. Quorum petitioni satisfactorius *Noster* illius delineationem instituisse videtur. Nam initium *Tabulae*, dimidium fere pedis complectens, bis in diuersis schedis, & diuersa manu descriptum multis post annis, vt infra dicemus, a VELSERO in *Peutingerorum* Bibliotheca repertum fuit; accedit, PEVTINGERVM *Præuilegium impressorium* (quod vocant) a *Maximiliano* Imperatore impetrauiffe infra atextendum x). Interim PEVTINGERO editionis consilium vel differenti, vel abiicienti mors obrepfit, atrisque tenebris involuta *Tabula*, de qua agimus, latuit, dum elapso 40. annorum spatio *Marco* VELSERO, & *Peutingerianae* familiae affinitate coniuncto, & antiquitatis peruestigatori intelligentissimo schedae illae paulo ante memoratae allatae sunt, quas ille eruditissimo *Commentario* instructas *Venetiis* typis *Aldinis* 1591. in 4to edi subito curauit hac epigraphæ: *Fragmenta Tabulae antiquae, in quis aliquot per Rom. Prouincias itinera. Ex Peutingerorum Bibliotheca, edente & explicante M. VELSERO, Matthæi filio.* Opusculum VELSERVS Viro illust. & nob. *Iacobo* CVRTIO a *Senfftenau* S. R. I. Procancellarioro dicauit. Vt vero horum fragmentorum editione auidi rerum geographicarum Lectores summopere delectabantur, ita cum VELSERI tum aliorum virorum litteratorum vota eo colimabant, vt aliquando res litterarum publica insignis huius sacrae vetustatis monumenti compos effici posset; vtque VELSERVS nullis laboribus in illo indagando pepercerat, ita tandem circa annum 1598. superata fortunæ pertinacia Authographum ipsum in *Peutingerorum* scriniis repe-

reperire eidem licuit. Eius rei fama invalescente Eruditi certatim apud VELSERVM precibus contenderunt , vt illius copiam sibi faceret , & edendi gloriam operis impertiretur. Praeualuit *Abrahamus* ORTELIVS Regis Hispaniarum Geographus , praecipuus VELSERI amicus , & ipse *Tabulae* huius per 20. & , quod excurrit , annos solertissimus inuestigator , qui Apographum ductu *Ioannis* MOLLERI Typographi *Augustani* , vt MERVLA in *praefatione* ad suam *Cosmographiam* docet , auspiciis vero VELSERI descriptum , ab ipso VELSERO accepit ; qui dum editionem illius curat , laudabili consilio immortalus *Ioanni* MORETTO nobilissimo *Antuerpiensi* Typographo illius perficiendae negotium demandavit , qui veteris amici voluntati obsecundans *Tabulam Itinerariam* saepissime laudatam anno 1598. *Antuerpiae* publicavit. Ex illo tempore pluribus vicibus typis exscripta fuit ; Primum eam *Petrus* BERTIVS *Ludouici* XIII. Gallorum regis *Cosmographus* *Ptolemaeo* suo 1618. inseruit. Eandem anno 1653. *Ioannes* IANSONIVS in accuratissima orbis antiqui delineatione *Amstelodami* vulgavit. Comparuit etiam in editione operum *M. VELSERI* a *Christophoro* ARNOLDO 1682. *Norimbergae* accurata ; posthaec eam *Georgius* HORNIVS anno 1686. in *Geographia Veteri* , ac demum *Nicolaus* BERGIERIVS in *Commentario de publicis & militaribus Imperii Romani viis* , bis *Bruxellis* circa annum 1728. & 1736. gallice edito , exhibuit. Nouas etiam huius *Tabulae* editiones a viris Clariss. *Claudio* NICASIO , *Mensone* ALTINGIO , *Adriano* RELANDO , *Henrico Christiano* HENNINIO meditatatas fuisse , sed morte interueniente discussas

LOTTERVS noster tradidit. Verum dum haec geruntur, *Tabulae Autographum*, denuo ab omni hominum conspectu remotum, atra nocte confepultum iacuit, donec id anno 1714. illustris & amplissimus *Wolfgangus Iacobus SVLZERVS* filius, Iulio mense *Peutingerorum* Bibliothecam priuatis adhucdum aedibus reclusam perlustrans, iquallore & puluere obduetum, nec pro dignitate in obscuri cuiusdam anguli tenebris reconditum offendit. Eo suadente *Paulus KÛZIVS* Bibliopola *Augustanus* ab *Ignatio Desiderio PEV-TINGERO*, de quo supra inter *CONRADI* nostri posteros diximus, salubri pretio redemptam, dum vixit, tenuit, moriens haeredibus reliquit. Multos *Helena* huius procos fuisse constat, vt *Sermum Ducem Brunsvico-Guelpherbytanum*, Amplissimum *Senatum Lipsiensem*, Perillustr. *Hieronymum Guilielmum EBNER* ab *Eschenbach* senatorem *Norimbergensem*, *Christianum Gottlieb. SCHWARZ* Professore *Altdorfinum*, Eminentissimum *S. R. E. Cardinalem PASSIONEVM*; donec tandem illam *Serenus Sabaudiae Princeps Eugenius* centum aureorum pretio coemptam suae *Bibliothecae* anno 1720. intulit; quo fatis concedente in Augustam Bibliothecam vna cum ceteris incomparabilibus Thesauri litterarii gazis memorati Principis transit; ex quo Musarum sacrario illam Vir perillust. de *SCHEYB*, nunc b. memor. ita permittente *Gerardo Barone van SWIETEN* Augustissimae Archiatro, & Bibliothecae supremo Praefecto, ex Autographo transumptam euulgauit, addita vt superius monui erudita *dissertatione*, ex qua haec fere omnia delibauimus. Sed ad argumentum *dissertationis* redeo. Igitur quarto post *Capite* praestantia

stantia excellentiaque nouae editionis ostenditur: errores pristinarum editionum indicantur: laudes *Tabulae* & adpellationes, quibus authenticum illius Exemplar ab Eruditis insignitur, enumerantur. Quinto constitutio, & vsus *Tabulae Peutingerianae* explanatur. Capite sexto *Itinerarium Theodosianum, & Antoninum*, vt vulgo vocari solet, comparantur. Accessit ad finem operis *index topographicus.* y)

s) GOLDASTVS de bello *Bohemico* lib. IV. cap. VIII. §. 3. p. 473. atque ex hoc IO. DECKHERVS de *scriptis ade/potis*, num. 268. p. 41. editionis Cel. FABRICII ad calcem *Anonymorum PLACCII*; qui idem refert in *theatro* p. 463. n. 1827.

t) Ita ipse PEVTINGERVS in Catalogo suae Bibliothecae notauit, vt videre est in *Tabula Peutingeriana itineraria* a Viro clar. de SCHEYB edita, p. 33. in *Nota p)* Idem confirmat Noster in *Traëctatu de Morinis*, vbi ait: *Et in Itinerario nostro manuscripto... quod nobis Conradus CELTES testamento suo legauit.*

u) B. RHENANVS in *Commentariis rerum Germanicarum* plurimis locis, vbi illam modo *prouincialem*, modo *itinerariam*, modo *militarem* adpellat. Alii & *Theodosianam* dixerunt, ad aetatem maxime respectu habito. Confer. (si lubet) *Epistolam* postremam Mich. HVMMEBERGII inferius in *Appendice* adtexendam.

x) Placet huc integrum transcribere *Imperatoris diploma*, quod Vir clariss. Ioannes Iacob. HASIVS casu abs se alicubi inuentum, *αὐτογῆραφον* tamen, communicauit Lotter.; & hoc est:

MAXIMILIANVS Diuina fauente clementia Romanorum Imperator semper augustus, ac Germanie, Hungarie, Dalmatie, Croatiae, &c. Rex, Archidux Austriae, Dux Burgundie, Brabantie, &c. Comes Palatinus, &c. Quod si & Nos pro solita nostra clementia, eos, qui studiis literarum colunt, plurimum diligimus, illos tamen precipua & singulari gratia nostra prosequimur. Quorum industria libri & monumenta Venerande Vetus-tatis quottidie exquiruntur. Et ne penitus obruantur, in lucem emittuntur in communem omnium vtilitatem.

Cum

Cum itaque honorabilis Conradus Peutinger, Iur. V. Doctor, Consiliarius noster fidelis dilectus, Exemplaria Itinerarii Antonini Caesaris Predecessoris nostri, & Pauli Foroiulienfis Longobardi, & Iornandis Gotti de rebus Longobardorum & Gottorum sua diligentia conquisiuerit & exscribi curauerit, quos etiam in gratiam nostram, & commodum veritatem Historie scire volentium formis excudi, atque in publicum prodire constituit. Ne ergo dispendium aliquod patiatur, hanc sibi gratiam fecimus, & concessimus, & tenore presentium facimus. & concedimus, ne quis in vniuerso Rom. Imperio, & omni ditione nostra per continuum Decennium subsequens ab ea die, qua dicti libri ex ordinatione ipsius Consilarii nostri impressi fuerint, citra, preter, & contra eius voluntatem, & scitum predictos libros & chartas imprimat, vel imprimi faciat, nec etiam alibi impressos in eodem nostro, & sacro Rom. Imperio vendat, vel vendi faciat. Sub pena ammissionis Cartarum, & Librorum quorumcunque sine praedicti Consilarii nostri voluntate & assensu. Quos etiam de facto idem noster Consiliarius, vbicumque eos comperit, accipere, & in sui vtilitatem conuertere poterit. Harum testimonio litterarum sigilli appensione muniturum. Datum in Oppido nostro Friburgi die prima Mensis Martii anno Domini millesimo quingentesimo vndecimo, Regnorum nostrorum Romani vicesimo sexto, Hungariae vero vicesimo primo.

Ad Mandatum Caes. Maiest. ppium.

Ceterum, quum *Itinerarium Antonini* in diplomate adpelletur, adparet PEVTINGERVM *tabulam* suam pro vna eademque cum ipso tunc habuisse; quam tamen insigniter ab illo discrepare proximo mox anno facili negotio discere poterat, quum anno MDXII. CHRISTOPHORVS LONGOLIVS *Parisiis* apud *Henricum Stephanum* primus *Itinerarium Antonini* emitteret.

y) De hac *Tabula Peutingeriana* satis prolixam *Commentationem* scripsit quoque noster LOTTERVS, eamque *Lipsiae* 1732. 40. publici iuris fecit.

XI.

Supereft, vt de *amicis* adhuc aliqua commemoremus, quorum admodum multos in longiore

re vita & tanta nominis celebritate *noſter* ſibi conciliauit. Enim vero quum nemo fere fuerit iſto tempore, qui ſtudia, vt non ſimul PEVTINGERVM, amaret: plurimi etiam, quod multum ipſum fide, multum intelligentia praeſtare cognouerint, eius conſilio in negotiis, iudicio in ſtudiis vt percuperent; exiſtimatu facile eſt, *Noſtrum* quamplurimos ſibi amicitia iunctos habuiſſe, eoque magis horum increuiſſe numerum, quo paratior ille fuit teſte *Vdalr. ZASIO* in *Epiftola* praeuia *Sermonum conuiualium* *NO-STR*I, *non ſolum deſiderantes recipere in ſuam amicitiam, ſed etiam ad eam prouocare ultro*; adeo vt accurata eorum designatio non deſperari tantum poſſit, ſed prorſus quoque debeat. Verum quoniam LOTTERVS aliquid in hac re auſus eſt, ego quoque, ne Lectoribus quidquam ſubtraxiſſe videar, & eos, quos LOTTERVS commemorauit, & alios inſuper nonnullos nominabo. Itaque hi ſunt *Conradus* *CEL-TES* maximi nominis vir *z)* *Michael* *HVMELBERGIVS* *Rauenspurgenſis* *a)* *Henricus* *BEBELIVS* *b)* *Iacobus* *ZIEGLERVS* *c)* *Ioannes* *OE-COLAMPADIVS* *d)* *Ludouicus* *VIVES* *e)* *Thomas* *MORVS* *f)* *Ioannes* *COLERVS*, *Eccleſiae Curienſis Praepoſitus* *g)* *Vincentius* *QVIRINVS* *h)* *Hieronymus* *FROBENIVS*, *Paulus* *MANVTIVS*, *Ioannes* *HERVAGIVS* *i)* *Vitus* *BILDIVS* *Monachus San - Vdalricanus Auguſtae* *k)* *Wolfgangus* *ANEMOECIVS* *l)* *Beatus* *RHENANVS* *m)* *Vlricus* *ZASIVS* *n)* *Thomas* *VOLPHIVS* *o)* *Ioannes Franciſcus* *PICVS Mirandulanus* *p)* *Hermannus Comes a NVENAR* *q)* *Bilibaldus* *BIRCKHEIMERVS* *r)* *Martinus* *LVTHERVS* *s)* *Georg.* *SPALATINVS* *t)* *Conradus* *MVCIA-NVS*

NVS *u*) *Andreas* ALCIATVS *x*) *Desiderius* ERASMVS *y*) *Iacobus* SPIGELIVS *z*) *Ioannes* FABER *a*) *Petrus* BONOMVS *b*) & sexcenti alii. Eminent tamen inter illos *triumviri* huius aetatis maximi, IOANNES TRITTHEMIVS, IOANNES REVCHLINVS, VLRICVS HVTTENVS; quorum quidem inlustribus exemplis, quum omnes persequi iam haud liceat, ostendere vel duobus verbis placet, quomodo *amicis* vsus sit PEVTINGERVS; vnde de reliquis facile fuerit lectori argumentum capere. TRITTHEMIVM quidem ita amavit, vt secum habere *Augustae*, vehementer cuperet, atque hanc ob rem apud Imperatorem MAXIMILIANVM de honesto ipsi stipendio, aliisque rebus ad vitae vsus necessariis, prospiceret: *c*) quod tamen ille accipere renuit. *d*) Hinc est, quod capere nequeam, quomodo accidere paucis post haec annis potuerit, vt *Noster* tam grauem accusationem, qualem *superius* exposui, aduersus *Tritthemium* perscriberet; quam veram esse, ex vna parte *Tritthemii*; falsam esse, ex altera *Nostri* probitas candorque vix permittere videtur. REVCHLINI vero causa quantum cupiuerit *noster*, & quam strenue ipsius partes apud MAXIMILIANVM tuitus sit, amplissima itidem documenta restant. *e*) in HVTTENNO denique insigne etiam beneuolentiae documentum edidit, dum, amici honoribus experturus quantum *Caesaris* gratia valeret, ipsum ita commendauit *Imperatori*, *f*) vt illi in magno atque frequentissimo procerum confessu lauream poeticam non sine summae clementiae significatione imponeret. *g*)

z) CELTES suum erga *Nostrium* amorem pulchre comprobauit, dum ei *Tabulam itinerariam*, illud singulare prorsus Antiquitatis monumentum, testamento legauit.

a) Hunc PEVTINGERO amicissimum fuisse, litterae vltro citroque missae, inferius in *Appendice* huius *Vitae* ponendae, probant. *b*)

b) *Nostri* erga se humanitatem laudat BEBELIVS in *Epistola ad HVMMELBERGIVM*, 1513 22. Decembris, his verbis: *Fui cum PEVTINGERO Augustae, humanissime exceptus: Et cum nobis fuisset disputatio de variis controuersis, ego scripsi ad eum meam opinionem: Eluecios esse Suiceros, non Elsaticos &c. &c.*

c) Hic suam cum *Nostro* amicitiam testatus est, dum ei *Syriam, Palaestinam, Arabiam &c.* anno 1532. *Argentorati* a se editam, dono misit, coloribus scite & eleganter ornatam.

d) OECOLAMPADIVS in signum suae erga *Nostrium* amicitiae eidem *Diogenem Laertium*, 1514. *Basileae* a se vulgatum donauit cum sequenti epigraphe: *Oecolampadius patrono suo Chuonrado Peutingero pro strenis dono mittit. Haec tamen mutua amicitia non impedit, quo minus Noster errores Oecolampadii improbaret, & Nauclero suo General. XXXVI. fol. 156. b. de reuocatione Berengarii adscriberet: Hic error repetitus est per Vdalaricum Zvinglium Turicensem, & Ioannem Oecolampadium Vinimontanum aetate nostra.*

e) De hoc ait *Noster*: *Ludouicus Viues eruditus & charissimus amicus noster. Brugis Viuem nostrum agnauimus: ibidem & Erasmus & Morus me conuenerunt.*

f) Amicitiae *Mori* erga *Nostrium* insigne documentum retuli superius, Cap. II. §. III.

g) Hic a PEVTINGERO municeps & affinis vocatur, & *Nostro* membranæ veteres ex *Curienti* Bibliotheca mutuas submitit. *Noster* ei *Opus* suum contra *Anabaptistas* sacrauit, vt superius docui.

h) Huius amicitiae testimonium reddit *Noster*, dum suae *Explanationi Origenis in Epist. Pauli ad Roman.* 1506. *Venetis*, per *Simonem de Lucro* impressae haec adscripsit: *Hoc Origenis Opus Vir summae potestatis & eruditionis maximae, D. Vincentius Quirinus, Orator Venetus ad Imp. Caes. Maximilianum Augustum, mihi Chuonrado Peutingero in aedibus meis Aug. Vindel. dono dedit. Fuit autem ille in aedibus Peutingeri 1530. Idib. Iulii cum Luca BONFIO Ecclesiae Patavinae Decano, Card. Compaggio a secretis epistolis; id quod iterum PEVTINGERVS ad Nicol. Leonici Dialogos, Venetiis. 1524. 4. editos adnotauit.*

i) Inclyta haec Typographorum trias suam in *Nostrum* amicitiam demonstravit dono missis libris, quos procuderant, in Bibliotheca *Peutingeriana* adhuc extantibus.

k) *Nostrum Vito* BILDIO amicissimum fuisse docent Epistolae *Nostrae* in *Appendice* huius *Vitae* subnectendae.

l) Hunc amici praecipui titulo dignatus est *Noster*. Vide *superius* §. IX. n. IV.

m) Amicitiae cum B. RHENANO cultae testes sunt Libri *Nostrum* muneri missi anno 1513. item Epistola *Nostrae* in *Appendice* huius *Vitae*, n. XI. in qua RHENANVM non solius HVMELBERGII, sed & suum esse pertendit. Consule etiam *inferius*, Epistolam XIV.

n) *Vtricus* ZASIVS amicus meus praecipuus. Ita in Catalogo Bibliothecae *Peutingerianae* legit OEFELIVS. Huius insuper amicitiae testes sunt carmina ZASII ad *Nostrum* haud dubie inedita, quae in Bibliotheca Collegii augustani Societ. Iesu in schedis vidi una cum aliis nonnullorum Virorum doctorum poematibus pariter, ut credibile est, ineditis.

o) Thomas Vulphius Argentoratensis iunior, dum viveret, optimus meus erat amicus. Ita in citato Catalogo legit idem OEFELIVS.

p) Fuisse anno MDII. MIRANDVLANVM Augustae pro suis oppidis & fortunis periclitantibus apud Caesarem deprecaturum, ex Epistola inde ad PIRCKHEIMERVM, XVIII. Kal. Ian. scripta constat; quo tempore verisimile est hanc amicitiam primum contractam fuisse, mutuis posthaec officiis studiose cultam. Vide *superius* C. II. §. VIII.

q) Confer clariss. IO. FRID. CHRISTII *Noctium Academicarum* specimen III. pag. 249.

r) CONRADVS RITTERSHVSIVS in vita *Pirckheimeri*, quam GOLDASTVS huius *Operibus* praefixit, p. 25: amicis, ait, *Pirckheimeri* merito adiungimus Conradum *Peutingerum*, Ictum *Augustanum*, ipsum quoque Caesaris Consiliarium & insignem Antiquarium, qui & Alciato, & aliis, qua exteris, qua civibus viris clarissimis magno in precio habitus fuit.

s) Ipse LVTHERVS hac de re in *epistola ad SPALATINVM*, *Epistolarum* tomo I. n. 62. p. 83. b. *coenauheri apud Conradum Peutinger, doctorem & ciuem, & virum qualem melius nosti; qui vnus omnium est in mea re studiosissimus, nec segnius Senatores alii.* Hoc tamen in *Lutherum* studio nequaquam eo prolapsus est *Noster*, vt eius dogmata non improbaret. Quin potius illi horum retractationem persuadere plurimum conatus est, vti dictum est *superius, Cap. I. §. VII. in Notis.*

t) CHRISTIANVS SCHLEGELIVS in *historia vitae Spalatinianae* §. XLIV. litt. Bb.

u) VILELMVS ERNESTVS TENZELIVS in *vita Mutiani* sub titulo *supplementi primi ad Casp. Sagittarii historiam Gothanam.* Ienae MDCCI. 4. edita.

x) ALCIATVS *Nostro Emblemata* sua dicauit. Vide hanc *Dedicationem.*

y) Exstat inter *Epistolas Erasmi*anas, *Operum* tomo III. vna ad PEVTINGERVM amoris atque officii plenissima.

z) Vide SPIGELII *dedicationem Epigrammatum Ioannis Sapidi* An. MDXX. editorum ad Peutingerum.

a) Hic, cognomento *Augustanus* dictus, erat Caesar ab orationibus sacris, & ab ERASMO PEVTINGERO enixe commendatus *epistola* illa quam not. y) indicaui-
mus. Conf. IACOBI ECHARDI *Biblioth. Praedicator.* tom. II. p. 80. exstat huius FABRI *insigne elogium* PEVTINGERI in *oratione funebri* MAXIMILIANO Imp. habita, apud FREHERVM *Script. German.* tom. II. p. 405. vbi ipsum *omnium litteratorum ac litterarum optimarum decus & gloriam* adpellat.

b) Hunc *secretarii* titulo apud MAXIMILIANVM Imperatorem insignem anno MCCCCXCVI. *Augustae* fuisse, *epistola* inde a. d. XXI. Aprilis ad REVCHLINVM data, interque *Reuchlinianas* obuia, testatur, quo primum tempore PEVTINGERO ipsum innotuisse, & ex studiorum similitudine amicitiam conciliatam credibile est. *Episcopatum* posthaec *Tergestinum* adeptus, quantum doctrinae ipsius fauerit, *epistola Sermonibus conualibus* praemissa luculenter patet. Existare perhibent GESNERVS in *bibliotheca* p. 546 a. HENDREICHIVS in *Pandectis Brandenburgicis* f. 651. & VGHELLVS *Italia sacra* tom. V. col. 582. n. 46. *epistolas Bononi* singulari Volumine com-

prehensas, quas inter haud dubie etiam fuerint ad PEV-
TINGERVm missae.

c) Pararium hac in re agebat communis utriusque ami-
cus PIRCKHEIMERVS, qui ita in epistola ad TRIT-
THEMIVm Kal. Iul. anno MDVII. CELTIS vero ac
praecipue PEVTINGERVs me rogarunt, ut ad te scriberem,
Et intelligerem, an tibi animus esset, (habito stipendio a se-
renissimo rege nostro) Augustam te conferendi: se enim ope-
ram duros, ut tibi honesta offeratur conditio. Offerunt
Et domum Et alia quampura, quibus habitis ociose philo-
sophari possis procul ab omni strepitu. Tuum igitur conside-
rare erit, quid tibi faciundum sit; rel.

d) Ita enim post octo dies Herbipoli ad PIRCKHEIME-
RVM scripsit TRITTHEMIVS: Conditionem per CEL-
TEM & PEVTINGERVm mihi propositam, ut litterae
tuae significabant, cum sim monachus Et regularis discipli-
nae professor, non convenit acceptare; gratias tamen ago vi-
ris illis amicis Celti Et Peutingero quantas possum ingentes,
qui pro me curam habentes meae consulere paupertati Et deso-
lationi non contemnunt. — Amicis munificentissimisque vi-
ris Peutingero Et Celti rescripturus meo nomine gratias agito.
Neque minus grauter idem in epistola ad PEVTINGE-
RVM, a. d. VI. Sept. scripta: BILIBALDVS PIRCKEN-
HEYMER communis noster amicus scripsit ad me ante pau-
cos menses, eam mihi conditionem ad instantiam tui Et ami-
corum a regia maiestate dispositam, qua, si velim, sub cer-
to sufficientique stipendio, quoad vixero, libere mihi deinceps li-
ceat in ciuitate Augustana philosophari: domum quoque ap-
tam cum ceteris vitae necessariis copiose fore constitutam,
nihilque restare amplius, nisi quod meum in his duntaxat
praebeam consensum. Gratias Caesareae ago maiestati, tibi
quoque Et ceteris in communitate amicis habeo non vulgares,
pro tanta beneuolentia in me vestra. Conditionem vero, quam
mihi proponitis, nullatenus acceptare possum. Quod si Ma-
iestas regia pro chronicorum aeditione meo delectatur officio,
voluntarius Et paratus sum hic in meo facere coenobiolo, quid-
quid lucubrandum iniunxerit, modo labor ipse meus aliquan-
tulum pro loci recompensetur necessitate, ne grauis persona
iudicetur mea alienis intenta, vel onerosa. Amicissimo tamen
adfectui tuo erga me gratias iterum atque iterum ago. Et
ne moleste feras hanc meam sententiam, rogo.

e) Nemo tam rudis est rerum, quae ante nos gestae sunt, qui *Reuchliniani* illius certaminis tantis ab aduersariorum parte animorum motibus agitati *historiam* ignoret. Nemo etiam est, quem fugiat, illa aetate pro-
viti optimus quisque fuerat atque doctissimus, ita REVCH-
LINI ipsum causae maxime fauisse. Hos autem inter
minime postremus erat PEVTINGERVS. Etenim ve-
luti pridem quam ortum illud fuisset, quod anno MDX.
contigisse nouimus, amicissimum eundem habebat; ita
etiam posthaec nullum temere officii uersus ipsum, apud
Caesarem praecipue, argumentum praetermisit. VLRI-
CVS HVTTENVS fideissimus itidem REVCHLINI
παράστατης, in epistola ad NVENARIVM, quae inter *acta*
Reuchliniana a celeb. viro HERMANNO VON DER
HARDT studiose collecta, & in *historia reformationis*
litteraria, quam is adpellat, iunctim edita parte II. p.
146. exstat: sed & iam nunc multi clari viri nobiscum fa-
ciunt. Quippe CAPNIONIS causam potens in sua ciuita-
te tuetur apud Norimbergam B. PIRCKHEYMER, Au-
gustae PEVTINGERVS, in Pannoniis & Viennae CV-
SPINIANVS, uterque opibus pollens ac eruditione
splendidus. PIRCKHEYMERVS in epistola apologetica ad
LAVRENTIVM BEHEYM, Canonicum Noribergensem,
Nurenbergae VI. Non. Octobr. An. MDXVII. per Fride-
ricum Peypus impressa, & apud eundem HARDTIVM
l. c. p. 133. a. obuia: Nunc vero, scribit, personati & di-
gno operculo tecti omnia etiam in omnes sibi licere arbitran-
tur (Colonienfes). Nam, ut reliquas eorum silam ine-
ptias, nonne hoc piaculo vel risu potius dignum, quod tot
tantosque viros tam effrenate laceffere, tam petulanter su-
gillare non verentur. Conradum Peutingerum, Io. Cuspi-
nianum, qui ambo, praeter iuris lauream ea fulgent dig-
nitate, ut diui quoque Caesaris etiam secretioribus adhibeantur
consiliis; rel.

f) Narrat ipse hanc rem HVTTENVS in epistola ad
ERASMVM Bambergam MDXVII. d. XII. Iul. scripta, &
inter epistolas *Erasmianas* in appendice num. CLIII. Opp.
tom. III. p. 1618. obuia, verbis: Venetiis ad Germanos
nostros redii, cumque Augustam appulisset, in PEVTIN-
GERVM, IACOBVM SPIEGEL & STABIVM mathe-
maticum incidi, & productus ab illis ad Caesarem, corona
poetica in magno nobilium conuentu donatus sum. Neque

multo post, ut gratum erga PEVTINGERVM animum demonstraret, dedicauit ipsi *epistolam* suam, hoc indice: *Ulrichi de Hutten Equ. Germ. ad principes Germaniae, ut bellum Turcis inuehant, Exhortatoria, publico Germaniae Concilio, apud Augustam Vindelicorum, anno Domini M. D. XVIII. Maximiliano Austrio Imperatore, in officina excusoria Sigismundi Grimm Medici, & Marci Wyrfung. excusam; ubi inter alia haec habentur: Non memoria excidit, quanta tu nuper diligentia, quantoque studio, redeuntem ex Italia me commendaueris Maximiliano Caesari. Qui quum tua graui oratione, in consessu amplissimorum virorum, de meis studiis, deque illa aerummosa per Europam peregrinatione, simul de quadam mea feliciter illi pugnata pugna, persuasus esset, ut me honoraret; quos tu non magnificos titulos, quae non celebria nomina, quas immunitates, quae privilegia protulisti? ut ingratisissimus sim omnium, qui usquam viuunt, mortalium: nisi te valde amem ac reuerenter colam. Proinde continuo oculis meis obuersatur, qua me primum hospitalitate in domum tuam acceperisti; deinde, qua praedicatione, quibus amicis commendasti; postremo, qua pompa ad Caesarem adduxisti; ut ille tuo instinctu ad se admisit; ut Coronam poeticam imposuit: illam aio coronam, illam lauream, quam tu ante domi tuae, accurate contextente & adornante filia CONSTANTIA, omnium, quae istic sunt, puellarum & forma & moribus praestantissima, apparaueras; rel. in alia ad PIRCKHEIMERVM epistola circa hoc ipsum, quo haec facta sunt, tempus, anno nempe MDXVIII. VIII. Kal. Nouembr. Augustae scripta, quam luculentis Commentariis inlustratam denuo emisit Cl. BVRCARDVS, p. 57. haec leguntur: multum mecum est — CHVNRADVS PEVTINGER, quocum vetus mihi iam, ut nosse, consuetudo est. Quamquam hunc mihi negotia, quibus obruitur, homo alioqui studiosorum omnium, ac nostri plurimum generis obseruantissimus, eripiunt ac extrahunt. Ceterum ipsum Diploma HVTTENO a Caesare super hac re datum exhibet idem BVRCARDVS tomo III. p. 57. in quo non obscura simul commendantis PEVTINGERI mentio.*

g) Amicis PEVTINGERI LOTTERVS insuper Joannem CVSPINIANVM, Joannem AVENTINVM, Thomam VENATORIVM; OEFELIVS autem in *Peutingeria* suis, ex quibus multa, in praecedentibus *Notis* allata, mutuatus sum, Joannem STABIVM historiographum caesa-

caesareum; *Ottmarum* LVSCINIVM; *Greg.* HALOANDRVM; *Blasum* HOELCELIVM *Maximiliani* Caesar. Cōsiliarium, de quo videatur Liber: *Complurium eruditōrum Vatum Carmina* ad. . . *Blasum Hölcelium*. 4. *Augustae*, 1518; DVCEM SAXONIAE (Vide superius C. II. §. III. in Nota f) cui *Gälfredi Monemuthensis de Historia Britannica* Codicem manuscriptum misit, annumerant.

XII.

Has autem amicitias, doctrinae virtutisque studio maxime conciliatas, quemadmodum ad extremum vsque spiritum integras atque illibatas conseruauit *Noster*; ita etiam frequentiori litterarum commercio studiose aluit. Et ecce! Deuenimus ad vltimum *Commentationis* nostrae paragraphum, in quo LOTTERVS missarum a *Nostro* ad amicos, ab amicis ad *Nostrium* Epistolarum indicem texendum sibi esse duxit. Ego, etsi sciam (quod & LOTTERVS probe aduertit) eum oppido mancum & imperfectum esse, hoc loco apponere volui nulla mutatione facta; Nolo enim tam vasto negotio, atque accurata harum Epistolarum designatio esset, humeros supponere, ob eam maxime causam, quod Sisyphi saxum voluere videantur, qui id laboris suscipiunt. *Index* ergo *Epistolarum Lotterianus* sequens est.

MCCCCXGIX. PEVTINGERI ad REVCHLINVM, IV. Kal. Febr. *Augusta* scripta: *Quae literis tuis apud Fucaros, rel. inter Reuchlinianas, Hagenoae MDXIX. a Thoma Anselmo 4. editas. h)*

MDIII. *Eiusdem ad eundem*, X. Kal. Maias: *Gaudeo plurimum me tibi, rel. ibidem.*

MDVI. IOAN. FRANC. PICI MIRANDVLANI ad PEVTINGERVM, Mantua XV. Aug. data : *Salve ; dum nonnulla*, rel. inter *Opera MIRANDVLANI*, Argentorati MDVII. a *Ioanne Knobloch*, fol. edita.

MDVII. IOAN. TRITTHEMII Abbatis ad PEVTINGERVM, Herbipoli d. VI. Sept. *Bilibaldus Pirckenheymer communis*, rel. inter *epistolas TRITTHEMII* iunctim editas curante IACOBO SPIGELIO, Hagenoae ex officina *Petri Brubachii* MDXXXVI. 4.

MDXII. PEVTINGERI ad REVCHLINVM, Augusta, prid. Idus Decembr. *Tardiores me vehementer*, rel. &.

REVCHLINI ad hanc responsoria fine die & Consule. *Quod serius quam velim*, rel. inter *Reuchlinianas*.

MDXIII. PEVTINGERI ad RHENANVM, XIII. Kal. Iul. CORTESIO praemissa.

MDXIII. CONRADI MVTIANI ad PEVTINGERVM, Gothae XVI. Kal. Sextil. scripta : *Nisi angusto temporis*, rel. &.

PEVTINGERI ad illam *amoebaea*, Augustae VIII. Kal. Sextil. *Epistola tua*, rel. inter *Reuchlinianas*.

MDXIII. PEVTINGERI ad SPALATINVM VIII. Kal. Sextil. *Litteris tuis*, rel. in *manipulo Heckeliano primo*, de quo supra.

MDXV. CHRISTOPH. VELSERI ad PEVTINGERVM, Romae d. XXVII. Ian. *Cardinalem Adrianum*, rel. inter *Reuchlinianas*.

MD.

MDXVIII. VLRICI HVTTENI ad PEV-
TINGERVUM, Moguntia VIII. Kal. Iun. praemissa
epistolae exhortatoriae ad Germanos, de qua supra.

MDXX. ERASMI ad PEVTINGERVUM, A-
grippina d. IX. Nou. *Sciebam tibi non esse*, rel. in-
ter *Erasmianas*, *Operum* tom. III. Lugd. Bat. MD-
CCVI. fol. addimus his vnam

Ineditam PEVTINGERI ad VITVM BILD
Monachum *Benedictinum* Augustae, quam in
bibliotheca illius *Coenobii* adhuc adseruari au-
tor est cel. BERNARDVS PEZIVS in *praefa-*
tione ad tomum I. *Theauri anecdotorum* nouissi-
mi. i)

Haftenus *Epistolarum index Lotterianus*. In-
terim iam ipsa PEVTINGERI aetate plurimas
Epistolas vel tabellariorum negligentia vel alia
quacunque de caussa intercidisse, ex frequentio-
ribus tum *ipsius* tum *amicorum* querelis constare
observavit LOTTERVS; quas tamen conseruari
omnino ex re & vsu posteritatis fuisset; tum quia
omnigenae doctrinae atque consiliorum plenae
fuisse ex reliquarum indicio Auctorisque ingenio
existimandae sint: tum quia hoc praesertim no-
mine etiam commendabiles extitissent; quod *ani-*
mi characterem CONRADI nostri iucunde admo-
dum depingerent. Vtcunque autem sese istud
habeat, mihi tam benigna obtigit fors, vt plu-
res *Epistolarum* CONRADI nostri e tenebris an-
gulisque, quibus abditae iacebant, in lucem
libertatemque assererem; quas ipsas in subsequen-
tem APPENDICEM reicere statui, vt hac ra-
tione (praeter plurima, nec spernenda *Addita-*
menta, quibus LOTTERI *Commentationem* fere

duplo auxi , aliquid esset , vnde huic meae opellae singularis commendatio maiorque Lectorum gratia conciliaretur. Sed vt ad *animi characterem* CONRADI , vnde digressus sum , redeam ; habuit hunc ille certe candidissimum , & germanae priscaeque fidei , ac talem ; qualem plane vel ipsa liberalior frons , senatorio tamen decore mista , primo intuitu pollicetur : cuius imaginem ex Eius effigie , quae in publica Bibliotheca Augustana ad S. *Annam* visitur , coloribus affabre depicta , æri nunc primum incisam in huius *Commentarii* titulo ad maius Opusculi ornamentum commendationemque poni curauit Bibliopola. Ceterum exacto sic , quod pro virili parte expediundum suscepi , opere calamum pono , hunc potissimum impensi laboris fructum habiturus , si *lectores beneuoli* contingant , qui cum PLINIO *pulcrum* existiment , non pati illos *occidere* , quibus *aeternitas* debeatur.


h) Hunc verum annum esse , quo data est *Epistola* , docet LOTTERVS C. I. §. VIII. in *Notis*.

i) Ego non vnam solam , sed sex *Epistolas Nostri* ad V. BILDIVM in *Appendice* exhibeo.




APPENDIX.

CONRADI PEVTINGERI,
&
CLARORVM VIRORVM
EIVS AETATIS
EPISTOLAE ANECDOTAE,
NUMERO LI.





Ineditarum Epistolarum, quae hinc illinc in Bibliothecis latitant, maior nobis cura esse debet. Quoniam enim diuulgatae non sunt, multa hic abscondi ad Historiam litterariam pertinentia, credibile est; praecipue si maxime familiares litterae sint. *Dan. Georg. MORHOFII Polyhistor, Tom. I. L. I. c. 25. p. 310.*





M O N I T V M.

Sequentes EPISTOLAS, partem maximam, desumpsi ex *Codice MSS.* Bibliothecae Collegii *Augustani* quondam *Societatis Iesu*: quem si hoc loco fusius descripsero, me & promissum, in ipso Opusculi huius limine (vt probe recordor) factum pro officio exsoluturum: & tibi, Lector! rem oppido gratam praestitutum esse, haud temere credo. Est autem *Codex* iste, chartaceus, duorum pollicum crassitudine, in folio, quod aiunt, complectens circiter folia CLXXX. mancus hinc inde, & totis paginis studio resectis mutilus: Extenditur vero ab anno MDVIII. in añum MDXXVII. vsque. Epistolae, in eo contentae (quatuor solas si excipias) vel ab MICHAELE HVM-MELBERGIO ad viros eius aetatis doctissimos, vel ab his ad illum, scriptae sunt; quos etiam hoc loco nominare, mea quidem sententia Reipublicae litterariae interest. Sunt ergo sequentes:

Conradus *Adelmannus* ab *Adelmansfelden*
 Canonicus Ecclesiae *Augustensis*. Bruno *Amerbachius*. Iodocus *Badius Ascensus*. Thomas
Anshelmus Chalcographus *Badensis*. Petreius
Aper-

Aperbacchus Erphurdianus , Philosophus & Iure-
consultus. Iacobus *Apocellus* Phorcensis, latine &
graece doctus, Notarius Camerae Apostolicae.
Hieronymus *Aleander* Mottenfis. Ioannes *Baetz-
zius* Vberlingensis. Iacobus *Bedrottus*, vel *Bede-
rottus* Pladentinus. Henricus *Bebelius*. Ambro-
sius *Blaurerus*. Thomas *Blaurerus* Constantien-
fis. Ioannes *Botzhemus* I. V. Doctor, Canoni-
cus Constantiensis. Wolfgangus *Brantnerus* Cae-
sareus Confiliarius & Orator. Ioannes *Brassica-
canus*. Ioannes Alexander *Brassicanus*. Lucas
Conratherus. Philippus *Dulciarius* Helproneus.
Ioachimus *Egellius* Medicus. Philippus *Engen-
tinus*. Iacobus *Faber* Stapulensis. Ioannes *Fa-
ber* Vicarius Constantiensis. Ioannes *Frobenius*
Chalcographus. Hieronymus *Gebwiler* litterarii
ludi Magister. Nicolaus *Gerbellius* Phorcensis.
Georgius *Haynus* Medicus. Ioannes *Hercman-
nus* Monachus Salemi. Conradus *Heresbachius*.
Ernestus *Hefs*. Conradus *Hirtzbachius*. Gabriel
Hummelbergius. Kilianus *Hummelbergius*. I. *He-
roldus* Theologus Norimontanus. Ioannes Seba-
stianus *Hurnhaimerus*. R. D. Ioannes N. *Iodocus*
Abbas Salemi. Ioannes *Kierherus*. Ioannes *La-
nius* Brigantinus. Ioannes *Locherius*. Philippus
Melanchton. Ioannes *Menlishofer* Medicus. Al-
bertus *Menlishofer*, & Thomas *Pindarus*. Conra-
dus *Peutinger*. Paulus *Phrygio* Selestanus. Io-

annes

annes *Paetus*. Iacobus *Philomusus* Poeta laurea-
tus. Ioannes *Philo*. Bilibaldus *Pirckhaymerus*.
Beatus *Rhenanus*. V. B. R. Theologus Tubin-
genſis. Wolfgangus *Reisbergius* Monachus Sale-
mi. Ioannes *Reuchlinus*. Mutianus *Rufus* Iure-
consultus. Stephanus *Rosinus* Auguſtenſis. Vr-
banus *Regius* Poeta laureatus. Chriſtophorus
Schwarzenbergius Baro. Chriſtophorus *Sertorius*
Theologus. Albertus *Truchſes* Francus Orienta-
lis, Canonicus Eccleſiarum Nemetenſis & Hér-
bipolenſis. Thomas *Truchſes* Decanus Spirenſis.
Ioannes *Sapidus* Seleſtadienſis. Iacobus *Stur-*
mius. Theodoricus *Vngelter* Vlmenſis I. V. Doc-
tor. Ioannes *Vannius*. Matthias *Vlianus* Medi-
cus. Oſvvaldus *Vlianus* Rauenspurgenſis. Gaſpar
Vrſinus Sleſius, Poeta. Sed de his ſatis!

Huius eiſdem *Codicis* pagina 53. poſt *Epi-*
ſtolam Graecam, *Beato Rhenano* directam, oc-
currunt *Oratiunculae eccleſiaſticae ad SS. Trinitatem*
&c. ab *Michaele Hummelbergio* Graeca lingua red-
ditae: item pagina 176. *Oratio Manaffis regis*
ab eodem latine verſa. Sileo alia, minoris com-
matis, ingenii *Hummelbergici* ſpecimina, hinc
inde inſperſa. Totum *Codicem* claudit *Epigram-*
matum Liber II. Michaelis Hummelbergii Rau-
enſpurgenſis, in cuius fine legere eſt octoſtichon
ad *Beatum Rhenanum e primo Libro Epigramma-*
tum

tum *M. H. R.* (*Lege Michael. Hummelbergii Rauenspurgensis*) qui periit.

Satis quidem ista , pro ratione instituti , dicta videri possunt ; verumtamen cum *Michaelis Hummelbergii* memoria *) obscurior , quam fortasse par est , & indignis circumsepta tenebris sit ; minime iniucundum tibi fore censeo , Lector ! si iam , quae ad ipsam *Michaelis* personam attinent , in saepius laudato *Codice* a me observata , subiecero . Minime dubium est , *Michaeli* patriam fuisse *Rauenspurgum* , ciuitatem Sueviae imperialem . Patrem habuit rei militari vel addictum , vel saltem ab ea , etiam in prouecta aetate , abhorrentem minime ; Sic enim anno MDXIII. intra Maias Kalendas ad *Iacobum Fabrum* Stapulensem de illo scribit : *Salutat te Parens meus , homo diuino Numini deuotus , qui tametsi senio conficiatur , eousque tamen se vidurum sperat* Θεῷ διλόντες , quò cum veris Fidelibus in sanguina-

*) Diu sollicitè quaesivi , quo potissimum anno *Michael Hummelbergius* primam lucem aspexerit ? Equidem ex iis , quae *Ioannes Sturmius* in *Vita Beati Rhenani* , praefixa eiusdem *Rhenani Rerum Germanicarum Libb. III.* monet , scribens (*Inter condiscipulos Lutetiae cum aetate parem , tum industria & doctrina aequalem habuit* (*Rhenanus*) *Michaellem Hummelbergium* , quo plurimum in commentationibus studiorum , & eorum , quae audierant , usus est .) satis compertum habui , id circa annum MCCCC-LXXXV. factum fuisse ; cum hoc anno *B. Rhenanus* in
dias

guinarios Christi hostes felicia arma sumpturus sit, & secundo benedictum Domini sepulchrum visurus; Utinam bona spe non destituatur. Fratrem germanum sortitus est Gabrielem, Medicum illorum temporum nequaquam incelebrem, qui nominis sui memoriam pluribus libris editis consecrauit; de quo, si lubet, *Pantaleonis Prosopographiam*, & *Kestneri Lexicon medicum*, ac *Bibliothecam medicam* consulere poteris. Michael, cum adoleuisset, studiorum causa, & ingenii magis magisque expoliendi gratia *Lutetiam Parisiorum* profectus,

dias luminis auras natus fuerit, cui aetate par fuisse Michael Hummelbergius a Sturmio superius asseritur. Sic coniecturis animum torquenti in manus veniunt, Ioann. Heumanni, Iuris in Academia *Altorfina* Professoris, *Documenta litteraria*. 80. omnemque subito dubitationem eximunt, exhibendo *Epitaphium* Nostro, a fratre germano Gabriele Hummelbergio positum; ex quo conficitur, Michaellem Hummelbergium anno MCCCCLXXXVII. natum, postquam annos XL, dies aliquot vixisset, naturae debitum anno MDXXVII. XIX. Maii, moriendo exsoluisse: fuisse de caetero humani & diuini iuris consultissimum, Graecae & Latinae linguae doctissimum, sacerdotii conspicuum dignitate, Doctis & Musis amicum. Praeter laudatum *Epitaphium* habes, Lector! in iisdem *Documentis litterariis*. p. 93. duas *Epistolas* Michaelis nostri ad Bilibaldum Pirckheimerum, quas (si lubet) consulere poteris.

Vt de indole Nostri pauca afferam; is ab Erasmo Roterodamo in Epistola ad Conrad Heresbachium. 1522. 18. Oct. homo moribus mire candidis appellatur: & in Epistola ad Marc. Laurinum 1523. 1. Febr. a pudore, modestia, doctrina ac morum suauitate insigniter commendatur.

fectus, ibi annis 1508. 1509. 1510. & 1511. egit, *Iacobo Fabro* Stapulensi, & *Iodoco Chlichtoueo* in Philosophia, nec non in Graeca lingua *Hieronymo Aleandro* Mottensi, praeceptoribus vtens. Litterariis laboribus *Parisiis* defunctus, anno 1511. dimidia sui parte exacta, in finem paulatim vergente, patrios lares repetiit. Circa istud tempus, vt se Deo magis magisque deuoueret, sacerdotium iniuisse videtur. Certe sacerdotii eius perspicua extant argumenta. Ita in Epistola ad *Iacobum Fabrum* Stapulensem superius citata, dataque anno 1513. sic se exprimit: *Nolim enim in duriusculam petram, aut in spinosum agellum cecidisse, quod in me cecidit eruditionis institutionisque tuae semen; sed potius in agrum, & illum non tristem & sterilem, verum graui Cerere laetum & fertilem, quem indies magis ac magis excolere iuuat, ut Deo O. M. uni & trino optimam atque maximam frugem ferat in suauitatem odoris; frugem autem hanc sacrosandae & superbenedictae hostiae, Corporis D. N. Iesu Christi... sacrificium velim intelligas, quod aliquando ἐκ τῆς μακρᾶν Deo auxiliatore... utinam digne offeram... Et in Epistola ad Hieronymum Aleandrum 1519. Nonis Aprilis data ait: Humanissime semper mecum agis, qui... me humilem Christi sacerdotem... amare nunquam non pergis... Similiter in Epitaphio, quod hortante *Thoma Truchsessio*, Decano Spirensis Ecclesiae,*

Ioan-

Ioanni Klerhero Selestadiensi, philosopho, poëtae, & oratori anno 1520. scripsit, eundem Consecratorum vocat. Themidi quoque & iuris scientiae deditum fuisse Michaelem, ea comprobant, quae ad V. B. R. Theologum Tubingensem anno 1512. Nonis Octobris ex Rauenspurgo ille scripsit: Haud aequis telis contendere videris, Vir bone! qui, perpetuis concertationibus in omni theologia exercitissimus miles, theologica cum Iureconsulto, emerito milite, armis & litterariis pugnis hospitium renunciantem... confers... sed tamen ne prorsus hastam abiicere, & arena cedere videar, velim & mihi licere, hanc qualemcunque pharetram meam excutere &c. &c. Imo in Epistola ad Chuonrad. Peutingerum, 1513. IV. Id. April. ad calcem huius Operis annexa, se diu antea Iuris pontificii studio totum deuouisse, innuit. Anno 1514. Michael iter, quod diu secum voluebat animo, in Italiam, ac Romam aggressus est, a Conrado Peutingero commendatitiis ad Christophorum Vuelferum, Sororium Peutingeri, instructus: In ea vrbe commorans Ioanni Reuchlino in famosa cum Doctoribus Colonienfibus lite sedulam opem impendisse videtur. Argumento sunt Epistolae in Appendice N. XX. XXI. XXII. afferendae, quibus Reuchlini causam STEPHANO ROSINO, Caesar. Maiestatis in Vrbe Sollicitatori (vt ait) verbis significantissimis commendat, hinc in Catalogo

K

Patro.

Patronorum *Io. Reuchlini* **) inter complures eruditissimos Germaniae Viros merito locum consecutus. Romae *Hummelbergius* ad annum 1517. substitit, quo in Germaniam reuersus in patria vrbe resedit. Quid ex illo tempore gesserit, mihi incompertum; nisi quod commercium litterarium cum amicis & doctis viris caeptum probe fouerit, vsque in annum 1527. quo ipso Kalendis Aprilis ad *Ioannem Botzhemum Abstemium* litteras dedit.

Reliqua vitae *Michaelis Hummelbergii* cum me lateant, iis, Lector! contentus sis rogo, quae hactenus attuli. Ceteram *Nostrum* paulo post illas, 1527. ad *Botzhemum* datas, litteras diem supremum obiisse, ex superius dictis constat.


Finieram hoc *Monitum*, cum RR^{dornm} Liberi & Imperialis Monasterii ad SS. Vdalricum & Afram *Augustae Vindel.* Caenobitarum singularem beneuolentia & miro gratificandi studio (quod me iam saepius expertum esse, non sine debita grati animi testificatione fateri omnino debeo) mihi humanissime communicata fuere tria MSS^{ta} Volumina *P. Viti Bild* memorati Asceterii quondam Alumni perdocti a V. Cl. *Bernardo Pezio* (Vide *Eiurdem Dissertationem isagogicam ad Tomum I. Thesauri Anecdotorum nouissimi*, pag. XXXII.)

** Praefigitur is *Io. Reuchlini Epist. Hagenoae. 1519.*

XXXII.) diu ante me iure meritissimo collaudati. Ea re factum est, Lector beneuole! vt non solum vnā Epistolam CONRAD! nostri, quam *Ioann. Georg. Lotterus* editam olim optauit; sed adeo sex Epistolia *Eiusdem*, ad praedictum *Vitum Bildium* data, exhibere tibi valeam. Has *Nostri* Epistolas excipiunt aliae quatuor *Epistolae* anecdotae, nouiter a me inuentae, quas vnde desumpserim, in fronte earundem indico. Non improbabis, puto, consilium meum; cum quaecunque a Viris eruditis profecta sunt, etiam minutissima, sollicita diligentia inquirere colligereque debeamus. Vale.

FRANCISCVS ANTONIVS
VEITH.





I.

Chuonradus Peutinger , Augustanus

Michaeli Hummelbergio Rauenspurgenſi

S. P. D.

Quod vehementer me ames , omnes tuae literae , quae haſtenus mihi ſunt redditae , ſignificant , facileque ex his , & eruditionem tuam , & humanitatem , & officium tam dulce mihi , quam optatum cognoui ; & quanto haec a te gratiora proficiſcuntur , tanta maiori ego tibi obligatione diſtringor , potiſſimum ſcilicet : quod haſtenus ad te nullas perſcripſerim litteras , quare , et ſi tibi mecum ingratitudinis cauſa pertractanda foret , cum eam , quam aliquando referre potuiſſem , nec retuli gratiam , ſilentium hoc noſtrum , vtcunque ſi longius fuit , occupationibus noſtris : & publicis & priuatis , vel etiam neceſſitati ipſi (cui nec repugnandum eſt) imputato. Habebis a me poſtea literas crebriores. Libellum , quem Imp. Caef. *Maximiliano* Aug. dicauerim , petis. Dedi plures , vnum ex *Rom. Vetusſtis fragmentis* , excuſum formis (non magni ponderis) transmitto. *Colleſtanea* vero *Coniugis noſtrae* , quae diligentia & manu ſua , auxilioque noſtro , ad venerandum Praepoſitum Ratiſponenſem fratrem ſuum dedit , ab exemplo noſtro ſatis mundo perſpicere poteris . Et cum haec nondum emiſerimus : velim pro tua ſingulari eruditione , niſi a te recognita , caſtigata , exornata etiam , vel (ſi collibuerit) expuncta,

puncta, ad nos redeant. Acceleratione tabellarii de communi nostro amico, *Bebelio*, ac etiam *Brenno* haftenus scribere potui nihil. Deus Optimus Maximus velit, ut te vel praesentem videam. Bene valeas. Ex Augusta IV. Kls. Aprilis Anno Salutis MDXII. Epistolam hanc me dicente nostra vxor amanuensis loco scripsit. Iterum vale.

II.

Michael Hummelbergius Rauenspurgenfis
Chuonrado Peutingeri I. V. Doctōri
S. S.

Margaritae Vuelferiae, coniugis tuae & castissimae & doctissimae, de *Vetustatis monumentis* Epitomen hilariter accepi. Vir clarissime! Eius frequenti lectione meum multum oblectavi animum. Libellus etenim elegans, & concinnus, nihil inepte, nihil inculte, nihil in-erudite, sed omnia affabre, eleganter, & Latiali eloquio venuste & copiose praescribens: multiugae lectionis & penitioris cuiuspiam eruditionis, a nullo ullo non legendus, non suspiciendus est. Eo maxime, quod a cognobili foemine, ἢ ἀθηνᾶ τῇ ἀθάνατῳ παρθένῳ, Ἑρμῇ τε τῇ τῶν ρητόρων νομῷ, καὶ ταῖς μέσαις Διδῶν μεγάλῳιο θυγατράσιν, Minervae, Mercurio & Musis fauentibus conscriptus est. Nihil, me Hercule! rarius, miriusue, quam foeminam ad lanam, pensa, fufum, vestes, mollesque tuniculas, & texendi artem natam eruditione atque facundia viris vel doctissimis dubia pugna congregi, & palmam sibi praeripere conari. Rarum & infrequens in terra Suevia,

uia, latinissime scribere faeminam, & pro lana librum, pro fuso calamum, stilum pro acu tractare (quod *Politianus*, Romanae glossae deliciae, de *Cassandra* Veneta puella scribit) non cutem cerussa, sed atramento papyrus linire; quod non magis usitatum, nec minus rarum aut nouum, quam si de glacie media nascantur violae, si de niuibz rosae, si de pruinis lilia. Quum autem vetusta & longe hinc distita saecula suas Musas *Clio*, *Euterpen*, *Thaliam*, *Melpomenen*, *Terpsicoren*, *Erato*, *Polymneiam*, *Varianiam*, *Calliopen*: praeterea *Sybillas* suas, *Perficam*, *Lybicam*, *Delphicam*, *Cimmeriam*, *Erythraeam*, *Samiam*, *Cumaeam*, *Helleponticam*, *Phrygiam*, *Albumbeam*: & item *Poëtrias*, *Sappho*, *Telefillam*, *Corinnam*, *Semproniam*, *Anyten*, *Erinnen*, *Praxillam*, *Sulpiciam*, *Cleobulinam* suspiciunt & venerantur; iure optimo & nostram *Margaritam* miramur, & eo magis stupemus, quo sub Ioue pigro & frigido, circa Vindae Lycique fluenta nata, multa vigilia & lucubratione, improbo labore & studio ingenium alioqui imbecille & fractum (quale huic hominum generi natura comparatum est) optimis & quidem musicis litteris cultius & amoenius reddidit: illis, quibus spirant clementius Austri, suapte natura, & ex caeli temperie ingenii acumine praestantibus. Certe *Margarita* illa nostra vere margarita, & nobilis vnio est, quae ne *Baeoticae* sui (vt dicitur) & crasso duroque ingenio viro desponderetur, te ingenio florentem, iurisprudentia insignem, & omnimoda eruditione clarum, consortem & coniugem diuino munere assecuta est. Vtinam *Tithono* seruet viuaciorem! Sed de his satis superque. Re-
cogni-

cognitionem & castigationem abs te mihi demandatam prorsus abnego ; Tui hoc muneris est ! , tuae sunt partes , quas mihi non sumam ; quum huic rei insolens sum , & tantum crepidam (vt *Appelleus* sutor) possum censere. Quidquod omnia ita ad vnguem & amussim sunt leuigata , vt ne *Momus* ille *Aesopaeus* carpere , & carbone notare queat. οὕτω καλῶς ἀκρίει ὑπ' ἐμῆς ἡ γυνὴ σῆ. Muneri tibi mitto *C. B.* *) librum philosophicum , & sane mirandum , ex intimiore philosophiae penuario depromptum , quem singularis mihi erga te amoris pignus deposuerim. Inuenies eo in libro non nihil de *Iulio* pont. max. licet subtriceatur eius nomen. Item de Abbate *Trithemio* Spanhemensi Mago. . . Tuae coniugi dic salutem meis verbis. Aduentum meum breui expecta. Tibi viro humanissimo , & de me optime merito nihil negare possum , nihil debeo. Videbis hominem , non qualem forsan putas disertum & eloquentem ; sed *Pythagoristam* & silentiarium , audiendi magis quam loquendi cupidum , qui parcam linguam thesauri non minimi loco habet iuxta hoc *Hesiodicum* : λῶσσης τὸν θησαυρὸν ἐν ἀνθρώποισιν ἄριστος φειδωλῆς. Bene valeas , & me , vt facis , mutua charitate ama. *Rauenspurgi*. Eidibus April. MDXII.

*) *Haud dubium est , legendum esse : Caroli Bouilli : Vide mox sequentem Responsoriam Chuonradi Peutingeri.*

III.

Chuonradus Peutinger Augustanus I. V. Doctor & Caes. a Consilio
Michaeli Hummelbergio Rauenspurgenfi
S. S.

Contracta illa inter nos societas familiaritatem hanc amicitiarum arctissimam coniunxit ,

xit, vt, quid tibi viro eruditissimo in amore respondeam, non fatis scio. Laudas, superque laudas coniugem nostram, *Opus* etiam eius, quod recognitum & castigatum volebam ad nos remitteres. Verum litteris tuis ea tribuis, quae nec agnoscimus, nec fatemur: tua tamen conlaudatio non quia verior, sed quod amior maiorisque dilectionis, grata est; quam &, cum nobis debebas nihil, ex humanitate & tua in nos beneuolentia gratis dedisti. Quare cum plane nostram omnem facultatem tuis erga nos meritis imparem esse perspicimus, tibi non solum non agere, verum etiam nec gratias commode referre possumus. Sed blandimentis, assentionibus, quae beneuolentiae popularis ostentamenta sunt, abiectis procul, ego tibi officio meo nunquam deero. Episcopus *Patauiensis* diebus proximis ad me scripsit, vt ab hac schedula manus eius cognoscere poteris; Ego & qui plures Dig: suae commendare potuissim, tu solus, nescio, quo fato sed, vt spero, optimo in animum decideras. Quare, etsi statum tuum hactenus ignoravi, Principi huic commendavi, & me de eo, quod peteret, te velle certiores reddere, & quid rescriberes, D. suae significare astrinxi. Quare aduentum tuum ad nos, vt scribis, accelera, vel, quid institueris, rescribe. Officium *Cancellariae* ipsius honestum: Princeps bonus, senex tamen: aditus ad beneficia ecclesiastica Eruditus apud eum facilis est. Librum tuum philosophicum, profecto admirandum, habui; gratias tibi ago. *Bouilli* illius, Viri vtcunque eruditissimi, nomen hactenus non audiuius: Epistolam eius mox, quam ad *Nicolaum* HORRIVM de visione *Nicolai* Alpi-

Alpini eremitaë dedit, legimus; quid sit, cogitare potui. Ego tibi pro munere isto *a*) vices aliquando reddam. Coniunx nostra te denuo saluum optat. Vellem, vt rogavi, *Colledaneis* nostris aculeos alios, qui ad scribendum stimulos subdunt, admouisses. Sed de his præsens coramque loquar. Vale. Vel rescribe, vel, vti volueris, ad nos venias. Ex Augusta VI. Kls. Maji. Anno Salutis M. D. XII.

a) Annotauit OEFELIVS in *Peutingerianis* suis, ad finem Opusculorum *Caroli Bouilli* hæc adscripta esse: *D. Conrado Peutingero August. ICTo Michael Hummelbergius Rauenspurgenfis dono misit. 1512.*

I V.

Michael Hummelbergius Rauenspurgenfis

*Chuonrado Peutingero Augustano I. V. Doctori,
Mecoenati suo Salutem D.*

Epistolam illam *Capnionis*, Pauli Tarsensis Cilicis coniugii adsertricem, quam nuper *Augustae* commodato dederas, inpraesentia ad te remitto. Ea enim conditione abs te accepi, vt quam primum ad te rediret. Legi illam, atque iterum legi; nam praeter elegantiam, eruditio- nem etiam habet penitiorem. Pauli coniugium cum ex Origene, tum ex ipsomet Paulo adserit, & per ea, quae ab antiquissimis & sacrosanctis Theologis notata sunt, comprobatur. Ipse vero, praeter a *Capnione* notata, etiam aliud sacratissimi Pauli scriptum, quo se coniugatum indicat, adduco: vbi propriam vxorem se scribit potuisse quidem peregre secum ducere, noluisse tamen; ob E- uangelii scilicet gloriam; ne fide adhuc infirmis,

quibus continentiam praedicabat , offendiculo esset. *Prima* enim ad *Corinthios* IX. inquit : *Nunquid non habemus potestatem uxorem circum ducendi , sicut & caeteri Apostoli , & fratres Domini , & Cephas ?* Petro siquidem (qui & Cephas appellatur) legitima coniunx semper adhaerens per omnes Syriae (quae in sinu Isfco est , vt *Mela* & *Plinius*) vrbes , balaneas , Palto , Gabalam , & Laodiceam , coniugem secuta est ; *Matidia* etiam matre *Clementis* (quem Petrus in Episcopum ordinavit , & cui praedicationis & doctrinae suae cathedram credidit , & sibi a Domino datam potestatem ligandi ac soluendi tradidit) concomitante. Sed oblatrabunt Theologi illi nostri , nihil ultra latinitatem progressi , Paulum non de *uxore* hoc loco scripsisse , sed *muliere sorore* , id est , pudica & casta matrona , quae sororis habetur loco. Ita illi mulierem sororem interpretantur ; in quo vel maxime hallucinantur : si enim graecam linguam consulerent , qua & Apostolus elegantissime scripsit , non *mulierem sororem* , sed *uxorem* legerent. Graece enim *γυναικα* scripsit Paulus , id est *uxorem*. Licet non ignorem , apud Graecos aliquando pro muliere , quae etiam virum non habeat , legi ; hoc tamen loco apud Paulum , legitimam & iuxta legis ritum ductam , uxorem designare haud temere dixerim. Quid enim de alienae mulieris abstinencia gloriari oportuisset ? quid quod sequitur , sicut & Cephas ? nonne hoc , legitimam fuisse Paulo coniugem , indicat ? cum Petro in coniugali statu similem se faciat. Porro interpretes non *uxorem* , quod graece est *γυναικα* ; sed *mulierem sororem* transtulit : hac putarim ratio-

tione ; quod Apostolis suscepto iam Euangelio vxores suas tanquam non vxores , sed sorores , quibuscum pure , caste , & continentissime citra omnem suspicionis notam versamus ac viuimus , fuisse existimauerit. Paulus itaque non libidinis & incontinentiae , sed filiorum amore ductus posteritatisque reparandae & legis obseruandae causa (quae sterilitatem sexus vtriusque maximo opprobrio damnabat) legitimam habuit vxorem. Quare valeat & *εὐχάρις* abeat fraterculus ille W. literarum literatorumque osor infelix , qui tibi olim , quod deiseri *Ignatii* de S. Pauli coniugio sententiam *conuiuialibus* tuis *sermonibus* inserueras , pro concione publicitus obtestare non erubuit. Nec de te triumphum egisse putet , quod illius maledicentiae & iniuriae iusta apologia & defensorio libello (vt nonnulli inhortabantur) non responderis. Nam aliis armis (scio quibus) virulentas vires suppressisti , & adeo homuncionem *μισάνθρωπον* contudisti , vt ne hiscere quidem possit amplius.

MARGARITAE *Vuelferiae* Augustanae , coniugi tuae carissimæ , optimæ indolis prole fecundissimæ , erga te diligentissimæ , foeminæ honestissimæ , doctissimæque dic salutem. Item *Constantiae* , *Catharinae* , *Felicitati* , *Claudio Pio* , *Christophoro* filiis dulciss. bene opto. *)

Vale Rauenspurgi Sueuorum. M. D. XII. Kls. Iunias.

*) Quid de hac *Hummelbergii* , & sequenti *Reuchlini* Epistolis sentiendum sit , superius *Cap. II. §. VI. in Notis* monui ; quem locum consulere libeat.

Exemplum Epistolae, cuius in proxima mentio habitata est ab initio.

V.

*Ioannes Reuchlin Phorcensis LL. Doctor
Chuonrado Peutingero, Augustano, I. V. Doct.
S. P. D.*

Iniuriis a quodam Monacho affectum te suspicaris, & id tecum caeteri quoque putant. Ego vero huiuscemodi contumeliis tunc haud interfui. De Paulo Cilice non te insimulem male scripsisse, quamuis tua hucusque ne penderim quidem ad trutinam. Sed tam humana de te mea est opinio, vt te credam nihil vnquam conscribere posse, quod limen exigat. Nec te mendacem recte quis appellauerit mea sententia, qui non tua, sed maiorum dicta recitas, praesertim in re non solum tam minutula & nihil ad fidei articulos conferente: verum etiam quae post tot & tantorum virorum, Ecclesiae primitivae luminum, dispares opiniones hastenus in neutram partem Catholica sit constitutione decisa: vbi nemo priscorum tam vecors fuit vnquam, nemo tam impudens, qui alium, ob similiter sentientem in ea causa, mendacem diceret. Scripserunt fontanae puritati propiores viri, Paulum Tarsensem uxorem habuisse, sed Euangelio suscepto de vtriusque consensu continentiae dedisse operam. Astipulatur *Ignatius*: Confitetur *Eusebius*, quos tu enumeras. Ego, si vis, addam *Origenem* Magistrum Theologorum, & Doctorem irrefragabilem, vno *Periarchon* a) dempto, qui liber ei per calumniam famose imponitur. Ait autem epistolam Pauli ad Romanos explicans, *Rufino* interprete, hoc modo: *Paulus ergo, sicut quidam tradunt, cum uxore vocatus est; de qua dicit ad Philipenses scribens; Rogo etiam te*

te, germana compar, adiuua illas. Quae verba, si graece legantur, ut sunt ab Apostolo scripta, nullos iniiciunt scrupulos. Sic enim ad *Philippenses* capite quarto graece scripsit. Εὐοδίαν παρακαλῶ, καὶ Συντύχην παρακαλῶ τὸ αὐτὸ φρονεῖν ἐν Κυρίῳ. Καὶ ἐρωτῶ καὶ σὲ, σύζυγε γνήσιε, συλλαμβάνου αὐταῖς, αἰτίτες ἐν τῷ εὐαγγελίῳ συνήθλησάν μοι. id est: *Euodiam adhortor, & Syntichen adhortor, idem sentire in Domino. Certe rogo etiam te, coniunx legitima, comprehendaris eisdem; quasi dicat: connumereris eisdem, quae in Euangelio collaborauerunt mihi, hoc est, in earum sanctarum mulierum societate & amicitia inueniaris, quarum nomina sunt in libro vitae. Hanc linguae proprietatem Graeci melius norunt, quam Latini: quare dixerunt, Paulum habuisse uxorem, imo & caeteros Apostolos. Cui non valde repugnat Hieronymus contra Iovinianum ita scribens: ut ei ex superfluo interim concedam: habuerunt quidem uxores, sed quas eo tempore acceperant, quo Euangelium nesciebant: qui assumpti postea in Apostolatum reliquerunt officium coniugale: Ex quibus Hieronymi verbis illud Apostoli scriptum lucidius intelligo prima ad Corinthios VII. Volo autem omnes homines esse, ut me ipsum. Nam continuo ante dixit, ne tentet vos satanas propter incontinentiam vestram. Voluit ergo omnes post Euangelium esse continentes, licet ante Euangelium habuerunt uxores; sicut & ipse post Euangelium susceptum conthorali coitu abstinebat. Quare sequitur: Dico autem non-nuptis & uiduis, bonum est illis, si sic permanserint, sicut & ego. Pro non-nuptis dixit ἀγάμοις, id est, innuptis; quo vocabulo Apostolus non prorsus pro non-nuptis illis, qui nulla unquam contraxerunt coniugia, usus est:*

sed

sed potius pro relinquentibus officium coniugale ; quamvis statu matrimoniali comprehendantur : quod ex sequentibus verbis licet intelligere , cum ait : *His autem , qui matrimonio iuncti sunt , praecepto non ego , sed Dominus , uxorem a viro non discedere : quod si discesserit , manere innuptam* , graece sic , *μενέτω ἄγαμος* : id est , *maneant innuptae* ; quoniam igitur hoc verbum , *ἄγαμος* nuptias non negat , sed castitatem astruit matrimonialem , & coitu priuat , quaero abs te , quo possit argumento quisquam vrgeri , vt credat , Apostolum Paulum nunquam fuisse coniugatum ? Nam , qui se innuptis & viduis similem dixit , nondum se virginibus coaequauit. Eo magis quod , vt contra Iovinianum scribit Hieronymus , *apud Iudaeos gloria erat & in partibus & in parturitionibus ; & maledicta sterilis , quae non habebat semen in Israel*. Quum igitur Paulus ante coruscationem Euangelii Vir erat , vt ex verbis Ananiae cognoscimus *Actuum IX*. *Audiui a multis de Viro hoc , quanta mala fecerit sanctis tuis : & viro erat ignominiosum sterilitatem coelibatu fovere , Ieremiae XXII*. *Haec dicit Dominus : scribe virum istum sterilem , virum qui in diebus suis non prosperabitur ; & inter benedictiones Deuteronomii scriptum est : Non erit apud te sterilis utriusque sexus* ; recte consequitur , neminem sancto Paulo , qui sub nomine Saul in lege praecessit Euangelium , his verbis detrachere , quod dicat ipsum fuisse coniugatum. Quilibet igitur in sensu suo abundet. Alius quidem sic , alius autem aliter. Non tamen alter alteri struat iniurias , nec mendacia innocenti cuiquam impingat. Si quis est , qui hac in re cum Ambrosio sentiat (scribit enim idem super Epistolam ad Corinthios

his

his verbis ; *Non diceret Apostolus : Bonum est innuptis , vt sint sicut ego , nisi esset integer corpore. Nec diceret : omnes homines volo esse sicut me ipsum , si habuisset uxorem.)* si quis inquam *Ambrosii* partes fouet , is velim autores tuos non contemnat , sicut nec ipse ab aliis contemnitur , licet diuersa scribingentibus. Quamuis enim dicat idem *Ambrosius* in 2. ad *Corinthios Epistola* , quod omnes Apostoli , excepto *Ioanne & Paulo* , uxores habuerunt ; tamen *Hieronymus* contra *Iovinianum* C. XIV. si recte memini , scribit , quod *Ioannes* fuerit Apostolus maritus & virgo. Maritum vocat hic , non mentitur ; sine uxore asserit ille , non mentitur. Quippe ambo stellae fidei lucentes in perpetuas aeternitates. Ita qui Paulum uxorem habuisse dicit , non mentitur ; & qui dicit , non habuisse , non mentitur. Sicut futurorum contingentium altera contradictoriarum est vera , & altera falsa , sed neuter alteram mentitur. Ita est de praeteritis incertis , quae nondum sancta probauit Ecclesia. Vale feliciter , & bene valeat vxor tua mihi tanquam soror dilecta , inter foeminas clarissima , honestissima , pudicissima.

a.) *Intellige περὶ Ἀρχῶν.*

VI.

*Michael Hummelbergius Rauenspurgenfis ,
Chunrado Peutingero , Augustano, suo salutem.*

Graecorum nomismatum stelographiam exscripti , verbotimque interpretatus sum , vir praecellentissime ! non quidem minus impigre , quam libenter ; quod tibi , omnium charissimo , nusquam

quam non placere studeam. Amoris etiam erga me tui notam puto, quod ea mihi credis, quae in thesauro habes preciosissima; licet parui existimentur, quae aërea solum sunt: amor tamen & affectus (vt *Ambrosii* vtar verbis) rebus pretium imponit. Sunt autem nomismata nonnulla ita exoletis & attritis characteribus, vt non adeo oculatus sim, qui ex his quidpiam habere queam. Quid enim edax vetustas non tabefacit? quae vt *Sophocles* ait, *omnia exurit*, πάνθ' ὁ μέγας χρόνος μαεῖται τε, καὶ φλέγει Vnum etiam prorsus latinum est, quod *Valentia* inscribitur. Caetera partim graecas, partim graecas & latinas inscriptiones habent; quod seriatim (vt iam subnectam) videre est. Imp. *Philippi* duo sunt. Primum hanc habet stelographiam Α Κ Μ ΙΟΥ ΦΙΛΙΠΠΟΥ ΕΥΣΕΒ. hoc minusculis litteris plenius scribitur: αὐτοκράτωρ καῖσαρ Μάρκος ἰούλιος φίλιππος εὐσεβής; id latine est: Imp. Caes. M. Iul. Philippus Pius, seu Religiosus, &, si mauis, *Augustus*, vt in Romanis & Latinis Caes. nomismatis est. Quod enim religiosum est, *Tranquillo* teste & *augustum* est, sacrumque & maiestatis atque venerationis plenum. Quod nomen tanquam omnibus sanctius & reuerentius *Octavianus* Diui Iulii F. omnium primus adsumpsit, spreto repudiatoque *Romuli Quirini* cognomine: quod hunc in imperio condendo & stabiliendo praeualuisse existimaretur. Reliqui etiamnum Impp. Caes. omnes diutina usurpatione hoc sibi cognomen vindicarunt. Habet nomisma hoc altera ab parte literas Romanas duas L. A. quid velint, nostri; veterum enim, latinorum praesertim, monumentorum, quorum diligentissimus inquisitor es, iuxta & doctissimus, nihil te latere puto. Alterum

rum eiusdem Imp. nomisma sic habet : ΑΥΤΟΚ Κ Μ ΙΟΥΛΙ ΦΙΛΙΠΠΟΣ ΣΕΒ. hoc idem , quod primi inscriptio , sonat. Tametsi postrema dictio ΣΕΒ. id est *σεβαστος*, a primi ultima scriptura dissonet, significatu tamen discriminis vel nihil vel parum habet, & latine etiam *Augustus* interpretatur. Vtitur dictione Graeculus ad *Othavium* Caes. apud *Macrobius Sat. Lib. 2.* Ab altera vero parte hoc habet ΔΗΜΑΡΧ ΕΞΟΥΧΙΑΣ ΥΠΑΤ ΟΓ., ΑΝΤΙΟΧΙΑ, quod literis minusculis perfectius scribitur *δημαρχικῆς ἐξουσίας ὑπατος ογ. ἀντιοχία*. latine: *Tribunitiae potestatis Cos. VIII. Antiochia*. *δημαρχικὴ* enim popularis principatus est , pro plebis commodis excubans , inque imperiis compescendis (vt *Val. Max.* ait) occupatus, qui ex plebeio corpore & ordine creabatur; & quia apud Romanos antiquitus a tribuum suffragio fiebat , *tribunitia potestas* appellitabatur. Item *GORDIANI*; Α Κ Μ ΑΝ ΓΟΡΔΙΑΝΟΣ . . . ΕΥΣΕΒ. L. A. quod literis omnibus scribitur, quemadmodum primum *Philippi*; hoc est : *Imp. Caes. M. An. Gordianus Aug. L. A.* Item *Volusiani* . . . ΟΥΟΛΟΥΚΚΙΑΝΟΣ ΔΗΜΑΡΧ ΕΞΟΥΧΙΑΣ. latine *Volussianus Tr. P.* . . . Scribitur autem *Volussianus* per *SS.* duplex , non simplex, vt latina nomismata habent : Item *Antonini*, ΑΥΤΟΚ . . . ΑΝΤΩΝΙΝΟΣ ΔΗΜΑΡΧ ΕΞΟΥΧΙΑΣ; quod iam ex aliis interpretaberis. Sed aliud hic latet arcanum, quod sub alio aquila gerit, vtpote *SS.* duo , alterum latinum, graecum alterum; sic *SC.* nisi , quod graecum dixi , C latinum contendas , vt sit *Senatus - Consulto*. Item *Saloninae Gallieni* Imp. Coniugis : ΚΟΡΝΗΘΙΑ ΣΑΛΩΝΕΙΝΑ GALL. Hoc est : *Cornelia Salonina Gallienus*. Haec sunt, quae tuis ex nummis habui , licet non omnibus , vtpote literis om-

L nino

nino rubigine exefis , & impendio obliteratis ,
& quae vel oculatiffimum *Argum* fugiant. Tu ,
vir cariff. viue , vale. Siquid nouifti rectius iftis ,
candidus imperti ; fi non , his vtere mecum.
Rauenspurgi VI. idus Octobris Anno Salutis
M. D. XII.

VII.

Michael Hummelbergius Rauenspurgenfis

Chuonrado Peutinger Auguftano S. S.

Antiquiffimi faeculi haftenus obferuatus mos
eft , vir praefantiffime , quo Kls. Ianuariis fre-
nulas , ineuntis anni feliciffimi omina , cariffimis
mittimus , maximeque his , quos in tutelares
Deos (vt ita dicam) & Patronos adfumimus ,
quosque optimos probatiffimosque confilio , au-
thoritate & prudentia praecellere fpectamus. Qua
de re quum diutile animo & tacito in finu (vt
paroemia eft) reuoluerem , quidnam ad te virum
moribus literisque ornatiffimum , & amicum fi-
difiimum atque optimum potiffimum mitterem :
tandem praeter *Cadmi nigellas filias* , *Melonis albam*
paginam , notasque *furuae fepiae* , *Cnidiosque nodos*
(quod iuxta ingeniofi *Aufonii* iambum dixerim)
occurrit nihil. Qui autem nihil aliud habet ,
id quod habet , mittat neceffum eft.
Id autem muneris obferuatio quaedam
eft , quam in tuis fcriptis nuper animaduerti :
Scribis in tuo *Symposiacon* & conuiualium *fermonum*
libello *Constantienfes* , antiquitus *Nantuates* appel-
latos *Diui Iulii* interpretem *Marlianum* reor , fe-
cutus , qui (ni fallor ; quod nolim) pulcre te
in hoc fefellit. Ego enim *Nantuates* ipfos *Val-*
lefi.

lesienses potius, quam *Constantienses*, existimo: & tres illos populos *Nantuates* (inquam) & *Sedunos*, atque *Veragros*, vno nomine *Vallesienses* hodie adpellari credo: Quod tum ex *Strabone* de situ orbis libro quarto, tum ex *diuo Iulio Caes.* de bello gallico libro tercio conligitur. Siquidem apud *Vallesienses Rhodanum* exoriri nemo nescit: Fontis autem huiusce fluminis adcolas, *Nantuates*, *Strabo* tradit, cuius, post descriptam *transalpinum Galliam*, gentesque eam regionem tenentes, de *Alpibus* earumque habitatoribus inter caetera haec verba sunt: *Post istos & Padum Salassi sunt, super quos quidem in cacumine Ceutrones, & Catoriges, & Veragri, & Nantuates, Lacusque Pelemina, per quem Rhodanus effertur, & fluminis ipsius fontes.* *Caesar* etiam *Nantuates* a *Sedunis* & *Veragris* non seiungit, sed eandem *Alpium* gentem adserit; tametsi nominibus censeantur diuersis. In haec autem verba *Caes.* insit: *Quum in Italiam profisceretur Caesar, Ser. Galbam cum Legione XII. & parte equitatus in Nantuates, Sedunos, Veragrosque misit: qui a finibus Allobrogum, & Lacu Lemano, & flumine Rhodano ad summas Alpes pertinent.* Haec *Caesar.* Ex quibus *Nantuates*, non *Constantienses*, sed *Vallesienses* (vulgo die *Walleser*) haud temere scripserim. Neque id quidem omittendum, perperam & mendose apud *Caes.* allegato loco *Antuates* in impressis libris haberi, vbi vera lectio *Nantuates* habet; quod ex venerandae vetustatis sinceraeque fidei libro, in *Diui Victoris* Bibliotheca apud *Parisios*, iam olim deprendi. Vale faustiter. *Rauespurgi* properatim *Kls* Ianuariis Anno Dni *M. D. XIII.*

VIII.

*Henricus Bebelius Iustlingensis , Poeta
Michaeli Hummelbergio Rauenspurgensi suo.*

Felicitatem ineuntis anni optat. Descendens ex deliciis *Alpeſtribus*, *Zuifuldensibusque*, atque ideo inſuetus legendi & literarum, non poſſum ex tempore, aut diligenti ſtudio quaerere de *Nantuatibus*. *Caeſar* tamen mihi occurrit, qui libro quarto belli gallici ita dicit: *Rhenus autem oritur ex Leopontiis, qui Alpes incolunt, & longo ſpatio per fines Nantuantium; Eluetiorum, Sequanorum, Mediomatricum, Tribocorum, Treuerorum citatus fertur.* Ex quibus quidem verbis non incongrue induci poſſumus: eos eſſe poſſe *Conſtantienses*. Non neſcio etiam *Volaterano* (*Raphæli*) *Nantuates* videri eos *Sabaudios*, qui nunc *Tarantasienses* dicuntur; ſed, vtrum verius ſit, neſcio. Ego collecto ingenio & habita opportunitate latius rem inueſtigabo. *Antuates* autem eſſe populos illarum *Alpium*, credo etiam, praeter *Caefarem* aliorum *Scriptorum* traditionem accedere. Nouam vero inquirendi prouinciam tibi demandabo; mentionem enim facis de *Valeſia*, quam ego *Vandaliam* dici debere exiſtimo; quum *Episcopum Sedunensem* aliquem, vbi neſcio, *Episcopum Vandalorum* legerim. Tu ſi quid ea de re noueris, ad me perſcribito. Certum autem eſt, *Curienſes* etiam *Burgundiones* olim dictos, hoc eſt temporibus paulo ſuperioribus. *Henricus* enim *quintus*, inter caeteros ſuae legationis *Episcopos*, miſit *Episcopum Alemannorum Conſtantiensem*, & *Burgundionum Curienſem*, qui eodem modo iſtas alpes inuaſiſſe exiſtimantur. Inde quadrat, quod *Mamertinus* ad *Maximianum*
Caefa-

Caesarem dicit, *Burgundiones Alemannorum agros occupauere: sed sua quoque clade quaesitas Alemanii terras amiserunt, sed repetunt &c.* Composui *Historiam Diui Hieronymi* pro horis canonicis & cum notis, vt ita loquar, musicis, cum indulgentiis & confirmatione Archiepiscopi Moguntiensis: *Historiam* item *S. Annae*; quae sunt *Augustae* impressae ductu & auspicio *Co. Peutingeri*: illum roga, & habebis unum exemplar; ego enim nullum habeo. Nam decem accepi dono: quae ex composito quibusdam Abbatibus & Collegiis debebam. In quibus videbis & studium meum in sacram Religionem, ne profana tantum me cogitare credas. De caeteris laboribus meis audies, dum & tempus habuero latius euagandi. Nunc vale. Raptim ex Tubinga X. Kls. Februarias. Anno Christi, M. D. XIII.

I X.

Chuonradus Peutinger Augustanus
Michaeli Hummelbergio suo S.

Scriberem multa ad te, & in re litteraria praefertim, si otio illo, vtcunque bono, vacare possem. Verum tot & tam ardua quotidie se ingerunt negotia, & potissimum Caesare nostro praesente, vt alia modo progrediendum sit via. Mitto tibi litteras commendatitias, vt petisti; misissem & epistolam tuam, verum ex litteris tuis fane intelligere non potui, quam peteres. Vis ire Romam; valetudinem tuam curato, & inprimis vires tuas dimetiare. Spero te sororium nostrum & amicum habiturum non vulgarem. *Beatus Rhenanus* binas ad me dedit litteras, cui ro-

spondi : vellem hominem coram videre. Super prioribus tuis litteris respondebo , si modo potero. Vale , carissime *Michael* ! Ex Augusta VIII. die Aprilis , Anno. XIII.

X.

Michael Hummelbergius Rauenspurgenfis
Chuonrado Peutingero suo Sal.

Commodum hoc ipso vesperi binas tuas litteras adcepi , vir clariss. alteras ad *Michaelem* tuum , tuo nomini deditissimum : alteras vero commendatitias ad Dn. *Christophorum Welscherum* fororium tuum , quas , imprimis dum illuc adpulerim , mihi profuturas facile crediderim : pro quibus etiam , quas debeo , habeo gratias. Verum quando mihi hinc soluendum sit , nondum satis noui ; quum ab Antistite *Curienti* , cuius comitatu & sattellitio iam adscriptus eram , hactenus nihil responsi adceperim , an ne (vti statuerat) profecturus sit : neque modo vilo e re mea esse putarim , vt tantum itineris solus capeffam. Quare comitatus aliquis prius disquirendus est , quo veluti vehiculo quopiam hinc vehar : & vtinam atque vtinam praepetibus (vt aiunt) avibus. Scribis *Beatum* meum *Rhenanum* ad te dedisse litteras ; meum autem meo iure dixerim , qui non triualiter me amat , colit , veneratur , & ornat ; qui iam olim , prius quam pontificio iuri me totum deuouerem , eisdem in Philosophia praeceptoribus *Iacobo Fabro* Stapulensi , & *Iedoco Chlichtoueo* , viris philosophissimis atque theologissimis , mecum vsus est : quamquam , vt verum fatear , non nihil felicius. Huius ,
in-

inquam, literas non amusas, sed doctas, florulentas & penitus *Vlyssæas*, id est, facundissimas accepisti, hominemque ad te videndum inuitasti; veniet, me hercule! & tuæ humanitati morem gerens propediem, quod auguror, te istic inuiset, qui & a me proximis diebus aduocatus est: vnde reor, me hic viso, etiam ad te deinde iter arrepturum. Sed iam nimis (vereor) familiariter tecum ago, & linguacem quendam καὶ ἀμετροεπῇ καὶ ἀκριτόμυθον (vt apud *Homerum* est) ostento *Thersiten*: in tantis praesertim negotiis tuis, quibus ob Caesareae Maiestatis praesentiam distringeris. Vnde optimo iure me ψίδυρον ἄνδρα, fusurronem, & garrulum adpellitare, & tanquam hirundinem (iuxta *Pythagoræ* σύμβολον) tua domo proscribere quires, nisi humanitas tua & modestia omnia boni aequique consulere pernosceret. Quare de tua humanitate praeclare confisus vel id subnectere audeo, simulque receptui canere. De coniugio spiritiferi & deodoti Pauli *Capnion* noster, totius Germaniae, nedum Sueviae nostrae decus, aliquando ad te scripsit; scripsi & ego, quibus verum felixque hoc coniugium defensitarem. Si quidem tu de meis scriptis subdubitas, habes *Fabri* Stapulensis in *Paulinas Epistolas* diuiniloquentissimos *Commentarios* nuperrime apud *Parisos* editos, qui folio 180. item 119. item 115. item 117. omnem scrupulum radicitus tibi eximunt, meamque sententiam probe muniunt, & verum Pauli coniugium doctissime ostendunt: quod tumultuaria lectione iamiam prope re admodum tibi adnotaui. Forsan & in aliis locis idem adserit; sed festinanti haec sufficiant. Si quidem tu libro hoc cares, rescribas velim,

& ipse aut meum aut, quae ad rem hanc sunt, transcripta quamprimum ad te mittam. Est autem Opus hoc (vt vno verbo dicam) a nemine villo satis laudatum. Non discedam, quin prius literis aliis tibi dicam *Vale*; sed multa interim inter calicem supremaque labra cadent. Coniugi tuae, foeminae clarissimae, dic salutem. Bene valeas, & me redama. Cursim Rauenspurgi IV. Idus April. M. D. XIII.

XI.

*Chvonradus Peutinger Augustanus
Michae'i Hummelbergio Rauenspurgenfi Sat.*

Quod Romam profecturus es, laudo. Vellem tamen, pro valetudine tua, autumnus aut hyeme id potius fieret. Calores enim, & maxime nobis Germanis, obesse solent; quare boni consule. Noster *Beatus Rhenanus* (nec solus tuus erit) alteras ad me dedit literas, & latiales atticcissantesque. Viden, quid in *Claudium Pium* filium nostrum luserit: Accepi ab eo dono *Gregorium Turonensem* Episcopum & *Adonem Viennensem*. Periuicundum profecto est, &, vt mihi vere persuadeo, decori meo non mediocriter accedit, a te, & *Beato* ipso me non solum diligere, sed & amari plurimum. De Pauli coniugio, quae ad me scripsisti. *Beatus* ipse non praeteriit, licet antea me certiore fecerit, *Iacobum Wimphelingum* subscriptos in aduersam sententiam citasse, *Franciscum Maronis*, *Antoninum*, *Liram*, *Petrum Tarantasianum*, & *Dium Hieronymum* prius a *Capnione* relatum: Quare rogo *Fabri* locos faberrime factos, & quae in eam rem

rem elucubrasti, mittas, & cito. Tuos *Stapulanos in Pauli Epistolas Commentarios* nolo. Verum alteros pro me, vt coemantur, curato; quod impendendum erit, diligenter exsoluam. Scripsissem plura, sed tabellarius iste acceleratione sua mihi praepedimento fuit. Tu vale. Filius noster, vt spero, sanitati pristinae restituetur. Ex Augusta III. Non. Maii. Anno M. D. XIII.

Carmen Beati Rhenani in Claudium Pium Peutingrum Augustanum puerum aduersa valetudine laborantem.

Τι πλέον εἰς ὠδεῖν αὖ ποιεῖν; τι δὲ τέκνα τεκέσθαι.
Μη τέκοι, ἢ μέλλοι παῖδός ὄραν θάνατον.

XII.

*Michael Hummelbergius Rauenspurgenfis
Chuonrado Peutingero Augustano suo Sal.*

Quia scripsi, me propediem Romam petiturum, tu vero ne feruescentibus iam illic caloribus id facerem suastisti: imo certe persuastisti; quandoquidem nobis, frigidiusculis auris assuetis, multum calescentes insalubres existimas. Non floccifacio consilium tuum; nam & expertus optime diiudicas. Laudo sollicitudinem tuam, cui non minus, quam mihi, valetudo mea curae est; ne quod discrimen incidat. Nota haec amoris est, & amicitiae tuae, qua me mutuo amanter diligere, & arcta familiaritate complecti non depudit. *Claudium Pium* filiolum tuum, & optimae puellum indolis, aduersa valetudine laborare, ex graeco *Beati nostri Rhenani* elegiaco depre-

hendi : & dolenter quidem. In calce vero literarum tuarum conualescere , & pristinae restitui sanitati lego , & voluptate adficio non parua. Quum enim tibi charus sit , non minus ob spem , quam de se praestat optimam : quam quia filius ; etiam mihi , qui te aperto pectore (vt dicitur) ardentem complector , non potest non charus esse , eoque in aduersis moerorem , in secundis vero laetitiam mihi adferre solet. Delector , tibi iucundam esse amicitiam *Beati* , & te mutuiter illum amare ; dignus culpe est , quem effusissime ames : non haesito , quin liberaliter tibi in amore respondeat. Tale mihi de homine , vtriusque studiosissimo , facile persuadeo. Quod *Iacobus Wimphelingius* , vir impense quidem doctus , & de Germania nostra quam optime meritis , meique admodum studiosus , nonnullorum scriptis seductus , Paulum nostrum Tarsensem Theocritae filium , sacros non celebrasse hymenaeos asserere ausit , non miror ; quum neque ipse quidem Paulum in Paulo (vt facile auguror) vnquam legerit , quem si iam aliquando legeret , profecto palinodiam caneret. Etiam manum non vorterim , si pertinax stilum non verterit , sed eadem cantilena perpetuo rauesceret. Neque illum ipsum cum suo illo satellitio pluris , quam pulicem elephas , fecerim ; hac enim in re lolio victitantes turpiter coecutiunt , & *Andabatarum* more pugnant , quicumque nobis aduersam sententiam defensitant (sed *Hieronymum* inter hosce non nominarim , cui tamen in subsequen-
Conlestanteis
 faberrimus *Faber* faberrime satis facit.) Paulum nimirum in Paulo , id est , ea lingua , qua suas Epistolas plerasque omnes conscripsit , non viderunt ,

derunt, non legerunt, non cognouerunt. Quî namque id potuissent graecarum literarum studio nunquam dediti, sed huiusce literaturae penitus rudes & ignari? cuius si vnquam studiosi fuissent, non semper in sole (nisi caeciores talpis fuerint) caligassent, sed nobiscum recte sensissent; nos cum illis immo. Sed quid nobiscum? immo cum deifero *Ignatio*, cum casto & sancto *Clemente*, qui in primaria illa Ecclesia Apostolorum comites & cooperatores extitere: imo plus cum ipso Paulo, qui in *Epistolis* suis plus quam semel vxorem suam legitimam aperte signateque appellat; quod & superioribus annis *Capnion* noster, & item ego, adnotauimus, & ad te perscripsimus. Quare caperata seposita fronte Paulum, non inquam, in Paulo (quod tamen, si possunt, maxime velim) neque in ea editione, quam beatus ipse *Hieronymus vulgatam* vocitat, eiusque interpretem saepiuscule notat, vellicat, & ignorantiae accusat; sed Paulum in *Fabro* frequentius lectitent; hoc est: in ea intelligentia & editione, quae nuper nobis (vt par est censere) *ὁ ὀρθόδοξος* caelitus & diuinitus per *Fabrum Stapulensem*, virum omnis Philosophiae cum humanae tum diuinae doctissimum, fidelissimam, verissimam & prorsus sincera translatione nobis tradita est & inuulgata. Et reuera *Fabri Commentariis* etiam lectis, & sane simul intellectis, luce pomeridiana clarius videbunt, & edocebuntur, quae hactenus perperam impugnarunt; quod non modo de Pauli coniugio dixerim, sed & de aliis satis multis, ob quae Theologi, si qui sunt impendio loquaciores, multa bella, multa praelia, multas digladiationes apud *Sententiarum* affutorem

rem inconsulte, nec minus temere frequenter susceperunt. Sed hic iam sistere calamus, forsitan non malum; ne crabrones in me irriterem. Ad ea igitur *Conleſtanea*, quae ex *Fabri Stapulensis Commentariis* descripti, iam tandem deueniamus.

XIII.

Michael Hummelbergius, R.

Heinrico Bebelio Poëtae suo Sal.

Et literas, & libellum quem nuper muneri nobis misisti, accepimus, vir clarissime, pro quo &, quas debemus, tuae humanitati gratias agimus. Tabellariorum penuria, quod interim nihil ad te perscripsimus, nos apud te velim excusatos habeat. De *Nantuatibus* aliud nihil habeo, nisi quod *Plinius nat. hist. lib. 3. c. 19.* in *Alpium* trophaei inscriptione opinioni meae (ni fallor) assipulari videtur, qui enumeratis *Alpium* gentibus *Nantuates* cum *Sedunis Veragrisque* iungit. Quod *Vallesienses* scripsi, usus sum dictione, qua huiusce uallis incolae vtuntur hac nostra tempestate: *Vandalios* aliquando appellatos fuisse credere possum, nec refragor; tua mihi auctoritas pro ratione est. De *Burgundionibus* nihil habeo. Quid *Peutinger* noster sentiat, nondum intellexi; tametsi ad me saepius scripserit, hac tamen in re *Harpocratem* se gessit. Graecas *adagiorum* sententias aliquas forte emendare possemus, nescio si omnes; nam tam corrupte & mendose inuulgatae sunt, ut sine archetypo illas emendare vel docto difficile sit. Restituam tamen, quas possum, atque quam primum

primum istuc mittam. Vale Ravenspurgi tercio
Kls. Iunias M. D. XIII.

XIV.

Michael Hummelbergius

Beato Rhenano Sal.

Chonradus Peutinger, Augustanus, Iurium humaniorumque literarum consultissimus, decori suo non mediocriter accedere putat, quod a te & amatur, & diligitur. Pulchrum decorumque ducit vir eloquentissimus; ab eloquentiae candidatis se amari, vicissimque ac mutuum illos amare. Iam suorum amicorum albo inscriptus es, quod literae tuae & latinissimae & atticissimae meruere; graecum etiam elegiacum, quod in *Claudium Pium*, optimae spei puellum aduersa valetudine laborantem, docte lufisti; non dixerim donaria, quae illi muneri missisti, *Gregorium Turonensem* Episcopum, & *Adonem Vienne*ns. quos & aliquando videre optarem. *Peutingeri* amorem hinc noscito: Quum interdum meis in litteris te *meum Rhenanum* appellarim, ac si non etiam *suum*, id aegre tulit; sed & *nostrum*: vtpote vtriusque studiosissimum, & amantissimum: & scripsit, & me deinceps scribere candide voluit. Age! quam tui memoria, & amicitia nobis iucunda & grata, nec vsquam tui obliuio! *Peutinger* cum velit, te coram videre: velim & hunc, & me (si commode fieri potest) domi interdum inuisas. Eris profecto vtrique gratissimo gratior hospies. Demum fac me doctiorem, vbi agas, & quid agas: & frequentissimas literas meas videbis; modo nulla

la sit tabellariorum penuria. Bene valeas. Ra-
uenspurgi Sueuorum. XVI. Kls. Iul. M. D. XIII.

XV.

*Chuonradus Peutinger Augustanus
Michaeli Hummelbergio Rauenspurgenfi salutem.*

Quae *Zelymus* Turcarum Imperator perpetra-
uit, a te edoctus sum, atque exscripti: ex-
emplum tuum remitto, gratiasque ago. Quod
tam diu filuisti, non satis scio: putabam te *Ro-*
mam secessisse. *Laur. Vallam* in *Nouum Testamen-*
tum, & in *Pauli Epistolas Fabrum* tuum coem-
ptos habui; placet vterque: sacras literas ex-
poliunt. *Paulum Cortesium*, quod latialiter in
sententias scripserit, *Beato Rhemana*, vt petiuit,
transmisi; quem indies denuo impressum emit-
tet, opus eruditum & elegans. *Teruana* in *Mo-*
rinis capta. *Tornacum* se dedit. Obsidetur *Bolonia*
non longe ab Oceano sita. Turres LXXXVIII.
cum vniuerso muro *Teruanae* solo aequatae
sunt. *Scotorum* rex in *Anglicum* irrupit, sed ab
Anglis victus & caesus periit: desiderati sunt ex
Scotis XV M. *Anglorum* X M. Proh Christiani
sanguinis iacturam! Designatus sum ad Caesa-
rem pro Confoederatis meis Orator; sed, an
ire velim, ex animi sententia nondum consti-
tui; quod iter longum, atque non satis tutum.
Missus est mihi *Dialogus Luciani de Philosophorum*
Conuuiuo; hunc ad te misissem, sed alius mo-
do commodato habet. Coniunx & fil. te saluum
optant. Vale ex Augusta pridie Kls. Octob.
M. D. XIII.

XVI.

XVI.

Michael Hummelbergius Rauenspurgenfis
Chuonrado Peutingero LL. Doctori Sal.

Literas tuas , christiani eruoris plenissimas , accepi , vir omnium humanissime ! Miraris diuturnum silentium meum : certe diu me siluisse non inficior , neque vllas occupationes causor ; quum nihil mihi tam frequens quam ocium : non turpe & ignauum , sed honestum & literarium , quo inprimis veluti omnium iucundissimo atque felicissimo uti solito ; sed reuera id in causa fuit , quod dignum occurrit nihil , literis mandandum. Neque aequum censeo , nugis & leuibus rebus te interpellare , Caesareis negotiis semper obrutum ; quamquam id peruelim , ostendere inquam , quam tui memor , quamque tuo amoris gratus sim. *Paulum Cortesium* , Theologorum omnium elegantissimum , tuis auspiciis denuo æreis typis excusum nuper *Beatus* noster *Rhenanus* muneri mihi misit. Nescio orationis filum ne , an lectionis laborem demirer magis. Ita introque *) lucernam olet. Siquidem orationis characterem habet nitidum , florulentum & prorsus exquisitum : habet & multiugae lectionis ; Philosophorum , Theologorumque fere omnium recitata sensa , luculentissimum testimonium. *Luciani philosophicum Conuiuium* legendum mittas : sunt mihi & alii eius *Dialogi* ab *Erasmo* & *Moro* , homine corpore pusillo , sed animo & eruditione maximo , latinitate donati , & non nulli graeci : recipies dein ea , qua miseris , fide. Habes & aliud *Apulei* , de herbis inscriptum , peruetustum exemplar ; nescio , si ad exscribendum pete-

petere audeam. Tu si æquum censes, fac id; apud te impetrem. Polliceor librum bona fide me restitutum &, si videtur, nulli homini communicatum. Curabo demum, si quae graece, scriptoris vitio, perperam exarata sint, restitutam, citra omnem tamen tui libri labem. Idque eo maxime, quo abs te olim facilius impressioni liber demandetur. Scripsit *Beatus* noster, ne se amplius *Helueticum* adpellem; nam sibi hoc nomen vindicantes *Suiceros*, de Caes. nostro pessime meritos, ait. *Faber Stapulensis Hildegardis* atque *Mechtildis* nostratium *Visiones* emisit. Fuit haec de stirpe comitum *Andexiorum*, *Augustensis*, ni fallor, dioecaeseos: illa apud *Campidonenses* fertur humata. Apud pagum *Almansi dorf* rustica progenies malefico quopiam (vt ferunt) auspice terram fodicans, *Alemanni* parentis nostri thesaurum, terrae olim creditum, effodere nititur. Fossa autem instar ouilium circumsepta est, ne cuiquam ingredi liceat; die noctuque ab armatis rusticis custoditur, qui tanquam a sacro prophanos procul arcent omnes. Profecto parturient fossae, & nascetur ridiculus paganus; quin pro auro non nisi risum effodient, & omnibus ludibrio erunt; quod & exitus probabit. Vale V. Kls. Nouemb. M. D. XIII.

*) *Legendum puto: in utroque.*

XVII.

Michael Hammelbergius Rauenspurgeris
Chuonrado Peutingeri S. P. D.

Nisi caesarea te negotia totum rapiant, proximas ad te literas meas, si memoria exciderint, relegas, meque voti compotem facias velim;

lim : & , si iustis occupationibus tantum otii suffurari datur , id omne calamo tribues , & idololatrae stultaeque gentilitatis εἰδωλα , & simulachra illa , quae tibi ex *Italia* allata fuerunt , conscribes. *Franc. Albert. Florentini de nouae veterisque Urbis Romae Mirabilibus* libellum , si prius non videris , ad te dabo. Deum Opt. Max. assidue oro , vt , Christianis Principibus aliquando vera pace & mutua charitate reddita , eos Imp. Caes. *Maximiliano* Opt. Clementissimoque Principi , Inuicto , Augusto , Christianae Reipublicae fortissimo tutori , obsequentes faciat : vt , simul felicissimis armis sumptis , sub salutiferae crucis vexillo , in Turcam , sanguinarium & truculentissimum Christianorum hostem , moueant , eum funditus eradicent , conterant , & tanquam *puluerem* proiiciant *facie terrae* (vt Prophetarum regii verbis utar) iustis Christianam Rempublicam vlciscantur armis , non ciuilibus & intestinis praeliis semper in mutuam ferantur caedem. Deploranda profecto ista haec domestica Christiani sanguinis iactura , quam quotidie inaudimus : Laudanda vero illa ad fidem Christi gentium adductio , ab *Lusitano* Regulo factita *) , quem iamiam felicem illam & auream *Chersonesum* aiunt expugnasse. Vtinam atque vtinam Germanorum domi forisque insignis virtus Christiani belli palmarium aliquod sibi praeiperet , & huiusmodi christiana exerceret praelia , quae Christo acquirerent animas , non perderent ; quod vt fiat , faxit Christus Iesus , Dominus superbonus , superbenedictus. Vale Rauen-
spurgi XI. Kls. Decemb. M. D. XIII.

*) *Lege* factitata.

XVIII.

Michael Hummelbergius Rauenspurgenfis

Chuonrado Peutingero Caef. a Confilio Salutem.

Diftringeris nunc nunc aliis negotiis, & quidem arduis, fcio; non poffum tamen, quin te iterum literis compellem, & alloquar. Adcepi nuperrime ex *Parifiorum Lutetia Iod. Badii Afcenfi*, viri vtcunque docti & mei ftudiofiffimi, literas: ex eo, mihi iucundas, quod eam famam quae de *Erafmi* noftratis immaturo obitu apud nos increpuit, vanam atque mendacem fignificat; fed ex eo triftes, quod *Fabrum Stapulensem* meum, virum philofophiffimum iuxta & theologiffimum (vt ita dixerim) cum aduerfa valetudine conluftari fcribit, eaque caufa eius partes in literis ad me fcribendis obiiffe. Vnde facrarum bonarumque literarum ftudiofis non nihil timendum eft: ne viro hoc, Philofophiae cum humanae tum diuinae primario inftauratore, priusquam literariae Reipublicae fatis conduxerit, orbentur. Solet enim plerumque grauibus morbis mors ipfa cominus concertare, & victoria potiri. Quare non parum angor, tum Philofophiae Theologiaeque & humanioris literaturae ftudioforum, tum meo nomine, qui ab ipfo non parum diligor; quod familiariffima (dum illic agebam) conuerfatio, & monumenta etiam eius in publicum edita teftantur. Sed quid ad te ifta? nifi vt quum me diligas, & defideriis meis femper amiciffime obfequaris, etiam in iis, quae vel oblectant vel angunt, fimiliter mecum afficiaris, & aut voluptatem aut dolentiam capias; quum communia fint amicorum omnia. *Badius* fub literario praelo iam habet plusculos *Luciani Dialogos*

ges ab *Erasmo* recentius latina ciuitate donatos :
 Item *T. Liuium* cum X. exemplaribus conlatum ,
 milleque (vt ait) asteriscis elucidatum : Item
Salustium ab *Hieronymo Alexandro* *) Germano ,
 graeco Praeceptore meo , & *Paulo Aemilio* Italo ,
 regio oratore & historiographo , post *Aldum* , ad
 exemplar vetustissimum recognitum : Item *Franc.*
Barbatum de re uxoria , & alterius cuiuspiam *Le-*
ges connubiales : quas tibi , cui bellula coniux ,
 bellula proles est , accommodatiores putarim ,
 quam mihi ; qui nec sacre nuptum quempiam ,
 nec mulierosum & salacem *Iouem* παρὰ θύραν
 εἰσβιαζόμενον, καὶ τῶν ἡδονῶν πολιορκισμὸν ἀγαπῶντα, prae-
 ter ianuam irruentem , & voluptatum soloecif-
 mum adamantem : sed *Hippolytum Veneri* lon-
 gum valere renunciantem aemulabundus , cae-
 libem vitam selegi , non imprudenter forsan exi-
 stimans , bene mihi sic fore , vt sine multa sol-
 litudine & extraria cura Domino , literis quo-
 que sacris seruiam placeamque. at haec obiter ;
 & forte fortuna calamo non excludisse praesta-
 ret. Vtcunque nolis velis , tibi obstrepuī , quo
 mihi nemo suauior , iucundior , gratior. Vale
 Rauenspurgi V. Kls. Decembris M. D. XIII.

*) Melius *Aleandro*.

X I X.

Michael Hummelbergius

Chuonrado Feutingero Sal.

Recte facis ac probe , quod omnia quaeque
 mihi communicas. Oblectat hoc me non parum ,
 & te non nihil iuuabit id. Ex praesentibus li-
 teris me totum *Argum* , & prorsus *lynceum* , te-
 que oculatiorem agnosces. Nolim autem te , de

M 2

me

me semper optime meritum , & tantopere dilectum , male audire existimes : si superbiuscule iam quidpiam insonuerim , & ea dixerim me inuenisse , quae vel oculorum acumine acutissimo cuique inuentu difficillima sint, & te alioqui oculatissimum effugerint. Non omnium est omnia cernere , vti neque omnium (quod paroemia dicitur) *Corinthum* nauigatio. Miraris iam , scio , & , quidnam id sit , desideratissime expectas edoceri. Caperas frontem , quod non edissero ; si autem edissero , vix credes ; cogam tamen credere , quin conceptis verbis non coniecturam aliquam , sed veritatem ipsam asserere , persancte iurauerim. Credes eo libentius , quo hoc tibi gratius ; gratissimum autem & esse debet , & reuera est , quod a dubitatione liberat , & omnem animo scrupum eximit. Sed te diutius anxium ne teneam : paucis id , quod est , accipe. In *Adnotationibus* tuis , quas ad *Apuleium de herbarum medicaminibus* doctissime simul & elegantissime meditaris , ais , in antiquo Exemplari tuo ob detritas vetustate literas nemini liquere posse , quisnam *Agrippae* destinati Opusculi , de *Vetonicae* *) *herbae medicaminibus* , auctor sit ; coniectura tamen duceris , *Antonio Musae* , *Augusti* Caes. Medico adscribendum esse ; licet affirmare constanter , nequaquam audeas. Ego *Antonium Musam* Opusculi illius verum & genuinum auctorem agnosco , non coniecturam vllam , sed Opusculi praescriptionem secutus : quam , licet aegre , legi tamen , & certe hoc modo legi : *Antonius Musa Marco Agrippae salutem. Hoc rubris est scriptum literis , quod rubris iterum nigrisque mistim sequitur : Caesari Aug. &c. Ex hoc iam tuas castigabis Adnotationes , & vbi vbi opus*

opus est, veru confodies. Sed etiam aliud est, quod, quemadmodum in *Philippi* codice, *Herbarii* titulus etiam *Musae* Opusculo praemittitur: ita & hîc in tuo, in quo in primae lineae rubro ita lego. *Incipit Herbarius Apulei Platonici*. Qui apposititius titulus *Philippum* illum fefellit, vt *Musae* Opusculum etiam *Apuleio* adscripserit. Puto autem *Apuleium* a *Musae* Opusculo, quod de *Betonica* herba duntaxat est, de *herbarum medicaminibus* scribendi ansam arripuisse: illudque tanquam exemplar suo praeposuisse, & id quidem non inconsulte, quod prorsus *Musam* aemulatus videtur, nedum imitatus. Vnde contigit, ut vtrisque libellis vnus a librariis titulus praefixus sit, & is potius sub *Apulei*, quam *Musae* nomine; quod pleraque omnia *Apuleium* auctorem recognoscant. *Musae* autem *Epistolio*, nescio, quid mancum aut mutilum magis? sed de iis satis superque. Ingentes tibi gratias ago pro tantis in me officiis; quoniam mihi semper tua communia vis esse, & ea exhibes noscenda, quae alium nosse velles neminem. *Apuleium* ad te remitto, simul item & scripta tua pulchre inchoata, sed & limatius absoluenta; quae cum absolueris, iterum spectanda (si videtur) exhibebis, priusquam edas. Caepa maturrime perficito. A te nullas literas exigo, nisi bene otioso: & otium tuum nonnunquam in negotium vertes, quo non laconice sed asiaticae ad me rescribes. Coniugem tuam, probatissimarum matronarum specimen, item & fill. iubeo valere. Bene valeas *Chunrade* omnium suauissime, & me mutiter ex more semper diligit. Quam celerrime. Rauenspurgi VI. idus Decemb. M. D. XIII.

*) *Lege Betonicae; uti paulo inferius legitur in eadem hac Epistola.*

XX.

Michael Hummelbergius Rauenspurgenfis
Stephano Rosino Caef. Mti in Vrbe follicitatori.
 S. S.

Gloriatur paffim , vt aiunt , *Hogoftratus* ille *Capnionis* noſtri *Zoilus* , *Grimanum* eiufce cauſae iudicem eius fouere partes , ſequē contra *Capnionem* , & mea & optimorum opinione innocentiffimum , ex animi fui ſententia habere iudicem : Propter quod & libros ſuos per trapezitas iſtuc tranſmiſit , eos breui ſubſecuturus ; vt habita iſtic pro votis , quam ſperat , victoria ad domuitionem ſeſe paret , & cum inſigni , quem ſibi confidenter pollicetur , triumpho tandem ad ſuos *Aprippinos* felicibus avibus redeat. Vellēm itaque pro mea erga *Capnionem* beneuolentia , imo vt verius dicam , pro meo erga literariam Remp. cuius aſſertor & tutor eſt omnium maximus , amore , T. D. pariter & *Queſtenbergii* arrectis auribus accuratius aduertere , ne iudex ille , vnde ſalutem ſibi omnem doctus *Capnion* retur impendere , turpiter diuerſam in partem labatur ; quod ex noſtris nonnulli formidant. . . . Verum ego tale quidpiam de tanto viro ſuſpicari non auſim , quem ob animi dexteritatem , quam illi tribuunt , & iuſtitiam contra *Phoenicem* noſtrum iudicaturum non arbitror ; maxime quod *Capnionis* integritas , puritas , & innocentia ei clariffima ſit & maniſeſtiſſima , qua bonos quoſque & recti iudicii homines in amorem fui atque tuitionem dignitatis & honoris ipſius nuſquam non allicit , non ducit , non cogit , & ita quidem cogit , vt niſi optime homini precari poſſint , & liberaliſſime velint. Si qui vero ſecius cogitant &

& agunt , ii non boni sunt , sed improbi , & infidi , honestissimo & optimo viro optimum & praestantissimum exquisitae multarum linguarum eruditionis , ac sinceræ vitæ nomen inuidentes , quod quum ipsi nequeant assequi , inuidere illi hoc etiam videntur. Ob quod flagitium sua eos ipsos poena manet , quam , velit Deus , luant , vt merentur , miseris modis : illum vero , propter bene non tam erga literariam , quam totam Christianam Remp. merita , sua gloria , suus triumphus ; quod , vt regii Prophetæ verbo vtar , fiat , fiat. Plura & ad te , & ad *Questenbergum Capnionis* *) procur. *Vanderuichius* , cuius literas hisce meis colligatas recipies. Vale musice ! Ex Vrbe VI. Kls. Decembr. M. D. XV.

*) *Legendum puto* : procuratorem.

XXI.

Michael Hummelbergius Rauenspurgenfis

Stephano Rosino Augustensi Sal.

Qui adhuc hic sunt *Peperimanitæ* , (hoc nomine *Pepericornio* adhaerentes fautores , & cum eo sentientes , seu potius insanientes & furentes *) voco) contra *Capnionem* nostrum se victores fore , mirum in modum sese iactitant , & , tanquam iam victoria potiti sint , quem aliquando agant , nunc fingunt , & pingunt triumphum. Vnde vero suae victoriae tam confidentem & certam , vt ipsi rentur (vtinam falso) spem nacti sint , de suis rebus alioqui desperati : satis excogitare non possum. Autumo , sibi ipsis hanc laetitiam turbato corculo fingere , vt *Capniophilos*

los disturbent, & anxios reddant, ne ipsi soli semper inter *Scyllam Charybdimque* aduersa procella agitari videantur. Sed age! liceat illis etiamnum *Capnionis* musigetas *Zanclaeo* saxo addicere, periculumque minitari, dummodo istorum celox turgidis velis & vento secundo salutis in portum properet; quem vt apertum & tutum habeat, tua D. vna cum *Questenbergo*, viro cum docto tum integro, & aliis, si qui sunt, *Capnionis* & optimarum literarum, castarumque Musarum amatores, sedulo operam nauabit. Hoc & *Capnioni*, & tibi non parum decoris addet; tibi etiam nomen, vt mereberis, immortale pariet, quum sui triumphi auxiliares milites *Capnion* tersissimis scriptis suis gloriose celebrabit. Adsis igitur optimi viri famae, adsis gloriae, adsis dignitati atque etiam saluti, vt vir aequus aequo ab iudice aequissimam pro se sententiam tandem habeat. Vtinam ipse tantum pro viro possem, quantum vellem; reuera omnem mouerem lapidem, omnes adhiberem vires, vt ipsum literariae Reip. qua de vndiquaque meritissimus est, saluum & tranquillum seruarem. . . . *Iacobum Questenbergium* saluere desidero. Vale, & me ama, vt assoles. Cursum Romae VII Eidus Decemb. MDXV.

*) Intellige fautores Io. Pfefferkorn.

XXII.

Michael Hummelbergius Rauenspurgenfis
Stephano Rosino Augustensi, S. S.

Sententiam superioribus annis *Spirae* pro *Capnione* nostro latam *Hogoftratus* infirmare molitur.
 Libel.

Libellos, quibus id efficiat, a Patrono suo repetit, quos istuc famulus eius portat. Vos, qui estis *Capniophili*, sacris fauete Musis, virtutem amplexamini. . . . Vale. Romae, Eidibus Ianuariis. MDXVI.

XXIII.

Michael Hummelbergius Rauenspurgenfis
Ioanni Frobenio Chalcographo S. S.

D. *Chuonradus Peutinger Egidio Remo* ciui & necessario suo, *Beatus vero Rhenanus* mihi, te Diui *Hieronymi*, sacrarum literarum laudatissimi interpretis, *Opera* per totius Europae (quae Christo deuota est) bibliothecas conquesta, typi cis formis nunc nunc excudere significarunt: monuerunt simul, atque impense rogarunt ab *Leone* Pont. Max. priuilegium impetrari, ne cui intra quinquennium illa vsquam denuo liceat imprimere. Nos aequum duximus, te totis nostris viribus adiutare, moremque tibi, & *Peutingero* & *Rhenano* (quibus singularis amicitiae vinculo colligamur) gerere, atque in tam pio & literariae Reipubl. vtili opere obsequi; maxime etiam quod *Erasmo Roterodamo*, Germanorum omnium elegantissimo, qui non paruam operam huic editioni impendit, placere volumus. Sed quo facilius & minori impensa hoc consequeremur, vsi sumus humanissimorum virorum opera *Stephani Rosini* Augustensis, ac *Iacobi Questenbergii*, qui Reu^{mum} Cardinalem *Adrianum* literarum li-
 teratorumque studiosissimum, vt apud Pont. pro te verba faceret, exorarunt. Is pellestis *Rhenani* nostri lepidissimis litteris, quas ea de re ad me dederat, nobis obsequens ab Pont. quod

petiuimus, impetrauit. Impetratum igitur, & expeditum *Apostolicum Breue* (quod vocant) in praesentia cum hisce ad te mittimus. Impensam autem fecimus sex ducatorum, quos; ab *Welferis* Augustensibus acceptos, eisdem curabis restituere. Eam hac in re vel minimam puta; sed nostro labori, nostrae industriae tribuas, quod minus aliis soluimus. Nemo enim, mihi crede; tam paruo impetrasset, quod & *Romani* librarii contestantur, qui etiam, a nobis consulti, circiter triginta aureos nos exposituros afferebant: Es igitur nobis, qui tam obsequenter & tuis, & amicorum precibus, seu potius admonitionibus paruimus, nonnihil nunc deuinctus, vt beneficium hoc in te collocatum, dum occasio dabitur, mutuiter re compenses. Bene valeas, Frobeni charme, deque re literaria vndiquaque meritissime! vt ego te meis, ita me tuis velim adscribas. Ex Vrbe XXX. Augusti. Anno Xpi. M. D. XVI.

XXIV.

Chuonradus Peutinger Augustanus
Michaeli Hummelbergio Rauenspurgenfi
S. P. D.

Putas, in causa illa testamentaria non scribendum esse, cum, Legato acceptato, testamentum *Vdalricus* ille tuus ratum habuit: nec sibi vltra actionem competere. Et ita ego puto. Pactum quidem dotis, vel doti adiectum, testandi facultatem non impedit; cautius quidem id apponendum fuisset. Etsi testamentum illud iuris scripti solennitate debita defectum non mediocrem patiatur, attamen nostri Doctores id etiam

etiam adfirmant; quod constitutione, siue(aiunt) statuto magnus ille numerus testium septem in pauciores cogi possit, dum diuinius, quod duos vel tres testes expostulat, non laedatur; cui statutum Nurmbergense non repugnat, quo testari etiam coram duobus (dum ex Senatu nominati fuerint) permissum est. Bene iudicio meo *Vdalricus* egit, quod, Legato habito, a lite & rixosa illa vexatione se quietum & liberum reddit: Multa pro eo dici possent; an autem ex his vtilitatem consequi valeat, nunc non satis diiudicare possum. Scripsi multa, sed, vt ingenue fatear, concludentia minus. Quod actum est, putavi, & puto esse tutius. Te vt verum & integrum amicum fallere nolo; quid alii opinantur, ipsi viderint. Haec tecum; vt amico, & pro amico scribo. De schedula non dubito, hanc, vt voluntatem vltimam, & iuris solennitate carentem, oppugnari posse: sed quid agitur, si testamentum ipsum firmum permanet? Quare remitto exempla, quae apud me dimiseras. *Egidius* noster nondum venit; cum venerit, cuius reditum indies speramus, sibi tuas humanissimas litteras perlegendas dabo. Vale. *Tabellarius* accelerat. Die *XXIX. Maii. Anno M. D. XVIII.*

XXV.

Michael Hummelbergius R.

Stephano Rosino Auguslano S. P. D.

Tot, tantaque erga me sunt beneficia tua, Vir praestantissime! vt non debeam tui vnquam obliuisci; sed semper optima quaeque meo iure tibi comprecari, quo certe nihil factito frequentius;

tius : si mihi fidem habes homini tibi deditissimo. Cur autem non haberes , qui me intus , & in cute (vt dicitur) num ater , an albus sim , nosti : & meam in te obseruantiam , dum istic essem , mutua conuersatione , qua te nimium forsan , quam decebat , familiariter vsus sum , habes exploratissimam ? quam nolim existimes vel tantillo minutam. Adhuc tecum creberrime conuerfor , & si corpore longe dissitus , animo tamen , cui nihil non peruium , tibi semper adhaereo : hoc tibi , absens etiam , praesens sum ; maxime dum litteris colloquor , quod , cum rarius forsan faciam , nulla tamen nostrae amicitiae negligentia , nullo despectu fieri arbitrare , sed tabellariorum & rerum scriptu dignarum penuria. Quum enim te dignum nihil occurrat , solis nugis te offendere haud velim , hominem tanta negotiorum cura & mole oneratum. Quod vel nunc mihi fuisset obseruandum , nisi singularis erga te amor meus hunc Laconismum plane exegisset : quo ineunte hoc anno hospitatem , & rerum omnium felicem successum bono & prospero quodam omine tibi exopto , & , te corde meo necdum excidisse , tibi persuadeo , cui altius infides , quam vllum silentium , quamuis longum , delicere queat. Vale feliciter , vir clarissime ! me , vt olim coepisti , vere dilige : tuis literis , dum per ocium licebit , oblecta. Dic salutem meo nomine Dn. *Caspari Wirt* , *Hieronymo Alexandro* , *Leodiensis* Episcopi Oratori , praeeptori meo & amico suauissimo. Cursim ex Rauenspurg. Idibus Ianuariis M. D. XIX.

XXVI.

Michael Hummelbergius Rauenspurgenfis
Chuonrado Peutingero V. I. Doctōri S.

Quem ad alterum latus *Mercurii* tui bouem, siue taurum subsidere olim coniux tua scripsit, ego hircum esse reor, non, vt opinor, leui ratione; quam si cupis, lubens perscribam: nunc non tantum otii est. Si rem acu tetigero (quod aiunt) probabis ingenium: sin minus, non improbabis diligentiam & conatum, ob tui amorem insumptum; pro quo nihil mihi vnquam graue erit. Vale Id. Ianuariis M. D. XIX.

XXVII.

Michael Hummelbergius Rauenspurgenfis
Chuonrado Peutingero August. S. S.

Ianuario superiore, antiquorum imitatus stelographias, scripsi Caes. *Maximiliano Epitaphium*, mea sententia non eo vsque malum, vt breue: neque ita breue, quin magnificos titulos, iustos honores, & praecipuas virtutes, quibus Christianissimus Caes. Principibus antestabat omnibus, sim complexus. Verum, doctissime Peutinger! de loco, vbi Caes. hominem exiit, ambigo: *Austriae* an *Bauariae* tribuendus sit? sunt, qui vtriusque prouinciae limitem, atque ideo vtrique adscribi posse, dicant. Ego *Bauariae* adtribui. Si contra sentis, in tuam sententiam lubens ierim. Quod autem vitae & imperii *Maximiliani* menses, & dies (nam annos, ni fallor, recte habeo) desiderare me vides, tu rogo adpone. Habes, scio, eius natalem diem, & quo *Francofordiae* in Caes. est electus.

Abso-

Abolutum *Epitaphium*, vel quae addideris mutauerisue, ad me remitte. Quod si tibi probatum fuerit, in *Augustalibus* tuis obelisci alicuius basin occupare sinas, vel alias, vt lubet, in publicum edas adpicta Caes. effigie. Nosti ex frequenti historiarum lectione *Drufo* *Tiberii* fratre defuncto, & *Quintillo Varo* cum legionibus & auxiliis omnibus a *Germanis* caeso, *Augustum*, eam cladem vindicaturum, contra *Germanos* *Tiberium* priuignum suum misisse, vouisse etiam ludos magnos *Ioui magno*, si rem Romanam in meliorem statum vertisset, atque etiam tum permisisse (vt opinor) pro *Tiberii* itu & reditu vota publice suscipi. Vnde illud, *Augustae* domi tuae adseruatum, in honorem *Mercurii* ab *Apio Claudio* susceptum est: & hoc *Briganti* (ita appellari credo ab antiquis oppidum, nostrate lingua vocatum *Bregenz*) a *Seuero* Subcos. illic superioribus annis terra effossum. Id cum te arbitrer non habere, existimaui, me tibi gratificaturum, si eius te participem facerem.

IN H DD
DEO MERCVRIO
ARCECIO EX VO
TO ARAM POSVIT
SEVERVS SEVE
RIANVS SVBCOS
LEG III ITALIE
CORDIAN
S. L.

Aere tuo adhuc obstringor, nosti, quod ob diploma Caesareum; profecto non mea negligentia
vel

vel ingratitudine , sed tua taciturnitate fit , vt in eo , quam par sit , diutius adtinear , quando tuarum literarum interim accepi nihil : proinde , ne mea causa iacturam patiaris , quidquid illud sit , scribito ; & ex integro dissoluam. Vale feliciter , vir optime ! Rauenspurgi. V. id. Iun. M. D. XIX.

XXVIII.

Chuonradus Peutinger

Michaeli Hummelbergio S. P. D.

Literas tuas , quas ad affinem meum Dn. *Egidium* , & me dederas , tabellarius ille *Rauenspurgensis* mihi reddidit ; mox D. *Egidio* per *Claudium Pium* filium meum suas sibi dari curavi. Is hanc pecuniam , quam tibi obsignatam mitto , simul cum suis literis , ad me misit. Quae de Caesare nostro exarasti , gratissima nobis fuerunt ; tum quod elegantia & vera sunt , tum etiam quod pernecessarium ducimus haec publicanda : dum menses , dies quoque apponentur , quos nondum rectos habemus. Vere ego nec *Austriam* , nec *Bauariam* ponerem , sed potius apud *Anasanam Welsam* ; Prouincia enim haec non *Austrica* , nec *Bauarica* , verum supra *Anasum* appellatur. Ego de illa tua inscriptione *Seueri Seueriani* latius posthac ad te perscribam , cum credam vt recentius nihil ad *Tiberium* Caes. Pro diplomate nihil solui , quare ex pecunia tua retinere volui nihil. Vtinam tibi commode morem gerere possem. Vale , & me ama , vt soles. XII. Iunii A. M. D. XIX.

XXIX.

Michael Hummelbergius Rauenspurg.

Chuonrado Peutingero V. I. Doctori, suo Sal.

Recepi & literas , & pecunias , abs te & *Egidio* nostro *Rem* mihi iam pridem per publicum hunc nostrum tabellarium missas. Monumentum , a nobis *Caesari* positum , si extra tuos *Augustales* publicandum euulgandumque omnino censes , fac bellula aliqua pictura & *Caesareis* characteribus exornetur: quo & spectantium ocellos , & legentium aures oblectet , utrocumque voluptati morigeretur. Eo linearum ordine exprimatur , qui tibi magis probabitur ex his , quos ipse posui ; vel alium , ut ut lubet , assignato. *Anasiam Welsam*, expuncta dictione *Bauariae*, reponito ; non mihi displicebit vnquam , quidquid acri iudicio tuo placere cognouerim. . . . Castissimam coniugem tuam, pulchellas filias , & optimae indolis puellios saluere opto. Cura, vir optime ! ut belle valeas mei nusquam immemor. *Rauenspurgi* VI. Kls Sextiles M. D. XIX.

XXX.

Ioannes Reuchlin Phorcensis LL. Doctior

Michaeli Hummelbergio Rauenspurgenfi S. D. P.

Ex summis occupationibus ereptam crede hanc , quantulacunque est , epistolam meam. Ita deuicta patria ; tanquam videamur nobis in alio mundo degere : indies πολυπραγμονέστεροι sumus , qui timemus *Cadmaeam* victoriam. . . . Accedit , quod adhuc libros electiores in terram suffossos seruo , quibus in libertatem alioqui vindica-

dicare possem molestum animum. Nam cum initio belli formidarem, omnia incendio traditum in carcerem conieci dilectiora volumina, & ocului, quorum ministerio hucusque careo. Quare nihil de me speres, Hummelbergie! Musis dignum. *Fuimus Troes! Imo habui Chreme!* Litteras tuas *Christophoro* Baroni pro tuo iussu ostendi, qui & te amat, & me diligit, quin potius me ut senem veneratur: Habet omnes virtutes, quas de illo praedicas, & multo plures. Cum *Athanasius* meus de variis quaestionibus e praelo iampridem exisset, feci eius copiam illi nobili & generoso *Christophoro Suarcebergii* Domino, praesidi provinciae ducatus *Wirtembergensis* cum hoc Hexasticho.

Scire potes, toto quid feci mense priori,

Si relegas istum, quem tibi mitto, librum.

Nemo mastigia, nec Capniozoius ausit

Musarum sacro me prohibere choro.

Dogmata semper agam, totoque legetur in orbe

Fumulus *) hexaplo doctus ab ore loqui,

Accepit, ut omnia solet, benigno vultu. Et polleo apud eum, & possum, idque haud vulgariter. *Ph. Melanckton* meus inter Saxones *Wittenburgi* versatur, pulpito praefectus latinarum, graecarum, & hebraicarum literarum; quem honorat illustrissimus *Friderichus* Elector omnium maxime. Si dabitur facultas, illi te commendabo. Quid meae parturiant Musae, expectas. Muscae vis dicere; plus enim in me perdunt Muscae, id est, Theologistae, quam parturiant Musae. Nuper enim, ex antiqua invidia *Astha-*

N

rothae,

rothae , diabologi noua est aduersum me orta criminatio. Scripsit namque aduersum me de arte Cabalistica contumeliose nimis, & famose. Cum autem contra verbosos nolim contendere verbis , ostendi tamen euidentiora libri sui mendacia , quae praesentibus his litteris ad te mitto. Audies post haec alia ; nam ansam amicis dedi vindicandi mei. De omnium nostrum deditioe hoc *Ennii* sentito : *Quem metuunt , oderunt. . .* Deseruerunt ducem nostrum initio belli *Heluetiorum* supra decem & octo millia , recepta stipe. Opinionem quoque in *Hassia* , & vicini quoque nostri sefellerunt equites. Hinc illa mala , quae prius non auspicata more maiorum euenerunt. Sed cogitet confoederatio : *Non minor est virtus , quam quaerere , parta tueri.* Placuerunt mihi tua in Caesarem *Epitaphia* ; cur enim , quae *Hummelbergii* sunt , non valde placerent *Capnioni* ? Et gratulor ea per nostrum *Peutingerum* praelo committi. Faceret idem noster *Thomas* , nisi praeuentioni locus fuisset. Vale , atque hoc odarum memento : *Omnium versatur urna , serius , ocius.* Iterum feliciter vale in die Petri & Pauli apostolorum. An. M. D. XIX. Stutgardiae.

*) Interpretare Reuchlin.

XXXI.

Ioannes Alexander Brassicanus

Michaeli Hummelbergio R. S.

Salue *Michael* doctissime , atque amicorum optime max ! Quam vertat pilam , & quo cardine viuat tuus *Brassicanus* , iuuenis , accipe paucis. Praeteriere iam tres menses , quibus

bus ego me aulae mag^{fici} atque generosi Dn. Dn. *Maximiliani de Seuenberg*, Catholici Hispaniarum & Rhomanorum Regis Diui *Caroli* Oratoris dexterrimi, deuinxi. Passim huc atque illuc, mustelam etiam *Plautinam* uincens, vagor. Vbi sim, plane nescio: ita me aulicum illud mare sursum atque deorsum, rursum atque prorsum volvit. Dii tribuant meliora peractis! *Tubingensem* illam conditionem non ferret quoque tressis agaso. Itaque bene mihi consultum esset, si vno atque eo stato possem esse loco; verum cum fieri non possit, & mea & fati causa, boni aequique hanc mihi consulo fortunam, eo tamen modo. Institui, me iam velle vltimum vale aulae dicere: *Augurio hoc fausto dextera cantet avis!* Haec sunt, amicorum optime, atque optimorum amicissime! quae te scire volo. Caeterum nisi ad te superioribus diebus meam *OMNEM*, tum *Calphurnii* atque *Nemesiani* nostro puluere vtcunque restitutas *Eclogas*, apud nostrum *Herckmannum*; cupio, vt haec salua fide reddita sint. Habes hic meum *Caesarem*, tuo nomine in frontispicio insignitum. *Moguntiae* excuduntur nostra haec omnia, scilicet *Carolinon*, *Idillion*, *Elegeiae*, *Dialogi*, *Epigrammata*, & *Xenia*. Videbis & hic tui, vt merito, honorificam factam mentionem. Iam *Augustae Dialogum* emitto contra *Gallum*, Imperium ambientem, cum *Epistola Germaniae ad Carolum* & *Caroli ad Germaniam*, & *Epitaphio* ambidextri hominis, *Conradi Rosaei*. Habebis omnia proxima occasione oblato nuntio. Tu bene de nobis spera semper. Omnia illa quasi volanti mihi scripta sunt; sedendo forte aut doctius aut melius ludam, nunquam immemor mei humanissimi

Hummelbergii , quem vtinam contingat aliquando & videre , & alloqui. Nil mihi optatius eueniret vnquam. *Augustae* iam verfor , & hinc me abiturum puto ; cum neque sanitas , neque studium meum patiatur aulam diutius sequi. Quare *Michael* chariss. scribe nobis , quamprimum poteris. Tuus vbique sum , & gaudeo , me *Hummelbergii* , hoc est ; hominis & integritate , & eruditione prima niue candidioris , esse. Vale meum delictum. Ex *Augusta Vindelicorum* , Anno a nato Christo M. D. XIX. Mensis Augusti die II. Saluus sit meus atque tuus *Philo* , cui & aliquando *CAESarem* legendum exhibeas. *Grunnii Crocottae testamentum* , cuius *Erasmus* in *Moriae* limine meminit , & alibi diuus *Hieronymus* , *Listrius* non adducit , neque *Erasmio* , neque lectori , neque sibi satisfaciens. Ego *Moguntiae* in antiquissimo libro reperi , atque reperi summa cura exscripsi. Videbis & tu propediem ; vidisses iam , nisi me nuntii molesta celeritas , atque alii *sisyphii* labores interturbassent. Vale atque spera.

XXXII.

Michael Hummelbergius Rauenspurgens.

Ioanni Fabro I. V. Doctori S. S.

Quid est , optime *Faber* ! quod tibi cum *Rhegio* non conuenit ! Qua re ab illo laceffitus , aut violatus es , vt de ipso nunc adeo sinistrentias ? Credidi , hunc ipsum omnium fore gratissimum , erga te maxime , a quo innumeris affectus sit beneficiis ; & cui secundam fortunam suam cum primis debeat : atque , vt semper id ipsum credam , cogit me frequens ac hono-

honorifica , in eius ad me literis , tui mentio. Nusquam te nominat (nominat autem frequenter) quin Maecenatem & Patronum suum te appellet ; quod , mea sententia , oppido quam grati indicium est animi , & tibi admodum bene volentis. Quod si forte *Eccium* tuum iniuriola aliqua affecerit , id te alienare ab illo omnino non debet , vt tam sancte & pure cum *Rhegio* contractam amicitiam dissoluas : forte prior laesus est *Rhegius* , vt in *Eccii* dorso iustius haec cudatur faba. Proinde tui sit officii , qui aequae vtrumque amasti , aequae ab vtroque ornatus es , vtrumque alteri reconciliare , & , quid quid diffidii causa est , penitus e medio tollere , quod te pro singulari tua humanitate facturum non dubito. *Dialogum Contzi & Fritzii* necdum vidi ; si tu habes , mihi legendi copiam facito. Non facile illorum sententiae accefferim , qui hunc *Rhegio* ascribunt auctori. . . . Vale feliciter. Rauenspurgi. Kls. Augusti Anno M. D. XXI.

XXXIII.

*Michael Hummelbergius Claudio Pio Peutingero
Augustano S. S.*

Impetrasti a me , quod tantopere postulasti , mi *Claudi* ! Piissimum parentem tuum multis nominibus amo , & quidem vnice : te etiam , quod non tam ingenii felicitate , quam animi candore patri similem fore sperem , non minus amo. Si quidem litteris tuis tale ingenii & animi specimen praebes , vt qualis ipse futurus sis , praesagire haud difficile fuerit. Proinde , studiosissime *Pie* ! bonas litteras , quibus destinatus es , pietate adorna , & pietatem bonis litteris

adiuta : & ita semper age , vt talis aliquando sis , qualem te nobis pollicemur. Hoc opus tuum , hic labor sit , vt pia eruditione & erudita pietate atque pura & sincera fide indies magis magisque clarescas. Ita nimirum toto pectore , toto animo te amplexabimur. Vale maeste virtute puer ! Rauenspurgi e museo nostro. VIII. Kls. Octobris. M. D. XXII.

XXXIV.

Michael Hummelbergius

Chuonrado Peutingero Augustano S. S.

Si quid in te contulimus officii , satis nobis gratiarum relatum est , vbi illud candido & sincero animo susceperis. Non enim , quod voluimus debuimusue , sed quod pro tenuitate nostra potuimus , fecimus , & id lubentissimo animo. Maiora sunt erga nos beneficia tua , quam vt ex aequo a nobis referri queant. Sed omnia apud bonos viros recompensat prona voluntas. *Claudio* tuo rescripsi , & paucis laudauit adolescentis ingenium , vt ad optima quaeque extimularem ; laus enim excitat , & gloria iuuat bonae indolis adolescentes. Pro aetatula sua satis & eleganter & erudite scribit , & spem de se praebebat maximam , quod in magnum crescat virum , & sese nusquam , & nunquam sit neglecturus. Vellem te *Marfilium Patauinum de Imperii translatione* , cuius libri in *pacis defensore* idem meminit , impressoribus demandare excudendum , aut *Basileam* misso libro id muneri *Her. Buschio* commendare , qui *pacis defensorem* , prologo adornatum , a plerisque omnibus inuulgasse fertur. Quod vero hortaris , vt *Erasmum*

rasmum tuo nomine *Augustam* inuitem, non tam diligenti opera, quam lubenti animo facerem, nisi iam *Basileiam* X. Kls. Octobr. rediisset. Aderat, assiduus huius itineris comes, *Beatus* noster *Rhenanus*; is, dum *Constantiae* essent, omnem operam impendit, vt *Erasmum* ad videndam *Augustam* pelliceret, sed nihil effecit. Laborat lithiasi *Erasmus*, & iam *Constantiam* venisse nonnihil ob morbi molestiam dolebat: nihilque adeo, vt ad *Basileam* reditum, meditabatur, vbi fumaria haberet sibi accommodatissima; nam hypocausta abhorret maxime, ipsis non asuetus. Dum ab Episcopo nostro inuitatus esset ad prandium, & fumarium in palatio non reperisset, molestissime tulit, & poenituit morem gessisse Episcopo. Hospitem autem habuit pro animi sui sententia iucundissimum & liberalissimum D. *Ioannem Botzhemum*, Canonicum *Constantiensis*, studiosorum Patronum, omnium horarum virum; cuius praecipue gratia *Constantiam* venerat. In istius aedibus pauci admodum familiarissime utebamur *Erasmio*, quibuscum vicissim etiam ipse vnice delectabatur. Vale feliciter, pridie Kls. Octobr. M. D. XXII.

XXXV.

Michael Hummelbergius

Conrado Adelmanno Canonico Augustano S. S.

Salutem in Christo Iesu, vt vero, ita vnico saluatore nostro! Luctuosa epistola tua, *Conrade*! qua te piissimo fratre *Bernardo*, & me candidissimo amico orbatum scripsisti, multo more me adobruit. Non quia fratris tui, viri

vnde cunque christiani & euangelici, preciosam in
 conspectu Domini mortem lugeam; sed quod
 nostrum casum, quo tantis deliciis nos orbatu fu-
 mus, dolenter feram. Miselli nos! qui multa
 nobis in hoc saeculo pollicemur, & ne tantil-
 lum quidem possumus, ut ad nictum oculi a
 nobis μῦθον abigamus; sed illa imperante actu-
 tum, velimus nolimus, sit eundem. Nunquid
 putas nos κατὰ τὸ σῶμα aliud esse πλὴν εἶδωλα, ἢ
 κόνιν, ἢ κούφην σκίαν, ὅσπερ ζῶμεν. Vere dixit il-
 le: *Omnes una manet mors.* Et: *Calcanda semel
 via lethi, serius ocus.* Non eruditio, non pie-
 tas moratur indomitam mortem; si mors est,
 & non potius vita, qua non tam corpore mori-
 mur, quam spiritu renascimur: & qua christia-
 nus spiritus suo carcere egressus, & e tetro squal-
 lore liberatus in lucida abit regna; quo & *Ber-
 nardum* nostrum abiisse, habeo persuasissimum
 certissimumque. Nam innocentia, pietate, at-
 que fide in Christum adeo praemunitum fuisse
 scio, ut hoc ipso praesidio omnia aduersa, pec-
 catum, mortem, & totam tartaream carnifici-
 nam strenue deuicerit, ac triumpharit. Quare
 non mortem obiisse, sed, ea deuicta, vitam il-
 lam veram & aeternam adiisse existimandus est.
 Dixit enim, qui mentiri non potest, Christus:
*Qui credit in me, etiam si mortuus fuerit, uiuet,
 & omnis, qui uiuit, & credit in me, non mo-
 riatur in aeternum.* Hoc ipsum verbum iam te
 soletur, ut, quum carissimum fratrem tuum ve-
 re nunc cum Christo viuere scias, non tristeris
 ullo modo, quin gaudeas potius, ei vitam es-
 se Christum, & mortem lucrum. Tantum nos,
 qui adhuc in carne sumus, enitamur, ut dignum
 est Euangelio Christi, conuersemur; ut, cum
 vene-

venerit Dominus, nos ad suum tribunal euocaturus, simus parati, & charitatis operibus, quibus fidem nostram commonstrêmus, adornati. Praeterea, mi *Conrade!* nihil abs te peto, nisi vt me, quod facis, mutuiter ames: & subinde tuis literis, & nonnunquam nouis libellis, siqui erunt, oblectes. Ego vicissim dabo operam, vt nihil in me desideres, quod sit veri amici munus. Vale feliciter. Rauenspurgi XIII. Kls. Ianuarii M. D. XXIV.

XXXVI.

Michael Hummelbergius Rauenspurgens.

Chuonrado Peutingero. Augustano S. S.

Bernardi Adelmanni viri integerrimi obitum magno dolore abs te, & *Conrado* accepi. Quam ille me amarit, crebrae literae omnis humanitatis plenissimae indicant: multi etiam libelli dono missi eius, erga me beneficentiam obseruantiamque cumprimis testantur. Iure igitur tam carum amicum, mihi sublatum, doleo: cuius nunc tanto maiore desiderio teneor, quanto in me amando & obseruando fuit diligentior; sed haec nobis lata est lex: Nascimur, vt moriamur; morimur, vt renascamur. Omnia in Domino facimus, quique voluntatem Domini & agnoscimus, & lubenti animo facimus. Porro *Epitaphium*, quod amico nuper vita functo hodie feci, *Conradus Adelmannus*, si voles, pellegendum exhibebit. Id arbitror tibi placiturum: Oblectaris enim his amice, quae ad antiquitatis imitationem sunt efficta. Volui cumprimis, isthoc extremo in *Bernardum* officio meo, *Conradum* etiam mihi demerere, & obligare,

in cuius gratiam & consolationem non minus ,
quam fratris laudem & gloriam scripsi. Deus
Opt. Max. te , & coniugem tuam , atque sobolem
incolumem perpetuo seruet in fide & charitate
Dei & Domini nostri Iesu Christi. Plurimam
salutem tibi ascribere me iussit parens meus ,
tui amantissimus. Vale feliciter. Rauenspurgi
XII. Kls. Februarias. M. D. XXIV.

XXXVII.

Michael Hummelbergius R

Conrado Adelmanno Can. Aug. S. S.

Si quid mearum in scriniis *Bernardi* fratris
reperitum fuerit , rogo , laceres , vel exuras , ne
in aliorum manus deueniat. Iusto liberius &
acrius nonnunquam cum amicis ludo , quod
maleuoli viri litigatores facile possent calumniari.
Non autem meas ineptias tanti facio , vt pu-
tem eas , tanquam cedro dignas , a fratre tuo
conseruatas ; sed solet hoc candidus amor face-
re , vt amici aliquando *σχεδιασμα* , & rudissime
scriptum , velut margaritum quoddam recon-
dat literario thesauro. Praeterea scripsi fratri
tuo *Epitaphium* , non tam in eius gloriam , quam
gratiam & consolationem tuam ; quo me rem ti-
bi gratissimam fecisse ratus sum. Atque hoc po-
stremum meum in *Bernardum* officium est , non
quod eius apud me peritura sit memoria , sed
quod in posterum commemoratio intermittenda
erit. Vale.

Bernardo Adelmanno Epitaphium posui.

Deo viuenti sacr.

Bernardo Adelmanno

Canonico Augustensis Ecclesiae

Nob.

Nob. Familiae ab Adelmansfelden
Immortali Decor.

Viro non minus ingenio & eruditione
Quam innocentia & vitae sanctitate claro.

Insigni praeterea pietate ac fide
Deo longe carissimo.

Michael Hummelbergius Rauenspurgenſis
Amico incomparabili & bene merenti poſuit,

Qui vixit ann. Menſ. D.

Obiit diem ſuum, per Chriſtum in
Coelum euocatus

Ianuarii

Anno Salutis M. D. XXIV.

Imp. Caef. Carolo V. P. F. Aug.

&

Clemente VIII. Pont. Max.

Florentibus.

Debetur terrae corpus, ſed ſpiritus aſtris,

Hinc fato raptus ſoluis vtriſque ſuum.

Rauenspurgi XII. Kls. Februarias.

XXXVIII.

Beatus Rhenanus

Michaeli Hummelbergio ſuo S. P. D.

Tu vero *Michael*! quid agis? Vbi thorax aeneus, vbi lancea, vbi parma, vbi gladius? vt in acie glorioſe ſtare poſſis aduerſus Nobiles & Principes. An ſolus ceſſas? an non de illorum es numero, qui Euangelium armis vindicandum cenſent? Equidem hic ſacerdotes ruſtica-

sticanarum cohortium & duces fuere , & signiferi ; queruntur passim de contemptu , qui sacris sunt initiati ; an vero non magnus honor , gestandi vexilli dignitatem concedi sacerdotibus ? Desinant igitur nobis queri posthac , nullam sui prorsus haberi rationem , non secus ac olim *Megarensium* , ut est in prouerbio. Nimum illi , nimium (de malis loquor) potuerunt , & quibusdam in locis adhuc possunt , digni , qui in longinquas ac desertas insulas deportentur ; quando nil aliud spirant , quam seditionem , praedam , & odium in eos , qui praesunt. Sed absit , mi *Michael* ! ut illius sceleratissimae factionis vnum te putem ; qui norim multorum annorum experientia ex contubernio , quam vir integer sis , & amans honesti. Fauisti hactenus non nihil *Luthero* , ut fecerunt boni omnes , videntes mundum rectis viuendi regulis collapsis penitus , emendatione opus habere , correctioneque multarum rerum , de quibus Vir ille fortassis nimium acribus libellis populum monuit. Verum postquam res ad rabiem , & molestas ac insanas altercationes venit , scio te , qua es prudentia , tuum tibi iudicium seruasse , quo plurimum polles propter indefessam operam , quam diu noctuque euoluendis veterum monumentis impendis : quo minus opus est , ut te moneam , quam caute & circumspecte sit agendum in hac misera rerum turbatione. Video quosdam nimium pertinaces etiam in leuissimis rebus. Sic *S.* noster maluit nuper dimittere ludum , quam templum circumire dominicis diebus , qui ritus tamen antiquissimus est , referens nobis Christum , liberatis patribus , ab inferis reducem. Mirum est , vnde quibusdam tanta pertinacia inolecat.

lescat. Desidero nunc in plurimis prudentiam, & pridem desideravi: sed illi spiritum sequendum distabant, humanam prudentiam execrantes. Inter eos, qui sub Euangelici nominis praetextu impostores agunt, primas tenuit *Io. Iacobus Schutz*, qui *Sletstadiensi* senatu pessimo calumniandi genere insidiatus est. Nec arbitror te eius tragoediae ἀνέκον. Mitto *Inscriptionem*, quid gestum sit, edocentem: Mittes vnam *Peutingero*, & vnam *Io. Auentino* Chronicario Ducum *Bauariae*; nam cupio, rem illis esse notam. Saluta Doctorem *Gabrielem* fratrem tuum, & Doctorem *Ioachimum* viros eruditissimos. Conuenit me superiori anno quidam adolescens literatus (vt videbatur) *Argentorati*, asserens, tuas ad me literas se *Basileae* reliquisse apud *Frobenium*; at hic postea negauit, se accepisse quidquam. Quare nihil ad illas respondere potui. Veteres Medicos de herbis scribentes, inter quos est *Antonius Musa* (si titulo credere libet) vidi tantum semel in monasterio *Medianensi*. Quod si haberem, libenter fratri tuo *Gabrieli* communicarem, qui id a me literis contendit: monebis illum de hac re. Bene vale, mi *Michael!* *Basileae*, Calendis Septembribus, Ann. M. D. XXV.

XXXIX.

Michael Hummelbergius Rauenspurgens.

Conrado Adelmanno ab Adelmansfelden Sal.

Literas tuas, XII. Augusti scriptas, XXIX. eiusdem recepi. Non alia meae cessationis causa est, quam tuae: deinceps forte per publicam tranquillitatem, & frequentiores tabelliones licebit saepius scribere, Suppresso etenim rusti-

rusticorum furore & seruili isto tumultu , & incendio extincto, apertae erunt publicae viae , & libera tutaque nunciorum peregrinatio. Atque vtinam faxit Deus , *faciens pacem & creans malum* (quod ille dixit) vt nobis & communi patriae prospera sit haec de *Cyclopica* turba victoria ; & erit profecto , si procures vtantur victoria : sin vero abutantur , timendum , ne *Cadmea* (quod dicitur) futura sit. Agnoscit iam , opinor , suam temeritatem & stultitiam rustica progenies , licet sero , post acceptam cladem : & iuste imperata facere non recusat. Vtinam & Racematores quidam , qui in deuorandis pauperum sudoribus nihil reliqui faciunt , suam tyrannidem & auaritiam simul agnoscerent ! nam multi ex illorum numero sua rapacitate ansam dedisse videntur huic rebellionis & tumultui , vt vtrunque iniustitia & iniquitas meruerit Dei flagellum. Poenas luerunt rustici : procures videant , non tantum vt non saeuiant crudeles in subiectos ; sed etiam vt iniqua onera & iniustas exactiones , si quae sunt , tollant , & non reducant populum in *Aegyptum* , equitatus numero subleuati ; ne pariter incidant in manus Domini , qui , cum surrexerit ad concutiendum terram , non minus magnum & potentem , quam paruum & inopem perdere potest. Quod de *Erasmo* petis , absoluit (vt audio) insignem librum , quem *Linguam* inscripsit : hunc neque vidi , neque compertum habeo , typis excusus sit , nec ne. *Parisienses* theologi *Erasmum* editis libellis feruntur variis conuiciis conspuisse ; quibus nunc respondet , & ostendit , quod non sit edentulus ipse. Si quibus apud vos eius Viri vilescit autoritas , ii non intelligunt , quantum suis scriptis profuerit *Germaniae*.

Multi

Multi eiusmodi sunt ingenio , vt , si eruditissimos optimosque viros aliqua nota vel efficta contaminarint, inde famam aucupari, & clarescere velint , nobilesque fieri in bonorum oblocutione. Certe nouit *Erasmus* , vir omnium saeculorum memoria dignus , quid agat , quid scribat ; tametsi non omnibus placeat , quibus ad contentiones & pugnas semper ferox est animus : nouit (inquam) cur omnia faciat , & rationem factorum reddere potest non despicabilem. Quid vero consilii animo gerat, non cuiusuis est coniicere. Bonorum virorum est , bene sentire de isthoc homine , cuius praecipuas animi dotes tum agnoscemus , cum amiserimus ; si amitti potest , qui etiam post sua fata animi sui imagine , hoc est : luculentissimis scriptis inter studiosos perpetuo versabitur. Si quae tibi vel *Martini* vel *Philippi* ad bonae memoriae fratrem tuum sunt epistolae (vt videtur) me earum participem fieri velim , si non autographorum , saltem exemplorum earundem. Si quid visum fuerit , & a te desideratum , vicissim ego te istius ad me literarum participem facere non grauabor : idque ita , vt vtroque alienis careant lectoribus , si quid forte in illis inesset , quod publicum fieri non oporteret , deberetue. Quidquid igitur eius rei miseris , bona fide recipies , si vero nihil ob iustam causam aliquam , tibi non succensebo. Quod apud *Heluetios* quosdam & superiores *Rhetos* se rebaptizant nonnulli , pura puta insania est , & *Picardius* error , quem gloriosis quibusdam rerum nouatoribus , omnia Satana autore turbantibus , debemus. Si *Abrahami* semini administrata circumcisio , Evangelii signum , efficax fuit : quid prohibet puerorum

rorum baptismum efficacem esse , vt adultos de-
nuo oporteat rebaptizare ? Poteſt certe Spiritus
ſanctus etiam in eo eſſe , qui necdum per aeta-
tem ratione vti poteſt : vt in nonnullis fuiſſe
Scriptura teſtatur. Vale in Chriſto Ieſu ſemper
feliciffime. Rauenspurgi, pridie Nonas Septem-
bris. A. Domini M. D. XXV.

X L.

Michael Hummelbergius Chuonrado Peutingero
S. S.

Schedas hiſce litteris meis incluſas *Rhenanus*
ad me miſit , vt alteram tibi , alteram *Auenti-
no Bauarico chronicario* transmitterem. Ego tibi
ambas mitto , vt alteram cures *Auentino* red-
dendam. Forte cupit *Rhenanus* pro ſuo erga pa-
triam amore & reuerentia id facinus hitoriis
demandari , vt vel poſteris clareſcat innocentia
ſuorum ciuium , & abſtergatur falſo iniuſta pro-
ditionis nota. Cuique enim a iſcalumniā ſua
patria tutanda eſt. Vale feliciter. Ex Vber-
lingen , menſe Septembri. M. D. XXV.

X L I.

Michael Hummelbergius
Beato Rhenano ſuo ſalutem.

Celticum ἱδοιπορικόν *) omnino non eſt , quod
ἱδοιπορικόν allegat. Vnica tabella eſt membranea
longitudinis XVIII. ſoliorum papyri. Ciuitates ,
flumina , montes & itinera non modo ſcriptura
ſignata , ſed etiam pictura habet notata. Supe-
rioribus annis , praefente diuo *Maximiliano* ,
Orator Regis Gallorum pro hac tabella *Peutin-
gero*

gero obtulerat LX. Coronatos ; cui ille : Placerent quidem coronati nummi , sed vetustatis hoc monumentum magis placet , quam vlla pecunia , qua vel aestimari possit vel vendi. Collaudauit Caesar & responsum , & *Peutingerum* munere donauit caesareo. Vide nunc , mi *Beate* , quum ille tam carum habet monumentum hocce , num speres me impetraturum. Profecto mihi res difficilis apparet. Non lubens illud viarum periculis committet ; qua etiam causa , si vel ipse impetrauero , non licebit tibi tam longe dissito transmittere. Caeterum curabo modis omnibus , vt impetrem , impetratum longius non mittam , ne fidem meam labefactem ; sed accurate transcribere , transpingereque enitar , nam videor artem nosse , qua id ita examussum efficiam , vt ne latum quidem pilum a linea aberrem : quod vt factum fuerit , tum eius exempli per me particeps fieri poteris. Cur autem tu non inuisis *Augustam* , vt antiquitates illorum & *Peutingerum* ipsum tui adeo amantem videas , & de facie cognoscas ; Esses profecto ei omnium gratissimus hospes , nam te singulariter amat , & veneratur. Nihil in intimis penetralibus & reconditissimis *χειμηλίσκος* habet , quod tibi occuleret , vir adeo humanus. Est & vrbs ipsa visu admodum digna , non tam ob praeclaras aedificiorum structuras , quam insignes eruditione , & pietate viros , & celebratissimas Bibliothecas ; quae omnia non mediocri voluptate te , scio , afficerent. Quae de *Io. Auentino* scripsisti , placuerunt ; facile persuadeor , eius chronographicas lucubrationes exactissimas & absolutissimas esse. Nam harum rerum ipse semper studiosissimus fuit sectator , etiam multis retro

O

annis ,

annis , dum *Lutetiae Parisiorum* philosophiae incumberet ; vt optima , & eruditissima quaeque ab eo expectanda censeam. Cur autem nos *Rhaetor* (vt vocas) puderet , nihil veterum locorum posse ostendere ; quum vetustis illis temporibus oppida ista , quae in multo sunt numero , nondum extiterint , paucis demptis. Nihil apud nos veram vetustatem refert , praeterquam informes aliquot turres , rudi & impolito filice extractae , quae antiquissima *Rhaetorum* monumenta arbitror. Has autem in pagis vicinis adhuc videre est. Praeterea vbi nominum locorum facta est mutatio , nec scriptis vsquam demandata , quis certo nouit , cui loco quod olim nomen fuerit. Diuinare hic potius licet , quam certo aliquid scire : fallaces sunt coniecturae nisi propinqua nomini nouorum accesserit allusio *Cetera desiderantur.*

*) Ne mireris , Lector ! *Hummelbergium* in his *Epistolis* suis tam crebro graecis tum vocibus tum sententiis vti ; quemadmodum enim is linguae huius amantissimus , sic & doctissimus fuit : adeo vt eius *Rudimenta* , scriptis consignanda , duxerit : quae an ipse ediderit , an primum post eius obitum vulgata sint , haud satis liquido scio. Anno certe 1534. *Michaelis* HVMMELEBERGII *Rauenspurgenfis* , *Epitomen Grammaticae graecae* , cum *tabula Verborum anomalorum* , excusam esse *Basileae* , apud *Heruagium* . in 8. chartis. 8. tradit *Conrad. Gesnerus* in *Bibl. uniuers.* Tom. II. p. 512.

Si quaedam, occurrunt in praemissis Epistolis Lector! quae tibi aut dure, aut perperam, aut male scripta esse videantur, pro tua eruditione & aequitate aut bene interpretare , aut corrige, aut reice omnino.

CON.

CONRADI PEVTINGERI

EPISTOLAE

AD VITVM BILDIVM
COENOBITAM SAN - VDALRICANVM
AVGVSTAE.

I.

Charissime Vite ! Mitto tibi Dictionarium *Alberici Rosarii* : Nomisma *) *Herculis*; & Bullam *Leonis Papae* Vale.

Tuus Peutinger.

*) *Est hoc Numisma , de quo Conradus Peutinger scripsit, Commentationem , a me Cap. II. Vitae Eius §.IX. No. XII. memoratam; id quod patet ex Responsione Viti Bildii , anno 1514. scripta.*

II.

Ego , ad Te omnia quae miseram , non petiui. Volui *Nomisma* , & quid de illo sentiret , vt rescriberem Caes. Maieitati. Et mentem meam ab exemplo tibi transmitto. Tuum erit , vt rogo , singula vel bene prospicere , vel si non placeant despiciere , vel confodire velis. Expunge & adde ; singula remittas cito , & si quid ex me volueris , iube Vale & rescribe , iterum rogo.

Tuus Peutinger.

III.

S. Nurnbergae cum obtulerit *Schonerius* globum : nec ad me de exoluenda pecunia verbum fecit , sed solum quod ordinares eum , qui acceptaret ; attamen consilii mei esset , vt ad eum tuas exhortatorias litteras dares : quae in eum contuleris , admoneres : simul quod sponte promiserit. Si bonus est , fidem adseruabit ; sin lingua varius , saltem hominem , cui postea fidendum minus , cognosces. Dato ergo ad hunc litteras , & serio plenas. Interim vale. Ego , valetudine pedis aduersa restitutus , iam capitis dolore laboro. Ita misera hominum conditio ! Tu denuo vale *).

Tuus Peutinger.

*) *Scriptum fuit hoc Epistolium anno 1523.*

IV.

Charissimo D. Vito Bild , Amico praecipuo.

Salue in Christo , *Vite charissime* ! Quod philosophi tui *Ioannis Gereonis* super hoc anno vigesimo quarto supra M. D. iudicium ad me misisti , tibi modo ago , & in posterum habebo gratias. Congratulor vtcunque eruditioni optimae , is tuus *Gereon* quisquis est ; Non fucate , non temerarie , non friuole , non nugaciter , vt pleisque ; sed potius ita scripsit , vt taxari atque reprehendi merito non possit. Quoniam autem Coniunctionum illarum de anno salutis LXXDC. recordatus est , ad historiarum plerosque Scriptores me compulit ; qui tamen tempore illo , de inundatione aliqua facta , dicunt nihil ; quod & hoc mense Februario plane cognouimus. Mathematicos istos indoctos ! non omnes , sed quosdam male supputantes audaculos , qui vulgo in-

indocto nugis suis non solum timorem incusserunt; sed & diuinæ potestati laqueos, licet falso, ponere attentarunt. Scriptum est: *Non est vestrum nosse tempora, & articulos temporum, quos Pater in sua constituit potestate.* Sed de praeteritis agamus. Clarissimus *Ioannes Colerius* Praepositus Curienfis, vt solet mecum esse, rerum antiquarum studiosissimus his proximis diebus Indicem quemdam, charta pergamena scriptum, de ritibus orandi cantandique ecclesiasticis, vetustum admodum mihi commodato dedit: a casu de *Rogationum* diebus hunc legi, vbi multa de septiformi Litania; num *Gregorius*, an *Mamerius* has prius ediderit? Sed referam pauca, quae ibi comperi. Siquidem anno XV. *Zenonis* Caesaris imperii, quo *Mamerius* episcopus praedictus orationum *Rogationes* instituit, vsque ad nonum *Mauritii* imperatoris annum, quo diluuium magnum in finibus *Venetiarum* & *Liguriae*, totiusque *Italiae* factum est, quale post *Noë* tempus non creditur fuisse: & subsecuta est e vestigio pestis inguinarum, qua cum *Romae* populus pene deleteretur, *Gregorius* adhuc Leuita Litaniam maiorem indixit, *Pelagio* Papa peste hac extincto. *Matthaeus Palmerius* Florentinus in *Supplemento ad Eusebii Chronicon* hanc inundationem non in nonum, sed in septimum *Mauritii* annum (qui fuit salutis octuagesimus sextus supra D. ad Kalendas Octobris reiecit. *Paulus Warnesfrid* Longobardus, Diaconus *Foroiulienfis*, huiusue maxime inundationis in *Additionibus* suis ad *Eutropium* meminit; quam non ad Kalendas Octobris, sed ad XVI. Kalendas Nouembris refert. *Ioannes Platina* in *Pelagio* II. Pont. Max. hanc non praeteriit. Quare rogo, si commode poteris, pro solita tua

eruditione superscriptum octuagesimum sextum annum, & eius tunc caeli figuram siue thema, praecipue in mense Octobri, obserues, ac me certiore reddere, num tunc astra inundationem praescriptam significarint: & an non Coniunctio illa planetarum maxima anni septuagesimi, cuius *Gereon* tuus mentionem facit, inundationem aliquam perfecerit, vel ne? *Podagrae Birkemeri* nostri Exemplum ex *Nurnberga* petam. Vale, & me tuum diiudicato. Dictaueram has litteras vltima Februarii, sed postea negotiis pene obrutus mittere neglexi. *Carolus* filius infans has tibi reddere voluit, ac saepius rogauit, vt darem: sibi iniunxi, vt tibi peccata sua confiteretur; quem exhortare, vt faciat: ac puerum infantem sincere, vt decet, admoneas, ac cogas, vt referat, quae coram R^{mo} Cardinali *Campegio*, etiam armatus, latine dixerit. Caeterum me R^{do} D. Abbati commendes. Ex aedibus nostris. Et, cum hoc scriberem, conuenit me Venetus quidam plane eruditus, qui Doctorem Patauinum Theologum Minoritam; a Senatu Venetorum missum *Nurnbergam*, asseruit; quem post horam tertiam in hospitio conueniam. Tu vale &c. & nos valere, Deum deprecare. XX. Martii, salutis anno M. D. XXIV.

Tuus Chunradus Peutinger Augustanus, Iuris V. Doctor.

V.

Salutem, praestantissime *Vite*! Singulari amore filius meus *Carolus* te prosequitur, quod & magis augeat amorem, singularis tua humanitas & beniuolentia tua erga nos. Quod gratularis

laris mihi de nepote nato , tibi & gratias ago & referam. Verum vt horam natiuitatis eius plane perspicias , natus est die XVI. Martii ante horam duodecimam meridianam. Quare te rogo , astra ipsa calcules , & me de his certiore facias. Si quid vltra a me petieris , me tui obligatum prospicito , ac cura vt saltem vocatione mea in prandio tempore tibi congruo mecum esse possis. Vale.

Tuus Peutinger.

Prandium tuum in die Parasceues non , credo , lautum erit : si commode poteris , me conuenias ; donati quidem sunt mihi pisces optimi. *)

*) *Scriptum fuit hoc Epistolium anno 1525. vel initio anni 1526.*

VI.

Chuonradus Vito suo salutem. Apud *Plutarchum* in *Vita M. Marcelli* pleraque de *Archimede* , *Archita* , & *Eudoxa* de *Geometria* referuntur , & praecipue de machinis quibusdam & instrumentis , quibus magnum quiddam pusillis viribus moueri possit. Verum haec non plane intelligo ; rogo , *Plutarchum* eo loci legas , ac me doceas , quid sint illae machinae & instrumenta haec. Tu vale , & curato , vt aliquando confabulemur. *)

Tuus Peutinger.

*) *Hoc Epistolium scriptum fuit anno 1528.*

Ex scheda autographa Bibliothecae Collegii Augustani, quondam Societatis Iesu.

Chuonradus Peutinger Xysto Betuleio Amico & Municipi suo Salutem.

Legi heri Epistolam nuncupatoriam, quam *Erasmus R.* super *Paraphrasi* sua in *Marci Evangelium* ad Francorum regem scripsit; ubi in monendo christianos Principes, ne bella inter se concitent, inter cetera refert ex *Tripartita Historia*, monachum quendam, *Telemachum* nomine, ex Oriente *Romam* venisse, ac in theatro ad duos armatos (quorum vterque in alterius necem tenderet) prosilientem, occasionem Imp. Caes. *Honorio* Aug. praeuisse, ut ludum hunc gladiatorium cruentum aboleuerit. Ego historiam hanc, cursim (ut fatear) legendo pertransiui, nec *Telemachum* hunc, nec etiam *Honorii* super hac re Constitutionem compertam habui; verum in Codice meo Iustiniano *Libr. XI. tit. de Gladiator.* legem hanc obseruamus, & est Imp. Caes. *Constantini* Augusti: „ Cruenta „ spectacula in otio civili & domestica quiete non „ placent; quapropter omnino, gladiatores esse, prohibemus. „ Hinc puto, in *Historia* eadem *Libr. I. Cap. IX.* sub *Constantino* id actum fuisse; ita enim ibi scribitur: „ Apud Roma- „ nos autem tunc primum monomachorum spectacula sunt remota. „ Et *Libr. II. Cap. XVIII.* denuo habentur haec verba. „ Post haec igitur „ Imperator, curam maximam Christianorum „ habens, Paganorum superstitiones auersabatur, remouitque *μονομαχίας*. „ Aliter vero hac

hac in *Historia* non legi. An igitur *Erasmus* errauerit, vel ne, non plane intelligo; licet *Otho* Frisigiensis Episcopus in *Historia* sua *Libr. IV. Cap. XIX.* etiam ita scribat: „ Anno Domini „ CCCXCIX. *Honorius* Occidentis, *Arcadius* Orientis, XLII. ab Augusto, post mortem patris, Imperium fortiuntur, *Damaso* adhuc Romae, *Theophilo* Alexandriae, Hierosolymis *Ioanne*, *Flauiano* Antiochiae, *Nestario* Constantinopoli sedentibus. His diebus quidam monachus *Dirimachius* ab Oriente Romam veniens, cum gladiatorum ludum, vel potius (Religionis intuitu) insaniam sedare vellet, a circumstantibus lapidibus obrutus ac necatus est: quo comperto *Honorius* eum quidem inter Martyres numerandum censuit, ne phandum vero spectaculum huiusmodi de causa amputauit. „ *Othonem Andr. Alciatus* sic scribentem in *Iuris Parerg. Libro-II. Cap. XLV.* recitauit: & nihilominus superiori *Libr. I. Cap. XXII.* ita scribit: „ Deinde *Constantini* lege cruenta spectacula sublata sunt, & prohibitum, „ ne quis gladiatores habeat. „ Vbi vero *Erasmus* hoc, quod refert ex *Historia Tripartita*, congefferit, me latet. Quare te rogo, si in hac *Historia* per te ipsum, vel etiam per D. *Bonifacium* hoc, quod *Erasmus* scribit, comperitum habere potueris, me certiore facito. Non facile *Erasmum* errare puto; attamen ea, quae supra adnotavi, ipsi contradicere videntur. Tu vale, & aliquando me conuenire velis: iterum vale. Vides me, senem, adhuc in otio litterario versari; & denuo velim, vt hanc schedulam mihi remittas.

Tuus *Chuonradus Peutinger* &c.

S. in Dº

Ignoscat nobis , Tua Praestantia ! quod tardius respondemus. Impediuit me Comoediae negotium , quo miris modis distrahor. Contuli tamen cum D. *Bonifacio* , & inquisiuius diligenter. Sed quid nos inueniemus aliis studiis occupati , & ab historiarum lectione fere alieni , quod tuam diligentem sedulitatem , huic rei vni- ce deditam & vacantem , subterfugerit ? Suspi- camur , *Erasmum* (id quod *Gellius* & *Politianus* in *Cicerone* notarunt) memoria lapsum. Solent enim doctissimi Viri aliquoties securius prae magna eorum scientia adobrueri erroribus. Cae- terum Tuae Praestantiae nostram mancipamus operam , quacunque in re dabitur. Vale Mecaen- as clarissime !

T. Dignitatis
deditissimi *Bonifacius W.*
& *X. Betuleius.*

Communicata est a saepissime laudato *A. F. OE-*
FELIO haec *Bonifacii AMERBACHII* ad
Nostrum Epistola.

Salutem in Christo Seruatore nostro. Quod eti- amnum recte valet Excellentia tua , Claris- sime Doctor ! est , quod vehementer gaudeam : oraboque Dominum , vt haec valetudo tibi , op- time de litteris merito , sit perpetua. Liber He- braeus , quem heri ad me misisti , a *Chaim* (si quisquam alius) vero Israelita partim *Ulmæ* , partim *hic* excusus est : nec certum authorem prae-

praefert. Videtur enim non ab vno aliquo, sed pluribus, idque diuersis temporibus, confarcinatus. Continet autem orationes Iudaeorum plane pias & innocuas, vt puta ex Scripturis desumptas, quas singulis Festis & Neomeniis, adeoque per totum anni curriculum orare solent. Quare librum hunc haud indignum esse duxerim, quo Bibliotheca tua, optimis alioqui omnium tum linguarum, tum professionum auctoribus instructa, exornetur. Bene valeat Excellentia tua cum vxore & liberis, quos saluos esse cupio, meque dignationi tuae, ceu veteri patrono & amico, supplex commendo

Excellentiae tuae deditus

Bonifacius.

Ex Autographo (annexo *Macrobiani Operibus*. Coloniae. 1521.) in Bibliotheca Collegii Augustani quondam Societatis Iesu.

An Hansen Haller Goldschmid, mein guten Freundt.

Lieber Haller! besonders guter Freund! Ich hab zuv mermalen bedacht, so ir zuv mir kommen, euch einer Kunst halber, Gold belangent, anzureden; ist aber allvvegen auf Er. Ankunft in vergessen gestoelt vvorden; sonder angestern hab ich mit D. *Adolff Occo*, meinem lieben Herren und Freunde auch dauon geredt, und hat die Gestalt. *Macrobius* schreibt und anzeigt, das nit alle Hytze ainer gelegenheit und qualitet, sonder in dem unterschiedlich, das aine

aine gros , die ander klain sein , also ganz vvi-
dervvertig gelegenheit und qualitet auch , kein
veraynigung mit ainander haben; als das durch
offenbar sachen mag bevvisen vwerden : vwie dann
die Goldschmid das *Gold* zu *formieren* kein an-
der feur dan von Helm *) gebrauchen ; die-
vveil anderding die selb materi zu beraiden und
zu producieren ungeschickt zu seyn angefoehen
vwerden , die artz in bereitung und kochen der
arzneyen mer auf vveinreben , abschnitzen , oder
schnitlingen , vveder aus andere, ihr feur anschi-
cken. Die so die glefer schmelzen und bester-
cken , haben fleis ihre feur und dennselben zu
speyse von ainem bavvm, genant Mirica , zu be-
suechen. item die Hize vom ainem Oelbaum ,
vvievvoll sie den leibern und coerpern heylsam
sein , doch die dien Bedern auch die marbelstein,
die an ihren zusammen fuegungen aufzuloesen ,
schädlich ; also sich nit zu vervvundern ob von
vwegen die aygenschaft , die einem yedem in
sunder an ist , das die Hize der sunnen thört ,
und die Hize des Mons feuchtet &c. so schreibt
auch der haylig sant *Gregorius* , dem gerechten
vvird der sündler mit boesheit zugesuegt , vwie
im ofen dem gold die *halm* durch das feuer zuge-
thon , damit und dieeil die *halm* brinnen , das
gold gereinigt und purgiert vverde. Ist nun
mein frag , erstlich ob ir von solchen Goldfeur
ye gehoert habent , vvas auch solch *halm* , ob
die vom stro oder ainem andern gevvechs , ob
auch moeglich sein solt , durch bemeldt solch
fevr das gold abzutreiben oder geschmeidig zu
machen oder in andervveg zu reinigen , dann
die vvort . gold *formieren* und *producieren* , als
vvie die gold *bervuren* und *anseen* , ich in disem
fall

fall nit lauter verſtee. Damit Gott der herr unf alle in ſein Gnade beſolhen haben vvoelle.

Chuonrat Peutinger Doctor &c. &c.
mit meiner Hande unterſchriben.

*) Legendum : *Hälmen.*

NB. Verba Macrobi , quae huius Epistolae anſam dederunt, inueniuntur *Saturnaliorum Eius Libr. VII. Cap. XVI.* Gregorii verba habentur *Moralium Eius Libr. XX. Cap. XXX.*

INSCRIPTIONES CHVONRADI PEVTINGERI.

* * *

I.

Sigismundo Goffenbrot Patricio Augustensi, omnibus Patriae suae honoribus integerrime functo, qui vixit Ann. LVII. M. X. D. IV. Obiit Ann. Christi MD. pridie idus Septembr. Anna Roechlingerin Coniugi benemerenti fecit, & ſibi, quae vixit Ann. L... M... D... obiit Ann. Christi M. D.... *)

*) Exhibet hoc *Epitaphium*, partibus omnibus expletum, *Daniel Praschius* inter *Epitaphia Augustana T. I. p. 42.* nam *Conradus* noster illud scripsit *Sigismundo* quidem mortuo, vxore autem illius adhuc *ſup. ſtite.* Similiter *Epitaphium Vdalrici Schvarz*, quod *Praschius l. c. p. 43.* proponit, *Noſtrum* habet
autho-

authorem , vti liquet ex *A. iF. OEYELII Peuting-
rianis.*

II.

Diuae Mariae Virg. Ambrosius Iung Augu-
stenf. Medicinae Doctor Voti compos DD. Ann.
MDVI. VIII. Kls Nouemb.

III.

Diuae Mariae Virg. Ambrosius Iung Augu-
stenf. Medicin. Doct. Quod se precibus compotem
fecisset DD. M. D. VI. VIII. Kls. Nouemb.

IV.

Iesu Christo Sacrum
D. Maximilianus Ro. Caesar Augustus
ad III. idus Iulias a fundamentis
lapidem hunc primum posuit
Anno Iubileo M. CCCCC **).

**) Sic lapidem fundamentalem in Choro S. Vdalrici Au-
gustae inscribi optauit.

V.

Anno Humanae Salutis MDVI. VIII. Kls Iu-
nias Dnn. Iulio II. Pontif. Maxim. & Imp. Caes.
Maximiliano Aug. Inuisto Christianae Reipub. &
Heinrico Episcopo Ecclesiae Augustensi praesiden-
tibus Conradus Morlin Abbas turris huius lapi-
dem primum a fundamentis posuit, ***)

***) In Turri Chori S. Vdalrici.

VI.

Gentilicio stemmate vita moribusque nobilis
Karolus Wypfeld Eustettenfis Ecclesiae Cano-
nicus

nicus conditorio hoc situs est, Obiit MCCCC
XCI, XV. Kls Iulias.

VII.

Venerandae Vetustati. Imp. Caes. Maximilianus Aug. Cineres & Ossa Rom. apud Leibnicum effossa huc reponi iussit Ann. M. D.VI, XII, Kls Maii. ****)

****) *Graecii ad Ollas & Cineres, quos Leibnici effodimus.*

